

З.Шашкин

1 2010
22981к





„ЖАЗУШЫ“

ЗЕЙІН ШАШКИН

**ТАҢДАМАЛЫ
ШЫҒАРМАЛАР**

Алты томдық



ЗЕИИН ШАШКИН

ТАҢДАМАЛЫ
ШЫҒАРМАЛАР

Алты томдық



ҮШІНШІ ТОМ

ТЕМІРТАУ

Роман



Каз 2
III 32

Ш $\frac{0733}{\text{M} \ 402(07)} \frac{368}{74}$ 7 — 71

© «ЖАӘҮШЫ»

Бес нөрсеге асық бол,
Талап, еңбек, терең ой,
Қанагат, рақым, ойлап қой.
Аба й.

БІРІНШІ БӨЛІМ

I

Мұсін-сымбаты, қанат бітісі қарлығаш тәрізді «Ил-18» атанған әдемі де зор лайнер Қарағандыға жақындаған кезде қалың қара бұлттың арасына еніп кетіп, толқын соққан кемедей шайқалып, бұлтақтады да қалды. Самолет төмен түскен сайын бұлт қоюлана берді. Нажағай үйірген бишкітей аспанды осқылайды. Самолет іші де ағарып, күнге шағылысқан ақ қардай көз қариды.

Осы жарық, терең ойға шомған Дәмешті де сергітті; жан-жағына қараса, қатар отырған жолаушылардың да өнді бұзылып, бірі — алақанымен көзін басып, күбірлеп, алласына сиынып, енді бірі — алақтап терезеге қайта-қайта қарай береді.

Дәмеш те терезеге үңіліп, тұңғылқ шыңрауға көз жіберді: жер қарасы көз үшінә ілінбейді, қою қара бұлт лайнердің қанатына оралып, қозғалтпай тастаған сияқты бір орында түр. Нажағай да өшіккендей жиі-жиі атқылай бастады.

Кауіп күшейді. Жыландаі сұық үрей Дәмештің денесін тітіркентіп, жүрегін алқымына тықты: осылай аспанда қаза тапқаны ма? «Арманда кетті!» деп осындай өлімді айтады-ау, тегі...

Енді-енді жанды, енді құлады дегенде, үшқыш та жантасып, бұлт-булттың арасын қуалап, самолетті алып шықты. Заматта айнала жарқырап, көз үшінда қарайып жер де көрінді. Жүрек орнығып, көңіл жайланды. Жолаушылар да уң деп дем алып, біріне-бірі күлімдей қарайды.

Әне бір жерде жатқан белбеу — өзен, Нұра өзені емес пе?.. Белбеудің жағасында қарайған сіреңкелер — үй-ау? Қала енді алыс емес, жақын. Әне бір қол созым жерде көрін-

ген ақша бұлтты Дәмештің қолымен үстай алғысы кеп, құмартасты. Қандай тамаша, аппақ, ұлп-ұлп етеді, аумаған аспанға үйіп қойған ақ мақта!.. Самолет Қарағанды қаласының үстіне келгенде тұлкіге түсер қырандай төмен қарай қиялай зырлады. Аэропортты бір рет шыр айналды да, жер бауырлай қонды. Дәмештің жүргегі үзіліп бара жатқандай, бойы шымырлап, аяғына тірек таба алмады. Электр қуатындаі дene түршіктіріп соғып өткен үрейді шалдуар мінез — әуестік жеңді. Дәмеш терезеден аэровокзалға көз тастады. Қайсысы тосып тұр екен? Ораз ба, жоқ әлде Қайыр ма? Шарбақтан бері өте алмай бір топ адам тұр. Кешкі қара көлеңкеде кім екенін жөнді айыра алмады.

Жолаушылар дүрлігे түрегелді. Дөңгелекке отырғызған сатыны әкеліп, самолетке тіркеп те үлгірді. Жұрт түсе бастады. Жүк таситын қол арбаны сүйретіп, кеуделеріне номер қадаған жүкшілер де лезде қаптап кетті. Радиодан әйелдің ширақ даусы: «Алматыдан ұшқан 99 рейстің самолеті келіп қалды», — деп ескертсе, іле екінші баяу ерекк дауысы: «Азаматтар, қазір Қарағандыдан Қарқаралыға қарай 47 рейстің самолеті ұшады... Қамданыңыздар!» — деп шақырып та жатыр. Қарбалас.

Қарағанды аэропорты тоғыз жолдың торабы: Ақмола, Павлодар, Қостанай, Жезқазғанға да осы арадан ұшады. Әрбір бес минутта бір самолет қонып, бір самолет ұшып жатады. Дәмеш вокзал алдына жеткенше Қарқаралы, Баянауыл самолеттері бірінің артынан бірі көтеріліп, ұшып жатты. Гүрлдеген мотор даусы бүкіл аэропортты жаңғырықтырып, даңғаза — ес шығарады.

Шарбақтың аржағынан Дәмешке біреу қол бұлғайды-ау осы. Қадала қараса Ораз. Қайыр көрінбейді. «Директор» — үлкен адам курорттан келе жатқан Дәмеш алдынан шығып қайтсін. Эй, Дәмеш-ай, күтпейтінді күтіп, сүйгенді ернінен қағатын әдетің де бар-ау? Сөйткенше болмады, иін тіресіп тұрған халық арасынан біреу кеп, қолындағы пласмастан істелген елеуіш тәрізді тесік-тесік сумкасына жармасты. Сөзінен қолы бұрын жүретін Ораз екенін түсін көрмесе де қылышынан аңғарды Дәмеш.

— Сәлеметсің бе, Оразжан! — деп Дәмеш жымып, қеудесінде Герой ордені жарқыраған, талдырмаш, бүйра шаш, қара торы жігітке сүйсіне қарады. Сумкаға жармасып, еңкейген қалпы Ораз басын жоғары көтеріп, Дәмешке қуанышты көз тастады.

— Мұны өзім көтерейін, Оразжан, сен чемоданды ал!

— Чемодан қайда?

Ораз жан-жағына алақтап, дәл алдында тұрған чемоданды да көрмейді. Беймаза адамның қылышы: сөзі келте, қимылды орашолақ, әлденеге асығыс. Дәмеш көңліне секем алды...

Жүрт дүрбелең: жолдасы ма, досы ма, туысы ма, құрдасты ма, бірін-бірі құшақтай еміренісп, қарсы алып жатыр. Дәмеш сыйтылып, шеткөріек шықты. Қара сафьянимен тысталып, сарғыш былғарымен көмкерілген екі үлкен чемоданды көтеріп, Ораз жол бастады.

— Осы екі чемоданды сүйретіп, сонау Қырымға да бардың ба?.. Недеген ауыр — зіл ғой жатқан! Не бар ішінде? — деді Ораз таңданған пішінмен чемоданды салмақтап.

Дәмеш күліп:

— Ауырсынып келесің бе? Қазан-қазан құрыш құйсаң да, батырым, екі чемоданға әлің жетпегені... Ажар ас бермей, көтерем қылған ба өзіңді?.. Айтқандай, Ажар қайда? Неге келмеді? — деді.

— Үйін қағып-соғып... сен келеді деп, әбігер, ес жоқ!

Бұлар вокзалды кесіп етіп, қала жақ бетке шықты. Қазқатар тізілген шұбар бүйір таксилер бірінің артынан бірі сып етіп, оқтайдынып зыр етіп кетіп жатыр. Іретін тосып, әр нәрсені бір тамашалай қызықтап, жаңа өзімен самолеттен бірге тұсқен жолаушылар тұр. Біреуі Дәмешті көріп, «жолың болсын!» дегендей қолын бұлғайды.

— Сен өз машинацмен келдің бе? — деп Дәмеш Оразға бұрылды.

— Енді такси жалдар деп пе ең?.. Кәне, тура Теміртауға тартамыз ба, жоқ, біздің қайнагаларға кіріп тамақтанып, Қайырды тосамыз ба? О да осында. Обком шақырып, соған кеткен... — деді Ораз көк «Волганың» артқы есігін ашып, чемодандарды жүк артатын қоймасына салып жатып.

«Қайыр осында» дейді... Қарсы алуға келді ме, әлде өз бетімен жүр ме? Ораздан сұраса қайтеді? Жоқ...»

— Біз әне бір тұрған екі кісіні ала кетіп, жолшыбай қонақ үйге қалдырысақ қайтеді? — Дәмеш «Волгага» мініп жатып, москваулықтарға тағы да көз қырын тастады. Олар Дәмеш «қайтер екен» дегендей сынай тосып тұр. Ораз үнатпады ма, машинаның тұтқасына тұқырая береді.

— О кім еді?

— Жол серіктесі...

Машина зыр етіп, москвалықтар алдына кеп тұра қалды.

— Мініңіздер, қалаға барсаңыздар, ала кетейік! — Дәмеш есіктен басын сұғып, әдеппен жымып, мейманdos пиғылын сездірді.

— О, рахмет!

— Қонақ үйіне жеткізсеңіз болды! — деп екеуі кезек-кезек бірінің сөзін бірі бөліп, қоса-қабаттаса дабырлай сөйледі.

— Сіз қайда істейсіз? — деді Дәмешкө қонақтың біреуі.

— Теміртауда металургия заводында инженермін.— Эңгіме желісін Дәмештің өзі үзді, қала мен аэропорт арасындағы көпірдің үстіне шыға бергенде, балаша аһ ұрып, қала бейнесін тамашалады. Қонақтар да сөзді доғарып, қаланың кешкі көрінісіне көз жіберді.

Жаңа ғана самолет терезесінен Қарағанды қаласы бір-ақ уыс бол Дәмештің алақанына сиған-ды. Енді мынау: ұшықиры жоқ, телегей-теңіз, электр оты жарқ-жұрқ етіп, ашық аспандагы жұлдызыға ұқсайды. Қиялмен жарысады. Неткен зәулім қала! Машина жақындаған сайын қала да қойнын ашып, көшелері кеци береді. Бірі алдыңды орап, бірі тақымдай қуып, басып озып, енді бірі үзеңгілесе жарысқан көк-қызыл, қара машиналар. Машина ағызып доғадай иілген көпірдің үстіне шыға бергенде, көпір астынан вагондары тізбектеліп, пысылдал, паровоз да өте берді. Паровоз мұржасынан ұшқан көк түтін ертеңгі тұмандай «Волғаның» алдын орап, қарсы келе жатқан машинаны да көрсетпейді.

Жаңа ғана Дәмеш ұшып келгенде аспан ашық еді, лезде манағы қою қара бұлт қуып жетіп, жаңбыр сіркірей бастады. Өкпе тұстан соққан жел көмір шаңын боратып, көше ішінде құйын ойнады. Москвалықтарды апарып тастап, Ораз немерек қайын ағасының үйіне кеп түсті. Үй иесі шахтер сменаға барайын деп жатыр екен, қатқыл-салқын үнмен амандасып кетіп қалды. Жасынан адам қабағына қарап ескен Дәмешкө үй қожасы күрең қабақ сықылды көрінді. Кейде бір ауыз сөз түгіл, көмейден шыққан үннің ырғағы да талай сырды сездірмей ме? Әлде шахтердің үйіне қонақ жиі келіп ергашты қылған ба? Оған тұс беретін қазақ па, тәйір. Мұнда бір сыр бар!..

Дәмеш бұрышта тұратын шар айнаның алдына барды; тірсегіне түсетін көмірдей қара шашын тарқатып жіберіп, шапшаңдата тарап үлкен бір бұрым өрді де, қошқар мүйіз-деп желкесіне түйді. Ойы басқаға бөгелсе де, қолы шашын

бөгелмей өреді... Дәмеш айнаға тесіле қарап, өз өніне назар аударды. Самолет соққан ба, сагы сынық. Әсіресе, мөлдіреген бота көзі, әдеттегідей күлімдеп, жарқырамайды — тұман басқан күннің көзіндегі күңгірт тартқан.

Дәмеш айна алдында ойқастап, денесін де бір шолып өтті: нәзік мұсін курортта аздап толған сияқты, кеудесі де тырысладап шертіп тұр. Дәмеш бетіне жеңіл-желпі опа жағып, тұқырайып газет оқып отырган Ораздың қасына барса, үй иесі — жеңгесі ас үйде екен.

— Ораз, осы үйдегі ағай бірдемеге ренішті сияқты...

— Себебі бар шығар... — деді ол басын көтермestен. Дәмеш Ораздың дүдәмал сөзіне түсіне қап, елеңдеп, құлағын түрді.

— О не қылған себеп?

Енді Ораз да газетін қоя салып, оңтайланып, манадан бері қалай бастаудың ретін таба алмай отырган ба, әңгімесін қалтқысыз Дәмештің алдына жайып салды. Дәмештің «не қылған себеп?» деуіне Ораз таң қалады. Демалысқа кетерде бүкіл завод бастықтарын газетке жазып, ел-жүртқа мазақ қылған Дәмеш емей кім екен? «Директор ашық-ауыз»; «бас инженер көртартпа»; « завод баяғы атам заманғы техникамен әупірімдеп күн көріп отыр». Бұл ашы сөз қайсының жаңына батпайды дейсің? Қайыр шерменде. Оның өрен-жарандарының: жаңағы шахтердің шырайы езгеріп жүргені де сол болар.

— Неге өкпелемесін, мешкей деген жақсы атақ емес қой... — деп Ораз сөзін аяқтады. Қаперінде түк жоқ Дәмеш не дерін білмей дағдарып, Оразға бажырая қарай берді.

— Мақаланың астына менің атымды қойып па?

— Енді қалай?

Дәмеш қекесін күлкімен жауап қайырды:

— Әлгі орыс мәтелі: менсіз мені үйлендірді дей ме? Көрек десең мен ол мақаланы білмеймін де!

Ораз сенбеген пішінде теріс қарап мырс етті. Дәмеш те түсінді: жүрт аузына ілінген сөзді қисық деп дау айтЫП қара, кім ақымақ болар екен?

— Ораз, сен маған сенбей тұрсың-ау, ә? Адал сөзім — мен жазғаным жоқ!.. Курортқа жүрер алдында «Советтік Қарағанды» газетінің тілшісі әңгімелескен еді, тегі атымды сол қоя салған болар.

— Маған ақталып қайтесің... — деді де Ораз түрегеліп, ауызғы үйге барып тамақты әзірледті. Кім білсін бұл сөзде не мән бар екенін, әлде: мен саған сенем, аузыңды ауыр-

тып қайтесің дегені ме, жоқ, мен завод коллективі емес-пін, төрөші боп билік және айтпаймын дегені ме? Дәмеш өзін-өзі жақсы біледі. Ондай мақала жазу түгіл, ес білгелі бір адаммен тұс шайысқан емес.

Дәмеш жөнді тамақ ішпеді, шешіліп үй иесіне Ялтада көрген қызықтарын да айта алмай, сол жабыңқы қалпы машинаға отырып кете барды. Жолшыбай Теміртауға жеткенше қиял-ойдың тұтқыны болды да қойды.

Әй, Ораз-ай! Дәмеш ойна ортақ боп, жүрек соғысын кардиограммадай¹ оқып отыrsa, Дәмешті сонда білер еді ол. Егер ол мақалада, Ораз айтқандай: завод техникасын жаңартуды сөз қылса, оның не сөкеттігі бар? Атом ғасырында «есекке» мініп коммунизмге жете ала ма? Жер серігі... Қала берді, биыл, жыл басында аспанға Құн серігі де үшты. Ол аз десең, ертең Айға, Шолпанға саяхат етіп адам да барады... Есеп-қисап жасайтын машина бір тілден екінші тілге сөз аударып, ән салатын халға да жетті. Құн сәулесі электр қүшіне айналды. Баспаңдақтап ұшатын ракета. Атом станциясы. Атом күшімен жүзген пароход... Мұның бәрі адам өмірін жақартуға жасалып жатқан жоқ па? Еңбекбейнет зия болмай, рахат-қызыққа, өмірді ұзартатын құралға айналса, атам заманнан бергі адам баласының арманы орындалмай ма?

Дәмештің құрыш қорытушылар еңбегін жеңілдестудегі бірлі-жарым ойы, завод бастықтарының шамына неге тиеді?..

«Волга» Теміртау қаласына жеткенін, Дәмеш өз үйінің алдына кеп тоқтағанда бір-ақ білді.

«Қайран менің өз үйім, кең сарайдай боз үйім!»— деп бұрын тегін айтпаган-ау. Дәмеш Ялтаның тамаша санаторийнде дем алса да, Москваниң бай да, сәнді мейманханасында жатса да өз үйі — артық, көзіне жылы көрінді. Әсіреле әке орнына әке болған, ес білгелі маңдайынан сипап, мұсіркеп, бауырына басқан Құрышпайдың балаша жүгіріп алдынан шыққаны, неге тұрады? Дәмеш үшін бұл — дүниедегі ең қымбат, қол жетпейтін ардақ. Құрышпай Дәмешке жамағайын да емес, әйтеуір бір жақтікі, бірақ туыстап артық, әкесінің досы. Сол достығын ақтап, Дәмешке еңбегін де сіңірді. Сол еңбегін ұмытатын Дәмеш күнделік өмірдің балынан татып, ұшып-қонған көбелек дейсің бе?

¹ Жүрек соғысын жазатын дәрігерлік аспаб.

Құрышпай Дәмешті «қызыым!» дейді. Көңілі түскен кісіге сыйырлап: «Досымның қызы» деп те қоятын.

Досы кім? Ол кім болған? Ол жайында жұмған аузын ашпайтын. Дәмеш жабысып сұраганда не бар айтатыны: «Қайтесің, балам! Сыр сандықтың аузын мықтап кілтке сап бескітіп тастағам. Уақыт жетсе, өзің ашып оқырсың да, ту-сінерсің. Қазір ерте!» дейтін. Ол кезде Дәмеш бала еді, таңқалып, бұл сөздің астарына түсінбейтін. Тек соңғы жылдары ғана: «Дәмештің әкесі Сақа Сагатов бізбен бірге Жетісуда Совет әкіметін орнатысқан революционер еді. Қыын-қыстау тар жолда талай адамға қол ұшын беріп, өлімнен құтқарған ер азамат еді!» дейтін болды. Тап қазір тағамға толы дөңгелек столдың басына келіп ересек қызы Құрышпайдың мойнынан құшақтап, шалдың түкті бетіне тақап, еркелеген себебі де осы.

— Айналайын, сағынып қалдың ба? — деп Құрышпай Дәмешті арқадан қақты. Осы кезде төрт жасар Ораздың ұлы да кеп Дәмештің аяғына оралды. «Тәтелеп», бір ауыз сөзге сағынышын, балалық махаббатын сыйдырыды. Дауысы қандай сүйкімді! Дәмештің жүрегі елжіреп, баланы еріксіз жерден көтерді.

— Ой, тәтеңнің үстін былғап алма! — деген Құрышпай шалдың сөзіне мән берген ешқайсысы жоқ. Мәз-майрам. Ұлының қылышына сүйсініп, шаттана күлген Ораз даусы, алыс жолдан келген Дәмешті қуаныштаған көрші-қолаң, құрбыларының мадақ сөзі, күлкісі үйдің ішін басына көтерді. Бірақ Дәмештің жайдары көңілі сұрланып оқшашу тұрған Ажарды көргенде, су сепкендей басыла қалды: қатар ескен құрбысы, қазақ әдетін қуса — жеңгесі, неге Дәмешті қызықтамайды? Әлде сырқаттанып жүр ме екен? Дәмеш Болатты жерге қоя сап, Ажардың қасына барды:

— Ажаржан, неге көңілсізсің? Түсің бұзылып тұр гой? Ажар қабағын қайшылап: «жәй, әншайін, басым...» деп теріс айналды. Дәмеш сенбеді, елегізіп: «Сен не білесің?» дегендей Оразға қарады, бірақ, о да құбжендеп, төмен тұқырайды. Дәмеш ақ көңіл, жұрттың бәрін өзіндей көреді. Е, тапты! Ол тегі, ағасының жыртысын жыртып: «Газетке жазды!» деп намыстаннып жүр де, әйтпесе, Ажардың өкпелейтін реті жоқ, Ялтадан сәлемдемеге шашақты қызыл жібек төсек жапқыш та әкеп берді. Мұмкін шешесі де шайпау тілімен екі арага маздата от жаққан болар... Курортқа кетпей тұрғанда мұндай емес-ті, еркелеп, мойнынан құшақтап, мацайынан шықпаушы еді.

Дәмештің шырт етіп, көңілі бұзыла қалғанын шал да сезді. Оны аңғару — былайры жүртқа аса қынға түспейтін. Іштегі шер толқып жүрек кернегенде, Дәмештің сағы сынyp, жүдей қалады. Дәмеш мінезінің осы бір қырына өзі де риза емес, талай ұтылып, кейіс те көріп жүр. Үміт-тілегі, қапа-реніші де заматта жүзіне мөрдей басылады. Қаншама өзін-өзі тежеп, салмақты ұстаса да болмайды, білініп қояды, аққұба беті нарттай қызарып, дуылдай жанады. Бірінші бокалды көтере бергенге, салмақпен басып, Қайыр кірді. Өзіне-өзі сүйсінгендей кеудесін кере, онсыз да тіптік, сымбатты денесін катаита ұстап, еркін кірді. Дәмеш Қайырды көрсе, құрыстап, іштей таласа айтysатын әдеті. Қазір де оны көрген бетте: «Мақтаншақ!» деп күбір ете түсті.

Маңдайы кере қарыс, беті жалпақ, нағыз Арқа қазағының беті, ер мұрынды... демекші қырат мұрын. Осы бет бітісіне сәл сәйкес келмейтін аузы мен көзі. Аузы кішірек те, көзі томпақ; мұны Дәмеш оның бойындағы кемшілік деп табады. Қазір Дәмеш Қайырдың өткір көзінен жүрек түбінде жатқан оның жасырын сырның ұшқынын аңғарғысы келеді. О, ол сездіре ме?.. Эне, құнсыз күлкісіне сап, паңдана басып, Дәмешке жақын келді.

— Қуанышым қойныма сыймай, жүрегімді алақаныма сап, алдыңнан шыққанда, тоспай кетіп қалғаның не?.. Осынша құдым, жете алсамшы! — деді Қайыр шұбырта мәнерлей сөйлеп. Дәмеш бұл сөзді кекесін сияқты ұғынды: «Қуанышым қойныма сыймай...» деген сөз, саған онша зар болып отырғаным жоқ дегені де... Дәмеш жаңа ғана оның өкпесін тарқатып, жүрек түйткілін жайып-шумақ боп еді, енді шегіншектеп, тартынып қалды. Самарқау амандасты.

— Жоғары шық, Қайыржан! — деп Құрышпай да қалбалақтап, завод директорына өзінің орнын ұсынды. Қайыр қызға денесімен бұрылып:

— Менен хат алдың ба, Дәмеш? — деді.

— Жоқ?..

— Ол қай жерде қалды екен? Бір жағынан алмағаның да жақсы болған. Алған күнде осы стол басында қатар отырып тاماқ ішүің де негайбыл еді.

— Ондай хатты жазуға батылың жетсе, айтуға да аузың барап! — Дәмеш әзілдей айтса да беті қызарып, қысылып отырғанын сездіріп алды.

— Аузымды қышытып қайтесің, Дәмеш! Көңілің қалар...— Қайырдың сөзбен матап, беттептей, ықтатып ала-

тын әдеті бар да. Соған көшкендей. Оп-оңай сөзін жіберіп, ықтай қоятын Дәмеш және жоқ. Кімнің пысы жеңеді, оны болашақ көрсетер...

Екеуі қақтығысып, шекісіп алды. Дәмеш те, Қайыр да алдарында жайнап тұрган: сүйк қазы, майлы қарта, ісі мұрын жарған қүрең бәліш, қыстан тұздалып аман шыққан қып-қызыл қарбыздың бірінен ауыз тиген жоқ. Қебік атып тепшіп тұрган бокалдағы шампан орталана берді де, Ораз оны еселеп құя берді.

— Қарағым, жесейші! Жолдан не тамақ іштім дейсің? — деген Құрышпайдың сөзі ғана Дәмешті қалпына келтірді. Рас-ау, Қайырдан қысылып қайын атасы ма еді соңша? Дәмеш қатая ысынған денесін босатып, жайлана отырды. Тамақ желінді. Бокалдар тұбі қағылды... Жарыс сөз, дұман қызды, бірақ балалы үйдің әдеті емес пе, төрт жасар Болат Қайырдың көк, ақ сүр люкстен тігілген костюмін жүгіріп кеп майлы қолымен баттастыра үстай алды. Қайыр тыжырынып, атып тұрды:

— Экетші мынауынды! — деді Ажарға ала көзін қадап.

— Нагашысына жасаған жиендігі де, бір костюммен құтылсаң жаарар еді... — деп Құрышпай мысқылдай құлді.

— Сізді сыйлағандықтан Құр-аға, әйтпесе...

Қайыр сөзін Ажар орындағы — жалмажан жетіп барап, құйрықтан шапалақпен салып қалды. Болат кемсөңдеп шалға қарай ұмтылды.

— Тиме! Неге тиесің, балама! — Құрышпай келініне зекіп, баласын бауырына қысты.— Эй, бәлем сені ме! Тұра тұр!

— Шал мен кемпір тұрганда балаларға тәлім-тәрбие беру қын.— Қайыр үстін сұртіп, терезенің алдына барды да, қалтасынан шылымын шығарды.— Қымс етсе арасына түседі... Бокта! — деп боғауызға үйретеді...

— Бас жаққа барысып қайтеміз, құда бала!.. Сені де сондай шал мен кемпір есірген шығар,— деді Құрышпай қарсы дауға дайындалған адамдай қомданып, иығын күжірейтіп.

«Ерегіс десе Құрышпайдың кәрі жыны қозады» деген құрдас шалдардың сөзі Дәмештің есіне тұсті. Шал Қайырдың кезек сөзін күткендей, елегізіп бір жамбастай отырған кейінен даудың бітпейтінін Дәмеш сезді де, Қайырды балконға алып шықты. Қонақ үйдің балконы көше жақта. Қала халқы кешке таман бүршік жарып хош иіс шашқан резеда ғұліндей, кешкі салқында әдемі күнген, жұпар исін

бүркыратып, пар-пардан ағылып жатыр. Кейде дабыр-дұбыр, шатты-сылқым күлкі де қосылады.

Қызылды-жасылды электро отымен жазылған сәнді жа-зулар мәдениет сарайының маңдайында бір сөніп, бір жа-ғылып, алыстан көз тартады: «Мәдениет университетінде erteң кешкі сағат жетіде музика факультетінің оқуы бас-талады» деген сөздің бір жолы қызыл, енді бір жолы көк түспен жазылады.

— Қөрдің бе? — деді Қайыр отты қолымен нұсқап.

— Қөрдім. Не демекшісің?.. Менің істеткенім деп, мақтанбақсың ба?

— Мақтанса ше? — Қайыр да ілгіштей сұрағына сұ-рақпен жауап қайырады.

— Мақтанудың аяғы дандайсу... Одан культтің де аулы алыс емес.

— Культ дегенді ұмытсақ дейім. Ескі жараның аузын тырналай беріп қайтеміз.

— Тырналау емес, достым. Адам өмірден сабақ алады, үйренеді. Біз ол сабақты ұмытпауымыз керек. Сен сынауды — «жара тырнау» деп ұқсаң, ол — жақсы директордың қылышы емес.

— Саган жаға алмадық-ау, әйтеуір... Заводқа келмей жатып, шулата, газетіңді ала келдің. Мен бір саган жат адамдай... — Қайыр өкпесін наз түрінде айтам десе, тілі құр-ғыры астарлы майда сөзге үйренбеген, кекесін тәрізді шықты.

— Қайыр, сенсек, мен сол мақаланы білмейім де.

— Шын ба?

— Шын.

— Қой енді, жасырма!.. — Қайыр күлімсірей қуана қа-райды Дәмешке. Алакай-ай! Дәмеш жазбаса еken. Жақсы көрген адам газетке жамандап жаза ма?.. Егер, шын болса — сүймегені... деген ауыз айтпаған ойды Дәмеш сол бір сэт Қайырдың қуанышты көзінен анық оқыды. Жүргі шы-мырлап аяғандай болды.

— Қурортқа жүрерде, «Советтік Қарағанды» газетінің тілшісі менімен кеңесіп, қайдан естігенін білмейім, «Рацио-нализаторлық ұсныныс» жасапсыз, сол не халде?» деген-ді...

— Енді белгілі: директор жол бермейді деп сен оған шағым жасадың. Соңан соң ол жазып ап, газетке басты... — Қайыр олқы дауыспен айтты.

— Жарайды сенікі-ақ дұрыс болсын. Мен жазбасам да жаздым. Бірақ, принципке келейік: сенің Мұсілім ағаң: «Бұл атақ алудың оңай даңғыл жолы. Соңғы кезде кім

жақпаса, сол консерватор бола қалатын әдетке айналдығой» деп тыжырынып, сөйлеспей қойғаны өтірік пе еді?

— Мұсілім өз алдына бір қазақ, мен бір қазақ. Айтса, соны жаз, мені неге міңгестіресің?

Көрдің бе, өзіне кір жуытқысы келмейді. Дәмеш Қайырдың да: «Әй, қоя түршы, Дәмеш!»—деп басқа әңгімеге бұрып әкеткені есінде.

— Сен директорсың, неге құлақ аспадың? Мен саған айтпадым ба?.. Қәне, айтпады деші?

— Принципке барсаң, сениң сол ұсынысыңдан оншалық пайда көріп тұрған мен жоқ! Бұл өз пікірім. Оны өзіңнен басқа адамға әлі айтқам да жоқ.

— Бәсе, мәймәңкелемей, баяғыдан осылай деуің керек еді... «Мені қоса жаздың» деп өкпелейтін жөнің де жоқ.

Қайыр сөзді әрі қарай тереңдектісі келмеді, әңгіме же-лісін бұрып жіберді.

— Менің басымды қатырып жүрген, Дәмеш, бұл емес. Біздің қазақ жастары әлі де болса, техникадан аулақ жүр. Қой бағуды маңдайына жазып қойған жоқ қой, ертең анау үлкен үш домна біткенде Теміртау шығыстағы қара металургияның орталығы болмақ. Сонда сол техника тілін қазақ жастары қолына алса, маман жұмыскерлер, техник-инженерлер кадры көбейсе, коммунизмге тезірек жетпейміз бе? Біздің заманда техникасыз бір қадам баса алмайсың. Ертең қой бағудың өзі техника тілін білуді қажет етпей ме?

— Эрине.

— Олай болса, менің арманым осы біздің завод сол кадр дайындаудың бірінші сатысы да, ұста дүкені сияқты болса еken дейім. Қазақтың қара металургиясының бірінші заводы бастамағанда кім бастайды? Сен өзің ел жаққа барып көрдің бе? Жастар завод-фабрика дегенге әлі де асау аттай ойқастап, құлағын тіге қарайды. Осы өтірік пе? Өзелі қызметкер болсам деп кеңсеге қарай ұмтылады!..

Дәмеш еріксіз күлді.

— Оның бірі — сен. Заводты тастанап директорлық креслоға отыра қалған...

— Қой, Дәмеш, мені қажама, мен бес жыл цехта істедім, директор болғаныма жарты-ақ жыл. Үш жылдай ми-нистерствода істеген кім еken?..

— Мені оқу бітірісімен зорлап алыш қалды.

— Е, мені де партия қойып отыр, өзім тіленіп сұрап алды дейсің бе?

— Шай жасап қойдық! — деді Ораз балконға басын сұғып.

— Жүр, дауды қой, Дәмеш! Әркімнің өзінің үміт-тілегі бар, сәті түссін де!.. Шай ішейік! — деді Қайыр татуласпақ ниетпен. Бірақ, Дәмеш Қайырдың соңғы сөзіне құлақ қойған жоқ, назарын Оразға аударды: еңсесі түскен, қабағын түйген... Ажар да көңілсіз. Әлде екеуінің арасынан қара мысық жүгіріп өтті ме екен?..

...Дәмеш көлбей салынған тайпақ сатымен екінші этажға көтеріліп, оң қолға бұрылды. Қара дермантиномен тысталып, ақ бүршікті шегені үстіне тізбектей қаққан есік тұтқасын ұстай бергенде: «Бұл үйде Дәмеш енді тұрмайды!» деген жазуға көзі түсті. Өзіне-өзі сенбей қайта-қайта оқыды. Кім екен жазып жүрген? Келемеж! Ашу қысқан Дәмеш есікті қатты итеріп қап, үйге кіріп барса, дәлізде тірі жан жоқ, есік ашық. Апырау, біреу бірдемені алып кетсе қайтеді. Оң жақтағы ас үйдің есігін ашты. Қек жалыны жылт-жылт етіп, маздал жанған газ плитаның үстіндегі тарғыл түсті кастрюльде сүт көбік атып, сақылдан қайнап жатыр. Төгілді-ау! Дәмеш жүгіріп барып кастрюльді көтөріп ап, столға қойды да, қайтадан дәліз арқылы қонақ үйге өтті. Стол сол кешегі жиналмай қалған қалпы: түрлі тамак, тарелка, қасық, пышақ, шанышқы. Ажарға не болған, жайратып, қайда кете қалды екен? Алдымен шалдың болмесін жинап жүр мег? Қонақ үйдің оң жағында екі есік те, сол жағында бір есік. Дәмеш соларды ашып, әрқайсынына басын бір сұғады. Оң жақта шалмен қатарғы болмаде Дәмеш тұрады. Бұл — бөлме бұрын Ораздың кабинеті екен. Алматыдан Дәмеш келген соң: «Бөлек пәтерге шығам» дегенде Құрышпай шамданып соны бөліп берген-ді.

Дәмеш үйдің ішін тегіс аралап шықты, бірде-бірінде тірі жан жоқ. Енді плашын шешкенше болмады, «Өрт! Өртеніп жатырысың, Дәмеш!» деп біреу үрейлене айғайлады. Жан ұшырып ас үйге барса, газ-плита лаулап жанып жатыр, жалын аспанға шапшиды. Қайдан келе қалғанын, Қайырдың шешесі Ақмарал, қолында бір шелек сұы бар жетіп барды. «Ойбай, апа, су құймаңыз, онан жаман өршиді!» — деп Дәмеш шырылдан Ақмаралды жібермелі. Жандармен Қырымнан сатып әкелген көк ала жемпірін шешіп ап, плитаның үстіне жаба салды...

Дәмеш оянып кетті. Жүрегін астына басып қапты. Терлеп-тепшіген, қиналса керек... Сағатын шешуді де ұмытып кетіпті — жол соққан-ау. Сағат ертеңгі жеті. Қүнделігі тұра-

тын мезгілі. Дәмеш төсекте жатып өткен түнгі уақығаны есіне түсірді. Ия, Қайырмен екеуінің осылай тіл табыспай кеткені ме? «Мысық пен құшіктей!» деді іштей бір әзәзіл үн мыскылдан. «Сонда мысығы мен де, құшігі Қайыр болғаны ма?» деді өзіне-өзі күбірлеп. Біреу естіп тұrsa — ұттау! «Бейшара, шатасқан екен!» демей ме!

Дәмеш о баста Теміртауға бекер оралған. Қайыр мен Оразды дос, жақын көріп келді ме екен? Кешегі Қайырдың айтып отырганын көрмейсің бе: «Газетіңді қолтырыңца қысып шулата келдің» деп... Осы сөзден кейін не жақсылық күтсін Дәмеш! Қайырдың: «Бес жыл тосып едім, бір тұс бермедің» дегені жігіттің қызыққандағы әдемі сөзі, әйтпесе, Қайыр осыдан үш жыл бұрын бір түн тоса алмай, селеу шаш ақ сары қызбен жампаңдаса қалғаны қайда? Жарайды, бір есептен Дәмеш Қайырга сенсін-ақ: ол қыз «жол серігі», бейтаныс адам бола-ақ қойсын... Үйленбей Дәмешті тосқаны да рас болсын... Бірақ, Дәмеш сол Қайырды сүйе ме? Осы сұрақты курортта өзіне-өзі талай қойған-ды. Тұр-сипаты келісті, ер жігітке лайықты. Сейтседағы, Оразбен екеуін қатар қойса, Дәмеш әрине Оразды ұнатады: мінезі жұмсақ, жаңына жағымды, қас-қабағынан ойын таниды. Құліп көзіңде телміре қарайды. Ал, Қайырмен жолдас болу үшін асau ат мінген адамдай әрдайым тізгінді мықтап ұстап сақтанып отырмаса болмайды; сәл қарайғаннан үркіп бір жерде тастап кетуі ықтимал. Өмірбақи адам өзін-өзі жинақы ұстап, сақ бол жүре ала ма? Ал, адам шылбыр сүйретіп, өзін-өзі бейқам ұстап, қасындағы жарына етін үйретіп алғанда не табады? Ондай өмірден тағы да қанағат таба ала ма?.. «Осыдан бес жыл бұрын жастай бірге өскен Оразды бір көрген Қайырга айырбастап кеткен кім екен?» деді іштей бір кекесін үн табалап.

Ия, Дәмеш Теміртауға бекер келген, диссертацияға материал жинайым десе, Череповецке, Запорожьяға баруына болушы еді ғой. Енді Дәмеш Теміртауға сол диссертация үшін келдім деп, сылтау таппақ. Оған кім сене қояр екен?

Жоқ. Дәмеш женілtek-ұшқалақ жігітті жек көреді. Алматыда талай жігіттер «қырындал» көрген, бірақ мінезін байқаған соң тайып тұрған-ды. Бір атақты художник: «Ақыл-ақыл деп өзің ақылдың құлы бол кеткен, әйеншек сорлысың ғой, ақылға сенсең, ертең күйеуге тимей отырып қаласың!» деп реніш те білдірген. Шынында Дәмеш ақылға көп бас иеді. «Ақыл еркектің көркі...» деп жүріп өмірден құр қалып қояды әлі. «Сонда күйеуге тигізбей жүрген

ақыл дейсің бе?» деп тағы да бір әзәзіл дауыс іштей тала-са түсті. Бұл талас — жас жеткен қыздың семьяны кексе-ген арман-сағынышы. Оны Дәмеш жақсы түсінеді. Тек жымышп, құрсініп қана қояды. Семья деп кез келген көк етіктінің құшағына құлауға тағы болмайды. Дәмеш жүре-гіне әмір етіп, билеп-төстеп әкететін жігіт әлі туған жоқ.

Партбюро завод басқармасының екінші әтажында еді. Дәмеш соған көтеріліп бара жатып жолшыбай бас инже-нерге кез келді. Қасқа бас, көзілдірікті, істік мұрын Мұсі-лім айбынды да ызғарлы кісі. Бұғағы шығып, қарны қам-пия бастаған толық ерекк. «Нәзік қағілез қыз инженер-металлург болам деп несі бар екен!» деп осыдан бірнеше ай бұрын, алғашқы келген кездे менсінбей, сөйлеспей де қойған. Қазір әйтеір, тіл қатысады. Онысына да шүкірлік!

— А, саяхатшы, курортшы жолдас? Аман келдің бе? — Бір жағын кекесіндей баптана сөйлемеді.

— Мұсілім ағай, Айша апайдың дені сау ма? — Аузы-на қайдан түскенін, Дәмеш өзінен әйелінің амандығын бұ-рын сұрады. Поезд ішінде, Алматының бір журналисті: «Бұрын ауылда есендік сұрасқанда: мал-жаның аман ба? деп малын бұрын сұраушы еді, ендігі оқыған қазақтар бірінен-бірі: женгей, келін аман ба? деп қатындарын бұ-рын сұрайтынды әдет қылды. Оның себебі: қазақ бұрын малын жақсы көрсө, енді әйелін жақсы көреді!» — деп құлғен-ді. Аузына қайдан түсе қалғанын... Бас инженер мұны басқаша ұғуы мүмкін. «Газетке шыққан мақаласы бетіне шырмай боп, айтарға сөз таба алмай тұр» деуі ықти-мал-ау?

— Жұмысқа қашан шығамыз? — деді де, Дәмеш жауа-бын жүре тыңдал, төмен түсіп кетті. Бұл кісінің сөздігінде: «сіз», «сың» деген жалғау болмайды деп жұрт құлуші еді, рас екен...

Дәмеш партбюро секретарының кабинетін ашып еді, ауызғы бөлмеде, адам жоқ, кіріп барды. Қара былғары-мен тысталған диванға отырды. Серегин телефонмен сей-лесіп жатыр екен, басын изеп Дәмешпен амандасты.

— ...Жақсы. Жақында, бюорода қараймыз. Өзі де міне келіп отыр!.. Қашан?.. Кеше!..

Әңгіменің өзі жайында екенін Дәмеш енді аңғарды. Се-регин телефонды іліп қойды да, орынан тұрып, Дәмешке қолын ұсынды. Николай Ивановичтің оң аяғының побайы болғанымен өз бетімен иесінің әмірін орындауды қын. Со-

ғыста кесіп тастап, ағаш аяқ орнатқан. Түргелгенде, жүргенде сиырдың тұяғындағы сырт-сырт ететін. Кәзірде де сыртылдай басып Дәмештің қасына отырды.

— Ия, жақсы дем алып қайттың ба?.. Кәне, бетінді бері бұршы. Тамаша-тамаша!— деп күліп, Дәмештің қолын қаттырақ қысты. Серегин ашаң, ақ сұр еркек. Маңдайын қақ жарған тілдей ақ шашы, көз айналасындағы тарамтарам құсаяқ ажым егде тартқан кісілердің қатарына қосады. Эйтпесе, қырық жас еркек жасы емес. Шынында Николай Ивановичтің түр-кескіні болмаса, жүріс-тұрыс, қимылды — ширак; қайраты мол; сөз десе, көз майы шырағдандағы жанады: көңіліне жақпаса мысқыл сөзбен шабақтап та алады. Кейде ілгешектей бір сөздің шашауынан ұстай ап, суыртпақтай суырып-суырып дымын қалдырмай қоя беретіні тағы бар. «Маңызды» деп қоқайып барған мәселеңнің, қолыңда тек шашағы қалады. Сондықтан да Дәмеш сөз кезегін Николай Ивановичтің өзіне берді.

— Естідің бе, сен жоқта сені үйлендірдік!— деді ол күлімсіреп.

— Сол бір хабарды естігенде мен де тап осы сөзді айтқам!.. Бірақ, мәрдымды ештеңе түсіне алмай, сізге келдім.

Николай Иванович үн жоқ, тұн жоқ столдың жәшігін ашты да, «Советтік Қарағанды» газетін суырып ап, Дәмешке ұсынды.

«...Металлургия заводының аты ұлken де мәні аз. Үйдейтініміз соңғы он бес жылда құрыш қорыту техникасына енген жаңалықты, қаншама жарық алып іздесек те біз таба алмадық. Бейқам жатқан бір дүние! Қайта техника жайын сөз қылған адамды алакөз деп, жақтырмайтын да мінез бар. Жақында мартен пешін бу аралас ауамен үрлеп, жандыру өнімді де қолайлы деп ұсыныс енгізген едім, бас инженер мен директор қолды бір-ақ сілтеді: мұның атын не дейміз?.. Дәмеш аржағын сыйыртып, көзімен шолып өтті де, газетті стол үстіне тастай берді. «Ал, енді өзіңіз не дейсіз?»— дегендей Серегин де Дәмешке қадалды.

— Бұл мақаланы өз қолыммен жазғам жоқ.

— Онда біреуге жаз деп айтқан боларсың,— деді Серегин бүгілген саусақтай жұтқыншағын бір қылқ еткізіп.

— Жаз дегем жоқ, бірақ, сырласып айтқаным шын!

— «Қолды бір-ақ сілтеді» деген сөзді қайдан алдық?

— Жобамды апарғанда Мұсекең тыжырынып, столдың шетіне қарай сырғытып тастаған. Соны басқаша айтқан да. Мағынасы бір ғой.

— «Қолды бір-ақ сілтеуді» көрген де, айтқан да мен!— Таңданған Дәмешке Николай Иванович құлімдей көзін тігеді.

— Жаздырған сіз бе едіңіз?

— Ақыл қосқан едім.

— Мениң атымды неге қойдыңыз?

— Солай керек болды... Сенің айтуың бойынша «Советтік Қарағанды» газетінің тілшісі келіп, менен сұрады... Екеуміз бас инженерге бардық. Ол — «Мартенде істемей жатып, будың пайдасын қайdan біледі? Мүмкін зиян шығар, ә?» деп қолды бір-ақ сілтеген-ді.

— Ауа аралас будың пайда беретінін сіз қайdan білдіңіз?

— Мен техника бөлімінің инженерлерімен кеңесіп көріп едім, олар: «Негізгі ойы дұрыс. Есепті дұрыс жасап, байқап көруге болады!» деген-ді... Сонсоң бас инженер мен директордың пейліне көзім жеткен соң, тілшіге рұхсат етіп едім, сенің атыңнан редакцияға жазған хат есебінде басып жіберген көрінеді...

Серегиннің «көзім жетті» деген сөзі Дәмешке ауыр ти-ді. «Бұл жобаңды іске асыру үшін көп қаражат керек. Ойланайық!» деп Дәмешті Қырымға шығарып сап, өзара күңкіл сауда жасаған екен фой, Қайыржан?! «Көзім жеткен соң...» дегеннен артық не сөз керек Дәмешке? Бәсе, еткен түні Қайыр бұл жайында ашылып сөз қозғамаған еді...

— Көзіңіздің жеткенін тағы да немен дәлелдейсіз?.. Мен де коммунистін, жасырмай айтуға бола ма!— Дәмеш даусының қалтырап шыққанын өзі де сезді. Ұят-ай! Сабыр түбі сары алтың, Дәмеш! Қүйіп-піспе!

— Дәлелдейтін мен емес, сен!.. Жақында партбюро, соған әзір бол... Дирекцияға бар. Сұрап-біл! Айттар өздері де...— деді Серегин. Қекшіл көзі құлімсіреп, танауының желбезегі судан шыққан балықтай, дөлбең қағады. Ақылды адам айтпақ сезді емеуіріннен-ақ түсінбей мә? Бұдан артық не айтады ол? Аузына шайнап салатын Дәмеш — жас бала емес.

Серегин ибалы адам, әдеп сақтайды. Лақ еткізіп, сырын шашып ап, ертеңінде ие бола алмай жүретін кісі емес... Партияның этикасы бар, кейде тілге тұсау сап, ақырын күтеді.

— Жақсы!— Дәмеш әрі қарай сөз жалғап: «қалай еді, неге олай?» деп түртпектемеді де, кейбіреулерше айбат ше-гіп: «көрерміз!» деп тәйтік сөз де кезенген жоқ, үн-түн

жоқ шығып бара жатыр еді, Николай Иванович тоқтатып алды.

— Менің саған тапсыратыным: егер ұсынысың іске ассын десең, қайта-қайта тексеріп, қарт құрыш қорытушылармен ақылдастан!.. Ақылдан қашпа! Оқуды бұрын бітірсөң де, сен заводқа жақадан келдің. Үйрен! Олардың саған сенбейі де, осыдан шыққан... Шынында да сенікі теориялық ой, іс жүзінде ол — қандай пайда береді? Әзірге менің де көзім жетпейді.

— Менің көзім жетеді! — Дәмеш сөзін байыпты, өзінен-өзі сенген адамдай айтты.

— Ба!.. Онда сәті түссін! — деді Серегин күлімсіреп.

Дәмештің мойнына дейін қызыарды. «Менің бұл сөзімді қисық ұқсаң, жолың болсын!» деп тұрғанын Дәмеш оның дауыс ырғағынан аңғарды.

Серегиннің өзі инженер емес, не біледі?

II

Қайыр Әлжанов металлургия заводына директор бол, партияның 21-съезінен кейін бекіген жас кадрдың бірі. Бұрынғы директор өмірінің қаң жартысын осы Теміртауда өткізген қарт инженер — прокатчик-те. Өзі тіленіп, пенсияға шықты да, дәл кетерде, басқа инженерлер ішінен Қайырды таңдалап ал орнына бекіттіріп кеткен. Обкомның хатшысына: «біз базардан қайтқан адамбыз гой, саудасаттықты біржола бітірдік. Аз-маз пұлымыз болса, тегіс қақтық. Қалтамыздың түбі тесілді. Енді біздің керегіміз де жоқ шығар. Менің орныма, өзі пысық, өзі жас Әлжановты қойыңыз» — депті. Обкомның хатшысы: «Немене, бастықтардың сөзіне өкпелеп қалғаннан саумысың?» деп күлсө керек. Сонда ол: «Қаншама жүрек ауырса да, шындық женеді. Қартайдық. Бастықтар дұрыс айтады!» деп жауап қайтарыпты. Шал әуел баста заводты қимай, ерін мойнына алдып, біраң мөңкісе де, ақыры көніпті... Ресында заводта Әлжановтан басқа тәжрибесі де, білімі де мол — инженерлер көп, соларды неге ұсынбады екен?

Қайыр «победадан» түсіп жатып осы бір жұмбақ ойдың шешімін таба алмады. Бұған шешім іздеп, әуре бол несі бар, егерде соңғы бір-екі уақыға, түнгі үйқысын шайдай ашып, күндіз директор кабинетінің әр бұрышынан сығалап, мазасын кетірмесе?.. Кеше директор бол тағайындалған шақта, жолдас инженерлері улап-шулап: бірі жылы

сөз, енді бірі қатты сөз айтып, қолтықтап әкеп, директор кабинетіне отыргызындар, неліктен екенин өзі де түсінбейді, кейінгі кезде селқос, маңайна топтанып жинаудан қалды. Өсіресе осы бір мақала газете шыққаннан бері, үрпісіп, бөлектене бастады: Не, Қайыр енді орынан туғеді, қайтеміз жарамсақтанып дей ме? Не, Дәмешке бүйрергі бұрылып, соның жыртысын жырта ма. Тегінде Қайырдың осы соңғы жобасы дүрысқа келеді-ау. Осыдан бірнеше күн бұрын мартен цехінде істейтін Қайырдың студент күнінен досы, бір жас инженер: «Сен ыңғай Мұслім Сапаровичтің айтқанымен жүресің. Соның аузына қарайсың, өз бетіңмен мәселе шешуден қалдың!.. Ол — бір тұлкі емес не? Сагатованың ұсынысын «угровить»¹ еткен де сол!.. Сен жақсы директор болғың келсе, мына бізге — жастарға арқа сүйе!» деп шынды-қалжыңды біраз сөзді жер-жебіріне жеткізе айтқан. Бұлар неге қырындал жүр екен Мұсілімге? Жап-жақсы адам... Өндірісті де бес саусағындағы біледі. Босқа бұртаңдағанша үйренбей ме, сол кісіден?.. Мұсекеңнің бетке айтып тастайтын тік мінезі де болушы еді, әлде сонысын жақтырмай ма екен?

Қайыр екінші әтажға көтеріліп, кабинетінің есігін ашты. Ауызғы бөлмеде хатшы қыздың қасында газет оқып, Дәмеш отыр екен. Қайырды көріп қап, түрегелді. Қайыр басын шұғыды да, алшаңдай басып, кабинетіне кірді.

Токтаң, қол беріп амандасу керек еді... Хате болды ма?.. Жарайды, Қайыр қашанғы жалына береді... Өткен түнгі Қайырга не істегенін өзінің алдына келтірді. Қолынан ұстамақшы болғанда, қағып жіберіп, өз бөлмесіне кіріп кеткен жоқ па!

Дәмеш — Қайыр өмірінің шиеленген түйіні. Өз қолымен байлан, соны енді шеше алмай әлек. Зейіні де, ебі де жетпейді. Ай-түйге келмей, қыздың газетке мақала жазғанына Қайыр қатты қынжылады: замандас та құрбы. Ол аз десе, Қайырдың жүргегін тағы сезеді... Мұнысы көріспеймін, аулақ, қайта өштесем дегені де! Қайыр Дәмешті тап мұндаі... деп ойламап еді...

Хатшы қыз сөйлей кірді:

— Қабылдайсыз ба?.. Сізді тосқандар көп.

— Дәметкен Сахиевна, маган келген болса, кірсін... Өзім шақырмай, басқа ешкімді жіберменең!

Қайыр енді қыз көңіліне қарап, несіне мәймөңкелейді?

¹ Құртқан деген мағынада.

Ашық, фактыны алақанға сап отырып, ұлтандап кесіп сей-лескені мақұл... Әлдебіреу итеріп сап, қолжаулық қып жүр ме, Дәмешті? Бір сөзінде Мұсілім ағай: «Итеріп сап жүрген Серегин болмасын, құлық-сұмдығы көп адам көрінеді» деп еді. Әлде, сол ма, қолына қаршыға қып ұстаган? Қой, Серегин кеше Қайырдың директор болуын қолдаған адамның бірі емес пе?.. Әркімді бір «қас» көріп, Мұсекең де осқырады да тұрады еken осы...

Дәмеш те өз қадірін біletін адамдай, аспай-саспай нығыздана кірді.

Ялта жаққан еken Дәмешке! Нәзік денесі жұмырланып, бұрынғыдан да сүйкімді көрінді. Өні құлпырып жасарған тәрізді. Дәмеш отырған жоқ, әйнектен түскен күн сәулесін арқасымен жауып, терезе алдына барып, қырынан тұрды. Қайырға қарамайды, екі көзі қарсы қабырғадағы академик Бардиннің суретінде: Қара металлургия тарихында «сіздей із қалдырысам!» дей ме? Әйтеуір көз түбінде сыр жатыр. Үндемейді. Сөзді Қайырдың өзі бастасын деп тұрған сықылды... Дәмешті Қырымнан келгелі күндіз анықтан көргені осы. Қандай көркем! Қолмен қашап скульптор жасағандай, кескінінде бір ерсі, артық мүше болсайшы. Мұрын да, ерін-нек те түп-түзу, келісті, біріне-бірі сай...

— Дәмеш, бірдеме айтпақ па ең? — Сөзді ықтиярсыз Қайырдың өзі бастады.

— Зерек кісісің ғой, адам ойын түсінетін, неге келгенимді біліп те отырған боларсың! — деді ол, кекес-қияс сөйлеп.

— Біреудің ішінде гісін болжап табатын факир емеспін!

— Факир болмасаң да, директорсың ғой! Партия сені халық тілін таба біл деп қойған болар.

— Халықтан бұрын сенің тілінді табу қиын боп тұр маған. Кәне, неғыл дейсің, айтшы?

— Менің ұсынысымды қайда тастанадың? Өзіме қайырып беруіңе бола ма?

— Ол жайында бас инженер мен техника бөлімінің бастығына талсыргам. Солар осы бір-екі күннің дересінде пікірлерін қорытып әкелмек. — Қайыр дауды өршітпеуге тырысты.

— Диңктор дегеннің өз пікірі болмаушы ма еді?

— Диңктор әуелі аппаратын тыңдалап ап, соңан соң шешеді-мыс. Газет дабылы орынды да пайдалы! Но, заводқа алдымен жауап беретін — директор. Завод деген единица. Ұлкен саясаттың бір тетігі. Бір бұранда солғын

бұралса, мемлекет дөңгелегінің жүрісіне ақау түседі. Дәмеш сияқты білімді инженер — оны ұғу керек.

— Ақылыңа рахмет! Мен: «ердің көркі ақыл» деген нақыл сөзді қостайтын адаммын,— деп Дәмеш мысқылдай күліп шыға бергенде, аржағынан Мұсілімнің қасқа басы жалт ете түсті. Дәмеш кейін шегініп, жол берді. Мұсілім ең артығы, «рахметін» де қимады, Дәмешті елеген де жоқ, тұра директор алдындағы жұмсақ креслоға барып, сылқ етіп отыра кетті. Қайырға ағасының бұл қылышы ұнамай қалды. Дәмеш те бірдеме айтпақ боп, сәл кідіріп, оқтана бергенде, Қайыр шақырып алды:

— Дәмеш Сахиевна, отырыңыз! Пожалуйста! Мүсекең үшеуміз өзара кеңесіп алайық, әуелі!

Мұсілім басының жалтырын, қатпарланған бұғағын ақ торғын орамалымен сұртіп, әлдекімді жақтырмадаған, астыңғы ернін салпита:

— О не? Тағы әлгі «бу» ма? — деді кекетіп, саусағымен танауын шүқылап.— Бу емес, ашық қүнде адастырған тұман болды гой ол бізге! — Қарқылдан, өз сөзін өзі қоштай күлді.

Дәмеш сүп-сүр боп Қайырға: «Мені осы сөзді есітуге шақырдың ба?»— дегендей қамыға, күйіншті көз тастады. Қайырдың Дәмешке жаны ашыды!

— Мүсеке, біз инженер Сагатованың ұсынысын үш айдан артық ұстап қалдық. Уақыт жеткендей. Жараса — жарады, жарамаса оны айтып, жауап беру біздің міндеп! — Қайыр қабагын шытып, қатал сөйлемді. Оны Мұсілім ұқты, бірақ сыр бермей, иығын қиқаңдатып, саусақтарын жайды:

— Много шума из ничего!¹ Мен пікірімді баяғыда айтқам!

— Пікіріңізді жазып, ұсынысымды қайырып берсеңіз...— деді Дәмеш қызыарып, даусы сәл дірілдеп.

— Ха-ха. Арызға қосып, тағы да жоғарғы орынға жіберейін деп пе едің?² Ендігі қалғаның сол ма еді?— Мұсілім Дәмешке қарамайды, Қайырға басын изеп: «Көрдің бе?» дегендей ишара жасады.

— Это уже подло!² — Дәмеш шыдай алмай, жылап ала жөнелді. Есік қатты серпіле жабылды.

Қайыр да сұрланып, Мұсілімге түксие қарады:

— Эдеп сақтау керек қой, Мүсеке!

¹ Істен де шуы көп.

² Бұл сұмдық екен!

Мұсілім бажырайып, орнынан атып тұрды.

— Ау, не деп тұрсың өзің?.. Ол мені келемеждең газетке жазады да, мен үндемей: «қарағым-қалқам» деуім керек, ә? Жоқ, мен Иисус емес, оң жақтан тартып жіберсе, сол жағын бірге тосатын!.. Мен жиырма жылдық өмірімді осы өндірісте алдым. Мен кеше министрде болдым... Қөзін ашып қарасын!

Қайыр да орнынан тұрып, жиіркене оған көз тастады.

— Сіз коммунисті, соны ұмытпаңыз!

— Бұл үгіт блокнотынан алынған жаттама сөз!.. Коммунист өзін-өзі бағаттатып, кім көрінгенге келемеж қылсын деп қай уставта айтқан екен? Тыңдамаймын орынсыз сөзді! — Мұсілім дірілдеп-қалышыладап, бой бермеді. Но-но... Әдетте епті де жылапос Мұсекең, шабынған бурага үқсады. Қайыр енді ашуланудың орнына іштей мырс-мырс құлді.

— Сіз де ашудана біледі екенсіз-ау? Сіздің ашуланғаныңызды көрген қазақ емес ем! — Қайыр шынын айтты — қайта біреу шақылдаң дауысын көтерсе, күлкімен жәйіпшұатын «ағасы» емес пе еді?..

Бұл сөз Мұсекеңнің арқасынан қағып, еркелеткендей; өкінішті дауыспен:

— Қарағым Қайыржан-ау, төрелігін өзің айтшы! — деп ол Қайырға жалына төнді.— Өзі өндірісті білмейді. Іске аспайтын бірдемені тауып ап, кісінің басын қатырғанға күйінесің бе, жоқ па? Ол аз дегендей, бүкіл облысқа мас-қаралады. Сондай адамға ішің жіби ме?.. Мен кісі танысам: өндіріске оның жаны ашып жүрген жоқ. Қөзге көрініп арзан атаққа ие болу ғана онікі. Сүйтіп, оп-оңай біріміздің орнымызды тартып алу! Қашан айттың деме...

Қайыр қарқылдаң, ұзақ құлді.

— Тартып алмай-ақ, берейін соған. Мен онша құштар емеспін директор болуға! Но, сіз...— Қайыр көзін шүйіріп, ағасына құлана қарады.

— Жоқ-жоқ, құдай сақтасын. Жетеді осы істегенім. Маған қай жерден болсын қызымет табылады,— деп Мұсілім сыныңды дауыспен, жыпылықтап, танауын шұқылады.

Лида есіктен:

— Мұсілім Сапарович, сізді совнархоз телефонға шашырып жатыр! — деді.

Мұсілім денесінің ауырлығына қарамастан ширақы тұрды орнынан.

Мұсекеңнің мінезі бүгін Қайырға ұнамады: не истерик, не артист... адамды түсіну үшін үш пұд түз жеу керек дейді

орыс халқы. Сол тауып айтылған сөз. Үш пүд түзды бір адам неше жылда жеп тауысады екен? Мұсекеңнің қыры көп кісі. Байқамаса, бір жерде шоңқитып кетуі де мүмкін.

Есіктен төрге дейін төселген хорасан кілемнің енін өлшегендей Қайыр адымдай басып, ерсілі-қарсылы бір рет жүріп өтті де, терезені ашып, көлден соққан самал желге бетін төседі. Қайырдың денесі ауырланған ба, төбедегі сегіз шамдық люстра еденді басқан сайын бірге сыйлдырайтын сияқты.

Күн тұс. Арқаның майда қоңыр жазы. Кешеде ағылып жатқан халық. Солардың ішінде әне біреу: тез-тез басып кетіп бара жатқан тегі Дәмеш-ау! Үстіндегі ағылшындың сұр крепдешиннен соңғы модамен тігілген көйлегінің тар етегі адымын жібермей бөгеп барады. Мұндай көйлегі бұрын жоқ еді. Қырымнан тіккізіп әкелді ме екен? Биік өкшені қадай тық-тық басқан қыз соңынан Қайырдың көңілі же-тектеген күшіктең біресе алдына, біресе артына шығып, аяғына оралады... Қызben оңаша қалса, жылы сөз айтып, үйіріп әкете алмайды, тек сыланып, қанатын тараған тоты құстай, әсемдене береді. Кейде қызға өкпелеп, айбат шегіп, бір-екі күн тұс бермей, сөйлеспей жүреді де, шыдай алмай шақырып ап, жоқты барғып, сөз бастайтын да Қайырдың өзі. Кейде қыз сол қылышын сезгендей сықақтап кетеді. Әйтеуір, қырына бір келмей-ақ қойды.

Қайыр Дәмешті бірінші рет, осыдан он бес жыл бұрын көрді. Ол — соғыс жылдары да. Қайырдың экесі Раҳым осы Теміртау заводының директоры бол бекіп, үй ішімен Алматыдан көшіп келген. Сонда осы Дәмеш — Құрышпай үйінде жүрген он бір жасар қыз бала. Талдырмаш келген, сирақты, ерке қыз болатын; конъки теүіп, көлден шықпайтын. Екеуінің бірінші рет айқасы да — сол көлде болған: спректеу Қайыр бір аяқпен вираж¹ жасап, дөңгеленіп жүр еді, жаңағы қыз кеп, байқамады ма, соқты да кетті. Қайыр тыраң етіп, шалқалай құлады.

— Ух, аю! — деді ызалы Қайыр, үрейі ұшып, сексиіп тұрған қызға.

— Байқамадым, ғапу ет! — деді ол үлкен кісідей...

— Жоғал, жетімек! — Қайыр алдында шешесінің «жетім қыз» деп отырғанын құлағы шалған-ды.

Осы сөзді естіген қыз, өкіріп үйіне қарай жылап ала жөнелді. Содан қайтып, Қайырдың маңына жоламады.

¹ Бір аяқпен шыр айналу.

Екеуі бір мектепте оқыса да, қатар көрші тұrsa да ебін тауып, кездеспеуге тырысып бақты. Қарсы кеп қалса, көшениң екінші жағына шығып кетеді. Қайыр кейде әндептіп, үстіңгі этаждан жүгіре түскенде, қыз астынан шыға келсе, есіктің қалтарысында тұра қалып, өткізіп жіберетін. Қөңілі біржола қалса керек, Дәмеш қайтып қайырылмады. Ерессек Қайыр да бала қызға назар аудармады және шешесі де: «Ой-бай, аулақ жүр, пәлесі жүғады!» деп ыңғай басып отыратын. Тек Қайыр онжылдық мектепті бітіріп, Қарағанды институтына оқуға кеткен соң Ажармен жақындастып, арасласа бастады... Дәмеш бой жетіп, қыз болғанда, Қайырга бір-ақ назар аударды.

Қайыр Қарағанды институтын бітіріп, демалысқа Алматыға барған. Қасында Ораз. Ол институтқа экзамен бере алмай, өндіріс техникумында оқып, Қайырмен қатар бітірді. Сол жылы Дәмеш те Алматыда тау-кен институтының металлургия факультетінің екінші курсін бітіріп, демалысқа, Қаскелең түбіндегі нағашы апасына жүрмек екен, әдейі жолынан қалып, Оразды шығарып салды. Қайыр осы күнге дейін, Дәмештің сол бір сәттегі кескін-келбетін ұмытпайды. Зейінінде суреттей басылып қалса керек. Іштей оны: «Дәмештің өмірлік негативі» дейді Қайыр.

Қайыр қақпадан кіргенде, Дәмеш бақшада, тапал сатыны ағашқа сүйеп қойып, бойын соза бұтақтан алма үзіп жатыр екен; ақ торғын көйлегінің етегі шенберлене дедліп, белі қызылып, қолмен орнатқан суреттей, жабыса қапты. Қайыр үялып, қарай алмай, біраз тұрды да, қызығып, қайтадан көз таstadtы. Арқасына жыландаи иіріліп түскен қоңыр шашы өкшесін соғады, басы шаш салмағын көтере алмаған тәрізді кекиіп қалған... Қос алманы жасырып тығып қойғандай кеудесі тырсыып тұр. Сымбатты қыз!..

Алма үзіп жатқан Дәмеш көзінен, Қайыр өзіне ғана арналған қуаныш нұрын тапты. Ол қуаныш: «Е, сен баяғы сотқар баласың ба? Кел-кел! Ой-бай, ер жетіп, азamat болыпсың ғой!» дегендей.

Қайыр бір басып-екі басып, біртінде, жақындай берді. Екеуінің арасы қысқара-қысқара тіптен азайды...

Маржандай ақ тістерін ақсита күліп, қыз қолын созып:
— Мә, алма!.. Ал! — деді күмістей сылдыраған таза дауыспен.

Қайыр күшіктей арсаландаған қолын кешірек сөзды. Алма сырт етіп, жердегі корзинаға түсіп кетті.

Дәмеш: «Ашық ауыз, өмірдегі сыбагаңнан да осылай құр қаласың әл!» дегендей, жазғыра бір қарады. Қайыр өзіне-өзі ыза болғаны сонша, іштегі толқын қызырып бетіне шапты.

Енді қыз алғашқыдай үлкен алма әпермеді, сарғыш кішіректеуін ұсынды.

— Алалмаған өзіңден көр! — деді күліп, Қайыр жеуге қимай, қалтасына салып жатыр еді, жаңағы сөз шамын қытықтады білем, алманы корзинаға тастай беріп, ес-түс жоқ, Дәмешті қаңбақтай көтеріп ап, бауырына қысты.

Мұндай оқыс мінезді күтпеген қыз, сасып, өзін-өзі қорғады. Белінен қысып, құшақтап тұрған Қайырды жақтан алақанымен тартып жіберді. Қайыр сәл ауырсынып, көзін жұмды, бірақ босатпады.

— Қоя бер! — деді Дәмеш қatal дауыспен.

— Алманың жақсысын бересің бе?

Жігіт мінезі баяғы бала күнгі жанжалды қыз есіне түсірген болу керек:

— Ух, аю!.. Жетімек! — деді кекетіп. Бұл кезде Қайырдың да әкесі қайтыс болған-ды.

— Өшінді алдың, Дәмеш! Кел, қол алысып, достаса-йық. Қайыр қызды жерге түсіріп, қолын созды. Тесіле қараған біреудің көзін сезгендей, қыз аулаға шығатын үйдін терезесіне жалт қарады.

Ораз терезеден басын сұғып түр екен. Қабағын түйген. Өңі қуқыл.

«Неге тарылады?» Бұл жолы Қайыр түсінбеді. Дәмеш те сол бір сәт құбыла қалды. Бұлт астына түскен күндей, оның шатты жүзін көлеңке басты. Оразға жақтырмаған көз тастады да, жайдары үнмен Қайырға:

— Паркке барып келеміз бе? — деді.

Қайырдың іздегені сол, сөзге келмestен қызды қолтықтап ап жөнелді. Сол кеткеннен түнгі сағат екіде бұлар бір-ақ оралды.

Келсе, стол үсті толы жайнаған жақсы тағам. Бұларды тосып-тосып, столға басын қойып, үйіктап қалған Ораз.

Сол бір кештің бейнесі Қайыр жүргегіне еккен гүлдей тамырланып есе берді-өсе берді...

Бас инженер тағы кірді. Пыشاқ қырындаï жалаң сүйекті мұрыны бүрніғыдан гөрі имиіп, ерніне төне түскен.

— Әлгі мақаланы ертең партбюрода қарайтын болды дей ме? — Немқұрайды сұрады Мұсілім.

— Оны кім айтты? — Қайыр шын естіген жоқ еді. Серегиннің ақылласпағаны ма?..

— Жаңа осыдан бес минут бұрын мені шақырып ап, алдағы дүйсенбіге бюроға дайындал деді. Тегі жәңағы қызы барып жылаған да, шағым айттып,— деді Мұсілім танауын жүлкәладап.

Қайырдың таңы бар: қызы директордан шығысымен партбюроға барып шағым жасайды да, ол байыбына жетпей, қолма-қол бюро шақырады. Ақылласып, келісім жасау деген жоқ. Мәселе шешу, егін орумен бірдей деп кім айттып еді осы? Ойды түйіндеп қаулы алу — түрлі пікірдің дәнін астықтай жинап, тазалап, көпшілікке тапсыру емес пе!.. Ия, Серегинде өз орнына отыргызып, басып қоймаса, ауа жайылып барады.

Қайырдың намыстаннып қалғанын сезген бас инженер:

— Сізге талай айттып ем: осы қызды итеріп сап жүрген сол Серегин! — деді.

Қайырдың қасы доғадай иілді. Осы сөздің жаны бар. Бәсе, Дәмеш өз бетімен Қайырға қарсы шықпауы керек еді... Іза кернеп, Серегинде телефонға шақырды.

— Жолдас Серегин? Жеке автономия құрып жүргенің із калай? «Дұрыс айттым ба?» дегендей Қайыр бас инженерге бір қарап еді, ол: «мені қоспа!» деп ымдаپ, алақанымен аузын басты.— Газеттегі мақаланы талқыламақсыз ба?.. Ия? Мен саған директордың орнын күзетушімін бе? Вот-вот. О жағын өзің білесің!.. Қалалық партия комитеті айтса да, маған жеткізіп, ақылласып тұру сенің міндеттің! — Телефонды іле салды.

— Ия, не дейді? — деген Мұсілімнің сұрағына жауап бермей, Серегинмен іштей таласып отыра берді. Серегин не дерін білмей, күйбендең қалды. Телефонда жүзі көрінбесе де, құлағына дейін қызарған сияқты. Элен-пәлен: «Мен сіз олай үғады деп ойламаған едім. Ендігөрі есімде болсын!. Қалалық партия комитеті тез арада қарап, жауабын беріңдер дегенсін асығып еді!»— деп сылқ етіл түсті де қалды.

Қайыр сөзінің шет-жағасын естіген соң бас инженердің шырайы өзгере бастады, көңілі орнығып кесек-кесек ойтастай сөйледі: мәймөңкелеудің не керегі бар? Кім көрінгенге ақ жем болуды Мұсілім жаратпайды. Алдымен өзара келісіп, бюроға бірауыз болып барғанын мақұл көреді. Ди-ректор мен бас инженердің позициясына қарай жұрт тон пішеді. Мақала дер кезінде жазылып, бүкіл завод өмірінің техника прогресіне үйтқы бола алды ма? Бола алмаса нелік-

тен? Осыған жауап беріп алса, аржағы өзінен-өзі шешіледі. Сонан соң түрлі қиқарлы сұрақтар жаңбырдан кейінгі саңырауқұлақтай қаптап береді...

Жоқ, тізгінді беруге болмас! Жас директор деп бағынбай, әрқайсысы өзінше бір төбе боп жүрс...

Бас инженердің бұл сөзінің нобайы дұрыс. Қайыр мәселені осылай қойса, мүмкін шым-шырғасы шықпай, шашаусыз шешілер? Жарайды, Мұсілім Сапарович ойын сарқып айтсын.

— Мақұл. Сонда... Тұрасын алғанда, не деуіміз керек? Сіз бұл мәселемен біраз шұғылданып та көрдіңіз. Ауыз түшитын бірдеменіз бар ма?

— Ну, мақаланың негізі дұрыс — техниканы жаңарту, өмірді өзгерту деген сөз, оған кім қарсы болады дейсіз. Бірақ, сол мақаланың ішіндегі фактілер көшеден теріп алынған, әлі піспеген шала.. Бұл бір. Екіншіден Сагатованың ұсынысы асығыс, шики жасалған. Мұндай зерттелмеген мәселені алдын ала газетке жазудың өзі хате. Завод колективінің беделіне нұқсан келтіру. Осылай айтқан жөн! — Мұсілім көзілдірігін орамалмен сұртіп, қайта киді.— Аржағында неге жазды? Қандай мақсат көздеген?.. Белсенділер сөз жамамай ма?

Но... Бұл Дәмешті қаралау емес пе? — Қайыр осы ойын дауыстап айтты:

— Сіз Сагатова әдейі іріткі салу үшін жазды дейсіз бе?

— Ау, сенбеймін мен сол қызға!..— Қайыр таңдана ойланып қалды. Неге сенбейді? Қандай дәлелі бар?

III

Ораз қияңқы баладай, партбюородан арқасы құрыстап, томсырая шықты. Осыған текстес жарқыраған күн сәулесін біреу бетіне уыстап шашып жібергендей, көзін жыпылықтатып қымсынып қалды. Қөлеңке жақтағы. Серегиннің салқын кабинетіне үйреніп қалған ба, жалмажан кешенің екінші жақ қалталына ауысып, ағаш бұтағын самалдады.

Түү, күн бүгін шыжып тұр екен. Мысыққа ойын керек демекші, осындағы ыстық күнде шақырады, еріккен хатшы! Ораз Серегиннің мінезін түсіне алмай-ақ қойды, қатпары көп өте қызын кісі. Хатшы деген түйіндең: «олай істеме, бұлай істе» деп кесіп айтушы еді, бұл бақайшағына дейін ша-

ғып, «ағатай!» десең де қоймайды. Жабысып, қадалған жерінен қан алады...

Оразды ол тақымына толтырмай ма, жоқ, жас көріп менсінбей ме, ақыл айтып, балаша сөйлеседі. Құдайға шүкір Социалистік Еңбектің Ері деген атаққа Ораздың ие болғанына міне бір жылдан асты. Техникум бітірген маман.. Институтта оқып келген Дәмештің өзі де тап Ораздай құрыш құя алмайды. Мақтанған емес, атақты да сол өнері үшін алған болар. Әркім өз мамандығына кір жуытпайды ғой, сүйтсе де құрыш құю үлкен өнер! Және биыл сырттан оқитын болып, институттың бірінші курсіне экзамен үстады.. Облыстық Советтің депутаты. Серегин қымс етсе қамқоршы болып басқа қақпалауын қойсын. Басқа коммунистеріне ие бол, соларды үйретіп алсын! Ораздың болары болды, бояуы сіңді..

Үйіне жақындаған бергенде Оразды бір әйел иығымен соғып өтті. Жалт қараса, бір жұмысшы қызы, Иннокентийдің досы. Ақсия күледі. «Нең бар, менде?.. Бар, Иннокентийдің тауып ал!!!» деп іштей ұрысты да өте берді.. Эй, дегенмен орыс баласы әділ ғой! Осы Серегинді қаша жақтырмай, Ораз іштей жер-жебіріне жетіп келеді-ау, сүйтсе де бас инженерге бой бермей, Оразды талай қолдады. «Аудың» шамасынан келсе, жүндей түтетін. Бірақ, тісі бата алмай, іштей зығыры қайнайды. Қазір, енді ол, әлгі татар Тұхфатуллинді тауып ап, Оразға қарсы қаршыға ғып салмақ. Өткен жыл оған «құрметті құрыш қорытушы» деген атақты да әперткен сол. Енді оған коммунистік еңбек бригадасының атағын бергізуге қам жасап жүр. Жаңа Серегин не деді?!

«...Коммунистік еңбек бригадасының атағына курескеніңе үш айдан асты. Әлі белгілі бір межеден аспайсың, не болған саған?» деді Серегин түсін сұтып, ызғарлана.

— Өнімді еңбек — коммунистік бригадасының сүйегіне сіңген қасиеті болуға тиіс... Мен Тұхфатуллин сияқты күшеніп, екі құн рекорд беріп, басқа қүнде... әлеулай айтқым келмейді! — дегенде Ораз Серегинге мысқылдай, тесіле қарады.

— Сөзің асыл, ісің жасық бол жүрсе оңғаның!.. Сол қасиетті біз қашан көреміз? — деді ол. Ораз кекесін сөз екенін үғып, бұлқан-талқан боп, қызараңдап қалғаны сол еді

— Тұхфатуллин құсанап, жұмасына бір рет киноға, кешкі мектепке баруга да уақыт табылады. Бірақ, еңбек сүйіп

еңбек қадірлеу әркімнің қолынан келе бермейді. Оған бас керек, жай бас емес, ақылды бас, сана керек!

Серегин тағы күлді:

— Сенде бар басқада жоқ деп ойлама, достым! Кеше бас инженер коммунистік еңбек бригадасының атағын Тұхфатуллинге беру керек деп завкомде ұсыныс жасапты. Олар осы аптада біраz өндірсе керек-ті... Ал, сен өткен айда күшенип-түшкіріп, әйтеір, жүздің маңына әрең жеткізіп едің, өткен аптада одан да төмендел кеттің. О қалай достым? Еңбек сүйгіш «қасиетінді» бойыңа сіңіргенің осы ма?.. Жақсы, сен облыстық Советтің сессиясына кете-ақ қой, бригадаңың басқа мүшелері қайда қалды? — деп Серегин Ораздың жанына тиген жоқ па?

Серегин сезінде бір шындық бар — қолқанаттары өзіне серік емес. Олар жас, ысылмаған, мартен пешінде құрыштай қорытылмағандар. Қолдың саусағы да бірдей емес. Ораздың үш қолқанатының мінезі үш түрлі: біреуі тентек, сотқар, әй-түйге қарамайды, егер осы қиянат-ау десе жетті, шап беріп жағадан ала түседі. Әйтеір Ораздың тәк-тәгімен жүр. Достары оны «тентек Гена» деп атайды. Енді біреуі үстінен түйе жүрсе де үндемейді, сөзді қор қып, арам тер бол, анау Геннадийдай шақылдасып жатпайды. «Сенікі мақұл!» дегендегі басын изеп, жүре береді. Бірақ, өзі қалай үйғарса, солай істейді. Мұның атын: «момын Кеша» қойған-ды. Ал, енді ушінші жігіт — қуақы, ақ жарқын, қойныңоншын әзілге толтырып қойғандай, қыршақы сөз, мысқыл күлкіні боратып жүреді. Аты «куақы Қуан!» Ең артық, осы үшеуін жұмсап тіл алдырудың өзі Оразға оңайға түспейді... Сынап-мінеп айту Серегинге женіл, құрыш қорыту қыын...

Ораз үйіне кеп, қапыл-құпыл тамағын ішті де, заводқа қайта оралды.

Білкін жарма қақпаны ашып, жүк артқан машинаны вахтер завод ауласына кіргізіп жатыр екен. Ораз да сонымен бірге өтті. Заводта істегеніне Ораздың бес жыл. Көзін байлап завод ауласына қоя берсе, мартен үзехын адаспай табар еді.

Міне, аяңдап асфальтпен келе жатыр. Оң жағында темір шарбақпен қоршалған завод бақшасы да, сол жағында «Г»әрпі сияқты тізбектеле салынған зәулім үйлер — механика цехы, оған тіркес прокат цехы. Қазір Ораз бұрылса өзінің цехына, мартенге барады. Цехта қызған темірдің ыс ісін күніне бір иіскеп, алаулаған жалынға бетін

қарымаса, шашын үйітіп, қолына қара күйе жақпаса, Ораздың көңілі көншімейді... Осы бір ойын Ораз өткен жылы Ереймен тауына, қайын-жұртына барғанда, кеңесіп отырып, сырғып айтқанда: «Әй, «отқа үйрендім» дегенді сененғана естіп отырмыз, есің дұрыс па, күйеужан?.. Отпен шайтан үйір, адам жаны беゼтін сұмдықты қайдан таптың?» деп шалдар тәлек қылған. Эрине, отты сюю, соған қызыға қарау—оларға жат; оғаш мінез. Адалына келсе, аң аулау, құс ату, футбол, бәйге сияқты, құрыш құю да желікпе мінез, қызулы сезім, батыл жүректі талап етеді. Құрыш құю — нағыз өнер. Ұшқыштар аспанға, моряктар теңізге қалай құмартып берілсе, жан-тәнімен сүйсе, құрыш құюға да адам солай үйреніп, құмартып алады. Құрыш қорыту профессия-мамандық. Мұны тек құрыш қорытқан адамғана түсінеді...

Мартен цехының қызыл бұрышында бригада оперативкага жиналып, смена бастығын тосып отыр екен, Ораз соларға қосылды. Бір бұрышта Геннадий мен Қуан бірінің сезін бірі тындармай, керісіп отыр екен. Бірнеше адам оларды қоршап алған: мәз, қолтықтарына дым бүркіп, дем береді.

Геннадий қабағын түйіп, ызғарлана сөйлесе, Қуан күлімсіреп, ойынға айналдыра, тұртқілеп сұрақ қояды. Ораз неге керісіп тұрғандарын әуелі түсінбеді.

— Мен айтам: шойынды пешке артық салған дейім...— дейді Геннадий.

— Әдейі ме?

— Әдей...

— Па, шіркін-ай! Өзің ойлап таптың ба?

— Қисық болса да өз басымнан шықты. Сендей жұрттың сезін термеймін!

— Сол термегендіктен мына жағың...— Қуан өз басын тұртіп қойды.— Жетпей жатыр ғой.

— Сенен қарызға алармын!— Ду күлкі. Ораз килікті.

— Шойынды не, Гена?

— Тұхфатуллин біздің пешке шойынды ылғи артық салады.

— Тек!— Ораз шошып кетті.— Оны кім айтты?

— Естідім!..

— Өсек. Сенбейім!— деп қолын бір-ақ сілтеп, теріс айналып жүре берді.

— Ого! Жарайды, ~~көрсөміз~~!— деді Геннадий таңдана басын ~~шарқап~~

Сықырлай ашылған есікке Ораз көзін тікті. Үстінде кек жакет, басында кепка, қолында кек көзілдірік Дәмеш кіріп келеді еken. Жиналып тұргандарға басын шұлғып амандасты да, төрге, стол жанына барды. «Кім не айтады?»— деп мастердің, бригадирлердің шағымын тыңдал блокнотына жазып алды да, жұмысқа таратып қоя берді. Дәмештің мәселені тез шешуі, кесіп жауап беруі Оразға ете үнайды. Дәмеш курортта жүргендег смена бастығы болып, бір тапалдау көзілдірікті инженер істеді, бір сөзді қайталап айтып, мезі қылатын езбе-ді. Қолма-қол шешіп тастайын істі, цех бастығына қаратып, күбіжіндеп, соза беретін-ді. Қазақ ондайды «шылбыр сүйреткен» дейді... Геннадий жаңағы сезін Дәмешке неге айтпайды еken? Әлде Геннадий күнделеп, іштегі шайтаны басын көтеріп жүр ме? Тоқта-тоқта! Осындай бір ырабайсыз қылышты Ораздың үстазы Ван-Ванычтың ескерткені бар еді-ау: екі құрыш қорытушы араздасып, біріне-бірі шойынды көбірек салып мұқатқан деп... Бірақ, ол баяғы Демидовтың заводында, революциядан бұрын болған уақыға еді. Ей, Демидовың не? Осы Теміртау заводында да болған деседі. Соны кім айтып еді?.. Жоқ, мұндай адаммен коммунизмге жету қын болар...

Цехтың кіреберіс аузында Дәмеш тұр еken, ептей басып келе жатқан Ораз соқтығып қала жаздал, дер кезінде өзін-өзі үстап қалды.

Дәмештің кескін-сипаты цехты бірінші рет кіріп тұрган адам сияқты. Қозі жарқырап, еңбек ырғағына сүйсіне қарайды. Бет-әлпетінде терең ойдың толқыны ойнайды.

Әлде цехты сағынған ба?.. Жоқ, бұрын көзіне ілінбеген ғажайып суреттер тапқан ба?

Ораз Дәмеш көзінің ізімен осы бір сэт цех өмірінен бір өзгешелік іздеді.

Заңғар биік зәулім цех. Бір жағында, құрыш қортатын алаң. Оnda қаз-қатар тізілген мартен пештері, кен салатын машина, от үрлайтін аспабтар... Бұл Оразға күнде кіріп жүрген таныс бейне. Ана темір сатымен көтеріліп үстіне шығады да пешке кен сап, үрлеп жандырады, қып-қызыл пештің аузына барып, кек көзілдірігін киіп, жалынмен арбасады, қызуды өлшеп, құрыш ағызады...

Астыңғы құрыш ағызатын алаңда тұрган қараша үйдің аумағында қара қазан жылжып, араның ұсынды жыбырлап тұрган қалыптарға — изложнищаға құяды. Жоқ, Дәмештің таңданып тұрганы бұл көріністер емес. Басқа!..

Әлде, анау цехқа кіріп бара жатқан томпиган кішкентай паровоз ба?.. Е, тапты! Ораз өзі де таңдана қарайды. Ішінде жүргенде сеңбейді екен-ау. Адамдардың жігерлі іс-әрекеті, тегеуірінді қымылы, анда-санда саңқ-саңқ еткен әмірлі дауыстарын, машиналардың ырғасы қосылып, еңбек шабытының тамаша бір кезеңін елестетіп тұрған сияқты.

Дәмештің сүйсінетін де, таңданатын да жөні бар: цех-тің ішінде қалтап жүрген жұмысшылар, бір адамдай, жұмыла кірісіп, жер серігін жасайтын, баспалдақты ракеталар, түрлі машиналар шығаратын құрыш құйып жүр. Бұдан ардақты да қадірлі еңбек бар ма екен? Заман тұтқасын осы бір адамдар ұстап тұрған жоқ па екен? Дәуде болса, Дәмеш осыны ойлап тұр.

Ораз Дәмешті иығымен қағып қалғанын өзі де сеңбей қалды.

— Ұйықтап келесің бе?—деді Дәмеш құлімсіреп, Ораз да селк етіп басын көтерді:

— Ләқаула!— құліп жағасын ұстады. Жасында шешесі марқұм қымыс етсе: «ләқаула!» дейтін әдеті еді. Соны келемежедеп жүріп, Ораз да сол сөзді мәтел ғып кеткен. Оны Дәмеш білетін-ді.

Ол құліп жіберді.

— Эй, ләқаула! Бұғін тағы шойын бересің бе?— деді Дәмеш бір жағы қалжың, бір жағы шын.

— Мен бе, шойын құйып жүрген?

— Енді кім?.. Құрыш ішінде көміртегі көбейсе, шойынға айналмай ма?.. Менің естігенім: бас инженер Құрышпаевтың бригадасы бракты көп береді, «шойын құяды»... Коммунистік еңбек бригадасы атағын алуға тұрмайды депті.

— Кімге берсе, оған берсін, мен күнде мемеймін!

— Оразжан, сенің күнде-күнде мемеуіңе байланысты болып тұрған жоқ, мәселе принципте!. Сенің герой деген атың бола тұрып, коммунистік еңбек бригадасының атағына ие болмауың...

— «Коммунистік еңбек» деген тамаша атақты алу үшін, алдымен адам саналы болуы керек. Еңбекті сүйіп, қадірлеу, бойға сіңген қасиетке айналуы тиіс...

Дәмеш Ораздың бетіне таңдана қарады.

— Сен өзің маған «ақыл» үйретейін деп тұрғаннан саумысың

— Ақыл емес, бұл менің — принципім. Кейбіреулердегі екі күн рекорд беріп, басқа уақытта мықшиып, түк өн-

діре алмай, «мен кеше рекорд бергем» деп кеуде қаға алмаймын! Жеке жағдай тудырса рекорд жасау әркімнің де қолынан келеді... Жүрттың бәріне бірдей жағдайда тәсіл тауып, еңбек өнімін арттыра білу керек. Міне, сонда ғана коммунистің еңбек етеді...

Дәмеш алғашқы кездे Ораз сөзіне мән бермей, әзілдесе де, соңғы сөзінен кейін райынан қайтқандай. Салмақты пішінде:

— Ол үшін не істеу керек? — деді.

— Менің бригадам, бұрын, өзіне жеке жағдай жасап ап, рекорд берді. Сол кезде мен герой деген атаққа да ие болдым... Бүгін сол рекорд біздің бойымызға сіңген еңбек өнімі бол қала алмады. Ендеше үзбей рекорд беріп тұратындағы еңбек әдісін табу керек. Ол үшін — уақытты дұрыс пайдаланған жөн ғой дейім! Рекорд уақытқа байланысты!

— Ойың жақсы-ақ, қайдам?..

— Бұл жайында әлі өзіңмен ақылласам!

Ораз сөзі Дәмешке ұнағандай, ұзын кірпігін серпи көтеріп, қадала қарады да:

— Жарайды, қыздыра бер, пешіңді! — деп жүріп кетті.

Геннадийдің қолында ұзын қара көсеу, көзінде кек көзілдірік, пештің әйнегінен сығалап оттың жалынын байқап тұр.

— Ораз, көрші, жалын жете ме?

Ораз да пештің әйнегінен сығалады. Қараған сайын, жалынға Ораздың көзі тоймайды. Жаны сүйсініп, айызын қандыргандай, сөүллетті-сәнді күш!.. Қандай, жан тербететін, әсем сурет! Осы бір көрініске Ораз теңеу табалмай-ақ қойды.. Жалын бір сәтте дауыл күнгі теңіздің толқынындағы тулады, үшқын атып, куілдеп үрейді алады. Енді бір сәтте қол-аяғын шынжырлап, зынданға салған баяғы ертегінің дәү перісі сияқты қан жосын, үхлеп, дөңбекшіп жатады.. Кейде тіптен көбірек үцілгенде: қып-қызыл толқынға батып бара жатып жанталасқан адамдардың бейнесіне үқсайды: бас-аяқтары қайырылып, астына түсіп, дөңесіген жон арқасы, дударланған шаштары елестейді. Егер шалдарға айтса «ол — отқа күйіп жатқан күнәкәр сайтан!» дер еді.. Ия, бұл жаратылысты адамға бағындырып берген от! От болмаса — адам баласы осы халға жетер ме еді?.. Прометей... Байырғы грек...

— Жалын әлі аз, жетпейді! — Ораз жан-жағына қарап,

көзімен басқа қолқанаттарын іздеді.— Қуақы Қуан мен Кеша қайда?..

— Эй, сен екеуің неғып тұрсындар? Қуан, сен шихта салатын машинаны әкел де, темір мен кенді аударыстыр, бір жерде үйіліп қалмасын, жалын бірдей тегіс тисін. Ал, Кеша, сен мазутты отқа шаша тұс, жалын қүшейсін!

Ораз ширақ қимылмен көсеуді қолына алды да, шеткі пешке барды.

Бірақ Ораздың жолы бүгін де болмады, Геннадий асығып, сарқылдап қайнап жатқан шихтаның үстіне шойынды лақ еткізіп тастай салса керек, шихта шашырап пештің аузынан ағып бірсыптыра әуре боп, уақытын өткізіп алды.

Мастер Құміспек Ораздың жер-жебіріне жеткізе ұрысты. Неғып қара басқанын?.. Жығылған үстіне жұдырық...

Заводтан шыққан жылы су қаланы қақ жарған арықпен агады. Мұз қатардағы көлдің сұы тәрізді құндіз-түні бу бұрқырап, арық буырсанып жатады. Арықтың орталық көшени кесіп өтетін жерінде темір көпір бар. Ораз соған кеп сүйеніп, судағы дірілдеген көмескі қолеңкесіне қарап тұра берді... Тұнгі көше құндізгідей жарық, халық сирек. Металлургтер сарайының алдында бірді-жарым, әлі де қоштаса алмай жүрген жастарғана көрінеді.

Ораз сағатына қарады: бірге он бес минут қалған. Смена түнгі он екіде бітті. Жарты сағат жуынды... Сонда мөлшері дұрыс.

.Үн жоқ, тұн жоқ, біреу келіп қолтығынан алды. Қолы қандай жұмсақ! Ораз бетін бұрып, тұсін көрмесе де, мұрын жарған хош ісінен таныды. Дәмеш! Мұндай құмарттырып ынтықтыра түсетін жұпар иіс Дәмешкеғана тән. Ораздың бала күнінен қанық та құмар иісі. Ажарда неге жоқ екен?..

Дәмеш ойын бұзбайын деді ме, жоқ, Ораз қиялымен жарысқа түсті ме, тақала тұсіп, суға үңіледі. Су түбінде жатқан екеуінің қолеңкесі дір-дір етіп, бірде жақындал, бірде алыстанап, дәл қазіргі шаужайлап шапқан екеуінің қилянына үқсады.

Дәмештің денесі қалай ыстық, Ораздың иығын күйдіріп барады... демді де жиі алады... Лұпілдеп соққан жүрек жүрісі естіле ме, қайтеді? Шынымен Ораз сияқты Дәмеш те балалық шақтағы кіршікісі таза махаббатын жүрегінде сақтағаны ма? Жә, қиялға жайдақ мініп, далақтай шабатын Ораздың әдеті. Кім біледі ерке қыздың жүрегі неге аусап, нені қексейтінін? Әлде... кім есіне түсті ме?..

Жолдан келген күнгі Қайырдың көз тастасы, Дәмештің оған арнаған мәлдір тұнық құлкісі, Ораздың жаңын өртеді, қинады. Танымайтын бөтен біреуге Дәмешті қияр әй, тап Қайырга... он жерден жақын болса да, қайын ағасы түгіл, туған ағасы десе де, жоқ... О баста Дәмешті Ораздан айырған да сол Қайыр! Келді де ертіп алды да кетті.

— Ораз! — деді Дәмеш жұмысқ, жан тербетер дауыспен.— Неге мені тоспадың?

Ораз селк етіп, көпір жақтауынан құлап кете жаздады. Ұстай алды. Қандай ашы сөз болсын Ораз естуге дайын, бірақ, тап осындаі сезді...

Дәмешке жалт бұрылып:

— Қашан?.. Жаңа ма? — деді.

Дәмеш «еріннің еменеүірінен түсінбеген мылқау» дегендей мұрнын тыжырып, біраздан соң мұнды дауыспен:

— Ия... — деді.

Қап, құдай атты-ау, Оразды! Қезекті сөзін өткізіп алды... Дәмеш ендігәрі қайталап айттар ма?

— Ораз! — деді әлден соң тағы да күңгір баяу дауыспен,— Ажармен бақыттысың ба?

Кезегінді енді жіберме, Ораз! Сенің айтпақ сезінді өзі баставы. Жүректегі сырныңды жасырмай айт!

— Менен несін сұрайсың, Дәмеш! Қөріп жүрген жоқсын ба? — Жаңылыс айтқанын Ораз кеш түсінді.— Ойбу, шірік неме-ай, бұлдірді! Айтатын сөзі осы ма еді? «Мен бақыттызыбын! Сен емес пе едің өмірімнің жүлдзызы? Қолым жетпейді! Ең болмаса, бір қайырылып, үңіліп қараши, жүргімі!» дейтін кісі гой...

— Ораз... Шын мені ұмыттың ба? — деді тағы да талмаураған нәзік үнмен, Ораздың жүргегі алқымына тығылды, шапшаң қымылмен оқыс бұрылып, Дәмештің қолын ұстай алды; назік ұзын саусақтарын қаттырақ қысып өзіне қарай икімдеп, бетіне үңілді. Дәмеш қабағын шытып:

— Керегі жоқ, Оразжан, — деді. Ораз не тілінің үшіндеңі сезін айта алмады, не бетінен сүйіп, жаңын сездіре алмады, қолын қоя берді де, теріс айналып жүріп кетті. Міне, ыңғай осы! Дәмеш алдында құты қашып, жасиды да қалады!

Осы бір түн Оразға өң мен түстің арасындаі болп, эткеншек тепкен баладай, өз қиялындаі тербетілді де қалды. Тұрса да, жатса да Дәмештің: «Мені неге тоспадың, Ораз?» деген назды үні құлағынан кетпей-ақ қойды. Мұмкін Дәмеш үйдеп айтпаған болар? Жаңылыс естіді ме?

Күнде Дәмешпен бірге жұмыстан қайтады. Сол бір сөзді қайталай ма деп, күнде тосады. Ондай емеурін білдірмейді. Ашық, жайдары Дәмеш, сыр бүгетін, түйық жанға айналған. Бойына сіңіріп қалыптасқан мінез боп қалды ма? Жоқ, өмірден туған жасанды ма?

Бүгін Ораздың демалысы. Терезе алдындағы газонға су құйып, ғұлдердің арасына шыққан арамшөпті жұлды Ораз. Бір жұмадай көз қырын салмап еді, астранның қасына, жусаның жабыса қалғанын көрдің бе? Гүл тамырын шырмап, дәнін сормақ. Жұлып алудың өзі оңайға түспес. Еп керек. Тармақтанып гүл тамырын орап алған жусанды үзсөң, түбімен гүл бірге қопарылайын деп тұр.

— Оразжан, немене күбірлеп жүргенің? — деді Дәмеш ашық түрган терезеден асылып.

Ораз кенет басын көтеріп алғанда, қыз көзі мен көзі айқаса түсті — «Шын «Оразжан!» дедің бе дегендей, телміре қарады.

— Мына бір хош иіс гүлді терезенің алдына әдейі егіп ем. Сол айырықша безене өсіпті!

— Кәне, көрсетші? Аты не?

— Реведа!.. Ақшамда бүршік жарып, хош иісін ауық-ауық бүркіп тұрады.— Ораз екеуін жұлып ап, Дәмешке әперді.

— Сен өзің ектің бе, Оразжан? Шынымен маған арнадың ба?

Тағы да назды, сиқырлы үн. Дәл сонау бір түнгідей жанды қытықтайды. «Саған!» деген сөзді Ораз айта алмай, тілі күрмеліп, көзімен айтып, басын шұлғыды.

Қыз да өзінің жаңсақ хате жіберіп алғанын аңғарғандай:

— Кеше маған құрыш қорыту жайында ақылдасатын ойым бар деп ең? Шай ішем де кетем... Кеңескің келсе, қазір дайынмын!

— О, не?— Ораз аржағынан Құрышпайдың даусын естіді...

* * *

Пенсияға шыққанымен Құрышиң үйде тегін отырмайды. Балаларға бас-көз боп, ақыл айтып, жол-жоба көрсетуді өзінің қызметі де, міндепті де деп ұгады.

Балалары өсті, үйленді; өздері де әке болды: дегенмен тұрмыстан таяқ жеу оңай! Жүріп келе жатқан жастық алдына қарамайды. Ор болса ордан, жар болса жардан се-

кіреді, айналып өтуді білмейді, жығылып мұрнын қанатуға бар. Ал, айла-тәсілді епті жігіттің құлышы деп санайды. Ер жігіт: «Бір сырлы, сегіз қырлы» деген сөз ермек үшін айтылғандай.

Шіркін Құрышпай қандай еді жасында! Өзі сері, өзі әнші, жігіттің төресі еді. Тоқаш марқұмға еріп, біраң дәурен сүрген-ді. Тоқаш қаза тапқан соң, бес-алты жылдай ешбір өкімет жұмысына араласпай, арындаған аттай, еліне барып жатып алды. Содан жалыны аузынан шықсан Сақа Сағатов пен Ораз Жандосов — бірі обкомда, енді бірі өлкелік партия комитетінде хатшы бол тұрганда, әдайілеп кісі жіберіп, шақыртып алды. Ұмытпаса бұл жиырма тоғызынышы жыл! Құрышпайды «қоңы одағына» бастық қып қойды. Осы баласының атын сол отыз үшінші жылы Жандосовқа арнап, Ораз қойған еді... Е, Құрышпай басынан нендей дәуір өткізбеді дейсің?..

Жаманнан жақсы туады. Әкесі, бишара, момын кісі еді. «Ерші Қалдыбай» атанған: ер істеп, жүген тігіп, күнін көрген-ді. Құрышпай жалғыз бала болды да ерке өсті: «сотқар», «тентек» атанды. Өскенсін домбыра тартып, ән айтып, бір кезде Жамбылдың да қасына ерді. О кезде Құрышпай — дембелше де ширақ, түрі де келісті ме еді немене? Мұрнының ұшы бүгінгідегі қожыланған шуақар-шұбар емес, томпақ, жып-жылтыр да... Көзі де сырырайған қысық емес, дөңгелектеу де, әйтеуір, қыздар жақтыратын... Жайлауда Қәрден байдың бір қойшысы қой тоғытам деп, Қаскелең өзеніне суға кетіп өлді. Ол қойшы Құрышпаймен аталас, жақын адам да. Жетім қалған бала-шаға құн даулап, Қәрденнен барымтаға бір үйір жылқы айдал әкетіп, Тыртышный сияқты бай қазактарға сатып жіберген-ді. Елді уысына сыйдырып тұрган Қәрден қоя ма, Құрышпайға болысқан осы Дәмеш қыздың атасы Жұністі қоса екеуін Сибирь айдатқан... Құрышпай Сибириде шошқа тағаласын ба, ел-жұртын сағынды да, қашып кетіп, дәл он алтыншы жылдың көтерілісі кезінде елге оралды.

Жұністі ала қашты. Әуелгі кезде жасырынып, Үшқоңыр тауында тығылып, көрінбей жүрді... Содан көтеріліс күндері Құрышпай Тоқаш Бокинге еріп, Жетісу еліне оттастап, өрт қойды... Одан қолға түсіп, сегіз ай абақтыда отырып, февраль революциясы тұсында бостандыққа шықты... Тоқаш Бокин мен Сақа Сағатовтың қасына еріп, Совет өкіметін орнатуға Құрышпай жігер-қайрат көрсетті...

Бірінші бесжылдыққа ат салысты... Колхоз құрысты... Техниктік оқу бітіріп, қызметке тұрган ортаныш бала-сының қолына Құрышпай Қарағанды көшіп барды. Одан соғыс келіп киді: екі ұлы бірдей майданға аттанды. Ортанышыы Москва түбінде қаза тапты да, үлкені Берлинге дейін барып, қайтып кеп, кәзірде Алматы жақта Қаскелең төңе-регіндегі бір колхозда бастық.

Соғыс жылдары Құрышпай Қарағанды меккегінде жұмыс істеп, кіші баласы — Оразды оқытты... Оразben қатар Дәмешті де тәрбиеледі.

Дәмеш революционер Сақа Сагатовтың қызы. Шешесі Глафира Андреевна жазатайым поездың астына түсіп қа-за тапқан. Сақаның інісі Асқар 1944 жылы соғыстан қайтып, Теміртау келіп, Құрышпайды паналяған.

Партияның 20-съезінен кейін Сақаның ісі қайта қара-лып, ақталып еді, бірақ ол сол жақсылықты ести алмай, «жүрек ауруынан қайтыс болды». Ал, Асқардың ісі белгісіз болатын... Содан бері үш жыл өткен. Кеше Құрышпай Асқардан хат алды.

— Сүйінші, Дәмеш? — деді Құрышпай, балконға ша-қырып ап, жайлана отырып.

— Сүйінші? — бұрымының үшімен ойнап тұрган Дә-меш Құрышпайға таңдана қарады.— Алыңыз, ата!

— Асқардан хат алдым! — Құрышпай қалтасынан төрт бүктелген қағазды сурып ап, Дәмешке берді:

«...Мен 56-жылы ақталғам. Содан Тайшет қаласының емханасында, баяғы майдандағы контузия қайта соғып, ті-лім күрмеліп, екі жылдан аса жаттым. Осы хатым бара ма, жоқ па, неғайбыл, екі ойлы жаздым. Алматы көшіп кетті ме деп те жобалаймын...»

Дәмеш оқып шығып, жаңа ғана үйге кірген Оразға ұсынды.

Құрышпайдың көз қығы хатты ұсынған қыз саусақтары діріл қаққанын байқап қалды.

Құрышпай әрдайым қыз ойына ортақ: тап қазір Дә-мештің неге қамығып тұрганын дәл топшылайды. Осыдан жарты жыл бұрын, Дәмеш Алматыдан көшіп келісімен, Құрышпай сөз арасында: «Асқар ұзынқұлақтан тірі, Си-бір жақта жүрсе керек-ті, соны іздеп, тауып алсақ қай-теді, балам?» деген-ді. Дәмеш оған мән бермей: «Әй, тә-йір тірі дейсің бе?.. Үш жылдан бері бір хат жазбай ма?» деп қоя салған. Сол сезі енді алдынан шығып отыр. Эрине, балаға бір жағынан ауыр, бір жағынан қуаныш! Жүрек

күйіндірген өкінішке, туыстық тіршілік қуанышы қосылып, арақпен араласқан тәтті тамақтай, жүрек көтеріп, бей-жай қылады.

— Мен барып, алып қайтсам қайтеді... — Дәмеш сөзі дауыстап айтқан ой тәрізді, қоңыр да баяу. Әлсіреп жеткен оқтай, нысананаға тисе де тесіп өте алмады.

— Барса, несі бар!.. Бірақ, «тәуірмін, жақында қайтам» денті. Жер білмейтін кісі емес, дәрігер! Онан да жақсылап қарсы алған мақұл...

— Сені қазір босата қоймас... Энеугі мақала... Соңғы бригада халі... Аяғыңды матаған тұсау ма деймін.— Ораз әкесінен жасырды ма ашып айтпай, ойын іркіп қап отырды. Сөз құнына баға бере білетін Құрышпай, бір бүкленің бар екенін анық аңғарды. Әлгіде, Дәмеш бөлмесіне кіре бере, бір салқын сөздің шетін құлағы шалып қап еді, тегі осы «тұсау ма» екен?

— О не қылған «тұсау» балам? — Құрышпай сұқтанбай, немқұрайды сұрады.

— Ол: Ораздың бригадасы осы аптада, екі күн ұдайымен құрмет тақтасының ең артынан бірінші орын алды... — Дәмеш Оразға күлімдей қарады. — Мүмкін атама өзің айтарсың?

Оразда үн жоқ.

— Тағы ішіп барып па ең? — Құрышпай дауысының қатал шыққанын өзі де сезіп, шамына тиіп, арындарып алмайын дегендей, бәсекедете түсті: — Қара басты десейші.

— Бұл өзі арақ құмар ма, ата?

Кейбір жігіттердің әуеніне еріп, Ораздың іше бастап қойғанын Дәмеш естімеп еді, дәл Дәмеш көшіп келердің алдында үй ішінде жанжал дау сөз бол, Ораз: «Енді ішпеймін, қоям!» деп уәде берді де, әкесі мен Ажар Дәмешке «айтпаймыз!» — деп, екі жағы бітімге келген.

Әкесінің уәде бұзғаны, Дәмештің жерден жеті қоян тапқандай даурыға сөйлегені Оразға ұнамай қалды, Құрышпай оны теріс қарап күңқ еткенінен-ақ сөзді. Енді мәймәң келеудің реті жоқ. Жамбасқа алатын ыңғай келді Құрышпайға. Тілдей бастады...

Құрышпай заманында бәйгенің алдын беріп көрген қазақ емес. Еріккенінен, жоқ болмаса, күші тасығанынан қартайғанда құрыш қорытушы болды дейсің бе? Намыс! Осы Қайырдың әкесі марқұм Теміртау заводына директор

бөл, бекіп келді де, Қарағандының мекхедінан бірнеше жұмышшыны таңдал алды. Соның ішінде Құрышпай да бар. Рахым қандай қадірледі. Сонда Құрышпайдың белі шойырылып, еңкейіп жүріп құрыш құйған күндері болды! Ол жылдары соғыс қызып, шегіне жеткен кезі. Ел аш-жалаңаш. Үй сүйік, отынды заводтан, қол шанамен Ораз тасыны... Ал, бүгінде тұрмыс та, күй де бөлек. Енді не қара басты? Радио да, газет те күнде «Социалистік Еңбек Ері Ораз Құрышпаев» деп Қазақстан түгіл, бүкіл дүние жүзіне атын жайды. Салақтық, мойын жар бермейтін жалқаулық — әйтпесе... не дейсің?

Құрышпайды тоқтату қын. Ораз да шыдамай, бір-екі рет әкесіне қарай сөз айтып қап еді, арасына Дәмеш түсіп, зекіп таставды.

IV

Заводтың бас инженері — Мұсілім Мусин партбюроға барадың алдында тағы да қайта-қайта өзінің ішкі сарайына үңіліп, жүрек түбінің камертонын¹ басып, оның үн-мақамына құлақ салды: аяғын жаңылыс басып жүрмесін?

Бұлай ішкі камертонмен санасып, байқастап дауға кірісу, ұтымды жерінде бой да көрсету — Мұсілімнің дағдылы тәсілі. Ұзақ жылдар өзінің өсу жолына көп көңіл бөліп, мансап, дәрежеге аса мән беріп, түрлі шахмат жүрістерін жасағандықтан туған әдіс. Талай-талай сын-өткелден Мұсілім осы камертонға сүйеніп, аман алыш келеді. Ана бір жылдары Мұсілім өсіп, министрдің орынбасары да болып істеген-ди.

...Бір күні: «Жұмекең шақырады!» деді ЦК-дан біреу. Мұсілім отырған орынан ұшып кете жаздады. Атып тұрды. Қуанарын да, қорқарын да білмеді. «Ау, не үшін керек қылды екен?» деп, қалбалашқап, кабинетінде шыр айналды. Әлдекім үстінен арыз жазды ма? Жоқ, ондай жамандық болса, Жұмекең, өзі шақырып, әуре бола ма, текстеріп ап, жамбасқа сап тоңқалаң асырмай ма? Ия, ләйім жақсылық болғай да!.. Кабинеттің алдына барғанда, жүргегін басып өзіне-өзі тоқтау салды...

Сол жолы Мұсілім өзінің ішкі сарайының камертонын басып, бірінші рет «не сездің?» дегендег құлақ тікті: «Жыл-жылды сөйлесе, жылан іннен шығады... Жұмекеңнің жы-

¹ Үн-мақамды айыратын аспаб.

ланын тербетіп, үйиқтатып таста, шақырма!» дегендей тілекти қойды камертоны.

Я, іске сәт, Мұсекең де ширақ басып, саудырап жетіп барды. Салғаннан Жұмекеңді мақтап, жүргегін қолына ұстап ала барды. Ұзақ әңгімен кейін о кісі Мұсілімнің тұлға пішініне, сезіне риза боп, бұдан да жоғары қызмет бермек ниет білдірді.

Шіркін, не керек үлкен адамның бетін бір қайыруын-қайырып-ақ еді, қазақтың күншілдігі қалған ба, өзімен достас Жетісудың бір жігітіне сол түні сырын айтам деп, омақата құлағаны бар. Ол «байдың баласы, экесі — құлақ, жер аударылған» деп сарт еткізіп, арыз түсіре қойған...

Мұсекең содан Жетісу жігіттерін жек көреді. Ең артық мына Дәмеш — қазақ пен орыс арасынан туса да, Құрышпай шалдың үйінде тәрбиеленіп, солардың жаман мінезін бойына сіңіріп алған көрінеді. Ниеті — Мұсілімнің орына бас инженер болмақ. Ол екі де екі төрт сияқты айқын.

Әуелі заводқа «жаңалық» енгізген инженер боп, жұрт көзіне түспек. Жоқ, Мұсілім тірі болса... Жәнеде баяғы пленде болған дәрігер осы қыздың ағасы. Бұл арада былайғы жұрт білмейтін бір сыр бағ: Мұсілімнің ол туралы жасырын жазған арызы, сottaғы ашық куәлігі... бірде болмаса, бірде қызға жегуі сөзсіз, заман өзгеріп сол «жабулы қазандардың» беті ашылып жатқан жоқ па! Қапты біз теспей қоймайды. Ол «сөз» қарындасына жеткен де болар?.. Жоқ, тұр-қияпаты сезетін сияқты емес. Элбетте, сақ болған жөн!..

Осы бір ойды ширата есіп, Мұсілім партбюроға келгенде, алдымен қара көлеңкелеу бұрышта тығызып отырған Дәмешті көзімен іздел, тауып алды. Тырысып, бір уыс болған сыйқы, әй жуас қыздың сыйқы емес, бет тырнайтын мисыққа үқсайды.

Отырып жатып Мұсілім «түйе мойын» Серегинге көз тастады: Бас пәле осында! Қыз осының қолындағы қаршыға! Жымызып, түк білмегенсіп, отырған түрін...

Бюро мүшелерінен тағы кім бар екен оларды жақтайдын? Ау, әлгі «бап» бар емес пе? Соның аты кім еді? Е, міне өзі де кірді — Күміспек. Бұ да сол Түркстан жігіті, анау қызды қарындағы қызып, ынпайласып жүреді...

Бюро мүшелері тегіс жиналды-ау дегенде Серегин бас инженерге сөз берді.

Қағаздарын алдына аударыстыра жайып сөзін нeden бастарын білмей отырған адамдай, Мұсілім азырақ мұді-

ріп, бәлсініп бастай қоймады. Жұрт та тым-тырыс — құлаққа ұған танадай, бас инженердің аузына қарап, тына қалды. Мұсілім сөз бастамай тұрып директордың бет-әлпептін бір шолып өтті: былғарымен тысталған креслода шалқая сүйеніп, тізесінің үстіне қағаздарын жайып сап, оқып отыр; анда-санда қызыл қарындашпен бір белгі қояды. Кейін қарай қайрылған көмірдей қара шашы екі жарылып, маңдайына түсе береді, басын шұлғып қап шашын қайтадан орнына жатқызады. Екі қастың арасындағы қос сывық іштегі ой толқынымен бірде қатпарланып, бірде қайта жазылады. Осының оқып отырғаны бюро қауалысының жобасы емес пе екен?

— Бастайын ба? — Мұсілім Серегинге бұрылды.

— Баста! — деді Серегин, манадан бері, неге бастамадың? — дегендей таңдана қарап.

Мұсілім әуелі ұзақ сонарға сап, дәл баспай, мақала маңызы зор екенін сөз қып, бір-екі жерде Дәмештің атын атап, арқадан қағып та алды. Содан орағытып, мақаланың ішіндегі фактілерге кеп тоқтады да, оларды жоққа шығарды.

— Ау, завод — сауып отырған сиыр емес пе! Сиыр екеш сиырды күтсең — сүт береді де, күтпесең, жем бермесең, суалып кетпей ме? Ал жарықтық заводтың жемі — техника...

Қайыр мырс етіп күліп жіберді.

— Теңеуді ауыл маңынан іздейтін әдетіңіз-ау! — деді ол қағаздан басын көтеріп ап.

— Жасынан мал бағып, сиырмен көз ашқан, кедейдің баласы да, бишара! — деді Дәмеш қасындағы отырғандарға, Мұсілім естіп қалмасын дегендей күнкілдеп. Олар ду күлді. Бас инженер естісе де, естімеген болды.

— Соңсоң жем де әр түрлі. Дәмештің айтып отырғаны — сұлы да, жүгері де емес. Былтырғы шапқан көде... Ол сүт бере ме?

Дәмеш қызыараңдап шыдай алмады:

— Әзіліңізге рахмет! Көдені өз сиырыңызға берерсіз! — Жұрт күлкіден қысылып отыр екен, біреу әмір еткендей, жарыса күлді. Серегин орамалымен көзін сүртті де қаламның сабымен столды тықылдатып, тәртіпке шақырды; әсіресе шек-сілесі қата күлген Қайыр:

— Мұсеке, ол сиыр сүт бермесе, әуреленіп қайтеміз, онаң да үкіметке тапсырып жіберіп Ленинградтан жаңасын сатып әкелсек қайтеді? — деді ол қалжыңдап.

Қайырдың әзіл-күлкі үшін айтылған қалжынын Мұсілім қолпаштау деп үқтү.

— Оны Дәмештен сұрасақ дейім. Егер ол — сүт бермейді десе...

Дәмеш бір қызыарып, бір сұрланып, қысылғанын сездіріп қойды. Сөз арасында жұрт кейпін бақылап, көз шеңберінен босатпай отырған Мұсілім қыздың бұл қылығына өзінше баға берді. Қайыр Дәмеш үмітін ақтамады. Болыспады. Дәмеленіп, оны арқа тұтып жүрген қыз, енді жұрт алдында ұятқа батты. Дәмештің қысылу себебі осы... Мұсілім әккі бөрі таңдықтан ап, тістеген жерін жұлдып түспей ме?

— Кім сөйлейді? — деп Серегин жан-жағына қарап, ұзын столдың есік жақ басында қаздып отырған техника бөлімінің бастығын тауып алды. — Сіз, бірдеме демейсіз бе?

Техника бөлімінің бастығы — атан жілік, ат жақты, ақ бас кісі, сөз күтпеген тәрізді, күбжеңдеп, тарылып:

— Мен бе? — деді.

Мұсілім Платон Сидоровичті қой аузынан шөп алмайтын «момын» — зияны да, пайдасы да тимес деп үгатын. О да «сен тимесең бадрақ көз мен тимеймін» дегендей жайына жүретін. Директор шақырса — келеді; сұраса — қысқа жауап қайтарады; бүйірса — тапжылтпай орындарды. Өз бетімен тышкаң аулап көрмеген, әркімге бір иек артып, жаман үйреніп алған кісі — оны Мұсілім жақсы түсінетін. Сондықтан да ол бүгін «есебіне» кірмей қалған-ды. Не дер екен?

— Кейде біздің газет біреуге оп-оқай ат таға қояды, — деп сөзін бастады ол. Мұсілім тықырышп орнында отыра алмады. Мынау дүлей бұлдіреді-ау. Газетке тиіспін несі бар! Тамағын бір кенеп Романюк сөзін жалғады.

— Жаған адамның ойынша завод бастықтары шетінен көтартпа — «консерватор». Әлгі магазиннен сатып ап, кеудеге тағатын значок бар ғой, содан да оқай тағады.. Жоқ, отпен ойнама, балам! Біздің заманда «консерваторлық» атқа құмар адам жоқ. «Мә, желкем, үр!» деп өзі тосып тұратын адам бар ма? — деп даусын нәштеп, жан-жағына қоқилана бір қарап қойды.

— Романюк сен өз пікірінді айт! Газетті қайтесін! — деді директор жақтырмадан пішінде. Бәсе, көзің бар, жүзің бар демей, маңдайдан былш еткізіп қасқита қоятын дүлейдің өзі екен. Жақсы басталған істі сырал қылды. Мұның

келетінін білсе, күн бұрын сөйлесіп дайындастын еді Мұсілім. Қап!..

— Менің пікірім: бусыз-ақ мазуттың өзі де жақсы жаңады! Пешті бу аралас ауамен үрлеу деген миыма қонбайды. Буда сутегі болады. Ал, құрышта су тегі көбейсе болаттың арасы қуыс боп құйылады. Айтарым осы!— деп ол сылқ етіп отыра кетті.

Әй, ашық ауыз неме, манадан осыны айтсайшы, газетке тиісіп, бүйректен сирақ шыгарып... Мұсілім іштей Романюкті ұрсып ап, көз қызығын Серегинге аударды: ол ақырын ғана саусағымен столды тықылдатып, торғай аңдыған мысықтайды, әркімнің сөзін жіті аңдып, қағазына түртіп отыр екен. Езуі жынысп әлдекімді кекеткен тәрізді. Әрине, ол Романюкті жүндей түтеді. Мұсілімнің өзіне жармаспасына кім кепіл? Қой, бас инженердің беделіне қол сұға алмас, қанша саясатшыл болса да!

Бюро мүшелерінің, көпшілігінің көңіл райы әзірге көтепіңкі, кейде күліп, кейде сөз қыстырып қояды. Анау прокат цехының мастері — еңгезердей Нұрбек болмаса, есінеп, маужырап отырған! Тегі, түнде үйиқтамаған қу-ау!.. Ол кімді жақтар екен?

Мұсілім әркімнің бетіне қарап, сырын оқимын деп, Дәмештің сөз алғанын да байқамай қалды: ол өзі сұрады ма, хатшы емеурін білдірді ме, кім білсін... Қыз — белді бекем буган адам секілді, түсі сұық; барлық жүйке-тамырларын, домбыраның шегіндей шыршық атқыза бұрап алғандай, беzekтей ала жөнелді. Бұрын тап бүгінгідей ашына шешініп, сөйлегенін Мұсекең көрген жоқ-ты. Әдемі де киініп кепті, шолақ жен, ақ торғын кейлек денесіне жабысып, кеуде жағын бұлтитып, белін қызып-ақ тұр. Көрікті-ау, сайтан! Мұсінің ісмер қолмен сүйектен жонып, жасағандай нәзік те сәнді.

— Қадірлі Мұсілім Сапарович, өз сөзінде менің ұсынысымды былтырғы «шапқан шөпке» тәңеді. Әрине, бұл сөздің астары бәріңізге де түсінікті! Ескі шөп сиырды семіртіп, сүтін молайта ма? Сол сияқты менің де ұсынысым завод техникасын жаңартпайды деген сөз! Бұл бейнелі сөзді Платон Сидорович қайталап өз тілімен ашық айтып берген жоқ па? — деді Дәмеш бас инженерге салмақ тастап. Жаңағы Мұсілім сөзі жанына тиген екен, көрдің бе, қалай шыбжыңдайды? Нанбасаң, қазір «консерватор» деп таңба басады.

Мұсілімнің осы бір ойын тап басқандай:

— Консерватор деген атақты Сагатова қашан тағады деп аңдып отырғандар да жоқ емес!.. — деді.

Мұсілім қолынан ұстай алған ұрыдай сасып, жан-жағына қарады — жоқ, бұған үңіліп, анталап отырған кісі көрінбейді. Жұрт көзі — Дәмеште. Ол аз кідірді де, тағы да Мұсілімді жанап өтті.

— Бұл ұсыныс іске асса, завод жеті жылдық жоспарды төрт жылда орындаиды!..

— Оны немен дәлелдейсіз? — деді директор баяу, салмақты дауыспен.

— Бу аралас ауа, пешті тез қыздырады. Жалынның қызыуы күшнейді! Пеш сегіз сағат емес, алты сағатта қорытуы... мүмкін.

— «Мүмкін» дейсіз бе? — Мұсілім кекеп көзілдірігінің үстін ала қарады Дәмешке. — Элі де өзіңің көзің жетпей ме?

— Ау! — деді қызы Мұсілімнің жіңі айтатын сөзін өзіне қайталап. Мұны сезген жұрт, жымындастып, біріне-бірі көз жүгіртіспіл алды. — Есеп-қисапсыз көз жұмып, күмп беріп түсіп кетпеспіз, қадірлі бас инженер! — деді Дәмеш Мұсілімнен көзін алмай.

— Жетеді!.. Неге ұмытсын! — Қайыр айтысты қысқарту жағын ойлады ма, уақыт жағын да естен шығармайық! — деді.

— Ал, түсінікті болса, мен сөзімді бітірдім! — деп Дәмеш отыра кетті.

Мұсілім үнсіз байқап қараса — жұрттың көбі қызы сөзіне ұйып қалған сияқты. Құңқілдесіп бастарын изесіп жатыр. Күміспек: «Берілме! Осы беттен тайма!» дегендей қызға жұдырығын түйіп ым жасайды. Оған не жоқ? Онанда, артта қалған бригадаңды сүйресейші, білгіш болсаң? Енді отырғандар жамырап, «сен сейле — сен сөйлеге» көشتі. Үзіліс жасап, шылым тартып, желпініп алсақ дегендер де табылды.

Осы кезде Қайыр:

— Бір-екі ауыз сөзге рұхсат етсеңіз? — деді Серегингс.

Мұсілім Дәмешке сұқтана көз тастап «бәлем, қазір, қайтер екенсің?» дегендей ниет білдірді. Қайыр сөз сұрағанда қыз да оған кенет бұрылды. Егерде қыздың осы бір көз қарасынан: «Аяшы мені?.. Мен сені сүйем ғой! Жұрт алдында қара бет қылма!» деген сырды оқымаса, Мұсілімнің елуге келгені өтірік. Е, саған осы керек ерке қыз!.. «Басқан қадамыңа жаным пида» деп өліп-талып жүрген

Қайыр және жоқ. Алам десе, Қайырга қыз табылады...
Мүсекең өзі таңдалап, алып береді.

Қайыр бұз жолы қысқа да дәлелді сөйледі. Ол әуелі газеттің көтерген мәселесін қолдап, ол жайында қыңыр сөйлеген Платон Сидоровичті ажуалап, «тілім менің — жауым менің!» деп тәлкек қылды.

Содан соң ол «Дәмештің алған позициясы дұрыс» деді. Мұсілім орнында отыра алмай қозғалып, тыжырынып, қасқа басын қайта-қайта орамалымен сұрте берді. Кейде Қайыр бір ауыз сөзбен алғашқыда айтқан сөзін жоққа шығарып кететіні де болушы еді — «асыл» пікірін артына сақтап тұрмасын?..

— Эрине, «жаңалық» деп қалыптасқан завод өндірісінің процесін бұзуға бола ма?..

Мұсілім иығын қомдал, басын кенет көтерді. Е, бәсе, сөзі жаңа түзеле бастады ғой. «Бас инженердің ойы дұрыс!» деп мақұлдай салса, қайтеді? Баяғыда, Мұсілім ми-нистерства жүргенде, қол астындағы керекті адамды иықтан қағып, алдай салатын-ды, олар оған мәз боп: «Шіркін, Мүсекең!» деп көрінген жерде атын жаятын! Бүгінгі жастар оны да білмейді, топас!.. Құдай біледі-ау, Мұсілім-сіз осы директор өз бетімен бір қадам баса алмайды. Кімнің арқасымен директор боп жүргенін білмейтін де болар...

— Бусыз-ақ мазуттың өзі жақсы жанады. Жер қазып, труба орнату, ГЭС-тен бу тарту — бізге арзанға түсер мәекен,— деді сөзінің ақырында Қайыр. «Қой да аман, қасқыр да тоқ» деген орыс мақалы осы! Қайыр нағыз дипломат екен! Мұсілім бас иеді — бұдан былай сақ жүруге өзіне-өзі уәде береді. Жеңді сыйбанып тастан айттықса түсейін деп отырғандар, директор сөзінен кейін тоқталып, Сегегиннің өзі бас болып: «Гағы да зерттеп қортынды жасау заводтың техника бөліміне тапсырылсын!» деген түйінге келді.

Бас инженер аяңдап жарық көшемен жүріп келеді. Салқын кеш. Мәдениест сарайының алды толған халық, дырдушу, шат-шадыман өмір... Пар-пардан қолтықтасқан қыз бен жігіт... Бөлесінің арбасын сүйретіп кешкі әуеге дем ала шыққан жас аналар... Бақша жақтан жүрек тербейтін музыка да естіледі...

Мұсілім тамсанып, көзін суарғаны болмаса, осындағы тамаша қызықтан ада. Жас кезінде: оқу деді... одан қызмет... мансап, ол — денені улап, арақтай құмарта тусти. Баяғы ақсақ құландай сол құрғырыдың соңынан қуа-қуа шашы

ағарды. Алматыдан кеп түпкірдегі бір заводтың бас инженері болу — дағдырдың келемежі емес пе? Сағатова сияқты ала көздер осының өзін көпсінеді. О, жасаған!.. Жоқ, Мұсілім оңай қақпанға түспес, қызды да, сүйікті жігітін де өзінен бұрын орға құлатады...

Қайырдың бүгінгісі — дипломатия емес, сайқалдық! Дипломатия өнер ғой, тапқыштық пен білгіштік, тіл мен мінез қатар түсіп, сүйекке біткен қасиетке айналмаса, дипломат бола алмайды. Қайырда өнерден ғөрі періп кетпе, озбырлық басым. Сасық құлық: қызды да өкпелетпей, Мұсілімді де риза қылу. Өйтпесе, қайта зерттелсін дей ме? Ең болмағанда, бізге үйлеспейді, іске асырудың өзі қымбатқа түседі десе қайтеді? Ау, ақырғы сөзді Мұсілім айтады! Сұлу қыздың сиқырына алданып, директор жолдас жүре тұрсын.. Інім деп енді іш жібімес!

Ертеңінде Мұсілім заводқа телефон соқты. Біреу сұраса — «Қалалық партия комитетіне шақырып кетті дегейсің» деп Лидага бүйіріқ берді де машинаға отырып, Қайырдың үйіне барды. Қайыр мен екеуінің арасында сыртқа шықпайтын, көз қызығы, қабақ қағыстан сезіліп қап, әркім өзінше ұғынып жүрген жайды Ақмаралдан білгісі кеп, арнай келді. Ақмарал—ұлының көп сырларына ортақ, кейде тіптен ақылдасып та отыратын сияқты... Адуын шеше, баласы ер жетіп, жоғары қызметке іліксе де, уысынан шығармай, тізгіндең ұстайтын көрінеді. Кейде ұрысып, кейде айналып-толғанып, әйтеуір тілін табады. Ел құлағы елу — қүйеу баласы арқылы ма, жоқ, көрші тілі ме, жүртқа шашылған Ақмарал сыры Мұсілімге де жеткен-ді. Мұны естіген Мұсекең Ақмаралдың өмірбаянын терді: Қарқаралыдағы атақты бірінші Гельді саудегер Құсайынның бір кездегі келіні екен. Ақмаралдың бұрынғы қүйеуі, Құсайынның оқыған, адвокат баласы қылмыс жасап сottалып кеткен де, жас келіншек жылы төсекті сұыттай, сол қалада үйездік мекеменің бірін басқарып жүрген Мұсілімнің ағасы Рахымға тиіп ала қойған... Аз жылда жұмсақ мінезді Рахым марқұмды ол билеп-төстеп алады. Рахым Алматыда тұрганда жауапты қызметкерлердің зайдиптары ішінде «көрікті де шешені» осы Ақмарал аталады. Жақсы аяқтың сыры кеткенмен сыйны кете ме! Ақмарал — күміс шаш, тоқық, аққұба әйел; бет әлпетіндеңі дөңестеу үшты мұрны мен әдемі жұқа ерні ерекше көзге түседі. Кейде, Мұсілім өзі де қызығып қояды. Аға өлсе, іні мұра деп...

Мұсілім екінші әтажға қотерілді де есікті қақпастан кіріп барды.

Ақмарал қөрпені астына төрт қабаттап салған, дөңгелек столды алдына орнатқан, сары самауырдың буын бұрқыратып қою шайды сораптап тартып отыр. Үш саусақтың үстіне орнатқан әшекейлі кесенің екі ұрттағанда түбі қөрініп қап, күрең шайды жеңгей қайта-қайта еселеп құяды.

— Жолы болар жігіттің жеңгесі алдынан шығыпты.— Мұсілім Ақмаралдың қолын сүйіп, тапал орындыққа отырды да қалтасынан орамалын алып, көзілдірігін сұртті.

— Рахым марқұм өткелі қашақтап жүруші едің, балам директор болған соң есігімнен қайтадан сығалайтынды шығардың-ау, ә! — деді Ақмарал беттен алып.

Мұсілім құліп жеңге сөзінің ызғарын қайтаруға тырысты.

— О, қадірлі жеңгем-ау, жаман ағасының себі тимесе, інісі оп-оңай директор болар ма еді? Мениң арманым әкесінің орнын бастыру да, оған да шүкірлік,— деп Ақмаралдың алдын орап ишарадай сөйледі.

— Шайға кел, қайнам!.. Соңыңдан ерген жалғыз інің... сен дегендеге ішкен асын жерге қояды. Болыспайтын не бопты сонша саған?

— Ау!.. Мениң жүргегімді Қайыржанның өзі де біледі. Бір пәлесі, арамызға ши жүгіртіп жүргендер бар.— Мұсілім кәрден кеседен бір ұрттады да столға қойды.

— Өздерің мықты болсаңдар, мәлтек бастар не қылады, ит үреді — қалады...

— Садаға кетейін сөзіңден, жеңгетайым! Мен де осыны айтам, Қайырға. Бірақ, кейбіреулер менен де жақын болғысы кеп, бұза ма дейім? — Нысанага жақын келгенін Мұсілім өзі де аңғармай қалды.

— Адрам қал, о кім ол, сенен жақын?! — Ақмарал ұзын ақ сулықпен аузын сұртті де, ашуын басалмаған кісідей умаждап-умаждап бір нұқып жанына таставды.

— Дәл басып айту қынин... Ау, осы Қайыржан мына Құрышпайдың қызына үйленеді дей ме? — Мұсілім толғанған кісідей орнынан тұрып кетіп, қайта отырды, ақыры ашық форточканың алдына барып шылымын тұтатты.

— Білмеймін, қарағым, баламның дәл осы бір қылышына түсіне алмадым. Не үйленбейді, не қоймайды. Есектің миын жегендей айналшықтап соның маңынан шықпайды. Оқу бітіргелі міне бес жыл, айтсам күле береді... Немере ііскейтін кез-ақ! — деді шерменде Ақмарал. Мұсілім ауыр-

ған жеріне дәл тиген екен, бірақ, қу қатын қыз жайында ләм-мим демеді-ау? «Дәмешке үйленбекші ме?» деген сұрағы, төбеден түсіп келе жатқан өрмекшідей салбырап, теңселіп тұрып қалды. Тегі Мұсілім сырын сезіп тіліне тиек сала қойған сияқты. Мыстан!

— Оны неге сұрадың?.. Оны кім айтты саған? — деді Ақмарал. Қақбас ештеңе білмейтін кісідегі қайарси қалғанын.. Бәрібір Мұсілім сыр тартпай қоймайды!

— Сізге өзі айтқан жоқ па?.. Бүкіл завод біледі.— Мұсілім сөнген шылымын тұтатып, сіреңке талын қорабына қайта сала бергенде, қолынан түсіп кетті. Еңкейіп, еденнен алып жатып қабағының астымен көз қызыны тастап еді, о да шашыла қарап отыр екен, көз қарастары түйісіп қалды. Осы бір мезетте, Ақмарал Мұсілімнің бүкіл ішкі сырын рентгендей көріп, ауруын айырғандай.

— Мен балама айтқам: үйленсең өзімді күтетін, тілімді алатын, қазақ қолды қыз ал деп, тілімді алмаса — өзі біледі.

— Элбette? — Ақмаралдың ол қыз жайында бұрын пікір айтқысы келмей бойын бағып отрығанын Мұсілім анық ұқты.— Қайдам, сізге қолайлы болар ма екен! Орыс мінезділеу еді.

— Қолда өскен бала гой ол, сырлы белгілі!

— Белгілі болса, несі бар. Қіргізіп ала қоймайсыз ба? — Мұсілім әдейі қажай сөйледі.

— Сыры белгілі болғандықтан қолайсыз...

Қуалап отырып, еріксіз айтқызды деген осы. Мұсілімнің енді отты батыл тастауына болады.

— Эй, қадірлі жеңгем-ай, көзің қырағы-ау! Кейде, осы сізге қарап отырып, іштей таң қалам! «Шіркін, Ақмарал оқыса... ел билер еді» деп өзімнен өзім өкінем де!.. Бүгін тегін келіп отырғам жоқ, сол қыз жайында бір сұық сөз естіп сіздің құлағыныңға салып кетуге, әдейі арнай келгеним. Құрғыр жастанда иман бар ма! Сол қыздың күйеу баламен бірдемесі бар дей ме? Завод іші қүцкіл сөз: «ана бұрышта көріп қапты, мына бұрышта көріп қапты» деседі.. Сондай сөзді айтудың өзі менің басыма симайды! Үйтсе де, сыйлайтын інім, жамандық тілегім келмейді. Сондықтан сізге айтып кетуді өзіме борыш көрдім...

— Күйеуі кім?

Ақмаралдың дауысы қatal шықты, бұтақты бурыл қабағы түнеріп, ашуы бойына жинала бастағандай. Мұсілім

енді кетпесе, аздан соң жеңгесі өзін де тілдең алудан қашпайды.

— Оразды айтам!..

Мұсілім заводқа кешірек оралды. Барған сапары оң: оттастады. Енді тек ақырын күту. Бірақ Ақмаралмен ойдағыдан тіл таба алмады. Тіс қақкан, әккі қатын, бір шалдырмады. Әлде, баласы Дәмеш пен Мұсілім арасындағы қияскерісті жеткізді ме екен?.. Эйтсе де, бір ұққаны: Ақмарал тірі түрғанда Дәмеш ол үйдің табалдырығын аттамайды. Жеңгесінің сөзі жай немқұрайды шықса да, аржағында батпан зіл жатыр. Мұсілімге керегі сол!

* * *

Шынында, Дәмеш жайындағы әңгіменің шет жағасын Ажардың шешесіне жеткізгені де рас. Ораз бен Дәмештің құндығында күбір-күбір: «Әй, соны қойшы!» деп тыжырына айтқан сөздері сұрыпталып кеп Ажарға да ой тудырған: «Кім екен осы жақтырмай, сөз қылатын адамы?». Ақыры, Ораз бен Дәмеш бір, Қайыр мен Мұсілім бір — екі жақ бол айтысып жүр деген қауесет Ажардың құлағына тиғен соң, өзінше жорыды: Дәмеш ағасының абройын төгіп газетке шығарды, оны азынғандай Ораз екеуі сыртынан ажуа қылады. Бұл екеуіне соңғы кезде қайын атасы және қосылды. Ағасының бұларға не жазғанын?.. Ажар Дәмешке сенбейді, зағым! Үйдейтіні, Ажар мен Дәмеш қатар есті, бірін-бірі айтпаған сыры жоқ-ты. Сонда Дәмеш: «Ораздың мінезі — майда, түр-сипаты да бір жігіттен кем емес» деп, өзінің көңілін білдіргені бар еді. Әлі де қызығатын сияқты.

Әйелдің көзі қырағы, жүргегі сезімтал келеді. Осы күні Ажар ол екеуінің ерін емеурінен, көз қығынан көп сырды үфіп, аңғарып отырады. Дәмеш пен Ораз арасындағы бұрынғы маҳабbat жаңғырыққан сияқты. Кеше, кешкі та-мақ үстінде Ораз оған жалынды көз тастағанда Ажардың түсі бұзылып, жылап жібере жаздады.

Екеуі бір цехта, бір сменада істейді; оңаша қайтады. Қаймыгу жоқ, сөзге де, қолға да емін-еркін!.. Анада базарда бір құрбысы:

— Дәмеш курорттан түлеп қайтыпты... Қөзімізге шөп салып жүрмесін, байқа! — деді әзілдеген болып. Бұл ишара. Ажар шешесіне сол күйінде жеткізген. Қызының «шіріктігіне» ызасы қайнап кеткен Ақмарал әуелі өзін тілдеді.

— Ондай қаупың болса, жыланды неге асырайсың?

— Мен бе!.. Шал емес пе? Өлдім-талдым, жалғызыым деп, шақырып әкелген!

— Адырам қал, өзі туғызып па екен?.. Қайдагы бір орыс пен қазақтың арасындағы шата!.. — Шешесінің ашуға басқанда, дөрекі, тәйтік сөздерді байыбына жетпей, кебірек қолданатын әдеті. Бұл жолы да қаһарын тігіп, әуелі қызына кіжінді. Ажар өзіне-өзі ренжіп бекер айттымға түсті. Бұлдірмей тынатын кемпір емес. Керек десе, Құрышпайдың үйіне барып, әңгір таяқ ойнатуға да бар.

— Жоқ, апа, бұл жұрт өсегі... Қызығанудан туған жәй сөз!.. Мен Дәмешті ондай арқадан пышақ салатын адам деп ойламаймын... Бірге өскен құрбы, құдай атып па! — Осы сөзді Ажар шешесін басуға айтса да, ар жағы сенбейді: «Дәмешке сену қыны!» деп күйініп те қояды.

— Э, бірге өскен құрбы десең, жаңың ашыса, о баста Оразды неге құмадың? Қөрейін де өлейін деп бассалдың?

— Түү, апай-ай, қойыңызышы!.. Өткенді... Менің жазығым жоқ, Ораздың өзі айныған...

— Айныса, енді немене, малтаңды езіп.. әлен-пәлен деп бықсытып отырғаның?

Осы әңгімeden кейін Мұсілімнің: Дәмешке Қайырдың үйленуі мүмкін деуі, Ақмаралды біреу қарақұстан салып жібергендей тиді. Мұсілімге үндемей қалуы сыр сақтау емес-те, не дерін білмей, абыржып қалғандықтың салдары... Ол сөздің мәніне Ақмарал Мұсілім кеткен соң, аздан кейін кешеуілдеп түсінді — кешігіп жеткен телеграмма сияқты, қапы ұрдырып санды бір-ақ соқтырды. Мұсілімнен тәптіштеп неге сурап қалмады—ол қайдан біледі, өз аузынан естіді ме екен? Ақмаралға салсаң Қайыр дәл осы қызыды тосып жүр деген ой миына кіріп те шықпаған. Эке-шешесі жоқ, біреудің қолында өскен жетім, кім біледі, қандай тәлім-тәrbие алғанын. Үлкенді сыйласап, кішіні қарагым-шырағым деп тұра ала ма? Әлде, алдына келгендей тістеп, артына келгендей теуіп, маңайына жуытпайтын асау бола ма?.. Оның үстіне әке-шешесі, ағасы семьясымен түгел сөзге іліккендер, біреу болмаса біреу пәленнің баласын алды деп бетіне шырмай ғып жүрсе... өсіре ме? Соңғы жылдар ондайды қойған деседі, үйтсе де, аузы күйген үрлеп ішеді, сол қыздың әке-шешесінің ақталды дегеніне сенбейді Ақмарал.

Тік бақай, еркек-шора қызы Ақмаралды сыйласап, күтпей,

көндіне жақпаған күні екеуі шартпа-шұрт, төбелесіп қалса, Ақмарал ұлына өкпелі де ренішті: айтпай ма, ақылласпай ма?

V

Партбююода болған айтыс ертеңінде радиодан біреу хабарлағандай бүкіл заводқа тарады. Әсіресе, бас инженердің: «заводты сиырға теңеуі» әркімнің аузында бір өзгеріп, түрліше құбылып, жұмысшылардың арасын түгел арайды. Бірі қарқылдан күліп, мәз болса, енді бірі жымылып, басын шайқайды; ауыр мінезді салмақтылары мұрнын тыжырып, ызыңдаған масаны қуғандай қол сілтеп, жүре тыңдайды.

Тұс кезінде, ол сөз завод ауласынан сырлылып шығып, қалалық партия комитетінің бірінші хатшысы Базаровқа да барып жетеді.

«Онша үшқыр сөз болмағанымен жусандай аңы еken. Тегі әнеугі мақала бас инженердің шамына тиген-ау!»— деп Базаров еңк-еңк етіп күліп апты деседі. Бірақ, бұл сөз тыныш жатпады, балалап өсіп завод жұмысшыларын екі үдай қылды: бірі — осы сөзді қолдап, көтермелеп көрінген жерде күліп, дәріптейді, қарсы тобы — ол сөздің иесін кекетіп, жас инженерді қостайды: завод техникасын алмастырып, шеберлеп, адам еңбегін жеңілдете алмады, баяғы соғыс жылдарындағы шеңберден аса алмай жүр дегенді ашық айтып үн қосады. Шет-жағасы Дәмешке де жетті. Алғашқы кезде Дәмеш: «О кісі — баяғының кек өгізі, заводты мүйізімен тіреп тұрган жоқ па!» деп қоса әзіл айтып мән бермейтін; кейіннен, жас инженерлер: «Мұсекең, ол бізден артық не біледі?.. Баяғыда оқудың нашар кезінде долбарлап, бірдеме бітірген шығар, кәзір, одан біз көп білеміз... өзі ойлап тапса, қайда қалды?» деп Дәмештің намысына тиіп, қайрай салды. Ал, бас инженерді жақтаушы бейбастақтар Дәмеш келе жатса, «сиыр!» деп күлетінді де шығарды. Анада, өз құлағымен естіп қап, оңаша жылап та алды. Осыдан бір күн бұрын, Ораз бір вальцовщикпен төбелесіп те алған көрінеді: оны өзі айтпайды, Дәмешке жеткізген жас инженерлер.

...Ораз кешке жақын паркке барса, сыра сататын ларектің алдында екі жігіт тұрады, біреуі, қызылау ма, Оразды көріп: «Міне герой келді, жол беріңдер!» дейді, екіншісі: «О, бұл «сиырдың»... несі...» деп ымдалап көзін қысады.

Ораз шыдай алмай: «Мә, саған сиыр!» деп құлақ-шескеден пергенде, ол мұрттай үшады, екіншісі кеп Оразға жабысады, іштен теуіп қап, оны құлатады. «Сиыр!» деп көз қысқанды жағадан ап сілкілеп жатқанда, у да шу, милиционер кеп қалады. Ақыры, сатушы әйел Ораз сөзін растап, әлгі бұзықты алып кетеді-мыс.

Бұрынғы бас инженердің сөзіне осы әңгіме тағы қосылып завод іші қиян-кескі, екі үдай, тартыс.

Әлгінде завод ауласында Серегин кездесіп қап: «Қалалық партия комитеті сені ҫұрап жатыр, ұсынысың не күйде?» дегені бар ма? Қалалық партия комитетіне Серегиннің өзі айтқан да, әйтпесе, бюроның қаулысы жеткен, екінің бірі... Серегин осы сөзді жай, немқұрайды айтса да, Дәмешке ұлken ой салды. Партия жиналысындағы сөз қалалық партия комитетіне күнбек-күн жететін сияқты. Дәмешті неге шақырып ҫұрамайды? Не болды, не қойды демей ме?.. Неге ҫұрайды?.. Істесін, шешсін... Қолдарынан келмese сондағана қалалық комитетке кеп, жүгінсін! Қара қылды қақ жарған әділдік осы емес пе?.. Дәмеш өзімен өзі іштей айтсыып, кешкі сменадан шығып, келе жатқан-ды, карсы алдынан ызғытып кеп, бір машина қатарласа тоқтай қалды. Машинаның іле есігі де ашылды, Қайыр түсе қап:

— Дәмеш, жүр, көлдің аржағына шығып, демалыс үйіне барып, аралап қайтайық,— деді жалынышты дауыспен.

— Мен киінгенім жоқ.

— Осы киіммен де жақсысың... Біздің демалыс үйін көрсетейін саған. Жүр!

— Жарайды, бір жолға сыйлайын, директорсың ғой!..

Машина ағызып, кала жанындағы бұрынғы Самарқанд поселкесін қақ жарып, көпірден өтті де, Темірлі тауды белбеудей буынған тас жолмен қияға өрледі де, тау шыңына көтеріле алмай тұрып қалды. Теміртау онша биік те тау емес, бірақ тіп-тік, көл жақ бауры құламалы көкбенбек қия тас, победа болмаса, жай машина маңайына дарымайды.

Дәмеш тау басына шығып, көлден соққан самалға бетін тесеп, қала көрінісін қызыға тамашалайды! Жаздың маужыраған кеші. Аспан ашық. Күн ұсына енуге аз-ақ қалған. Айнала тым-тырыс. Кешкі дымқыл әуе — тымық тақою. Атқан мылтықтың дауысы тұншығатындай. Көлдің беті айнадай жарқырап, сұлық жатыр; тек орта шенінде, көл түбін тазалап жүрген тралдың маңыға маңайға ажымдай қыртыстанып көрінеді.

Көл жиегінің сәулетіне көз тоймайды. Жиек жағалай салынған зәулім қала. Завод мұржаларынан будақ-будақ кек-сары қара түтін Теміртау үстіне де бұлттай қалқып, Жауыр тауының басына сәлдедей оралады.

Батып бара жатқан жомарт күннің сәулесі көшелерге шұмектей құйылып, үш этажды, ақтас үйлердің мүсінін айқындағы түседі. Алыстан жұлдыздай жымындағы бірлі-жарым электр шамы да жағылды. Дәмеш жиекті көзімен жағалай отырып, Самарқанд көлінің шығыс жиегіндегі Қазақстан Магниткасына аялдады. Қасында тұрган Қайырда да үн жоқ, демін қаттырақ алып, толқып тұрган тәрізді.

— Дәмеш, әне бір су түбіне салынған қаланы қарашы! — деді ентігіп ол. Дәмеш: «Неге ентігеді!» дегендей бетіне оның таңдана үңілді. О да Дәмеш көзін аңдып тұргандай шайқаса түсті. «Мені неге сүймейсің?.. Қинамашы, айтшы! Құнэм жоқ еді гой, кешірсейші!» деген жалынышты сөзді, айтылмаған өкпе-назды да Дәмеш сол көзден тапты.

Бірақ түсінбеген пішінмен еркелеп:

— Су түбінде дейсің бе?.. Магнитканың көлеңкесін айтасың ба? — Дәмеш алғашында самарқау көз тастаса да, қарай келе, қызығып, балаша таңданды.

Әдемі кең көше. Ағылған халық. Зәулім крандар, бес қатарлы үйлерден анағұрлым басы сорайған алып домна.

Дәмешке біреу үңіліп қарап тұрган тәрізді, жалт бұрылса, Қайыр, көзін алмай, сүйсіне құмартта қадалады. Көзінде манағы жалынды сыр. Дәмеш ұялып, сөзге айналдырды.

— Бұдан жиырма жыл бұрын осы арада, осы қала болған ба?

Дәмеш тілінің ұшына оралған бірінші сөзді айта салды.

Ой шыңырауынан сергіген Қайыр шек-сілесі қатқанша құлді. Дәмеш-ай! Кейде бала сияқты. Осы Теміртауға атасымен бірге көшіп келгенде Дәмеш нешеде еді? Қайыр ұмытпаса төртінші класта оқып жүретін қыз еді гой. Басында қоянның құлағына ұқсайтын шошайған беретке, үстінде ақ жемпір, аяғында конъки, Самарқанд көлінен шықпайтын... «Қыз — ұмытшақ» деуші еді орыс мәтелі. Дәмештің өзі айтсын: сонда осы қала қандай еді?.. Үш-ақ көшесі бар еді. Қаланы Қайырдың естуінше отыз жетінші жылы сала бастаған. Осы арада, оншақты қараша қазақ үйі бар екен, аттарымен кірпіш тасып, үй қаласады, қала тұргызады, кейін олар металлургия заводына жұмысқа кіреді.

— Сонда осы қаланы жиырма жылдың ішінде қолдан салып шыққан ба? — Дәмеш сенерін де — сенбесін де білмейді.

Қайыр «шын айтасың ба?» — дегендей Дәмештің бетіне үңгіліп құлімсірейді.

— Эрине, қолдан адам салды! — Қайыр қаланың өмірінен көп әңгіме біледі екен, соны сөз қылам деп өзінің жүрек сырына орала алмай қалды. Бұл қала түгіл, осы көлдің өзін де адам қолмен жасаған. Ақмола даласын қақ жарған асау Нұраны екі тауымң арасындағы қуысқа экеп түмшалаған да адам!..

Аспанды заматта бұлт қантап, қала үстіне жинала бастады. Қөл беті жыбырлап, толқын ойнап, қөбік атты. Қала жақтан бір мотор қайық бұрқ-бұрқ етіп, Дәмештерге қарай тартып келеді.

— Осы моторға мініп қайтып кетсек... — Дәмеш ойын дауыстап айтты.

— Келе жатқан демалыс үйінің кісі таситын мотор қайыры. Мінсек міндейік! — деді. Қызы басын изведі. Демалыс үйіне бармaston, машинаны қайырып жіберді де бірінбірі сүйемелдеп, қия жартастан төмен сырғыды. Дәмештің биік тақа туфлі тобығын бұлталақтатып жүргізбеді, шешіп ап, жалаң аяқ жүріп көріп, бір қадам ілгері баса алмады.

— Арқала, Қайыр!.. Моторды шығарған сен! — Дәмеш әзілдеп еді, Қайыр іздегенім осы дегендей, шап беріп Дәмешті қолына көтеріп алды. Қия жартастан көтеріп түсе ала ма, жоқ па, ойына да кірмейді, «арқала!» деп рұқсат берген соң бір көтеріп қалмақ. Эй, жігітім-ай! Жартастан қалай түседі? Не секірмесе, не шана құсан сырғанамаса, колы бос емес, түсе ала ма?

— Ал, батыр болсаң түсші енді! — Дәмеш те қытығына тиे әдейі итермелейді.

Қайыр ұтылғанын енді аңғарды. Жан-жағына кез салып, айла іздегендей. «Ұh!» деп жалған күрсініп, қызды қолынан түсірмей, бір тізерлеп барып, тасқа отырды. Алдында жатқан қыздың ерніне төнді. Жігіттің залым ойына түсіне қойған Дәмеш екі қолымен оның жағынан тірер қойды.

— Қайыр, жібер!

Қайырга бұл сөз «мені сүй!» дегендей ме, қыздың ерніне аймалап төне берді!.. Дәмеш кеудеден итеріп қап, бұлқына тұрам дегенде, жартастан құлап кетті. Қайыр жан

ұшырып, қыздың қолынан ұстай алды... Енді екеуі бірдей құлауға айналды. Қыз салбырап, бар денесімен төмен тартады; бір қолымен жартасқа жармасып, енді бір қолымен Дәмешті ұстап, тістене-тізерлеп Қайыр отыр. Қолы әлсіреп, маңдайынан бұрқырап тер шықты.

— Дәмеш, тіре тасқа аяғыңды!.. Бос қөліңмен ұстасайшы!— деп тауды жаңғырта Қайыр айғай салды.

Жігіттің дауысы қалтырап, үрейлене шыққанынан Дәмеш қауыптың шын төнгенін сезді. Жалма-жан аяғымен тырналасап, бір тасты іліндірді, көзін жоғары төңкөріп, қолына ұстайтын бір шоқ тал, не бір сүйір тас іздеді. Саусағының басын жара-жарағып, әренге, бір қия тастан ұстады. Бұл жартастан құласа өлмес, бірақ өлімші болуына сез жоқ... Екі бірдей азамат, біреуі заводтың директоры, енді біреуі инженері жартастан құласап, мертігіп, емханада жаңыр деген атақтың өзі — өлім, масқара емес пе?

— Ал, енді қоя бер... Ептең өзім түсем!— Қайыр Дәмештің қолын босатып жіберді.

Дәмеш іштей өзін-өзі мазақтайды: қоян жүрек! Жауқолына түссе, биік абақтыдан қалай қашар еді? Эх, Дәмеш, жартастан қорқып, үй ішіңмен де қоштаса жаздашың-ау!

— Ай, аяғым-ай!— Дәмеш дауыстап отыра кетті. Жүгіріп келген Қайыр, қан дірдектеген қыз табанын алақанымен баса қойды. Қалтасынан орамалын ап, байламақшы да болды.

— Менің туфлиім қайда?— Дәмештің туфлиі оның есіне түсті. Біреуі Қайырдың қолында екен, енді біреуін таба алмады.

— Төмен домалап түсіп кеткен ғой!— Қайыр күліп, қыздың қасына қайта оралды.— Қалай, қалай жетесің?.. Аяғың — жаралы, туфли — жоғалды... Маган жалынбаганда кімге жалынасың?

— Ертеңге дейін отырсам да саған жалынбаспын!.. Менен ондай қылышты күтпе!— Дәмеш өкпелеген баладай аузын томпайтып, көлден көзін алмады. Екі тізесін құшақтап, отыра берді.

— Шын жалынбайсың ба?.. Мүмкін қонарсың осы арада?

— Консам, сен аяма!

— Менен артық жаны ашитын дос таба алмассың, Дәмеш! Байқа!

Екеуі бірінің сөзін бірі допша қағып ап, керісіп қалды.

— Жақын дос сен бе? — Дәмеш ажуалай сақ-сақ құл-
ді. — Жақын екеніңді анада партбюорода сөздіргенсін!

— Мен сонда теріс айттым ба?..

— Дұрыс айтқаның сол болса рахмет!.. Даіын тұрған
проектіні Мүсекеңмен қосылып ап, қырық құбылтқан кім
екен?

— Тұсінбеймін. Осы мен тұс көріп отырғам жоқ па?
Мен не дедім, есінде бар ма?.. Жадыңа тұспесе, қайта-
лайын...

— Жаман сөзді адам ұмытпайды!

— Сен қызық екесің, Дәмеш!.. Тиянақтап тексермей,
элкеніп, артынан ол жарамай қалса, кім жауап береді?

— Неге жарамай қалады? Көзім жетпесе айтам ба?

Қайыр таңданғаннан ысқырып берді.

— Мен оған бара алмаймын!

— Неге?

— Ақшаны кім береді?.. Финанс министрі заңсыз қа-
ражат жұмсаған үшін орнынан алып, сottатып жіберсін
дейсің бе?..

— Отырған орныңа мәз, қарақышы болсан, онда сөзім
жоқ!

— Дәмеш, сен көзіңді жұм да, менің айтқанымды
орында дейсін. Мен де инженермін... Менің де ойым бар.
Неге санаспайсың?

— Санаспаймын! Менің проектім дұрыс! Оған көзің
жетеді, бірақ, әдей іске асырғың келмейді!..

— Шынын айтсам: іс шыға ма, жоқ па... сенбеймін!
Сенбеймін!

Дәмеш бұдан әрі созуды қажет деп таппады. Қелдің
кешкі сәүлетіне қарап, үнсіз отыра берді. «Сенбейім?..
Шын сүйсе, сенер еді. Өзін құрбан да қылар еді...»

Қазақстан магниткасы жақтан гармонга қосылып айт-
кан ән естілді... Әні қандай құлаққа жағымды! Қас қарай
бастады. Тау етегіндегі Караганды совнархозының дема-
лыс үйіне кеп тоқтаған мотор қайық пысылдалап отын тұта-
тып, қайтуға айналған тәрізді.

— Қайық кетіп қалса, осында қонамыз да,— деді Ка-
йыр орнынан тұрып.

— Тұфлиіңді шеш!

— Жоқ, өзіме керек!

— Ендеше арқалап апар, тұнде жалаң аяқ жүрмейім...

Қайыр Дәмештің құбылмалы ерке мінезіне сүйсінген-

дей, шап беріп көтеріп ап, алшаңдай басып, жартасты айналып кетті.

Дәмеш тамағын ішер-ішпес жата қалса да, түн ортасына дейін ұйықтай алмады. Қатты шаршаған еken. Біресе матаны кескен қайшыдай түнгі суды ірке кескен мотор қайығы, біресе тау басынан домалап құлап бара жатқан өзі, біресе құмарта қадалып, төніп тұрған томпақ көзді, жалпақ бет Қайыр елестеп, беймаза боп, аунақши берді.

Рас, Дәмеш өз жүргегінің соғысын өзі түсіне ме еken? Әй, түсінбес!.. Эйтпесе, бұғін Қайырмен жеке тауға шығарма?— «Неге-неге?»— деді іштей бір ашы дауыс. Ораз даусына ұқсайды. Бұдан біраз жыл бұрын Алматыда дәл поезд басында, Қарағандыға қайтып бара жатып:— «Неге-неге кетіп қалдың, түнде мені тастап?»— деген ашы дауысы, құлағына сіңіп қалған ба... Сол дауыс тағы келді құлағына.

Дәмештің сол тауға Қайырмен еріп баруы жөн бе еді?.. Қайыр екеуінің арасы алдақашан алыстаған, ол қайта жақында масына көзі жетеді... Онда неге барды... Жеңілtek! Дәмеш өз міnezіне өзі сын көзімен қарайды: кейде еркекшора боп өскен қазақ қызы сияқты тік, батыл; кейде жалғыз өскен ерке қыз секілді шолжың, құбылма; енді бір жайда — назды да нәзік қылышты қыз... Эйтеуір, өзі де түсінбейді. Ойлап қараса, Қайырды ұнататынын да, жек көретінін де білмейді. Өмірде жігіт сүйдім десе, ол жігіті Ораз болуы керек еді. Егер сүйсе? Дәмеш әлі күнге айыра алмайды: сүйді ме, сүйе ме, жоқ, балалық шақтағы әуестік-құмарлығы ма?

Бала шақта Дәмеш пен Ораз бір үйде, тату-тәтті, сыйлас өсті. Бір мектепте бір класта оқып, оқуды бірге дайындағы. Ораз Дәмештің айтқанын екі қылмайтын-ды. Командирдің әмірі тәрізді қысты күні көлдің мұзын ойып түс десе, түсетін-ди. Магазиннен атасы сатып әкелетін қымбат конфеттер, Алматыдан Құрышпайдың туыстары жіберген өрік-мейіз, алма-нәктің ең қызылы да, дәмдісі Дәмештікі де. Ораз: «Дәмеш жесін!» дейтін. Дәмеш жоқта әкесіне беріп, тықтырып қоятын. Не бір бала ойнап жүріп Дәмешке тисе, Ораз ара түсіп, о баламен «мұрын бұзысып» төбелесетін.

Мұның бәрін Дәмеш білетін де Оразға одан да қатал бүйрық беріп, өзінің серігі, адъютанты есебінде тырп еткізбей ұстайтын.

Сыйлық құрметті бұрын көріп, таңдал үйренген Дәмеш Оразды да «өзімдік» деп, үстіне киген көйлегі яки башмалғы сияқты меншіктеп ие бол қалған-ды.

Бертін он бес, он алтыға келгенде, Ораз де Дәмешке сүйсіне көз тастап, реті келсе, оңаша қалғысы кеп тұратынды шығарды. Оңаша қап, қолымды ұстап, кеудесіне басса екен дейтін тілек Дәмеште де жазғы гүлдей шешек атты. Әуелгі балалық шақтағы бейқам балапан махаббат осылай басталды. Өмір зырлап өте берді, жас өспірім балалар арманын тауып, тілегін анықтап, біріне-бірі «сүйем» деген ауызга сирек түсетін сөзді де сыбырлап айтып қалған кезіде болды.

...Ертең ертесімен поезд жүреді. Ораз Қарағанды қайтады. Ораз магазинге барып шарап сатып әкелді, Дәмеш сол үйдің бақшасынан алма терді... Сайтандай қайдан келе қалғаны, сол бір кеш осы Қайырдың жетіп келгені. Дәмеш көптен көрмеген еді, сымбатты да, жайдары жігіт бол өскен көрінеді. Үстінде инженердің киімі, сап-сары ала, келе Дәмешті бейімдеп, іш-бауырына кіріп кетті. Жас күндерінде ұрыссып, аразаспаған сияқты, ол — ұмытылған, мейлінше тату. Жарты сағат өтпей құбылмалы ерке қыз, Қайырға еріп, паркке кетті де қалды. Оразға таққан кінәсі: «Мен меншігі емес, Қайырмен сөйлескенге ала көз демесін... Жасынан үйретіп алған жөн. Ертең қызығаншақ бол, басқан қадамыңды аңдыса... Жоқ-жоқ!.. Дәмештен Ораз кетпейді, қайта уайымдал отыра тұрсын!.. деп іштей түйін жасаған болатын. Тұні бойы Қайыр екеуі паркте қыдырыды. Қайырдың Дәмешке ұнаған бір мінезі: сөз тапқыш, қызық-қызық әңгіме айтады. Жалықтырмайды... Өзінің бойы ұзын, сымбатты, жанында жүрсөң жұрт қарайды.

Тұн ортасы ауа үйге қайтып оралса, Ораз столға басын қойып, ұйықтап отыр. Тағам жаюлы тұр, бірінен ауыз тимеген. Дәмештің іші ашып, қатты аяды. Өз мінезіне өзі ренжіді, бірақ сыр білдірmedі. Жастықта уайым-қайғы онша терең із қалдырмайды ғой, Дәмеш оған да іштей жауап тапты: «Қалып қойған өзінен көрсін. Неге, оп-оңай мені біреуге беріп қоя береді. Таласып, тартып әкетпей ме? Шын сүйетін адам қолын қусырып, аспаннан алма жауды деп күтпес болар...»

Ия, сонда Ораз не деді? «Сенің талай еркелігінді көтеріп ем, дәл мынаны саған кешірмеймін!» деп, тұн ішінде чемоданын арқалап, вокзалға кете барған.

Ертеңінде Қайырды шығарып салған болып, вокзалға

Дәмеш те барды. Дәл поезд жүрерде, шыдай алмай, жүгіріп барып, Ораздың қолын ұстады. Ол: «Неге-неге кеттің Қайырға еріп?» деп дауысы дірілдеп, көзіне жас іркіліп, вагонға кіріп кеткен-ді... Ай өтті! Хат жоқ. Дәмеш кінәсін мойнына алып, хат жазуды лайықсыз көрді. «Қайда кетер дейсін» деп мән де бермеді. Бір күні Ораз бен Ажардың тойына шақырган Құрышпайдың телеграммасы сақ ете түсті. Дәмеш талып қала жаздады. Аброй болғанда, үйде жеңгесі жоқ еді, көзге түспеді, төсегіне құлап түсіп, ал жыла!. Сол жатқаннан төсек тартып үш күн жатты... Қайырды, жылады. Оразben бірге өткізген күндері кино көргендей көз алдынан елестеп өте берді, өте берді...

Ораздың біте қайнап, жүргегі мен жүрегі дөп соғып, ақылына ақыл қосылып, «өзім» бол кеткенін Дәмеш сонда бір-ақ білді. Оның қадірін де, сүйетінін де сонда сезді... Теміртауға барып, Оразды Ажардан тартып алмақ та болды.

Бұл күндері Қайырдың жалынды да сырлы хаттары қардай жауды. Аздап Дәмештің көңілін беле бастады. Біртіндеп елігіп, өзі де жазды. Аздан соң: «Ну его к черту», алды-артына қарамай, үйлене қалған адамның құны да сондай арзан! Ондай адамнан ерте құтылғанының өзі артық!» деп өзіне өзі демеу салды. Бірақ, Оразға деген маҳабат оты біржола сөнбеді, жүректің арғы түбінде көмілген шаладай қалып қойды.

Дәмеш қиялында Ораз бейнесін Қайыр басты, кейде қатарласып қалғанда, Ораз оны сырғытып тастап жүрді, әйтседе Қайыр ұзаққа шабатын жүйріктей талмастан осы күнге дейін қиялында ілесіп келеді. Қай күні көкпар алатынын, ала ала ма, Дәмештің өзі де айта алмайды.

Үш жылда хат арқылы бірін-бірі ұғысқан тәрізді... Дәмеш институтын жақсы бітіріп, министерствоның аппара-тында қалды. Қайыр: «бірге істейік, Теміртауға кел!» деп шақырып еді, бармады. Ораз бен Ажарды сүйістіріп қойып, қарап отырмас! О кезде жүректегі көмулі шала бір күні тұтанып, өрт кетіп жүрсе...

Қайыр шыдамады, самолетпен Алматыға ұшып келді. Сол күні Дәмештің бес жылдай бірге оқыған студент жолдастары «тауға шыбып, пикник құрайық, енді қайтып бастарымыз қосылмас» деп уәде байласып, тауға барған-ды. Тұнде пәтеріне келсе Қайырдан телеграмма жатыр. «Ертең ұшам, тос» деп рейсін көрсетіп, бір күн бұрын хабар-

лапты. Жалма-жан аэропортқа телефон соқса, ол рейс алдақашан келген екен.

Тұні бойы Дәмеш сергек үйиқтады. Ертеңінде жуынып, шай ішіп, енді іздейін десе, қайда түскенін білмейді. Бірлі-жарым таныстарға телефон соғып сұрастырып қарап еді, олар да білмеді... Енді қайдан іздейді? Сағат он екінің кезінде мейманханаға барып білсе, сонда қырық жетінші номерде тұрады екен. Қуанып, жүргегі алқымына тығылып, жетіп барса, Қайырдың жанында ақ сары орыс қызы, алдағында шарап, мәз-майрам. Дәмеш есікті жаба сап, мейманханадан атып шықты. Опасыз!..

Қайыр қуып жетіп, жалынып келеді. Құдай да, «честное слово» да, жүрек, тілек те аталды. Бірақ, бірі Дәмештің миына кіріп шықпады. «Аулақ-аулақ!.. Тек менен аулақ, көрмегенім сен болсын!» деп маңына дарытпады... Қайыр күнде телефон соғады. Есік алдында Дәмештің көшеге шығуын күтеді. Хат та жазды, кісі де салды. Жалынды-жалпайды, қатесін мойындағы, Дәмеш біріне жауап қайырмады, жүргегін тарс бекітіп ап, қайтып Қайырға ашпай қойды... Бір тұн тоспай, қызы тауып алған жігіт өмірлік дос бола ала ма?..

Соған кейіп, танысам деген жас жігіттерге сынай қарап, не сезінен, не мінезінен ылғал тапса маңайына жолатпайтын болды. Дарапанып, жеке жүруді жақсы көрді. Жігітпен танысу, театрға бару дегенге құлқы соқпады. Откен жылы бір танысының үйінде ақ құба, ұзын бойлы, әдемі қара мұртты қазақтың бір ақынына кездесіп, сол алты ай бойы әдемі өлеңдер жазып, көзілін көтеріп қайтадан баяғы ақ жарқын жайдары қалпына түсірді. Жаны да аяулы жігіт екен.

Бірақ, оның бір әдеті насыбай атады екен. Сонысы Дәмешке ұнамады.

Қайыр да хат үзбеді. Жауап алмаса да жазады. Біртінде Дәмеш ойға тұсті: «Шын сүймесе, екі жыл босқа хат жаза ма?.. Ораз сияқты үйленіп жүре бермей ме?.. Жүрегі жіби бастады.

Министерство жойылып, Дәмеш басқа бір жерге ауыспақшы болып жатқанда, Дәмешті шақыра Алматыға Қайыр тағы келді.

Бұл кезде Дәмеш жүргегіне Ораздың салған бірінші жарасы шорланып бітіп, Қайыр салған жаңа жараның өзі жазыла бастаған-ды. Қазір Дәмеш сау-саламат. Қайта, Қайырға жаны ашиды. Бес жыл үйленбей, Дәмешті тосып

жүр. Ал ертең... Дәмеш тимесе қайтеді! Сүймеген жүректі Дәмеш күштей ала ма? Бір қалған көңіл жіби ме?.. Дәмеш Қайырды о баста сүймеген тәрізді. Сымбатты жас жігітке тек қызыққан ба деп ойлады...

VI

Бұғын Серегин қалалық партия комитетінің бірінші хатшысы Базаровпен бір сағаттай оңаша кеңесті. Оқта-тексте шақырып ап, завод өмірімен танысып отыратын Базаровтың әдеті де. Телефонда: «келіп кетші!» дегенде, әнеугі бюородағы айтыс-дау құлағына тиген бе, деп қалды Серегин. Үстінен тап баспағанымен, Серегиннің шамалауы шындыққа жуық екен. Әңгіме көбіне сол айттың маңайында дөңгеленді.

Біреу кеп: «Партбюро хатшысы қолдан «консерватор» жасап, бедел алам деп, жанталасуда, Сағатова сияқты бұнын бекіп, бұғанасты қатпаған жас инженерлерді қолына қаршыға қып ұстал, заводтың әлек-тәлегін шығарып жатыр. Базаров иегінің астында не бол жатқанын көре ме, жоқ па?» деп сөздің бір жақ ұшын тірер сөйлесе керек-ті. Базаров кім екенін айтпады, бірақ, Серегин сезеді. Аяқ алысы — бас инженерге үқсайды. Анада партия бюросында да жең ұшынан келдегінің басын қылтыңдатып отырған-ды. Бас инженердің мінезіне Серегин түсіне алмай-ақ қойды. Бір кездे жоғары қызметте, республика қемелінде істеген азамат, білімі де бар. Тілге де жүйрік. Исті де біледі. Бірақ, ол кісінің бойында бір ұлken сырқат бар — өзінен басқа пендеге сенбейді. Әркімнен бір күдіктеніп, «кімнен қандай ііс шығып қалады» деген сияқты мұрнын шүйреді де жүреді.

Бұл осыдан бірнеше жыл бұрын азаматтар арасына тараған кінарат еді, әлі де сауығып кетпегендердің болғанығой... Эйтпесе, дәл бұғын, жанындағы жолдасына, қатар жүрген совет азаматына сенбеу, арына тию, адамшылығына дақ түсіру, біздің елдің адамына жат мінез... Сағатовының проектісін іске жаратпай, «сиырға беретін ескі шөпке» теңеп, келемеж қылған да өзі емес пе? Алдын ала неге байбалам салады?

Сағатова Ялтада жүргенде шықты ол мақала, сонда Серегинге: «Жерден жік шықты, екі құлағы тік шықты!» деген қазақ мәтелімен жауап қайырам! Ондай арзанқол «жаңашылды» талай көргеміз деген жоқ па еді Мұсілім?

Жарайды, Серегин хатшы ғой, екі жағын да таразыға сап, өлшесін-ақ, олай болса, партбюорода директордың сөзіне неге қосыла салады? Шешініп жіберіп, салғыласпай ма дейтін болар Базаров. Е, әрқашанда: «Неге үйтпедің, неге бүйтпедің» деп айту жеңіл. Таудан аққан бұлақтай түрлі пікірлер сарқырап кеп, бір сайға құйғанда, айырып көр, «Қайсы таза, қайсы лай...» Серегиннің өзі екі ойлы, шерменде. Өндіріс хатшысы инженер болу керек деген пікір осындаидан шықса керек. Жаңа проектіні іске асыруда сақтық, зиректік өте қажет. «Жаңашыл» болам деп, көп жылдан келе жатқан өндіріс ырғағын бұзып ап, жаңаның кілтін таба алмай, әрі-сәріде қалса... Серегиннің батыл пікір айта алмағаны да сол.

Базаров Серегиннің сөзін онша мақұлдай қойған жоқ. Мәселені күн бұрын дайындалмай, салдыр-салақ бюроға қоя ма екен? Хатшы болып Серегин неше жыл істейді? Жаңа талпынып, демеу керек қып жүрген хатшы емес, шақар да азулы. Бұл жолы неғып тайқақ соққанын. Жалтақтық партия қызметкеріне тән мінез емес! Қазір Москвада коммунизм техникасын жасауды қолға алды: ескі өндіріс техникасын ауыстырып, жаңартып, автоматиканы кеңінен қолдануды осы жетіжүлдіктың маңсаты қып отыр.

Бұл — техникадағы революция!.. Сағатова сияқты инженер, техниканың жаңа кілтін тауып, құрыш қорытушының қолына ұстаратам десе, оған түрлі себеп тауып, «аулақ-аулақ» деп қол сілтейді. Бұл — күндеуден, жеке қарабастың егес-қиясынан туған мінез.

Базаров ұтандап сөйлейтін кісі еді, келешекті болжап ап, дәл қоштасарда: «Коммунистік бригаданың атағына құресіп жүрген Құрышпаев бригадасы төрт аяғынан бірдей ақсал жатқан көрінеді... Не болды саған жолдас Серегин?» деген-ді Базаров...

Міне осы сөз Серегиннің ұзақ күнге құлағынан кетпейді...

Николай Иванович қалалық партия комитетінен қайтқан соң партбюорога соқпастан, тұра мартен цехіне барды. Цех комитетінде құрыш құюшы мастер Күміспек Дайыров кез болды.

— Сен неғып жүрсің, Дайыров?

— Мүшелік жарна төлеуге кеп ем.

Сен бұл сменада... кешкі 12-де барушы ма ең?.. Онда екеуміз кеңесіп алсақ дейім... Мұнда жүр!— Серегин бос тұрган цех начальнигінің кабинетіне алып кірді. Қара был-

ғарымен тысталған күшеткеге отырды да қалталарынан қатарласа шылымдарын шығарып, біріне-бірі ұсынды. «Рахмет» айтысып, әрқайсысы өз шылымын тартты.

— Құрышпаевтың бригадасы сенің сменаңда гой?

— Ия. Кеше өзі келмей қалды. Сырқат деседі... Бүгін тәуір болса, өзі біледі. Маңдайына түскен көмірдей қара шашын Күміспек саусағымен тарады. Оның шегір көздері құлімсіреп: «ауруы шын болса, дұрыс қой, арындаған аттай, қиястанып жүрмесе?» дегендей. Серегин тіс қаққан кісі, нобайлап айтса да түсінеді.

— Бригада түзеле ме, жоқ крест¹ қойып, құдай өзі кешер дейміз бе?

Серегиннің шылымы сөніп қап, қалтасынан сіреңке іздең, таба алмады, оның не ізден отырғанын сезген Күміспек сіріңкесін ұсынды. Күміспектің жуантық, түкті саусақтары күп-күрең — қола түстес, жалынға қақталып, отқа күйген тәрізді. Серегин Алматыда істеп жүргенде бір жылы Жетісу өлкесін аралаған-ды, сонда бір қазақтың шоланында ысталған қазыны көргені бар, соның түсі осы Күміспектің саусақтарындағы күп-күрең еді.

Серегиннің қолына қадала қарағанын аңғарған Күміспек, әдейі мақтанғандай қола түстес саусақтарын маңдағына секіртіп отырды да, баяу, қоңыр дауысымен:

— Ол жігітпен жақсылап, оңаша сөйлесу керек! — деді

— Анада экесі кеп: Надырханов балама ескең тақты деп, шамданып жүр еді, тегі сондай бірдемеге бұ да қыңырланып қалған ба? — Серегин Күміспектің бет-әлпетінен жүрек түбінде жатқан сырын таппақ боп, үңілсе де, бидай өнді бүйрек беті өзгермеді. Ол иығын қимылдатып: «өзім де түсінбейім!» дегендей пішін білдірді.

— Ол жігітте бір сыр бар, бірақ айтпайды! — деді Күміспек. Аздан соң... — Кешегі байқағаным: соның бригадасы құрыш құюдың технологиясын дұрыс сақтамайтын тәрізді...

— Не айтып отырсың? Пеш сырын жақсы біледі дейтін құрыш қорытушы, өзі герой... баяғыдан бері шошқа бағып жүр ме? Сен қайда қалдың, мастер емеспісің? — Серегиннің онсыз да ұзын кеңірдегі сорайып, бүгілген саусақтай жұтқыншағы томпайып шыға келді.

— Шынын айтсақ: «герой-герой» деп дандайсытып жіберген өзіңіз! — деп Күміспек құлді.

¹ Біржола сыйып тастаймыз ба деген мағынада.

— Дандаісып, не істеді ол?.. Бос сөз!— Серегин жақтырмады.— Надырханов құсап сен де: герой деген атақты тегін алды де?

Күміспек ыржып тағы күлді:

— Ендеше неге араласып, неге сол құрышын бермейді?

— Соны мен сенен сұрамақпын!

— Тағы да айтам: ол героймын деп дандаісып алды!

— Бал.. Хател.. Бұл сөзді оған мен өзім де айтып жүрем: «дандаісма!» деп... Менімше басқа бір сыр бар...

«Пеш — жанды адам сияқты, кейде арындал, құрышты дұрыс қорытпай қоятын кезеңі де болады. Оның тілін білу керек!»— деген қария құрыш қорытушы Иван Ивановичтің сөзі дәл қазір Серегиннің есіне түсті. Бұл бригаданың ақсауына не себеп болды екен? Пеш пе, жоқ, басқадай сыр бар ма? Кіммен ақылдасса... Сагатова ма?»

Дәмешті телефонға шақырып еді, шалдың өзі келді:

— Қалай шал, Надырханов сөзінің шындығы да бар сияқты.— Серегин мысқылдап Құрышпайдың жанды же ріне тиді. Телефонда көрінбесе де ыршып-ыршып түскені беп-белгілі.

— Не дейсін? «Надырхановтың күші тасып бара жатса, өзінің Кавказына барсын?..» Ия, «тілі ешкінің құйрығындаш шолтаң-шолтаң етеді де жүреді...» Сонсоң: «Серегин сен өзің айтақтап қоясың ба?» Сұрақ па, жоқ леп белгісі ме?.. Тегі әлі қөзің жетпей жүр ме? — Серегин Күміспекке қарап: «көрдің бе, шалдың қимылын!» дегендей қөзімен ым қағады.— Шал, не десең о де, бірақ, Тұхфатуллин коммунист бригаданың атағына ие болады! Оған ешбір дау жоқ! Не дейсін. «Софан беріп қара!..» «ЦК-ға дейін арыз жазам!» Жаз-жаз!.. Қарсылық жоқ! Қалам-сия әкеп берейін. Қырық тиынга марканы тағы ала барайын, шалым!— Серегин тағы да телефонда мысқылдап күлді.— Ия... Жарайды... Татуласайық дейім. Балаларыңың біреүін телефонға шақырыш! Ораз тәуір болды ма?.. Онда екеуі де қазір заводқа мәған келсін де!..

VII

Июнь. Арқаның жылды да хош іісті көңілді айының бірі. Құн еңкейе, бүйра-бүйра дәң-қыраты кекалдыр тартып, кекжиектен сағым көтеріліп, толқып жатқан теңіздей киялмен ойнайды. Сол бір кеште Арқа даласы Мұхит да-

риясымен үштас тәрізді. Толқыған мөлдір сағымға адамның көзі тоймайды. Жүре бергің келеді, жүре бергің келеді. Құлпыраған дала гүлдерінің жұпар ісі мұрын жарып кеудені ашады, көңіл көтеріп, бой сергітеді.

Сол санаңды да билейтін бір-ақ тілек: түн түспей маужыраған сол бір кеш батпай, ұзара берсе дейсің... Сол әдемі сезім бойды билеп күш бітіріп, өмірді қызықтыра түседі. Тіршіліктің қадыры артады. Дәмеш осындай бір июньнің сәнді кешін, өткен жылы Алматыдан командировкаға Баянауылдың Бозшакөліне барғанда басынан кешкені бар. Сол Бозшакөлдің бүйрарат қырқасы, көк майса жазығы, жарқыраған айдын көлі — табиғат қадірін танытқан. Еріксіз ән салдыраған!.. Міне, бүгін де сондай бір әдемі кеш басталғандай. Ертең Дәмеш дем алады. Қайда барса екен?.. Осындай ғажап кеште, үйде отырудың өзі күнә! Көлден соққан самалға Дәмеш балконда отырып бетін төсейді... Тізесіндегі кітабы былай қалды, әлі беті де ашылған жоқ.

Үйде телефон мазасыз сылдырайды. Маужыраған әсем кештен ләззэт алған Дәмеш телефон соққан кісіге іштей наразы: телефон құлағын керенау көтеріп, салқын дауыспен сұрады.

— Кім керек еді?

Қайыр Дәмеш дауысын танымай қалды ма, әуелі бұл кім, бұл кім? — деді де, артынан аңғарған болу керек:

— Дәмеш?.. Дем алып жатыр ма ең? Мазаңды алсам, ғапу ет! — деді.

— Немене? Тағы да тауға шақырайын деп пе ең? — Дәмеш ана бір жолғы тау саяхатын ұмытпайды. Артынан аяғы ісіп кетіп, бір жұма ақсан жүрді. — Құрысын ондай саяхатың! — Соның есесін қайтармақ боп, жанына тигізе әзілдеді. Ол Дәмеш әзілін түсінсе де қу екен, түсінбеген болды: «Тап үстінен түстің, Дәмеш!.. Жалғыз-ақ, тау емес, театрға шақырам! Қарғандыға Алматыдан Серкебаев кепті. Бүгін соның концерті. Барамыз ба?.. Ертең дем алысың емес пе?

— Оны қайдан біле қойдың?

— Кімнің қай сменада істейтінін білмесем, директор боп не керек!

— Істейтін іс шамалы да! Әйтпесе, директордың білуі шарт емес!

— Жә, жетеді, Дәмеш!.. Айтысып уақыт өткізбейік, барса Ораз бен Ажарды да шақыр!

— Қазір сағат алты. Біз екі сағатта барып, үлгере аlamыз ба?.. Билет болмаса қайтеміз?

— Директорлар бастас емес пе!.. Театрга заказды беріп те қойдық.

Дәмеш телефон құлағын тастан үлгермеді, өз бөлмесінен Ораз шықты, түсі сүйк.

— Барам дедің бе?— деді ол жақтырмадан пішінде. Дәмеш бетіне таңдана қарады:

— Сен қайдан білесің?

— Жаңа ғана сөйлескен жоқсың ба?

— Бармайсың ба?.. Ажарға да айт...— Ораз мұңайған жүзбен иығын қиқаңдатты да, өз бөлмесіне қайта кіріп кетті.

Странно! Дәмеш осы Оразды түсінбеуге айналды. Үлкен шар айнаның алдына кеп, шашын қайта өрді. Өкшесіне түсетін ұзын бұрымын орап-орап қошқар мүйізделеп желкесіне түйді. Осы бір шаш ынғай Дәмештің қолын бөгейді, әсіресе, таңтертеңгі сменаға барада, есі шығып біtedі. Әзін кесіп қысқартса?.. Жаңа модаға бір ілесе алмай-ақ қойды... Откен жылы құрбысының шашы, Құрышпай атасының суреттеуі бойынша: «Ортасынан бір бұған күзеген тайдың құйрығы» еді. Бын: Сенсек қозының елтірісі: қырқып бүйралап қойған!..» Құрекең табады! Көйлек те жыл сайын взгереді: бірде бөксе жағы кең, шұбалаңқы келсе, енді бірде денемен дene ғып тігеді, сулы көйлектей, жабысып, мүсінін жасырмай сол анадан жаралған қүйінде-гідей көрсетеді. Әдемі киіну — Дәмештің жасынан бойына сіңген эдеті. Киім адамның бойына қонып, жарасса, жұртты таңдандырып қызықтырса, сонда ғана ол — ұнамды. Егер жұрт көзіне ерсі көрінсе, кісінің шамына тисе, ол киім сұлу түгіл...

Дәмеш шет өлкеде жүріп, қарайып қалған инженер емес. Мода, музыка, әдебиетten де хабары бар. Саясат пен экономика, ғылым мен техника, дүние жүзінің жаңалықтарымен де таныс. Эта же қасының үсті толы газет-журнал. Жаңа романдар. Құнделікті газетті сыйыртып оқып шықпаса, әлденені ұмытқандай, не жоғалтып алғандай беймаза болады. Эсіресе Дәмеш музыканы жақсы түсінеді: ән салады. Жаңында ашылған мәдениет университетінің музыка факультетіне жазылып, анда-санда барып лекция тыңдайды... Не кисе екен бүгін?..

Ажар мен Ораз да дүрлігіп қонақ үйге шықты. Шаңылдаған Ажардың ашы дауысы естілді. Есік сыйқап жа-

былмай, арасынан саңылау қалған екен, сөздері тегіс естіліп тұрды.

— Аулақ, бармаймын! — деді Ажар.

— Қой, Ажар!.. Ұят болар! — деді Ораз жалынған дауыспен. Ажардың қолтығынан алып, өз бөлмесіне қарай сүйреледі ме, алыс-жұлыс, іле Ажар «қоя бер!» деп шаңқ ете түсті.

Ораз қинала-күңкілдеп, тез-тез сөйлеп жатты. Не болған Ажарға? Құстай ұшып, әндептіп үйден үйге секіріп жүретін Ажар ашулы да қатал. Әлде... Ораз екеуде бірдемеге келіспей жүр ме? Ойын қонақтатып ұлгермеді, тағы да Ажар дауысы шықты...

— Ұқпайым... Құлағыма кірмейді!.. Анау қарындастың ба еді, әлдекімің еді... бар, сонымен! Менен аулақ! — Дәмештің жүргегі су ете түсті. Жоқ, елес шығар, қос көрініп тұрған болар... Ондай жаман ойды Ажардың ойлауы мүмкін емес...

Ораз дірілдеген қатал оймен:

— Не деп тұрсың өзің? — деді.

— Жоқ, ол барса, мен бармаймын, айтқаным айтқан! — деді де Ажар есікті тарс жауып өз бөлмесіне кірді де кетті. Дәмеш ернін қаттырақ тістеді: ә, солай ма, Ажаржан? Оразды менен қызғануға айналдың ба?

Дәмеш не істеп, не қойғанына есеп бермеді. Ажар қылышына шыдамы жетпеді, есікті шалқайта ашты:

— Бармаса жалынба, Ораз!.. Өзіміз барамыз, киін!

Қаншама тез киінем десе де қолы дірілдеп, қара жібек көйлегі тарылып кеткен бе, кие алмай әуреленді, киген соң ол қеудесін қысып, тынысын тарылтты. Бір күндері тілім нанды бөліп жеген құрбы сіңлісі Ажар, енді жат көріп, жонын сырт береді. Опасыз! Кеше Дәмеш жоқта, Оразды қапқанына түсіріп, тартып та алды. «Сен сүйттің-ay!» деп Дәмеш жұмған аузын ашты ма? Өкпеледі ме?.. Ең болмаса, Дәмештің қытығына тимей, сыр бермесейші?.. Ақылсыз!

Содан бері бес жыл өтті, Ораздың төрт жасар баласы да бар, сүйген күнде де Дәмеш Оразды семьясынан бөліп әкетуге ары бара ма? Ерекескен де?..

Бір кездे Дәмештің сүйгені анық. Ал, қазір.., ия, қазір ше? Анада бір оңашада, әлі де болса Ораздың жүргегішің соғысын түсінгені қайды? Енді неге жасырады? Намыстанып, Ажарға бола: «Сенің... Оразың кімге дәрі?» деп айта салған қызба сөз бе?..

Қайыр есік қағып рүқсат сұрады. Дәмеш те жаңа ғана киініп болып, сағатын тағып жатқан, қарсы жүріп, сынай қарады: Қайырдың үстінде жұқа қара бастоннан тіккен костюм, жағасын крахмалдан қатырған ақ көйлек, аяғында әшекейлі көк шегірен туфли. Күімі жарасымды, бойына құйып қойғандай. Мандайы кере қарыс келісті-ақ жігіт, Дәмешке несі ұнамайтынын? «Беті жалпақ, көзі томпақ!» деді іштей ерегіскең бір дауыс. Дәмеш езу тартып сәл жымиды: ерек көркі бет емес, ақылда!. Эне, өзің ықлас салып қарашы: шашын тілмен жалап жатқызғандай жып-жылмағай, жып-жылтыр, бір тал шашы үрпіп, кезге түспейді. Соның бәрі кім үшін?

* * *

Бұлар концерттің екінші бөлімі басталып жатқанда келіп жетті. Есік аузындағы әйел партерге жібермей, жоғарғы балконға қуды.

Бәрінің алдында Дәмеш, оған ілесе Ораз бен Ажар, ең артында Қайыр ентіге басып, жоғары көтерілді де сол іретпен бос рядқа отыра қалысты.

Басты әнінің бірі—«Фигаросын» Серкебаев безілдетіп, театрды құңірентіп тұр. Кең де ашық дауысы сахнаға сыймай, үйге үшіп кірген құстай залдың қабыргаларына соқтығып терезені жарып, көше-көшеге тарап жатты. Жайдары, қуақы сырлы үн тыңдаушылардың қиялышына қанат жамап, өзімен бірге еліктіріп, биікке алып үшты. Құндізгі реніш, тұрмыстағы жоқтық, түгелдей ұмытылып тек асқаңтаған шаттық, лепірген жүрек осы бір залда өмір сүрді. Серкебаев аздан соң, көз байлаушыдай залды еркін билеп, соңынан ертіп алды...

Ораз радиодан естігені болмаса, Дәмеш сияқты бұрын Серкебаевты көрген жоқ-ты. Әншінің өзінен гөрі дауысының бояуы көбірек ұнады. Шын сүйсіне бар ынтасын сала тыңдалып отырған Ораздың қолын біреу ұстап ап, қысып, жібермеді. Әншінің әніне елтіп, біреу «Естімісің Ораз... Қарашы, қандай актер!» деген ойын қимылымен айтып отырған Дәмеш екенін сезінді. Ораздың әрбір қимылышын көз қызығымен аңдып отырған Ажар, байқап қап Ораздың санын шымшып алды. Ораз селк етіп оқыс бұрылам деп, Дәмешті иығымен соқты. «Не болған сендерге?» дегендей Дәмеш те екеуінің бетіне таңдана қарады. Бір қызарып, бір сұрланып, долданған Ажардың сыйқы, айтпай-ақ өзі түсіндірді.

Дәмеш те заматта өзгерді. Ажарға өшіккендей. Ораз-га айрықша көңіл бөліп, әншінің дауысын түр-сипатын сөз қып, бірсесе құлағына сыйырлап құліп, лезде Оразды өзіне бейімдеп алды. «Тише!» деп жүрттың ескерткеніне де қараған Дәмеш жоқ.

— Ораз, сен мына шыққан жас әнші қызды білесің бе? — деді сыйырлап Серкебаевтың артынан іле сахнаға сектіре билей шыққан нәзік, тапал бишіні иегімен нұсқап.

— Жоқ, о кім еді?

Дәмеш Ораздың құлағына сыйырлады.

— Кім-кім дейсің? — Ести алмаған Ораз қызыға дауыстай сұрады.

— Аржағыңда прокурорың отыр, «тоқмаш» жейсің... Кейін! — Дәмеш тұншыға құлді. Бұл сөзді Ажар да, Қайыр да естіді. Ажар ашуулана сұрланып, Қайыр ұяла-қызарып, екеуі біріне-бірі қарады.

Қайыр қарындасына зекіп бір қарады да, қырындап отырып алды. Ажар атып тұрып, алақанымен бетін басып, шыға жөнелді. Жолында отырған Қайыр:

— Но-но! Не болды саған? — деді сасып. Үн-тұн жоқ Ажар сыйылып шығып, сатыдан жүгіре төмен түсті.

Ажардың оқыс мінезіне ұялған Ораз, жаутаңдап жан-жагына қарады да соңынан кетпекші боп тұра беріп еді, Дәмеш етегінен басып жібермеді. Оны сезген Қайыр көзімен Оразды бір түйреп, қарындасының соңынан өзі кетті...

* * *

— Дура! — деді, Қайыр орысшылап, фоәде бағана түбінде солқылдап жылап түрған қарындасына жақын ба-рып. — Келемеждең отыр, сезбейсің бе? — Буфетке барды да күп-күрең қою сыраны стаканға толтыра құйды...

ЕНИШІ БӨЛІМ

1

Әлі жатыр, әлі жатыр... Құн наиза бойы көтерілді, бір оқ шығарған жоқ. Айнала құлаққа ұрган танаңдай, тымтырыс. Қарағайдың майы күннің көзіне еріп, иісі мұрын жарып, қолқаны ашады. Арадың тоғайы суылдал, Ораздың бетіне салбырай төңген бұтақтың түйе табан жапырағы желмен тенселеді. Бұл сыйбырға арал қабағын шарпи соғып, кейін қарай қайта лықсыған Самарқанд көлінің толқын шуы тағы қосылады.

Ораз бүгін құс атам деп, ертесімен аралға есіп өтті де, ну тоғайға қызығып кетіп аунап, жатып алды.

«К черту, все на свете!»¹ — орысшылап, қосауыз мылтығын лақтырып тастанды. Мазасыз бір ойлар тиышшын алғалы міне бір айдан асты. Түнде түсінен, күндіз есінен шықпайды. Міне, қазір, шалқасынан түсіп көкке қарап жатыр: екі көзі бала күнгі қардан соққан ақ қала сияқты көк-ала бұлтта. Жылжымайды, манадан сол бір орында. Эне біреуі — құлағы қалқыған қоянға үқсайды-ау?..

Ораз жерден қияқты жұлып ап, аузына салып, қышқылдау дәмін тамсанып-тамсанып түкіріп тастайды да, жаңадан біреуін аузына тағы апарады.

Кейбіреулер бүгінгі жастар қайғырмайды, уайым-хасіретке жүрек түбінен орын бермейді деп ойлайды. Әділіне келсе—жүрегі соқпайтын, қаны тасымайтын суық адам бола ма? Өмір тақтайдай қара жол емес, өмірдің бұлтарысы, шым-шыттырық, айналасы да көп... Таяз ойлаған адамға: бала өседі, мектепке барады, бітіреді, үйленеді, балалы-ша-

¹ Құрысын, бұл дүниенің бәрі де.

ғалы болады. Қызыметі де өседі... Сонсоң бір күні өледі. Бұлай оп-оңай өмір сүрсе, өмірдің онша қызығы да болмас еді... Осы оқу, үйлену, жұмыс істеудің айналасында қаншама тартыс барын Ораз енді түсінгендей, қуаныш бар жерде қайғы да бар: адам сезімінің бірі астары болса, енді бірі тысы емес пе?

Ораз өзінің философиясына өзі іштей мысқылдай құлді: «Жаяу философ!» Оナン да жүрек толғаған мұң-уайымды мушелеп алмай ма осындағы оңашада? Сонда ғана жүрек ортайып, адам тыныс табады. Сол бір... жанжал неден басталды?

Театрдан келе Ажар жанжал көтерді: «Ал! Қайда кетсөң, онда кет!»— деді де теріс қарап жатып ап, тұні боғы жылады. Қөзінің жасы көлдей неткен долы? Баяғы ескі қазақтар болса, қамшының астына алып, сойып-соғып үйден құып шығар еді.. Ораз езу тартып құлді. Чепуха!.. Онымен адам тәрбиелеуге бола ма? Феодализм! Сондай қазақтар әлі бар ма екен?

Жұмысқа барса, онда тағы жанжал. Ажардың осы бір мінезі, Ораздың жұмысына да әсерін тигізді. Осыдан екі жыл бұрынғы жігер-қайрат жоқ, енжар, бәрі де қолдан түседі де тұрады. Оның үстіне завод толғаған пыш-пыш сөз: «Ораз герой атын таныстықпен алды», «Ораз коммунистік еңбек бригадасының атын енді ала алмайды», «Тұхфатуллин озып шықты»... деп жанына тағы тиеді... Әсіресе, жаңына бататын, ар-намысына тиетін сөз: «герой атын оңай алды» дегені. Ондай атақты оңай ала алмассың, Ораздың еңбегі бар шығар... Жүрт сөзіне Ораз онша өкпелей қоймайды, кімнің аузына қақпақ бола алады. Кейде өзінің жүрек түбіне үңілгенде, арына сыймайтын бір мінезді тауып, соған өкінеді. Айталақ, герой деген атақты: мартен пешінің ремонтына қатнасып, ертерек бітіріп одан үтқан уақытта тонналап жоспардан тыс құрыш құйды... Құрыш сапасын да арттырып, бракті азайтты... Техниканы күтіп пайдаланды... Сол үшін герой атағын берді... Жарайды, бере-ақ қойсын. Сол табыстарын бойына сіңіріп, бригадасының игілікті ісін баянды ете алды ма? Жоқ! Геройлық ат алғасын, құрыш өзінен-өзі құйылатындағы табысқа мастанып, салдыр-салақ жүріп алды. Герой деген атқа нұқсан келтіретін де, Ораздың өкініші де, намыстаннып, қүйінетіні де осыдан! Неге? Ораз қолынан келгенін аяп жүр ме? Бұл Ораздың айтатын сөзі емес, күндерестердің сөзі!.. Бұл іштегі қарсы дау. Ораз қазір сол «рекордты» бойына неге

сіңіре алмады, соның себебін іздең, аласұруда: бір күн «рекорд» беріп, екінші күн оған күш жетпей әуре болу — коммунистік еңбектің принципі емес. Тұхфатуллин жаңын аяマイ, терлеп-тепшіп, Ораздан зорға озды, бірақ, үзақ ба-ра алмайды, аздан соң қарқыны басылып, бұрынғы қалпына қайта оралады. Ораздың арманы: «Құрышты көп құятын әдіс тауып, сол әдісті бойға сіңіріп, байыпты бір ырғақпен істей берсе...»

Ол үшін бригадада жеке жағдай туғызудың керегі де жоқ. Жұртпен бірдей жағдайда озып шықса... Герой аты да, коммунистік еңбек бригадасының атағы да сонда сыйымды да, адад!

Күміспек сияқты доссымақ мастер: «Ораз құрыш қорытудың технологиясын дұрыс қолданбай жүр!» дегенді айтады. Мастер болмаса да, Ораз одан кем білмейді; Ораз қазір сол тасқа басылған құрыш қорытудың нұсқауымен құйып, байқап жүр. Сол нұсқаудың кемістігі неде?.. Соны білсе, оған өзгеріс енгізу қыынға түспейді. Бұл жайында Ораздың өзінің ойлары бар... Бұл ойын Ораз әлі тірі жанға айтқан емес, шу көтеріп «ойбай!» құрыш қорытудың орнына, ермек қып жүр!» деулері де ықтимал!.. Міне, осы екі жанжал түйісіп кеп Ораздың есін шығарды: не қыларын білмейді. Оразға бәрінен де Дәмеш күйігі жаңына батады. Ажар байыбына жетпей, Дәмешті өкпелетіп, көңілін қалдырыды.

Шіркін, Дәмеш адамның ардағы: сөйлессең — сөзінен, құлс — күлкісінен, жүрсе—жүрісінен ләззат алып, жаңың рахат табады.

Осы бір мезетте, Дәмеш қасына келіп көңілін білдіріп, бір ауыз сөз айтса, Ораз алды-артына қарамай Ажарды тастап, Дәмеш соңынан еріп жүре берер еді, эттең, сол бір сөз... сөз емес-ау, емеурін білдірс... Эрине, Ораз Дәмеш қайырлады деп үміттенбейді де, ол үшін өткен бес жыл қайта айналып келуі керек. Енді ол — Ораз тұғырына қайта қона тын құс емес... Бұған кім кінәлі?.. Қайыр ма? Дәмеш пе? Ораздың өзі ме?

Бір топ сұңгуір үйрек дәл қасынан дыр етіп, көтеріле үшты. Аңшының дағдысы — атып тұрып көздейін десе, қолында мылтығы жоқ, қол созым жерде ағашқа сүйеулі тұр...

Ораз жиекке қарай аяңдап келеді.

Ләқаула — тұқ атпай, үйіне құр қол қайтса, тағы құлкі болады-ау. Ең болмаса, адасып жүрген соқыр үйрек те

кездеспейді.. Жаңағы бір сұңгуір үйректер қайда қонды екен? Әккі соққандар маңына дарыта ма?

Ораз үрлана басып, ағаш-ағаштың арасымен, бұтақтардың астымен бірде еңкейіп, бірде еңбектеп, жиекке шықты. Бір топ үйрек екі жұз қадамдай жерде жіпке тізгендей қаз-қатар жүзіп барады. Алдындағы ақ тамақ, кекжасыл үйрек қайқаңдал, судың ортасына қарай бастады. Ораздың жүргегі лүпілдеп, денесі дірілдеп мылтығын қаттырақ қыса ұстап, жіті көздеді, қарауылға ілінер-ілінбес басып қалды. Су да шашырап, дүрр етіп топ үйрек шарықтап шыға келді, көл бетінде тыптырап біреуі қала берді де, енді бірі топтан жекеленіп, самарқау ұшып бара жатып, жалл етіп, о да құлап түсті.

Ораз екі-ақ аттап қайық жанына жетті де, мініп ап, ескекті қарулана есіп, толқынмен ағып бара жатқан бірінші үйректі қуды... Шым ойған күректей ескек те толқынды көртіп, қайықты ытқытып жібереді.

Ораз өмірде де осындай мерген болсайшы!.. Кейбіреудің қадамы туғанинан сәтті. Оңай, қиналмай тіршіліктен өзіне лайық орнын алыш, мұратына жетеді.. Тегі о да өмірдің мергені: тіршіліктен алатын өзінің орнын тез тауып, күшін дұрыс бағалай білу о да мергендік. Өмір мергені солар, олар бақытты адамдар. Ораз құстывың ғана мергені. Өмірдің мергені болса — институт бітіріп, Қайыр құсан инженер, не мүмкін директор да болар ма еді, кім біледі... Дәмештен де айрылmas па еді?.. Жоқ, бұл арман! Адамда арман көп болады, соның бірі. Ораз бақытты емес пе? Атақты құрыш қорытушы, герой, бұдан артық бақыт бар ма?

* * *

Аулада, қараташ түбінде немересін ойнатып отырған Құрышпайдың көзі екі үйректі иығына артып, маң-маң басып келе жатқан баласында: сағат үш, сменаға баратын мезгіл де жақын.

Асығатын емес, жүрісі жайбарақат, құданың әмірі-ау, не болған осы балаға? Арындаған аттай, бұзылып жүр... Келінімен күнде жанжалдасады. Ол, бейшараға не қыл дейтінін, күнде жылайды? Бірі айтпайды, жасырады. Үйін үй ғып ұстайды, экесі мен баласын күтеді, несі жақпай жүргенін, бұл соққандарға? Халық қадірлеп, «герой» деген ат берді. Сол атты енді қор ғып жүр.

Ең арғысы, кешегі төбелес қой Үгламбек екеш Үгламбекке де құлкі болғасын не сәрі...

Құрышпай ұлынан көзін алмайды, жақындаған сайын жүзіне қадалып реңінен жүрек күйін тапқысы келеді. Бала атасына бір күйік, ауырса, ренжісе алдымен ата-анаға батады. Жұғымсыз мінезіне қынжылып, сәтсіз қадамына налысады. Кесер кеңірдекке келгенде шұрқырап ара түседі. Сол қадірді бала біле ме?

Намыстанған күні Құрышпай туған еліне, алтын бесік—Жетісуына ұлken ұлының қасына көшіп кетпек те болады, бірақ, осыны аяйды: қатын алып, балалы болса да кешегі жалаң аяқ, жалаң бас жүгіріп жүрген Ораз. Ұлken ұлы жыл сайын хат жазып шақырады: «...Суық жақта саған не бар? Туған еліңе қайт, жаман айтпай жақсы жоқ, өмірден көрің жуық! Сүйегінді Ұзынағашта қалдыр!» деп қатты сөз де айтады. Құрышпай мызғымайды. Арқа да, Жетісу да — бәрібір Қазақстанның жері. Пәлен жыл отына күйіп, жалынына қақталып, құрыш иісі сіңген завод Ұзынғаштан да жақын, әкесінің үйі сияқты.

Ең құрымағанда екі күнде заводқа бір барып, құрыштың қызған — ыс иісін іскеп, кім не істеп жүр, цехта не бол жатыр, біліп тұрмаса ішкені ас емес.

— Әне, папаң, жүгір! — Құрышпай немересін итермелеп Оразды көрсетті. Болат санын шапалақтап жүгіріп ала жөнелді. Әдеттегідей жерден көтеріп ап, бетінен сүйген Ораз жоқ, өңі суық; қатал үнмен: «Мә, саған!» деп бір үйректі ұстата берді де, үйге кіріп кетті.

Ыңғай осы, ашылып сөйлесуден қалды; тіпті Болатты да іискемейді; бұрын да түйік бала еді, қабағын бір ашпайды, қысты күнгі аспандай түнереді де тұрады. Не болған бұған?..

Құрышпай үйге кірмек боп енді ыңғайлана бергенде, почта таситын қыз телеграмма әкеп берді. Екі бүктеліп, желімделген телеграмманы ашып оқыса: «Жіберген ақшаны алдым. Жақында шығам. Асқар» депті. Сүйінші, Дәмеш! Өлген адам тірілді деген осы! Шіркін, асыл жігіт екен, көрмеген бейнеті, шекпеген азабы жоқ.

Бір тұқымнан қалған осы екеуі-ақ. Асқардың әкесі — Жұніс ақылды қазақ еді. Колхоз құрган жылы Ибраһимбектің басмаштары өштесіп, бір тұнде басын кесіп әкетті. Жұністің ұлken қызы Гүлжан қырқыншы жылы жіңішке аурудан қайтыс болған-ды. Жездесі — Бәкен, соғысқа

кетіп, герой атағын алып, майданда қаза тапты. Бұлардың Құрышпайдан басқа жақыны жоқ. Әкең өлсө де, әкеңді көрген өлмесін деген осы.

Құрышпайдың да өмірдегі жолы — тақтайдай қара жол сияқты сайрап жатпады — бұлтарысы да, жалтарысы да көп болды.. Неге отыр, Құрышпай қуантпай ма Дәмешті?

Құрышпай бөлмесіне кірді де киіз қалпағын іліп, Дәмеш бөлмесінің есігінен сығалады. Дәмеш жеңін сыбанған, қағазын будыратып стол үстіне жайып салған, терең ойда отыр екен. Өнді қуқыл тартқан, жағы суалған. Құрышпай кірер-кірмесін білмей есік алдында тұрып қалды. Мезгілсіз, бөгет жасағанына өкінді. Шалдың есіктен сығалап тұрганын Дәмеш қарсы алдындағы шар айнадан көрді білем, бұрылып, Құрышпайды шақырды.

— Ата, кіріңіз! Міне қараңыз: мынау — мартен пеші! Түсінікті ме? Вот... өзіңіз білесіз, құрыштың тез қорытылуы жалынға байланысты емес пе? Егер жалын құшті болса, пеш те тез қыздады. Солай ғой? Бұл сіз түгіл әрбір ас пісіретін әйелге мәлім... Біздің завод мартен пешін мазут майымен жағып, құрышты сонымен балқытады. Мазутты жандыру үшін, оны ауамен үрлейді. Шаң-тозаңдай ұсақтайды. Негұрлым ұсақ шашыратса, солғұрлым қызу құшті жанады. Ал, мен айтам: мазутты ауа аралас бүмен үрлейік дейім. Себеп: бу араласқан мазут жақсы жанады да, жалыны өте құшті болады. Жәнеде ауа аралас бүмен үрлеп жандырған мазуттан сұйық қоқыс орнына құл түседі, темір оттықты тазалауға жеңіл...

Осының бәрін есептеп көрсем: құрыш бес-алты сағатта балқып, қорытылатын көрінеді. Енді өзіңіз айтыңыз: бүмен үрлеудің пайдасы бар ма, жоқ па?.. Қайыр бу тарту үшін жер қазып, тұрба орнату керек, оған көп қаражат кетеді деп еді, оны да есептедім... Оған шыққан ақшаны мартен пешін бу аралас ауамен қыздырсақ бір-екі айда ақтайды! — Дәмеш орнынан тұрып тоңған кісідей екі қолын кеүдесіне айқастырып, «не дейсіз?» дегендей Құрышпайға жымия қарады.

— Қайдам... Бұл айтқаныңдан менің миыма өте қонғаны: бес-алты сағатта құрыш балқып, қорытылып шығады деуің... Сонсоң сұйық қоқыс... Құрыш қорытушылардың көп уақыты оттықты тазалауға кетеді... Қайыр да қарсы дейсің бе?

— Ашық қарсы емес, бірақ, бу аралас ауа пешті тез қыздырады дегенге сенбейді ол. Ал, Мұсекең о бастан қарсы!

Құрышпай қалтасынан темекісін алғып, трубкасына нығыздаш баса салды. Пысылдатып, үзақ тұтатып, қайта-қайта сорады.

— Менің сынауымша: Қайыр сол Мұсекең ағасынан аса алмайды.

Дәмеш мақұлдан басын изеді.

— Ол — сөзсіз. Қазір, Платон Сидоровичке тапсырған көрінеді. Ол үстінен түйе жүрсе де қозғалмайтын жуас адам, Мұсекеңнің айтқанын істейді.

— Өзіңе-өзің сенсөн, күрес. Обкомға бар!

Дәмеш күлді.

— Обкомсыз-ақ, қалалық партия комитеті де жетер. Әуел өздері жауабын берсін! Сонсоң көрерміз... Тоса түрайық!

Құрышпай шыр-шыр еткізіп трубкасын сорғылап отырды да, басын кенет көтеріп алды.

— Айтқандай... сүйінші!

Дәмеш ұзын кірпігін құс қанатында серпи қағып таңдана қарады.

— Сүйінші?.. Алыңыз!

Құрышпай телеграмманы берді. Дәмеш көзімен жүгіртіп етті де қуанғанин атасының мойнына асылды.

— Ағам келе жатыр!.. Ағажаным! — деп балаша дауыстап, үйдің ішінде дөңгелене биледі.

— Кәне, кімнің сөзі оңға шықты?.. Анада не дедім. «Бармай-ақ қой, ақша жіберейік» дедім бе?

— Жақсылап қарсы алуымыз керек, ата!

* * *

Сол түні Дәмеш түнгі сменаның қалай өткенін де білмей қалды. Жүрсе де, отыrsa да ағасы есінен шықпады. Асқардың бет-пішіні есінде сақталмапты, құңғірт. Со кісінің түрі Дәмештің әкесіне ұқсайтын сияқты еді-ау. Жиырма тоғызыншы жылы өлкелік партия конференциясында түскен Жетісу делегаттарының суретін Құрышпай сақтап қалған екен. Сол суретте Дәмештің әкесі мен шешесі қақ ортасында отыр. Сол суреттегі әкесімен жадында сақталған Асқардың бет пішінін салыстырса, біріне-бірі ұқсайды: екеуі де ат жақты, қырат мұрын, қою қара қастарының

арасы қосылып, тұтаса өскен. Тұқым қуалаған бір белгі, Дәмештің өзінің қасы да қою, екі арасы қосылмағанмен, тым жи. Жас кезінде Асқар: «жалғыз бауырым, бауырым, жас бауырым! Өзімізге тартқан бауырым!»— деп мойнына міңгізіп, сүйіп, жаны қалмайтын-ды. Сол Асқар ағасы бір күні жер жүтқандай жоқ болды да кетті.

Дәмеш көпке дейін түсінде ізден, шошып оянып, жылап та жүрді. О кезде Дәмеш бала, кімнің кім екенін де білмейді. Бір күні көлден коньки теуіп, қайтып келе жатыр еді, осы Мұсілім ағай үйленген Айша Байжанова кез келді. Асқар ағасымен екеуі бір емханада дәрігер болып істейтін-ди.

— Дәмеш, сен жақсы қызысың, гой, жылама, мен саған бір сүйік хабар айтайын: жаңа ағаңды тұтқындаң ұстап әкетті!.. «Жыламасын!.. Берік болсын!» деп саған сәлем айтты! — дегені бар ма Айша апайдың.

Дәмеш еңіреген бойы жүгіріп ала жөнелді... О жылдары қыс сүйік болатын-ды, ертеңінде үстіне қара дохасын, басына тәбесі шошақ қызыл бархытпен тысталған шапкасін киіп, түрмеге барды. Қолында — тамақ салған сумкасы бар, сол мекеменің алдында, аязда бір сағат тұрды. Аздан соң қол-аяғы мұздап, мұрнының ұшы қызырып, беті домбыра бастады. Біреуі кіріп, біреуі шығып жүр, баланың «передачасын» ала кетіп, неге қайырып жібермейді екен? Ақыры қоңқаш мұрын куржиген қызыл көз қазақ шықты да, сумканың ішін астан-кестен ғып ақтарып, шылымды ғана алып қап, тамагын қайырып берді: «Бар, кет!»— деп бір-ақ ауыз сөз айтты.

Сол бір түсі сүйік, қызыл көз қазақтың түрін Дәмеш есінде мәңгі сақтап қалса керек, осы жақында, Теміртаудың көшесінде бір көріп қалды: ол кеңдегі кескін жоқ. Үсті-басы жүдеу, өнді қашқан, адам бетіне тұра қарай алмайды, ұрылар құсап, жан-жағына алақ-алақ етіп, сүмеленедеп кетіп барады. Артынан Дәмеш сұрастырып білсе, еш жерде қызмет істемей, пенсияға шығып, үйінде отырса керек... Ал, сонда жылы жүэбен сөйлесіп, жақын тартқан осы Айша апай. Қөрген жерде: «Оқуың қалай жаным? Ағаңдан хат бар ма? Берік бол!» деп ақыл айтЫП, есіркей жүретін-ди. Сондықтан ба, әйтеуір Дәмеш Айшаны жақсы көреді. Өзі де әйелдің сүйкімдің де кербезі. Мінезі қандай биязы, бипаз болса, тілі де сондай жұмсақ, майда. Дәмеш Теміртау қаласында әдемі, кербез киінетін өзі ме деп үфатын бұрын. Жуырда Мәдениет сарайында концертте көріп қап, қызыға

таңданды: Дәмеш астар бола алатын емес. Тән мен тән қып тіккен қызыл күрең панбархыт көйлекten тығыршықтай денесі сыртқа теуіп, тырысладап, сүйсіндіре көз тартады. Қолында күміспен нақышталған сумка. Дәмештің қасынан өте берді. Аққұба жүзі күлімсірей, оймақ аузы «мені сүй!» деп әлдекімге тосқандай. Дәмеш қызығып: «Шіркін, Айша апай, маган неге женге болмады екен?»— деп іштей қиналды...

Цехтың ыстығына тәзе алмай, Дәмеш тысқа, завод ауласына шығып, біраз салқындал, тәбедегі төңкерілген кек шатыр аспанға көз жіберді: қандай әсерлі, ғажайып түн! Ашық аспан. Самал жел. Жарық ай. Жымыңдаған жұлдыздар... Осында түнде Самарқанд көлінде қайықпен жүзсе... Жаныңда... жоқ-жоқ, тек Қайыр болмаса екен. Қой, Дәмеш! Сонша неге көңілің қалды? Анада мотор-қайыққа мінгізіп ап көл бетінде сайран салғызып-ақ еді! Ха-ха, со да қызық көрсеткен болып па? Дәмеш бір туфлиден айрылып, үйге жалаң аяқ қайтты.. Табанын тас тіліп, бір жұмадай ақсан, бейнет көрді...

Өстіп, Дәмеш өзімен өзі іштей айтысып түрғанда, қасына Ораз келді.

— Құрыш әлі қорытылатын емес, қайтеміз? — деді ол.

Дәмеш қолындағы алтын сағатына қарады:

— Ия, қорытылатын мезгілі жетіп еді... Мен не істейін? Ішіне тұс дейсің, бе? — Дәмеш құлді.— Менің айтып жүргенім осы емес пе: ауа аралас бумен үрлейік мазутты дедім... Сенің қайын ағаң көнді ме, «мен де инженермін, білемін!» деп сыйданады...

— Сен Дәмеш «бу-ауа» деп жүрсін ғой, мүмкін ол дұрыс та болар. Айта бер. Менің ойым: жаңалықты осы құрыш құюдың технологиясынан іздесек дейім. Сегіз сағатта құрыш зорға қорытылады... Қазір қой екеш қойды да екі-екі, үш-үштен қоздатудың әдісін тапты. Бала құнімде мектепте бірге оқыған бір досым бар еді, онжылдықты бітірген соң колхозға барып, ол — қой бақты. Содан биыл хат алдын: бір қойдан үш қозы аламын депті, ләқаула!.. Буаз биенің қанын құямыз дей ме? Біздің пеш сегіз сағатсыз мыңқ етпейді...— Дәмеш Ораздың сөзіне бұрын жәнді мән бермейтін-ді, соңғы кезде бұл осы бір ойын жиі айтады, тоғғатып жүрген адам сияқты.

— Құрышты тезірек қорыту үшін, пешті күштірек қызыдыру керек. Бұл — әліп-би, екі де екі — төрт!.. Басқадай жол жоқ!

— Іздейік!.. Мұмкін табылап та қалар...— Ораз ке-
кеткен тәрізді.— Біз бүгін сол баяғы тасқа басылған ереже
бойынша, тапжылтпай құйып жатырымыз, сондағымыз осы,
көріп тұрсың ғой: пештен әлі хабар да жоқ. Нанбасаң, жүр
өзің көрші!

Екеуі пештің аузына жақындалды. Оттың лебі бет қарып,
шашты шарниды. Костюмнің түктегі үйткен құйқадай бы-
рысын, қарай қалады. Дәмеш бір кездे комбинзон кимей-
мін деп, жақсы люкс костюмін бұлдіріп те алған. Көк кө-
зілдірігін киіп, Дәмеш пештің тесігінен үңілді.

— Не көрдің? — деді Ораз қасында тұрып, бірге үңі-
ліп.— Қоқыс қалыпқа құйған балшық сияқты сүп-сүйық,
қазан беті көбіктеніп, күлдіреген тәрізді. Солай емес пе?..
Әне әр жерде бір денедегі қалға ұқсас көк таңбалар.. Көр-
дің ғой? Бұл не?

— Бұл — құрыш әлі қорытылған жоқ деген сез.

— Проба алмай-ақ білуғе болады, Дәмеш. Құрыш қо-
рытылса, баяғы елдегі, көріп пе ең, қайнаған құртты, сол
сияқты бүрк-сарқ етіп бұлкілдей қайнап қазан көпіршіп
жатады...

Ораз технологияны білмейді деп жүруші еді Құміспек...
Дәмеш осы ойын дауыстап айтты:

— Білесің, о жағында қапы жоқ! Сейтсе де, құрыш
құюды өндіре алмай жүрсің...

— Сенің осы сөзінді маған Серегин де айтып, күнде
ұрасады. Мен бір аяның жүргендей. Жұрт аузындағы: ғұ-
фатуллиннің өзі менен онша алыс кеткен жоқ. Бұл бәріміз-
дің осал жеріміз.. Мен сені осы араға әдейі алып келдім.
Құрыш қорытудың осы технологиясы бар ғой... менің кө-
ңіліме ұнамайды. Процестерінің арасын жақындағып, уақыт
ұтуға болмай ма екен? — деп Ораз Дәмешке қадалды.

Дәмеш ойланып қалды.

— Асылам деп операцияларды бірі мен бірін аралас-
тырып жіберіп, құрыш орнына шойын құйып ап жүрмесең?
Байқа!.. Сонда қандай операцияларды дейсің? — Дәмеш-
тиң бүгін Оразға көнілі толды. Құрышты қалай қорытуды
білетін көрінеді.

Ораз: «айтайын ба, айтпайын ба?» дегендей, сәл кіді-
ріп бастады сөзін.

— Қоқысты ағыза бастағанда, пеш орта түседі, со
кезде — қарап тұрмай, пештің артқы түбін келесіге дайын-
дай бастаса: магнезит порошоктарын сеуіп дегендей... Сон-

соң, құрыш ағып біткен шамада кенді пешке машинамен салса, онда да бір емес екі машинамен...

— Бұл ойларың көңілге қоныымды... Ал, сонда сен неше минут ұтасың? Есептедің бе?

— Жоқ!

— Вот, соны ойлан! Есепте! Содан кейін кеңесейік!..
Бас инженер не дер екен?

Ораз ыршып түсті:

— Ойбай, жұмған аузыңды ашпа!.. Ол білсе...— Ораз қолын сілтеп теріс айналды.

— Қорқасың ба?

— Жоқ. Әуелі байқап көрмей, айтуға бола ма!.. Ертең ойдағыдай шықпаса... Сенің ұсынысыңды не істеді... Келемеж ғып, бүкіл заводқа жайды... Боқ мұрын балаға шейін осы құнгеге дейін көшеде күледі.

Намысқа тұтыққан Дәмеш, қып-қызыл боп төмен қарады.

— Соларға күлкі қылған сенің қайын ағаң!

— Қалалық партия комитетіне барып айтпайсың ба?— деп Ораз қыза сөйлемеді.

— Корытынды пікірлерін беріп отыр ма? Ыңғай энеміне деп созып келеді... Не дейсің барғанда?

— Қу екен!.. Сөзбүйдега сап, мәнісін кетірсе, жалығып, өздері де қояды деу... Облыстық советтің сессиясы болмай жүр, өздерін біраз сілкілейтін...

Дәмеш мырс етіп күліп жіберді:

— Ажардан біржола айрылайын деп жүрсін ғой?

— Ләқаула... Онсыз да Ажарға жағып жүрген мен жоқ...

Бұл әңгімені әрі қарай соғысы келмеген Ораз шеткі пешті көріп жүрген Геннадийді шақырды.— Әй, Гена!.. Кел, бері! Проба алайық!

Ораз Генаны жіберіп, құрықтай ұзын темірдің басына қағылған ожауды алдырды да, пештің қақпағын көтертіп қойып, балқып жатқан қазанның, ішине тереңірек көміп, бір ожау құрышты алғып шықты. Қуан да дөңгелек темір стаканды бұлардың қасына алғып кеп қоя қойды. Ораз ожаудағы құрышты соған қыйды: сүп-сүйиқ қүрең құрыш жіп-жіңішке тарамыстай созыла ақты.

Құрыш сұзысымен, стаканнан ұрып түсірді де суға ма-лып алғып, шетін сындырды. Ораз құрыш сыннығын Дәмешке көрсетті:

— Көрдің бе шетін, теп-тегіс, пышақ кескендей емес пе?

Ораз оны алақанына сап, алтындаі салмақтап, сүйсіне қарайды.

— Жамандауға ауыз бармайды... Мықты құйылған құрыш!..— Дәмеш басын шайқап, қолына алды.

— Лабораторияға жіберсең де, бізді мақұлдайды.— деді Ораз мақтанып.

— Жақсы құрыш қорытушының көзі — қыран, лабораториясыз-ақ айырады,— деді бет-аузы қүйе-күйе Геннадий сөзге араласып.

Дәмеш оның бетіне қарап, іштей мырс етті: аумаған тентек бала!

— Құрыш қорытуда жарты сағат уақыттың ірі маңызы бар. Әлгінде Дәмеш сен ең алғашқы көргенде, проба алсақ, құрыш сапасы мұндай болmas та еді?

— Жіргісің, Ораз!.. Құрыш қорытуға маман екендігіңді дәлелдедің. Күміспек қайда? Астында құрыш ағызатын алаңда жүр мे? Соған көрсету керек...— Дәмеш жан-жағына қарап мастерді іздеді.

— Мен шақырайын!— деді ондайда дайын тұратын Геннадий.

— Жоқ, мен өзім түсіп көрсетейін!— Дәмеш жүре беріп еді Ораз:

— Құрышты қалай құятынымызды Күміспек біледі. Онікі, ләқаула, бос сөз!.. Бізді қинап тұрған уақыт қой... Құрышты сегіз сағатта құймай, алты-жеті сағатта құйсақ... Арман деген осы!..

— Өмір таразысы — уақыт. Адалдық-арамдық, еңбек-бейнет, бәрі де уақытпен өлшенеді деп кім айтып еді, Ораз?.. Бір философ... е...

— Ендеше, уақыт іздеп, уақытты жан азығы ғып жүрген екінші философ — мына мен!— деді Ораз. Екеуі жадырай құлді.

Сменаның артынан Дәмеш «душеваяға» барып, тыр жалаңаш шешініп, душтың астына тұра қалды... Жылы су бойын сергітіп, еңсесін көтерді. Зілдей басқан тұнгі үйқы шайдай ашылды. Албырт, шалдуар жастық, ноқтасын ағытқан құлышнадай, аласұрып, қуана секірді. Жас қыздың қаны тасып, жүрегі жиі соқты. Денесі толып, терісін көргендей. Кім ие болар екен Дәмештің осы жастығына? Кім? Қайыр ма? Жоқ. Ораз пішіндес бейтаныс жігіт! Қашан келеді ол?

Әлде Дәмеш мінезінің жігіттерге ұнамайтын құры бар ма? Тәкаббар емес пе? Қыз балаға: нәзік наз, майда тіл,

сыпайы қылыш жараспай ма?.. Дәмеш Ораздың жары болса... Баяғыда сайтандай араларына Қайыр түспесе, Дәмеш бақытты болар ма еді? Әлде теңіз толқынында Дәмештің құбылмалы мінезі бір күні кейін серпіліп... таптап кетер ме еді? Жоқ, Дәмеш Оразды әлі сүйеді. Қөрмей жүргендік пе, бұрынғы махаббаты көктемгі гүлдей қайта құлпырды. Бұл — тірі жан білмейтін де, сеәбейтін де сыр!

* * *

Дүштан жайраңдап, сергіп шықсан Дәмешті Ораз қақпа алдында күтіп алды; екеуі үнсіз келе жатыр. Әрқайсысы өз қиялының жібін тарқатқандай...

Ораз қазір жүргегінде құсадай байланған шерін Дәмешке айтады. Мейлі, қалай ұқса, олай ұқсын. Мүмкін ашууланып жақтан тартып та жіберер, үйлерінен де шығып кетер... Жоқ, айтады!

Ол бір сөз тістен шықпай, Ораз өмір сүре алатын емес. Ауру — түнде дөңбекшіп, ұйқы көрмейді, ұйқтаса — шымшытырық, шытырман бір түс. Құндіз тағы есінен кетпейді, жанынан тақап өтсе, қаны басына шалқып жүргегі туласап қоя береді.

Тоқтай тұрса ше? Ертең әкесі естісе... у-шу боп, бұкіл қалаға жайылса... Өзі депутат, өзі герой, жүрт мазақтаң қолымен көрсетсе... Е, депутат болған адамның, геройдың жүргегі «тас» деп кім айта алады?

Мүмкін әлде, геройдың жүргегі нәзік те, қаттырақ соғар?.. Жай кісі герой бола ала ма?.. Тәк-тәк Ораз, тым алысқа сілтемел!

Дәмеште де үн жоқ, ай сәулесімен шағылысқан газондағы күміс гүлді тамашалап үзіп ап, иіскең қояды.

Ораз қазір сырын айтуы керек, дәл қолайлы мезгіл осы! Айт, Ораз, немене, шегіншектеп, тайқи шыға бесесің?

Айт: «Дәмешжан, мен сені бұрынғыдай сүйем, сенсіз маған өмір жоқ» де!.. Жоқ, тұра тұршы, жүргегі құрғыр, алқымына тығылып, тынысы тарыла бастады ма, немене... Ойбай-ау, үйге жақын қалдық бастасайшы, үлгіре алмайсың гой!.. Ия, тәуекел!

— Дәмешжан...

Бұл кездे үйге жақындал қалғаны рас еді, астыңғы ашық терезеден басын жартылай сұғып, сығалап тұрған әйелді Ораз бен Дәмеш бірдей байқады. Ажар екенін түсін көрмese де, қатар топшылады.

— Ажар... — деді Дәмеш сағатына үңіліп. — Сағат бір жарым, көп тосып қалған екен.

Ораз үндемеді.

* * *

Дәмеш те Ажарды әдейі қытықтағандай үйге көнілді кірді. Ажардың сенбей тұрғаны шамына тиді ме, масайраған дауысқа сыйқырлы күлкі араласты.

Ораз кірер-кірмес, Ажар шаңқылдап, үйді басына көтерді.

— Неге келдің? Қонып неге қалмадың?

Ораз бұлттың төніп тұрғанын білді де, сөзді әрі үшқындырмауға тырысып, қонақ үйге қарай жүрді. Ашуға булыққан Ажар, соңынан қалмай ере барды.

— Опасыз, кет өзің осы үйден! Любовницаңды ала кет!

Ораз жердің тесігі болса кіріп кетуге бар, дел-сал, тілі күрмеліп, сілейіп тұрып қалды. Кінәсін мойындан тұр ма деп үққан Ажар өршелене түсті. Ұят-ай! Дәмеш естіді-ау. Ертең Ораз не бетімен қарайды оның жүзіне? Ажардың шешесіне тартқан долы екенін Ораз енді білгендей.

— Қысқарт енді! — Ораздың дауысы дірілдеп қатты шықты. Ажар тағы да көтеріле бастағанда, стол үстіндегі дөңгелек сағатты Ораз жұлып ап, бар пәрменімен еденге бір үрды. Құлпаршасы шықты. Ораздың мұндаи оқыс мінезін көрмеген Ажар сескеніп, бақырып өз бөлмесіне қашты. Шошып оянған Құрышпай жүгіре шықты — сүзеген бүқадай басып төмен түқырайтып, екі иығынан демін ап, ұлы тұр... Қирап сағат жатыр... Арғы үйден өксіп жылаған келіннің дауысы шығады... Шал ләм-мим демеді, қайтадан өз бөлмесіне кіріп кетті.

* * *

Дәмеш Ажардың ашы сөзін тегіс естіді.

Бәсе, Ажардың Дәмеш келгеннен бері қабағы ашылмап еді, аржағында сақтап жүрген зілі бар екен. Жоқ, Дәмеш бұл үйде енді қалмайды. Атасына қыын, әйтсе де, қисық басқан қадам орға жығады. Ораз бен Ажарды біржола айрып алмай, басқа пәтерге шыққаны мақұл.

Дәмеш Құрышпайды туған әкесіндей жақсы көреді. Қимайды. Әке-шешеден айрылған жалғыз қызы, жетімдік көріп, тең-құрбысынан кем бол өсті ме?..

Тұн өрінде дәңбекшіп үйқы көрмеген Дәмеш, таң алдында талығып, көзі зорға ілінсе керек, Ораздың төрт жасар баласы келіп, оятып жібергенде уақыттың бірсыпры болғанын бір-ақ білді. Баланы Құрышпай жіберді ме, келе мойнынан құшақтап, «тәтелеп» жаңынан шықпады.

— Болат, сен не білесің? Саған адамның бәрі де дос. Сен де оларға жұбаныш та ермексің!..— деп дауыстап Дәмеш кеудені кернеген шерін балаға айтты.

— Ермек?.. Тәте, о баланы мен білем, біздің көрші! Әкесінің аты Құміспек!— деп бала шүлдірлеп, Дәмештің қөңілін сергіткендей. Эй, бірақ Ажар сөзін ұмыту қының-ау! Дәмеш тамақ та ішпеді, толқыған қалпы көшеге шықты. Кімге, қайда барса екен?..

Күн сіркелей жауа бастады. Дәмеш жүріп келеді... Завод емханасының алдынан етіп бара жатқанын аңғарды. Айтқандай, осында Айша апай істемей ме? Дәмеш баладай қуанып, емхананың ішіне кірді. Ақылдасып, сырласатын адам да осы — Айша апай.

Емхананың ісі бесенеден белгілі, Кірген бетте-ақ әфир мен камфора иісі мұрын жарады. Ақ халат киген мосқал әйел Дәмештің қарсы алдынан кес-кестеп:

— Сізге кім керек?— деді.

— Дәрігер Байжанова!

— Оң жақта, бірінші есік!— деді ол қолын сілтеп.

Есік қағып еді, аржағынан нәзік қоңыр дауыс: «кіріңіз!» деді. Айша жалаңаш еркектің өкпесін тыңдал түр екен. Құлағын трубкадан алмастан, көзін аударып. «Қазір, Дәмеш!» деді. Дәмеш есікті жапты да дәліз терезесінің алдына барып, емхана ауласына көз салды. Жаңбыр үдей бастады. Дабыл ұғрандай, жаңбыр шатырды төпелей ұрып түр.. Көп кешікпей ерек те шықты, Айша Дәмешті кіргізіп алды.

— Сіңдім, қайдан жүрсің? Денің сау ма?

— Сау-сау!— деп Дәмеш күлді.— Сізге тек ауру ғана кісі келеді дейсіз бе?

— Құдай сақтасын, ауырмай-ақ қой, сіңдім! Бұрын келмейтін едің, шошып қалғаным сол,— деп Айша да күлді.— Орысша айтсақ: сені қандай жел айдал келді, кәне, әуелі соны сөйле!

— Сағынып сізді!..

— Сенбеймін, сіңдім! Курорттан келгелі де бірсыпрыа болды, ең құрмажанда звандамайсың ба?— Айшаның тілі майда, тапқыш, жолынан да жеңілмейді.

- Хате менен. Мойныма алып келгенім ғой...
- О, онда өкпем жоқ.
- Жақсылық хабарым бар, апай! — Дәмеш Айшага құлімсіреп, сынай қарады.
- Аузыңа май, сіздім.
- Асқар ағамнан хабар бар... қайтарыпты, келе жатыр!

Айша бір қызарып, бір сүрланаңып, Дәмешке бадырая қарады. Аз мұдіріп өзін-өзі зорлағандай, қызыл сурме жаққан еріндерін сәл ашыңқырап, тісін ақсита құлді. Бірақ, зерде сала бақылаған кісі оның көз түбінен: «апырмай, шын ба, жалған ба?.. Мүмкін емес!» деген сияқты екі ұшты ойды да сезіп қалатындей.

— Тірі екен ғой... — деді Айша. Осы бір сәт өткен күндері есіне түсіп, өкінді ме? Мұңайып, жабырқай сөйледі.

— Сен ол кезде жас едің, сіздім! Біздің арамызды сөзбеген де боларсың... Енді оны айттып қажеті де жоқ... Өзің жүдеу дейін десем, денең толық. Былайша сағың сынық. Ренішің бар ма?.. Осы біздің үйдегі ағаңмен екеуіңің араң қалай? — Айша жем терген құстай ойдан-ойға шоқақтап ауыса берді.

— Оны неге сұрадыңыз? — Дәмеш оның көзін көзін алмады.

— Біз үйде қызмет бабын әңгіме қылмаймыз, әйтсе де, бір әңгімеде, ағаң жаратпаған лебіз білдіріп қалды... Мен шүқылай сұрап едім, тіс жарып айтпады. Ағаңың мінезі қызыңқ қой: бірдемені назар аудара сұрасаң, кірпідей жирылып, сезіктене қалады...

Дәмештің алдынан Мұсекеңнің кесе көлденең тұратынын, шамасы келсе, заводтан сырғытып жібергісі кеп, қақпан құрганын түгелдей айтты. Сырға сыр, Айша апай, өзі бастағасын, Дәмеш те іркілмеді.

— Сонда не қылмайсың дейді саған? — Айшаның шырайы өзгеріп көңіл түйткілінің көлеңкесі жүзін басты.

— Не қыл дегенине түсінбедім... Тегі жақтырмай ма дейім! Келгеннен солай, әлі бір жібімейді. «Тырнағын бояған қыз мартен пешінде істей алушы ма еді!» деп те шығарды... Одан енді: « завод — сиыр емес» дегенді тауып алды... Мен істегелі бірсызыра болды, шақырып ап, онаша бір тілдескен емес. Кез кеп қалса — қабағын түйіп, ойқастай өте шығады...

Айша мұсіркеп:

— Е, о кісі солай... Сені жақтырмайтын болу керек...
Бірақ, сен оған қажып, жасыма! Өзіңе-өзің берік бол!

— Неге жақтырмайды, білуге бола ма?

Айша құлді:

— Әлгіде айттый гой, Асекең екеуміз жақсы едік...
Оны осы кісі билетін-ді...

Айша әрі созбады, қызы үйінен телефон согып, «қашан
келесің?» деп мазалай бастады. Айша сағатына қарап:

— Тұскі уақыттың кезі өтіп бара жатыр еken-ay?—
деді.

Дәмештің сөз түйінін түймей, көңілі көншімейтін әдеті.

— Сонда, сол Асқар ағай үшін дейсіз бе?

Айша ойланып:

— Мүмкін,— деді.— Асқардың атын атаса, тұсі бұзы-
латыны рас. Менде бір суреті жатушы еді, соны тауып ап,
өртеп жіберіпті...

Дәмеш Мұсілім ызғарына енді түсінгендей. Әлде, Ажар
құлағына сыбырлап жүрген де солардың біреуі емес пе
екен? Азамат қой, сақалды басымен қатын есекке бармас...
Енді Дәмеш Айшага еткен тұннің уақиғасын баяндағы.
Құрышпай үйінде бұдан былай тұруға болмайтынын, пә-
тер ізден жүргенін айтып, ақыл сұрады.

— Алыстан сыйласқанның өзі жақсы... Баяғы бала
Дәмеш емессің. Ер жеттің. Ол үйге енді сыймайсың!.. Айт-
қандай, мен саған пәтер таптым: бұрын заводта істеген бір
шал науқастанып, кеше соның үйіне шақырып алғып барды.
Бес бөлмелі ағаш үйі, саңғырап бос тұр. Өздері екі-ақ бас.
Ойбай-ау, сен оны білесің. Қызы директордың хатшысы.

— Ліда ма?

— Сол!.. Экесі — пенсияға шыққан қарт құрыш қоры-
туши. Үйлері тап көлдің жиегінде. Бақшасы және бар...
Фамилиясы Иван Иванович Соколов.

— Білем! Ол атамның досы. Екеуі бірге істеген.

— Білсең тым жақсы.

Айша қолындағы сағатына тағы қарап:

— Айналдым, жүр, біздің үйге барып шай ішнейік!—
деді.

— Жоқ, апатай... кейін... Мен қазір сол Иван Ивано-
вичтің үйіне соғайын.

Дәмеш екеуі көшеге бірге шықты. Жауын әлі басыл-
мапты...

* * *

Дәмеш кеп: «ата көшем!» дегенде Құрышпайдың тілі күрмеліп отырып қалды. Кешеден бері ұрыс та, жанжал да болып жатыр бұл үйде, бірақ Дәмеш айрылып, басқа пәтерге көшеді деп ойлаған емес те, миына да кіріп шықпаган. Масқара-ай! Жұртқа не бетімен көрінеді, не деп түсіндіреді? «Балапанымды құтты ұсына қондырсам» деп арман ететін Құрышпай мең-зен. Алыс сапардан ертең ағасы қайтады. Жоқ, жоқ! Дәмеш бұл үйден ешқайда кетпейді! Құрышпайды ашуы кернеп, булығып атып тұрды:

— Кет деген кім саған?

Бір сойқанның болатынына көзі жеткен Дәмеш атасының мойнынан құшып, жалынып, орнына қайта отырғызды.

— Маған ешкім кет деп айтқан жоқ! Өзім... үй тар, ертең Асқар келеді...

— Агаң келетін болған соң менен бөлінгің келген екен гой?.. Керексіз болдым ба?

Бұл сөз Дәмешке ауыр тиді. Қиналды. Шынын айтса, Ораз сорлайды. Оны бір жағынан аяйды; бар кінәні өзіне аударып еді — кешірілмейтін өкпе. Қысылғаннан Дәмеш ексіп жылап жіберді. Қыз жасына егілген Құрышпай, «ауыр айттым ба?» дегендей қипақтап, көзіне жас алып, Дәмешті бауырына қысты.

— Жарайды, өзің біл!..— деп көніп қалды.

Бірақ өмірдің ыстық-суығын бірдей көрген, алақанын күс басып, табанын тас тілген, тұрмыспен жекпе-жек күресте бірде құлап — маңдайын жарған, бірде жығып — күш алған баяғы әнші-сері, бүгін де қарт құрыш қорытушы атанған Құрышпай Дәмеш сөзіне сене қойған жоқ. Қыздың күйбелектеп сыр іркіп қалғанын сезгендей...

Баласын іздеп таба алмады. Келіні о да зытқан. Үйінің берекесі кете бастағанын енді аңғарды. Шаңырағын ортасына түсіріп, Жетісуға, үлкен ұлының қолына кетсе... Құрышпайсыз адам болып көрсін. Шалдың жалғыз басын сыйламаған бала мен келіннен не опа?

Қаншама қамығып, жабырқаса да Құрышпай қызының тілегіне қарсы тұра алмады — қыз нәрсесін таксиге салысып, Иван Ивановичтің үйіне өзі алышп барды.

Кешке қарай жаңбыр басылып, бұлт тарқап, күн де жарқырай ұсына тәнді. Көшеде шаң басылып, жауынның дымқыл иісі мұрын жарады.

Иван Иванович есік алдында орындықта кітап оқып отыр екен. Құрышпайды көріп кәукеlectеп, өз орнын үсынды.

— Ақсақал, балаларың өскесін үйіңе сыймай бастады ма? — деді шал жымып, бұл орамды әзілдің әржаяғында зіл жатқанын аңғарған Құрышпай, қабағын шытып сыр бермеді.

— Балалан темірқанаттанып үясынан үшпай ма?

— Тауып кеттің, — деп Иван Иванович еңкілдей күлді.

Дәмеш пен Ліда қызыл былғарымен көмкерілген қара чөмодандарды үйге кіргізе бастады. Жылы таныс чөмодандарды көріп Құрышпай тістене бекініп сыр білдірмей бақты. Эке баланың бойын өсірсе, бала әкенің көңілін өсіреді. Эрине, бала жақсы болса... қайдам, Дәмеш ақылсыз, жеңілtek бала емес еді... Адам жаны қара түнек, көзінде шам жарығың болмаса адасасың...

— Заводта не жаңалық бар екен? — деді Иван Иванович Құрышпайдың ойын бөліп. — Сен менен бір елі жақын жүресің ғой...

— Завод орнында. Цех құрышын құйып жатыр. Одан артық не керек сен шалға!.. Тек Отан аман болсын де!

— Ия, Отан аман болса — жақсылық қашпайды. Осы әлгі Тұхфатуллин коммунистік еңбек бригадасының атағына ие болды дегені рас па?.. Осында біреулер соғып жүр: «Ораз артта қалып қойыпты» деп...

— Шын!

— Тек?.. Герой аты бар емес пе?

— Е, несін сұрайсың, баланы қара басты ғой. Бір-екі күн қазанда көміртегі көбейіп... көрер көзге графиктен шығып кетті. Өзінен сұрасаң: білмейді, «біреу шойынды көп құйып жіберген болар» деп күледі.

— О да мүмкін, біреуі өштесіп... Қырық сегізінші жылғы уақыға есінде бар ма: марқұм Эрднаев менің қазанымша шойын тастап, артынан оның есебінен ауыстырып маған жазатынын?

— Әйтеір, мынада да бір сыр бар. Содан қуып жете алмай, айлық жоспар қалт-құлт етіп, әрең дегендеге жүздің сизізіңіна барып тоқтады.

— Бас инженерге айтпай ма? — деп Иван Иванович жаны күйінгендей қыза сейледі.

— Түү, бас инженерді ауызға алып отырғаның... ол бір жүрген тұлқі!. Ораз ақсады десе, қышуы қанады!

Иван Иванович күлді.

— Қайыр ше? Жас дыректор... тізгінді қолына әлі ала алмай жүр ме екен?

— Сол тұлқінің ықпалынан шыға алмаса қайтесін?

— Қайдам. Қолда өскен бала... Әкесі марқұм тегеуірінді адам еді. Әкеге тартып бала туа ма?

— Сен, құрдас, Дәмешке көз қырыңды сала жүр... Жеке тұрам деп болмайды...

Екі қыз екі шалдың қолынан жетектеп, еріксіз үйге алып кірді. Шалдардың сөзі доғарылып қалды.

II

Ақмаралға бір күннің бір күннен айырмасы жоқ, біріне бірі үқсас, күн батып, таң атады; біреулердей күн санаң, «бүгін қай күн?» деп өмір сүрмейді. Ақмаралдың өмірінде санға көретін жылдың төрт мезгілі: көктемде Ақмарал күрсінеді, өткен жастық шағын есіне түсіреді, қар еріп, шатырдан тамшы аққанда, күншуақта есік алдына шығып көбірек отырады. Бірақ Ақмаралдың әсіресе, жақсы көретін мезгілінің бірі — жаз. Жазда кейде колхозға барады, қымыз іshedі; қалада қалса, базардан шықпай, әр нәрсені бір қызықтап аралап, күннің көбін сол базарда өткізеді... Құзде — Ақмарал ауырып, сүйек-буыны сырқырап, төсек тартып жатып та қалады. Ас-судан мейірін қандыратын тек шай, қою күрең шай. Сораптап соны ішіп, жантайып жата береді. Ал, қыс келсе, соғым сойып, жас сорпаға буланып ауруын емдеп өзі жазып алады. Өзіне-өзі дәрігер. Көбіне көрші қатындарды жинап ап соларға ет беріп, өсегін тыңдайды.

Был қыс Ақмарал өсекті саябырлатып, бойын бақты. Баласы директор, завод маңынан тарайтын сөздер оған соқпай кете алмайтын тәрізді. Анада ұлы бір сөздің ретінде: «директордың шешесінен тараған сөз деп, біреу-міреу бетіме басатындаи болмасын, аузыңа берік бол, мама!» — деді. Осы жеткілікті ғой. Жақында, Мұсілім келгенде, Ақмарал аталғалы тартпақы міnez білдіргені сол еді.

Бірақ, қайнисының сол бір ауыз сөзі Ақмарал жүргегіне түқым сеуіп кеткендей: ол — балалап өсіп, Құрышпай мен екі үйдің арасын шырмауық шөптей орап, шатастыра бастады. Ақмарал: «Қайыр мен Дәмеш тең емес. Адырам қал, жетімек қыз Қайыржанның маңынан жүрмес!» деп, тепсіне сейлеп, ұлы мен қызы арасына ши жүгіртіп қойды. Шай үстінде, Қайыр көзінше немқұрайды ғып Дәмеш мі-

незіне мін де тақты: «Жеңілтек, не орыс, не қазақ емес, екі ортада шөре-шөре!» деп тілін шаншып та алды. Онысы: «Дәмешпен семья құру — бізге болмас!» деген сөзі. Қайыр солай үққан да екен, унде меді, тыржың етіп, стол басынан тұрып кеткен-ді.

Шешесінің алдынан шықпай, не айтса соны заң деп білетін баласы, тұс көрсетіп қалды...

Сейтіп шешесі мен баласы арбасып жүргенде, Дәмешпен Ораз жайындағы өсек дөп болды.

...Ажар тағы бір күні Ақмаралға жылап келді.

— Қайтем, апа? Маған күн жоқ! — деді.

Ақмарал одырая қарап:

— Өй жасық қар, көзіңе ақ түссін! Тағы да әлгі шірік күйеуін бе?

— Зұлым қызы келгелі бұзылды Ораз!.. Ұhілеп ұзақ түнге үйқтамай шығады.

— Өй, шірік қар! Мына қалпыңмен инженер қызы түгіл, кез келген жұмысшы қызы тартып әкетеді... Есінде болсын!

— Сол екеуінің арасына түсірген о баста өзіңіз емес пе?.. Қояйық, бірін-бірі сүйеді дегенде болдың ба?.. Соның сазайын енді тартып отырмыз!

Ашулы Ақмарал алдындағы кесесін итеріп жіберіп, шайын төкті.

— Не оттап отырсың өзің? Жазасы несі ей? Салғаннан сығымдал, уысына ұстай алмаған өзіңнен көр! «Оразкем-Оразкем!» деп шашын тарап еркелете бер. Бұл әлі саған аз!

Ажар өксік лебін баса алмай, тұншыға жылады, тіс арасынан қысыла шыққан сөз сыйырға ұқсады.

— Қол-аяғын кісендеп ұстаған ер менің әкемдей болар. Не істеді саған, білесің бе

— Кет әрі, өлген кісіге тиіспей!.. Мені шенеген несі... Одан да, күйеуіңің аяғына тұсау сал, қаңғыртпай!

— Ол менің қолымнан келмейді.

— Қолыңнан келмесе жүр солай көзге тұрткі боп... шірік неме!

Ақмарал қанша ұрысса да, қызын қимады, сөгіс арасында ақыл тастап отырды:— қу ол қызды үйіңнен!.. Қызға айттар сөзінді естірте күйеуіңе айт!

Осы оқиға осыдан үш күн бұрын болған-ды, сол сөздің нәтижесінде: Дәмеш бөлек пәтерге шықты, бірақ үй ішінің дауы бітпеді, өрши берді.

Ажар бүгін де базарға барайын деп киініп жатқан Ақмаралды жолынан бөгеп, жылап, сөйлей келді.

— Күнде ішеді ...өткен тұні тағы да удай мас боп... келе жанжал шығарды... төсек-орнын бөліп ап, қонақ үйге үйқтады...

— Көзін ашып қарасын, героймын дейтін болар... Геройдың бұты бір-ақ тыны... Жүре бер, мен өзім сейлемес!— деп қызын қоя берді де, Ақмарал Рахым марқұмың, экеп беретін сырлы таяғын қолына алып, маң-маң басып, Құрышпайдың үйіне барды.

Күн жексенбі еді. Құрышпай мен немересі телевизор көріп отыр екен. Болат ұшып тұрып:

— Эже, жүр сурет көр!— деп ебелектеп, жеңінен тартып зир жүгірді.

— Сенің үйіңе сурет көруге келгем жоқ, тәйт әрі! — Ақмарал баланы қағып жіберіп Құрышпайға зілдене қадалды.

— Құрышпай, құдай алдында да, жүрт алдында да, көзіміз о дүниеге жұмылғанша да осы екі баланың өміріне біз жауап береміз!.. Өзің үйіңің астынан су шығып жатқанын білесің бе? — Ақмарал Құрышпайға сынай қарады: ол — қолымен шоқша сақалын уыстай ұстап, ұшын аузына сап тістелеп отыр. Саспады.

— Ақмарал, сөзінді шашыратпай, ықшамдай сейле!.. Ол қай су? Сіздің үйден аққан суды айтасың ба? — деді ол қысық көзін сығырайтып, мысқылдан. Ақмарал екеуі кез келген жерде үйірсақ айғырдай шайнасып алатын әдеті де. Ақмарал бұшалдан басқадай міnez күтпейді. Эйтсе де, осылай шайқаса отырып тіл табысатыны да болушы еді...

— Тәйір жазған біздің үйден саған су ақпайды. Басқа жерден тәбеңе бірдеме тамып жүрмесе... — Ақмарал езу тартып «ә, бәлем, енді мыштай боларсың-ау!» дегендей.

Құрышпай басынан сөз өткізген бе, дағдылы әзілқойлығына бағып, иығын көтере, дауысын кенеп, түйрей сейледі.

— Бәсе сондай бірдеме үйімізде отырғызбай қуып шығып еді... Эй, дәуде болса... Дәл үстінен түскен екем!..

Құрышпай енді бір танауынан күлді.

Ақмарал ойда жоқ жерде алдынан шыққан жарға тірелгендей. Тәйірі, Құрышпайдан ұтылса, құдайдың қара басқаны да.

— Менің саған үйреншікті ғой, құда! Өзі жас, өзі оқыған еркенің зәрі боп жүрмесе деп қорқам! — Ақмарал

орала кеткен жауабына іштей риза: бәлем саған керегі осы шығар! Ақмаралдың айтысқа түскені жалғыз бұл емес, тісі — осындағы егес-қияста ұшталған.

Құрышпай тағы да бір рет түйремек бол, найзасын көтере бергенде телефон шылдырлад, екеуінің сөзін үзіп жіберді, енді қайта оралғанда қызған қан суып, дene мұздап қалды.

Ақмарал арнай келген сөзіне көшті:

— Мені қажағанда саған не түсер дейсің, шал! Онан да балаңды жөнге сал! Арақ ішіп, түнде көше қызырып бұзылmasын!

— Ақмарал, сен де Ажарды түрткілеп, қайрай берме! Мен білмейтін сыр жоқ, үйтіп көлгірсім!

— Е, менің қызыым не істеді? Жазғаны — сені күткені ме? Жоқ, саған тілі тиді ме?

— Күтпеді деп айта алмаймын! Рахмет, сыйлығыңа! Бірақ...

— Немене бірақ? Сондағы Дәмешті үйден қуып шықты демесің бе? Асыранды қасқыр ит болғанды қайдан көрдің?.. Әне өз иесіне шауып отырған жоқ па?

— Бейпіл ауыз!.. Сенің тілің кісі өлтіреді! — Құрышпай «асыранды қасқырдың» кім екенін түсінді, қабағының усті дірілдеп, түнеріп, таяғымен еденді сабалады.

— Жетеді енді, қысқарт!.. Білем кімді бейнелеп айтып отырғаныңды!.. Сен өзің кекжал!

Құрышпай таяғын шошаңдата сермегеніне шамданған Ақмарал шаңқылдап, үйді басына көтерді:

— Өй, қайтеді-ей, мынау? Эрі шошаңдат таяғыңды!.. Ондай қаһарың болса, бұзылған ұлыңа жұмса!..

— Ә, солай ма! Мен саған көрсетейін! — Құрышпай киіз қалпағын шекесіне қондыра сап, шапшаң қимылмен, үрпиген немересін қолынан жетектеп, үйден шықты да кетті.

* * *

Құрышпай Ақмарал сөзінен біраз сырды аңғарғандай: Дәмештің кетуіне себепші келіні екен. Енді түсінді. Дәмеш кінәні өзіне аударып, жанжалды әрі қарай ушықтырмауға тырысқан. Ақылды Дәмеш-ай!.. Бәсе, көмейінде тығылып түрган сөзді, қызыдың жаутаңдаған көзінен-ақ сезіп еді. Оразға не болды — әкесінен сыр жасырғаны несі? Кішкентайынан қолында өскен, ойы ұштасып, ақыл жалғасқан Ораздың сыр бүгіп қалуы Құрышпайдың жанына ба-

тады... «Бүгін біздің цехта мынадай қызық болды...» деп. немесе «...Ол сүйдеді, мен бүйдедім» деп көрген-білгенін тегіс жеткізіп, ақыл сұрап отыратын Ораз, аз күннің ішінде қауіп күткен көккүтан құстай мойнын ішіне тығып, томсырайып, қасындағы жақын адамдарды елемей, олардың уайым басқан жүзіне, тұртпектеп сұраған сөзіне тіл қатпай жүргенін, Құрышпай алғашында цехтағы сәтсіздігіне байланысты болар деп жорыған-ды. Баға келсе, жалғыз цех қана емес, семьясы да ауыр жүктей иығынан басқан көрінеді. Сонда ол қысымға шыдамай, өмір рахатын арақтан тапқаны ма? Құрт құлайтын ондай осал ма еді? Құрышпай балам өзіме тартқан, өмірімнің сәні де, мақтанашы да осы деп жүрсе, күйрек жасық боп шыққаны ма? Шалдың өмірдегі арманы да, артында қалдыратын мирасқоры да бұл емес. Құрышпайдың асыл бала тәрбиелеу қолынан келмегені де!..

Құрышпай завод алдына жақындай бергенде директор да машинасына мініп, қозғала берді. Қақпа алдында тұрған бір топ жұмысшы, шетке қарай қағылып, жол ашты. Құрышпай қолын бұлғап, тұра ұмтылды, бірақ аржағынан ызғытып кеп жүк таситын машина екеуінің ортасына тұсті. Қап!.. Директор бір кетсе кешке дейін ұстау қын...

Құрышпай машинаны өткізіп жіберіп, көшени қөлденең кесіп, директордың құла машинасының алдынан қарсы шықты.

— Қайыр-ай, ай Қайыр! — Құрышпай айғайлап шакырып, «Тоқта!» дегендей қолымен ым жасады.

Қайыр машинасын қебіне шоферсіз өзі жүргізетін, бұжолы да жалғыз өзі екен, машинасын тоқтатты.

— Ассалаумағалайкүм, аксақал! — Қайыр қол беріп жатып, кішкентай жиеніне көзі түсті, еңкейіп оның иегінен қақты. — Қалай, қияңқы емессің бе?

— Қияңқы бұл емес, қияңқы бол тұрған шешесі мен әкесі. — Құрышпай сөз желісін өз мақсатына бұра сөйледі.

— Е, тағы не болды? — деді Қайыр сезіктене. — Машинаға мініңіз, жүре сөйлесейік!

Құрышпай мен жиенін машинаға міңгізіп ап Қайыр Магниткаға тартты.

— Қүреке, Магниткаға барып көрдің бе?

— Қыста бір болғаным бар...

— Ендеше, алып домнаның қабырғасы салынып біткен. Сонау аспанмен тілдескен мұржалар сол домнаның қаупері!.. Маған еріңіз, көрсетейін!

Бұлар дөң асып, өзеннің шығыс жиегіне бұрылғанда еңгезердей алып домна сорайып алдарынан шыға келді. Тұрпаты шөгіп жатқан қара атанға, әлде қонақтап отырған қара құсқа үқсай ма? Жоқ, олар мұның қасында шіл мен шыбын емес пе? Ай-ай!

Жоқ, мұның бәрі домнаның батыр тұлғасын беретін теңеу емес. Сонау көкжиекте көрінген көк ала бұлт домнаның аспанға түскен көлеңкесі, сәулесі сияқты екен!..

Домнамен парапар түсетін, қиялмен тайталасатын ЦЭС электр станциясы: екеуі тетелес, бірінен бірі асқан асқар биік, Құрышпай жоғары қараса, басындағы киіз қалпағы түсетіндей.

Тұс-тұсынан тармақтанып кеп, домна маңына түйіскен қара жолмен зымырап ағылып жатқан машиналар алыстан: қонақтап отырған тауықтың қанат астына бірі кіріп, бірі шығып жатқан жас балапан тәрізді. Берірек, көл шетіне таман салынған біркелкі, төрт-бес қатарлы ақ тас үйлер сәнді де салтанатты. Оқтай тұзу кең көшелер жазық құла түзге қарай далиып созыла береді. Мешіт-шіркеудің мұнара шпильдері тәрізді жыбырлаған құрылымы крандары темір-бетонды қабыргаларды жаңқадай көтеріп ап, тікедей сүйеп қойып жатыр... Өрмекшідей шатырда жорғалап, электр отына арматураларды пісіріп, от ұшқынын судай шашып, арпалысқан жас жігіттер... гулдеген машина, шақыр-шұқыр егелген темір аспап, ызың-шу — даңғаза ештең естірттін емес. Құмырсқаның илеуіндей қыбырлаған жан.

Кайыр келген қызметімен «Казметаллстрой» тресіне кіріп кетті де, Құрышпай мен немересі бірін-бірі жетектеп, көше қыдырды. Болат шүлдірлеп, көзіне көрінгенде тамашалай сұрап, Құрышпайдың ойлауына мұрсат бермейді... Биыл бірінші домна біtedі. Мына әдемі зәулім үйлер біртінде Теміртауға қосылып, зор өндіріс қаласына айналады. Сонда Арқаның тесіне орнаған қазақ қара металлургиясының ордасы осы Теміртау болады. Кенет бір ой Құрышпай жүргегін лүпілдетіп, қаттырақ соқтырды. Рас, Құрышпай мақтанбағанда енді кім мақтанады?

Кеше осы жапан түзде қазақ қала салып, ел болып па еді? Әр тәбешіктің басында шоқынып отырған бір ауыл, өрбіген мал, үрген ит. Байлық та, жақсылық та сол еді. Әрине, есқі ауылдың жазғы көріністері: көші, ойын-сауығы Құрышпайдың есіне түскенде жүргегі ауырып, сағынады. Бірақ, қаншама сағынғанымен ол — Құрышпайға дәл осы

заводтай жақын көрінбейді, алыстағы мұнарланған тұман сияқты, кейде тұман тарқап арасынан әке-шешесі, әйелі, жақын-достарының түр-сипаты, сұлдері көрініп қап жоғалып, кейде тар жол, тайғақ кешудегі қын күндері, азапбейнеті есіне түсіп, сол бір өткен өмірмен қош айтқандай... Бұгін осы Магниткаға алып келген Қайыр — ол өмірді білмейді, дәмін де татқан жоқ, сондықтан ол — бақытты да әділ! Елу жылда ел жаңарады деген осы!..

* * *

Машина көл жағалап зырлап келеді.

Қайырдың қабағы түйіліп, рең қашқанын Құрышпай болмаса, ол өзі аңғарған жоқ. Іштегі ойымен әлек. Жаңағана Құрышпай Ақмарал мен екеуінің арасындағы жанжалды, Дәмештің басқа пәтерге көшіп кеткенін тәптіштеп, түгелдей жеткізген-ді... Қайыр қарындасы мен шешесінің қылышына қатты қиналып, өзіне-өзі әрең тоқтау салып келеді, әйтпесе...

«— Жаңында Теміртауға қазақ жастары келмек, соларды алдымен Магниткаға орналастырып, жер-жерге бөліп, оқуға жіберейік: бір тобы — Череповец, Кузнецк кетсе, енді бір тобы осында, біздің заводта оқып, үйренсін!» десе Қайыр, «Казметаллтрестің» бастығы жұқа өнді, шүйкедей ақбас шал:

«— Сенің қанша жұмысың бар? Кадр керек болса, өзің оқыт, дайында. Менде нең бар!» — деп қарап отыр. Қайыр күйіп кетті, біраз тілдеді. «Ертеңгі күнді неге ойла-майсыз?.. Комбинат болғанда кім істейді? Әсіреле, қазақтан құрыш қорытушы, горновой шығару — орыс халқының көп көмегінің бірі емес пе? Неге түсінбейсің?.. Сөзді қой: жатақхана сенен, оқыту, үйрену менен!» деп қалай үгіттесе де, көнбей қойды. «Домнаны құра алмай жатсам, горновой дейсің... басымды қатырма! Бұл — өлтірмеген аюдың терісін бөлу!» деп келемеж қылды. Жарайды. Қайыр онымен обком хатшысының алдында сөйлеседі!..

Онсыз да шырайы бұзылып толықсып шыққан Қайырга Құрышпайдың сөзі электрдің отынданай соқты, денесі дір ете түсіп, ыстық қан булықтырып, тынысын та-рыллатты.

Ақылсыз, жеңілtek Ажар! Біле білсе, Дәмешті бауырына тартып, еліктей тағы қызды үйрете берсе қайтеді... Оразды қызғанғаны — көзін махаббат шелі басқан екен.

Жақсы, жас кезінде екеуі қатар бір үйде өсті, біріне-бірі ұнауы да ықтимал, бірақ, Қайыр билетін Дәмеш болса ол — тәкаббар, Ажарды көріп тұрып, маңына жуытпайды. Ажар қасындағы құрбысын танымаса, Қайырдан сұрасын... Ақылсыз!

Қайыр Дәмеш жанына қызығып та таңдана жи үңіледі. Сонда Дәмештің теніздей терең жанынан тапқан гаунар тасы мынау: қыз әлі жігіт сүймеген, сүйсе біржола, беріле сүйеді. Сол бір мезгіл Дәмеш өмірінің көктеміне айналып, сана-сезімі құлпырып, ғұлдайді, ол кезде ол сүйген жігітінен басқа ешбір жан оның көзіне ілінбеуі де, ол жастығын соның жолына құрбан етіп бағыштауы да мүмкін!..

Қайырдың қызы соңына түскелі бес жыл, немен біттепіні әлі белгісіз. Қайырдың жасы келіп қалды, биыл ноябрьдің басында жиырма сегізге толады. Шешесі күнде қыңқылдап: «Құдайдан немерек тілейім... сенікі, шырағым не жүріс өзі...» деп зекіп, реніш те білдіреді. Қайыр Дәмешке талай ишара да жасап, сөз де салды, қызы не құлкіге айналдырады, болмаса, «екеуміздің аулымыз алыс, қайтесін...» деп тойтарып тастайды. Ал, біржола безіп, үйленейін десе, Дәмештің шырмауынан босанып тағы кете алмайды, айналшықтап соға береді.

Сонда қыздың көңілін біле тұра тосуы жөн бе? Түбінде күлкі болмай ма?

Қайыр өзі де білмейді, тек әйтеуір, махабbat деген бұрап қап жандыратын электр шамы емес, бір көргенде ғашық та болмайтын шығар. Біртіндеп, үйрене келе тереңдейтін сезім деп ойлады Қайыр.

Кім білсін...

Қайыр қайтып шалға үн қатпастан, үйінің алдына келіп бір-ақ тоқтады.

Машинасын есік алдына қойды да, жүгіре басып, сатымен үйіне көтерілді. Шешесі шай жасап, баласын күтіп отыр екен, асыға кірген Қайырды көріп, «немене жай ма?» деп сескеніп қалды, оған көңіл аударған Қайыр жоқ, телефонды алды да:

— Бұ кім?.. Ажармысың? Қазір үйге келіп кет! — деп телефон құлағын ширақылау қимылмен іле сап, терезені шалқасынан ашып тастады — ауа жетпегендей екі ығынан демін алады. Қалтасынан шылымын алды да, қорабының сыртына тықылдатып темекінің үгінтігін түсіріп, шешесіне көз тастады. Қайырдың Ажарды неге шақырганың

түсінбегендей сұстанып, қабағын түйеді ол. Еркек түстес Ақмарал, бұл екеуіне шеше ғана емес, бір жағынан әке. Осы күнге дейін Қайыр алдынан шығып, әмірін екі қылып көрген емес. Санасады. Кейбір оғаш мінездері болмаса, Қайыр Ақмаралды жақсы көреді — қанша дегенмен ана емес пе?

Астыңғы үйде тұратын Ажар сатымен тасырлата көтеріліп жетіп келді.

— Не бұлдіріп жүрсің? — Ызғарлы Қайыр, босаға жақта шешесінің қасында тұрған Ажарға жақындады.

— Не бұлдіріппін? — Ажар сескене сұрланып, жаутаңдай қарады Қайырга.

— Дәмешті үйден неге қуып жібердің? — Ажар шешесінен жалына қарап, күш алғандай шаптыға сөйлемді.

— Семьяма іріткі салмасын! — деді де, Қайырдың тесірейген көзіне шыдай алмай, төмен қарады, есік жақ бұрышта тұрған Жамбылдың бюстін сипалап, қипақтай береді.

— Қазір бар да, кешірім сұра... Үйіңе қайтар!

Ажар не айтып тұрсын дегендей, Қайырдың бетіне таңдана көз тастады да, қайтып үн қатпастан тұра жөнелді. Қайыр шап беріп білегінен қапсыра ұстай алды. Ажар қатты қысқан Қайыр қолын ауырсынып, қынжыла ернін тістеді.

— Аягына жығылатын мешің кінәм жоқ! Ол өзі сұрасын кешірімді! — деді қайсаrlанып. Шешесінде әлі үн жоқ, мысықтай бақылап, көзін алмайды.

— Но... Сен сұрайсын!.. Мен саған сұратам! — Қайыр ақырып жіберді, Ажар қолымен бетін басып, бақырып отыра кетті.

Ақмарал да енді кезегім келді-ау дегендей:

— Уа, сендерге не болды, иттің күшігіндей таласып? — деді әдегінше жазғыра, кеміте зекіп.

— Апа, мына қызыңды жөнге сал! Қазір Дәмешке жібер де кешірім сұрат!.. Үйіне алып қайтсын! Ел-жұртқа күлкі қылмасын!

— Есің дұрыс па, не деп тұрсың өзің? Қойнындағы күйеуін... — деп әдетінше бейпіл ауыздығына сап, Қайырдың бетінен тырнай, көтеріле ашу шақырды. Қайыр да көнбеді: дардай ер жеткен ұлына, ел басқарған азаматқа ағат сөз айту... Сүттей ақ Дәмешті қаралау... бейпіл ауыздық, бейбастақтық! Сондықтан да Қайыр өмірде бірінші рет шешесінің бетіне қарсы шықты.

— Догарыңыз!.. Көшедегі өсекті таратып, екі үйдің ортасына от жағасыз да жүресіз осынша жасқа келгенше! Үят қайда?

Мұндай сөзді балаларынан бұрын естіп көрмеген Ақмарал әуелі мыштай боп сасып қалды. Алақатап қызына қарады:

— Мынау не дейді-е?

— Солай, апа, баяғыдан бері сізді тыңдал келдім! Енди мені тыңдал, менің айтқаныммен жүресіңдер! Уақыт жетті!— Қайыр тез-тез басып үйден шығып кетті.

Қайыр заводқа қайта оралса да, енжар іс тізгінін қолына ала алмай, қапаланып, жабырқап, ақыл-ойы үясына кірмей жан-жаққа қашқан тауықтай бытырап, әрқайсының соңынан бір жүгіріп, сілесі қатып не қыларын білмей отыра берді. Көз алдынан Дәмеш кетпей ақсия күліп: «Е, махаббатты арзан бағалайды екесін, достым! Ең артық қарындастың мен шешенде көндіре алмағасын, ертең қалай менімен өмір сүрсің?.. Аулақ-аулақ!» деген мазақ сөзі құлағына келгендей.

«Өмірлік жолдас болайық!» деп Дәмешке сөз айтады, дәмеленеді, бір жағынан семьясы қарсы боп, сыртынан есек таратып, «жолатпаймыз» дегендей, сыр білдіреді...

Кінәлі шешесі. Ажарды тұртпектемей басып, қайта Дәмешті бауырына тартатын жөні бар емес пе? Но, ертең қызы сөзін берді, Қайыр үйленді, сонда шешесі оның бетіне қалай қарайды, үйде келісім бола ма? Заводты менгеріп алғып кете алмай жүргенде мынау қайғы тағы жамалды...

Лида есіктен басын сұғып, терезеге қарап сілейіп тұрған директорды көрді де қайта жапты: кім бар, кім жоқ, білгісі келді ме, солай да шығар, іле — лабораторияда істейтін инженер Амиров кірді. Басын кекитіп, ыңғай күлімсіреп жүреді.

— Қайыреке!— деді ол құрдас болғасын бір жағы әзілмен, бір жағы директор атын сыйласп.— Сізге айтты ма, еткен тұнгі сменада үшінші марка болат беру керек еді, екінші марка болат берді!

— Не дейсің? Оны кім айтты саған?— Қайыр шошып сөз таба алмай қалды.— Қазір тұс ауды, әлі ешкім хабар берген жоқ.

Керек десен бас инженердің өзі жасырып койған. Бұл не сүмдік?.. Жоқ, Қайыр бүйтіп директор бола алмас!

— Кім айтқаны несі?.. Мен айтам! Лабораторияда анализді мен жүргіздім.

Қайыр стол жиегіне орнатқан электр түймені үрейлендіре қаттырақ басты, Ліда шошып, «не бол қалды дегендей» кабинетке асыға кірді.

— Мусинде шақыр! — Қайыр: «Сөз бітті, тағы не шараң бар?» дегендей Амировтің жүзіне шанышла қарады. О да сезгендей:

— Тағы да азын-аулақ шаруам бар еді... кейін! — деп күбіжіңдеп түрегелді. Қайыр жібермеді.

— Айтсайшы!

— Айтсам — жақында жаңа үй алғам жоқ па? «Ерулік» сияқты кешіміз бар. Соған шақыргалы келдім.

Қайыр күлді:

— Ерулікті беретін біз, біздің жанымызға көшіп келген сен емеспісің?

— Эй, бәрібір дель Сен — бізге көрші, біз — саған көрші. Орыстар — «новоселье», қазақтар ерулік дейді...

— Но-но... — Қайыр да күліп басын шайқады.

Амиров сөзін аяқтап ұлгіреді, сыйдана басып Мұсілім келді. Қайыр Амировқа «жүре бер» дегендей ым қақты да, бетін Мұсілімге аударды. Бітік көзі көзілдіріктен жөнді көрінбейді. Басы айнадай жалтырайды.

Мұсілім жайдары, күлімдеп арбай кірді. Қайыр үнсіз басын изеді де ызғар шақырып, қабағын түйді. Мұсілім де ажуалай езу тартып: «неменеге кісімсисің? Сенің менсіз күнің бар ма!» дегендей. Қайыр солай ұқты. Қаншама өзін-өзі тежеп ұстаса да, сыр білдіріп алды. Дауысы дірілдендікrey шықты.

— Тұнгі смена болаттың керекті маркасын құйып бере алмаптығой?

— Білем! — деді Мұсілім сыйданып.

— Ертемен неге айтпадыңыз?

— Кіріп ем, жоқ болдың, — деді Мұсілім, пішіні — ушықтырмай ынтымақ шақырган кісінің пішіні.

— Мұсеке, мен сізді жаны ашыр жақын деп, сеніп жүрмін... Но, мен директор болғалы осы завод баяғы қарқынынан айрылып қалған сияқты. Ай сайын жоспары құлдырап төмендеп барады. Бұ қалай? Неге бақыламайсыз?

— Қайыржан-ау, менен дейсің бе? Смена начальниктері өз алдына бір төбе... тыңдамайды.. бағынбайды...

— Кім сонда? Қайсы бағынбайтын?

— Кім дейсің бе? — Мұсілім күлімсіреп Қайырга: «Пай, шіркін, білмей отырғаның? Дәмешті қайтесің?» деді

Дәл әкесі сияқты: мәлдіреген қарақат көзі, қою біткен қара қасы—Сағатовтардың тұқымына жаған таңба—белгісі. Асқардың көзінен жас ыршып-ыршып кетті. Егіле жылаған қарындасының қайта-қайта бетінен, маңдайшан, қолынан сүйіп, мауқын басты да, Құрышпайды құшақтады. Бұл — өмірде айнымайтын дос, аспан айналып жерге түссе де өзгермейтін, өз бетінен қайтпайтын табанды да берік адам! Жұрт: «Асқар — жау!» дегенде, бұл: «жоқ, жалған!» деп қолды бір-ақ сілтеген батыр! Жапындағы жақынына сене білген тұрақты кең пейіл адам! Сонда сол сөзді айтқызыған оның таза жүргегі!..

Тағы кім келді екен, Асқарды қарсы алуға?.. О, мынау тұрған орта бойлы қызылшырайлы жігіт — Құрышпайдың баласы болмағай еді!.. Асқар әрқайсысының көзіне тесіле қарайды — алдымен адал ниет, қуаныш іздейді. Осы келген азаматтардан бар тілейтіні: аямаса екен! Асқар «сорлы, бишара» боп қайтып отырған жоқ. Асқардың — ары да, намысы да таза, совет азаматы қатарында қайтып отыр!..

Жолшыбай Теміртауға жеткенше, улап-шулап, бірінің аузындағы сөзін бірі қағып ап, мәре-сәре боп келді. Әсіреле, шаттана күліп, жүрек сырын шерте сөйлеген Дәмеш. Бірнеше күн үйқы көрмей туған елді, туыс-досты сағынып, аңсап келген Асқардың да көңіл күйі шегіне жеткендей.

Арқа табиғатының көрінісін де Асқар өзінше ұқты: күн де бүгін төңіректі алтын арайға әдейі бөлеген тәрізді. Тебендеп жаңа шығып келе жатқан көкпеңбек егінде көк барқыт кілемдей құлпыра түсіпті. Арқаның самал желі жібек шәлідей машина доңғалағына оралып дыр-дыр етіп жыртылып жатты. Ақтамақ, қызыл кеуде қарлығаш екеш қарлығаш та Асқарды танып, машинаның алдын орап босатпайды.

Мұздыбай дөңінен асқасын Теміртау заводтары мойнын созып «кім келе жатыр?» деп таңсық еткендей.

Мұның бәрі туған жердің құрметі! Алыста жүргенде Асқардың сағынғаны Арқаның осы бір құлпырған көкмайса жері мен таңырқай да қуана қарап отырған осы достары. Азап-бейнет, қайғы-қасірет — бәрі де артта қалғандай. Адам нәпсісі мешкей емес қой, достым!

— Ағатай, неге үндеңейсің? Бізді жатырқап келесің бе? — деді бір кезде Дәмеш еркелеп, қатар отырған ағасының кеудесіне басын төсеп. Асқар күлді:

— Жоқ, айналдым, тұған жердің әуесіне маужырап, жаңым рахат табады!

— Тишины алмаңдар, өзімен өзі болсын! — деді Құрышпай шулаған жастарға тежеу салып.— Мен де өз басымнан кешкем. Түсінем! Баяғыда төңкерістен бұрын Кәрден байдың жылқысын үрладың, «конокрадсын» деп, мені жер аударған-ды.

Сонда Тайгадан қашып, Ыле келгенде сағынғаным сондай, жата қап жерді сүйгем...

— Жерді сүйдім? — деді Дәмеш сенбекен пішінде қайталап сұрап.

— Ол сөкет пе, балам?.. Адам алыста жүргенде ең алдымен жерді сағынады. Жерді анаға теңеу содан шыққан. Сендер әлі жассыңдар, не білесіңдер? Тұған жердің топырағына аунау кісіні бір жасартады! — деді Құрышпай:

— Ағатай, сіз де аунаңыз, жасарар ма екесіз! — деді де Дәмеш күліп, іле қолымен аузын басып, қызара:— ғапу етіңіз... мен-мен...

Асқар мен Құрышпай қатар құлді. Рульде отырған Ораз түсінбей, жанындағы Дәмешке көз қығын аударды.

— Асқардың әлі қартаятын жасы ма? Осы сен нешесің? — деді Құрышпай.

— Қырық бес мүшелім.

Николай Иванович бастаған бір топ қонақ: домбырашы, дәңгелек бет дембелше инженер — лаборант Амиров; тапалдау, шауқар прокат цехының инженері, өзі әнші — Қасымов; ұзын бойлы, талдырмаш инженер, Дәмеш сияқты смена начальнигі, биші Базарқанов бар, сау етіп жетіп келді. Дәмеш: «Әлі жарты сағат бар!» деп тамақты столға жасап қойып, асықпай киініп жатқан-ды.

Иван Иванович пен Құрышпай есік алдында қонақтарды қарсы алып, бас-аяғы жиналғанша бақшага жіберіп түрді. Жастар даурыға-дабдырлап, үйге кіріп, Дәмешті құттықтамақ болып еді, Ліда босағадан әрі аттатпады. «Кіініп жатыр!» деп, бақшага жол сілтеді... Тағы кімді шақырған еді? Ажар өзі де келмейді. Құрышпай: «біздің үйде өткізек қайтеді?» деп қыңқыладап еді, Дәмеш оған көнбеді. Ажардың қас-қабағына қарап жалпақтағанша, шалдың үйінде өзі қожа болғаны артық емес пе? Ақмарал-

да ақысын жіберетін емес. Құрышпай тыныстап, сөзін нәштеуі, айтысқа түсер шешенің желпінісі сияқты көрінді Серегинге.— Әзіл өз алдына. Енді бір мағыналы сөзге көшейік! — деп бір тынды Құрышпай.— Мынау отырған қазақтың жақсы азаматы, біздің құйып жүрген болаттан берік большевик! Олай дейтінім, мен бұл азаматтың өз басын ғана емес, ата-бабасын, үрім-бұтағын, әке-шешесін, туған туысын бес саусақтай білем. Осы баланың әкесі — әділетті жақтап халқына бақыт іздең сандалса, ағасы — сол бақытты тауып, еліне социализмнің гүл-бақшасын екти. Содан қалған мына екеуі.— Құрышпай қолымен Асқар мен Дәмешті нұсқады:— Біреуі — азап шегіп, бейнет көрсе де, адамшылық арын сақтап, қайтадан ұясына оралып отыр!— Жастар ду қол шапалақтады.— Ия, олай дейтінім: мениң қолымда бір актайтын дәлел бар. Осыдан он бес жыл бұрын, бір күні түнде, осы азамат үйіме кеп: «Құреке, мен сізге өзімнің арымды, намысымды, ұжданымды аманат есебінде тапсырғым кеп отыр. Өлсем қарындасыма, өлмесем, өзіме тиіс қыларсың... Мениң өзімде қалдыруға реті келмей түр. Қара бұл тағы да басыма төнді. Екі жылдай фашисттердің пленинен тығып, аман-есен алып кеп едім»... деп, ойып алған тіліктей партия билетінің номерін табыс қылған. Сол билеттің номерін мен де сақтап келдім, сінді осы отырған халайықтың көзінше табыс қылам!— деп Құрышпай өзінің партия билетінің ішінен күнгірт қызыл цифрлар жазылған тіліктей көк қағазды алып Асқарға ұсынды.

Асқар ұшып тұрып қағазды алды да билетінің номерін сүйді. Дірілдеген қолымен паспортының арасына салды да, Құрышпайды құшақтап, еңіреп жылап қоя берді.

Дәмеш те шыдай алмай, қатар жылады. Жастардың ішінен біреуі ұшып тұрып: «Интернационалды» бастап жіберді, қайсы екенін Серегин аңғара алмай қалғандары ере түрегеп:

«...Бұл болар ең ақырғы...»— деп, үйді басына көтерді. Серегиннің арқасын құмырсқа жыбырлатқандай, дениесі тітіркеніп ұшып тұрды, Асқардың қолын қысып, шын ба дегендей шанышла қадалды.

Асқар бұл үнсіз сұрақты ұққан тәрізді. Жымып, жылы жүзбен жастарға бұрылды:

— Жаныңдағы досыңа, жақыныңа сену — адам баласының ең қымбатты қасиеті. Сенім бар жерде адалдық та әділет бар! Мен кейбіреуден сенім таба алмай қорлық көр-

дім. Бірақ, біздің ұлы дана партия сенді маған!..— Аржанын ол айта алмай, булығып отырып қалды...

...Стол үсті толған тағам: сұыған қазы-қарта, тауық еті, жұдырықтай қызыл-күрең тоқаш, қысттан шыққан тұзды қияр, қарбыз, иісі бұрқырап, тола келген табак-табақ ет, арак-шарап — бәрі де лезде тып-типыл болды. Шайды тоспай шалдар басқа бөлмеге ауысты да жастардың кейбірі жұмысым бар деп рұқсат алып тарай бастады. Кейбірі шылым тартуға тысқа шықты. Стол басында Асқар мен Дәмеш, Серегин мен Ораз өзара әңгімелесіп отыра берді.

Келген жастардың ішінде қызып қалған жалғыз Ораз. Колын ербеңдетіп, көбірек сөйлеп, ыржалаңдап күле берді. Асқар аң-таң: Ораз осындай ұшқалақ, жеңіл ме еді? Арақты жиі ішкен адам, аузына тисе — ләйлиді деуші еді. Тегі, күндіз де қағып алған кісінің түрі... Ораз Асқар алдындағы арақ құйған графинге ұмтыла бергенде, Серегин одан бұрын қағып ап, Асқармен екеуінің ортасына қойды.

— Менен арақты да аядыңыз ба, жолдас хатшы? — деді ол шашын жұлқылап, көзін алайтып.— Чечен Ығламбекті мениң соңыма салғаныңыз аз еді, ә?

Көз қызығымен бақылап отырган Дәмеш.

— Ораз! — деді дауысталп. — Сені, әне атам шақырып тұр!

Құрышпайдан сескене ме, жоқ ,сыйлай ма, селк етіп, басын жоғары көтерді де, столға сүйеніп, арт жағын зіл басып жатқандай зорға түрегелді. Теңселе басып босағана соғылды, аржағынан «тентек Гена» мен «қуақы Қуан» келіп, қолтықтап алып кетті. Серегин: «Көрдің бе?!» дегендей Дәмешке иек қақты. Дәмеш кінәлі кісідей төмен қарады.

Тыстан Лида кіріп Дәмештің құлағына бірдеме деп сыйырлап еді, ол қуана секіріп, тысқа атылды. Енді бір сәт ол — орта бойлы, балғын денелі ақсары әйелді қолтықтап алып кірді.

Асқар өзіне-өзі сенбей, көзін жыптылықтатып таңдана қарады.

— О, жалған, Айша ғой? Дәмеш күн бұрын неге айтпады? Мана бір сөзінде: «Сюрприз жасайым, сонда есіңнен танып қалма, ағатай!» дегені осы екен ғой?— Асқар мән бермей киім-кешек пе, деп қоя салған-ды. Бұдан артық не сыйлық, не құрмет, не жақсылық керек? Асқар орнынан тұрып, аяғын бір басып, екі басып қарсы жүрді. Құліп, қуана құшақ жаюдың есесіне, Айшаның алаулаған жүзіне, жасаураған көзіне үнсіз таңдана қадалды.

Айша да талмаурап, не ілгері, не кейін баса алмай, сілейіп босағада тұрып, қолын сөзды.

Асқар ыстық лебімен күйдіре қолын сүйді...

...Уақыт — кемпірдің үйірген ұшығындай айнала берді. Тұн ортасынан ауды. Стол басында Асқар мен Айша ғана қалды. Қонақтар түгелдей тарады. Дәмеш пен Лида ас үйде ыдыс жинады.

Асқар көзін Айшадан алмай қинала қарайды, осы бір мезетте жүректе тұнған өкініш-арманын, қызғаныш-ренішін тегістей жеткізіп, өзінің адап ақтығына Айшаны сенірігісі келеді. Айшаның көз қараашығынан сенімсіз күмән тапқандай үңіледі. Элгі бір әзірде байқап та қалған секілді ме еді. Он бес жыл бойы Айшаның жүрегінде шер боп қатқан: өсек-қарғыс, бір көргенде-ақ көктемгі мұздай еріп кете ала ма? Сейтсе де сүйген адамы бір жақсы лебіз білдіріп кетсе, өткен күндер онша ауыр да тимес еді... Кейде жылы тар-тып құлімсіреп, кейде үркіп, тұмсырайып отырған осы Айша кешегі сүйген жария. «Ертең той қыламыз»— деп уәде бай-ласқан күні жер жұтып қойғандай Асқар жоқ болды. Енді бұл біреудің әйелі — қолынан ұстап, жанына жақындауға да еркі жоқ... Айшаның көзінен баяғы жалынды махаббаттың жүрнағы табылмайды. Бөтен адам боп кеткен!

Бұған кім кінәлі?. Бастан-аяқ тәптіштеп Асқар айтса қайтеді Айшага? Одан не түседі? Енді Айшаның махаббатына иелік қыла ала ма? Тілінің ұшындағы сөзді, тіс арасына сап, қысып шығармады Асқар. Келіп, амандық жасап, ниет білдіргеніне рахмет! Әлі болса да, жүрек түбінің бір қалтарысында сақтап жүргенін айтсайшы... Адамшылық!

Асқар шығарып салам дәп бірге көтеріліп еді, Айша көнбеді, Дәмеш пен Лиданы қалап, солар алып кетті. Бірақ Асқар дөңбекшіп, тұн өрінде қашақ қиялды тұлқі қуған аңшыдай дөңгелете қуып, бір жете алмай-ақ қойды.

Айша күйеуге тиген! Тимей,— он бес жыл хабарсыз кеткен адамды күтіп отырсын ба?.. Әлгіде жолдасың кім деп сұрамапты да. Кімге тиді екен?.. Асқардан артық — көрікті де ақылды болар.

Ұйқысы құрғыр қайда кетті, көзіне біреу ине тіреп қойған ба, жұмылмайды!..

Айша көрбез де сымбатты, байыпты әйел болған. Баяғы жұқа өнді, талдыромаш қызы емес, толған. «Он жасар қызыым бар» деді-ау! Ия, Айшаны алған еркек, кім де болса бақытты!

IV

Қайырдың: «...Мен директор болғаннан бері завод бұрынғы қарқыннан айрылып қалды»— деген сөзі соңғы күндері Мұсілімге көп ой салды. Директор бұл сөзге қандай мән берді екен? Әрине, ол: «Мен нашар директор болдым, басқара алмадым» деп өзін-өзі ұстап беріп отырған жоқ. Ол — сүттен де ақ. Қайыр сөзінің төркіні: «Сенің тәжрибелі мол, бас инженер едің, мені менсінбедің, ісіңе салқын-салақ қарадың. Кінәлі сен!» дегені.

Мұсілім езу тартып, жымиды. Қайыр — інісі қаншама әпербақан болса да, өлер жерін біледі. Бұл — Мұсілімге көрсеткен қыры. Әлбетте, Мұсілім аяғын санап басып, сақ болғаны жән.. Шынына келсе, завод айлық жоспарын зорға орындашықты. Оған бригаданың бұрынғы қарқыннан айрылып қалғаны себеп. Бұрын сол бригада жақсы өндіруші еді...

Қайыр — ыстық-сұығы басылмаған жас директор — үйірге жаңа түскен шақар айғырдай, қылышылдаш тұрсам, абырай-атаққа ие бол, қөзге түссем дейді. Ондағысы, мансап баспалдағынан өрлең, көтеріле беру — басқа не ой бар дейсің?

Мұсілім де қамсыз жүрген жоқ; інісінің басқан қадамы Мұсекеңе бесенеден белгілі, інісінің еттеген «тентектік-білмestігін» де ертең керек болатындағы саусағымен санап қояды. Қазірдің өзінде-ақ екеуі қырғи-қабак, келешекті құдай біледі... Мұсекең баяғыдан бері «шошқа тағалап» жүр дейсің бе, дау-жанжалдың тәсілін үйрениген. Әрқашан да қойнына тас сала жүруді өмірдің өзі үйреткен-ди. Жасы елуден асты, жақсы-жаманды көрді. «Қап, эттеген-ай!» деп, ертең бірдеме болса, опық жеу Мұсілімге лайық па? Жүрек туғында: «ертең Қайыр тайып кетсе», директор Мұсілімнің өзі болып қала ма деген де үміт жатыр. Хе-хе. Қалыңдығымен екеуі біраз мүйіздесіп алса, екі ортада Мұсілімге де жем түсер еді... Қалайда Қайыр мен ол қызыдың арасын ашу керек. Бірлесіп кетсе Мұсілімге оңай тимейді, онда бұл заводтан абырай алу қынын. Ия, айтқандай інісінің жұқа жерін тапқан екен-ау. Ол — Мұсілімнің қолында, сілтесе оңдырмайды. Оны жеңіліп бара жатса ғана жұмсайды. Інісінің: «қазақтан құрыш қорытушы, шойын құюшы дайындау керек» деген сөзі — Мұсілімнің ойлап таппайтын сөзі. «Қазақ» деп неге бөледі ол. Осының өзі... қайда апарып соғар екен? Жап-жап аузыңды! Тірі пенде білмесін, Мұсілім!

Кейде үйіктап жатып, дауыстап айтып қап, оны Айша естісе... құрысын!

Ау, заводтың жақсы істегені артық! Бірдеме болса, алдымен Мұсілімнің өзіне тиеді... Қайыр «салактық» жасадың деп сөксе де, Мұсілім ондай мемлекетке зиян келетін жағына аяқ баспайды. Осы себепті де Мұсілім қызметтен кеп, тамақ ішіп біраз тынысып алған соң, тұнде заводқа тағы барады. Цехтарға телефон соғып, жұмыс жайымен таңысып отыратын әдеті. Бұл тек қана Қайырга көрсеткен қыры смес, ешкімге сенбейді. Кім біледі...

Бүгін де сол әдетпен Мұсілім қас қарай заводқа жақындағы бергенде, сайтандай Әғламбек жанаса кетті.

— Ба, ақсақал, мұнда неғып жүргіз? — деді ол көзімен ойнақшып, ұзын қияқ мұртын үйгілген саусағымен сипалап.

— Негып жүргені қалай? — Мұсілім таңдана сұрады.

— Инженер Сағатованың ағасы келіп, инженер біткен соның тойында. Сіз неғып бармадыңыз дегенім?

— Ағасы?.. Қайдағы ағасы?

— Сибирь жақта жүрген бе немене...

— Асқар Сағатов па?

— Білмеймін, айтеуір ағасы дейді.

Кенеттен біреу тап бергендей, Мұсілім селк етіп, өңі қашты. Бұлығып, тынысы тарылды.

Қайтып үн қатпастан жүре берді. Заводқа келіп кабинетін ашты да, шам жақты. Мен-зең, сылқ етіп диванға отыра кетті.

Черт!.. Қара жолда көтерілген құйындай, қаралы ой Асқардың маңында дөңгелене үйтқыды. Ойда-жоқта қайдан шайда бола қалды бұл соғынды! Жерден шықты ма, кектен түсті ме? Қайтып келеді деген ой Мұсілімнің есіне де кіріп шықпайтын.. Осыдан үш жыл бұрын, осы сияқтылар ақталып қайтып жатқанда, біраз күн қиналды да. «Апымай, о да қайтса, бетіне қалай қараймын?.. Сөз таратады-ау?» деп ары темірдей күйдіріп, шыдатпады. Содан, бір жолыққанда, Құрышпайдан шет жағасын сұрап көргенде, ол: «Ұшты-күйлі хабарсыз, өліп қалған болу керек» деген-ди. Шыны сол ма, әлде жасырды ма? Кім білсін...

Апымай, бәрінен де Айша естіп қойса ше?.. Енді естімегенде несі қалды!..

Мұсілімнің маңдайынан тепшіп сұық тер шықты, қалтасынан орамалын алып, басын сүртіп, ерсілі-қарсылы жүре берді. Еденге тәселген кілемнің қошқар мүйізді оюларының

арасынан: «Әй-әй, Мұсілім, жауапты қызметте болған азамат едің, менің үстімнен жала жауып сottаттың... Қалыңдығымды тартып алдың!.. Не жаздым саған осынша әурелейтін?» деп сөгіп тұрган қою, тұтаса біткен қара қасты еркектің кейпі елестейді... Мұсілім көзін уқалап терезені ашты да, таза ауаға бетін тосып, қозғалуға мұршасы келмей тұра берді.

Осы бір кешкі жолдары кешегі өмір өзгеріп бара жатқан секілді. Мұның аяғы қайда барып соғар екен? Бұрын аяқ астынан «жау» табыла қалушы еді, бүгінде бәрі адад-ақ. Ау, жаным-ау, адамға сену дегеннің өзі?.. Бір есептен, ол баяғыда адад-ақ бола қойсын. Айшаны қызығансын... Сенімсіз адам деп көрсетсін-ақ, сонда осы Асқар он бес жылдың ішінде сол таза, адад-ақ қалпында қайтты ма? Ең құрманғанда, жүрегінде бір ілік қалған шығар. Адам ғой, тіптен Мұсілімге деген кегі өшпеген болар... Сонда, Мұсілім екеудің қалай бір көшеде жүре алады? Сия ма? Ау, жаран! Бұл өмірдің өзі не бол барады?..

Бұрын жұрт бедел сыйлаушы еді, бүгінде ешкімнің бетжүзіне қараудан қалды, бас сап, сынай бастайды. Ең артық, пәлен жыл өкімет басында отырған Кішкентайдың баласының өзін түйедей жүндеді... Бишара, десейші...

Ойын түйе алмай, сандалып көше кезіп Мұсілім үйіне кешірек оралды. Айша мен қызы шырт үйқыда болар, оятып жібермей, жата қалғаннан артығы жоқ. Айша: «Қайда болдың? Өңің неге қашқан?» деп сұрай қалса ше?..

Мұсілім сыртқы веңдерданың есігін ашып, өзінің кабинетіне кірді. Шамды жақты да шешініп, пижама мен туфлиін киіп, ептеп басып, жатар үйге барды. Қараңғыда соқтығып, Айшаны оятып ап жүрсе, шатақ-ау...

Терезеден түскен ай сәулесінен үйдің іші күндізгідей жарық. Айшаның кроваты бос сықылды. Қой мүмкін емес!

Мұсілім қабырғада жарықжібергішті басып қап, шам жақты.

Айша жоқ, кровать үсті бұзылмаған, таңертеңгі жиған жүк сол қалпы. Айша қайда екен? Тоқта-тоқта! Шынымен сол үйге кеткені ме?.. Мүмкін емес!

Мұсілім жүрегін басып босағада сүйеніп тұрып қалды. Қой, емханаға күзетке кеткен болар. «Барам» деп бүгін айтпап еді ғой... Гүнде талай шақырып әкететіні қайда?

Тик-тик — қабырғада ілулі тұрган үлкен сағат ықтиярысыз Мұсілімнің назарын аударды. Сағатқа самарқау көз

тастады — он екіге 15 минут қалған. Ау, қайда жүр екен ол?.. Қайтадан кабинетіне барып емханаға телефон соқты.

— Алло!.. Емхана ма?.. Доктор Мусина бар ма?

Аржагынан сұық тиген қырылдақ дауыс:

— Жоқ!.. Кетіп қалған! — деді.

— Қап!.. Алло... Сонда қанша уақыт өтті, кеткеніне?

— Үш сағаттай!..

Мұсілім телефон құлағын тастай беріп жалма-жан қайта киінді. Апасын оятып ап, сұрамақ болып оқтанды да, орта жолдан қайтты.

Айша ол үйге барам десе Мұсілімнің апасымен ақылда-са ма? Сөз жоқ сол үйге барды. Алдады! Қойында жатқан күйеуін алдап, кешегі Мұсілімнің «қас жауына» тұра жүгіруі — қорлағандық!

Ентелей басып зырлап келеді. Ау, осы Мұсілім қайда барады? Ол қызы Құрышпай үйінен көшіп кетті демеп пе еді? Қайда көшкенін Мұсілім біле ме?

Ленин көшесіне бұрылып, Құрышпай үйінің алдынан өтті. Шам сөнген, терезелері қап-қараңғы...

Металлургтер сарайының алдында улап-шулаپ топырлап жүретін жастардан бір де бірі қалмаган. Тегіс тараған.

Дырду-шу басылды, қала шырт үйқыда. Сағат екіге айналды. Мұсілім верандада Айшаны әлі тосып тұр. Кім әкеп салар екен?.. Бір мезгілде қараңғап, мүйістен үш адам шықты, дауыстап, қоштаса бастады. Тұнық көшеде сөздері санқ-санқ естіледі.

— Айша апай, рахмет келгеніңізге. Ризамын! — деді, бұл — Дәмештің дауысы, Мұсілім бұлтартпай таныды.

— Алыстан алты жасар бала келсе, тоқсандағы шал алдынан шығар демей ме, еліміздің дәстүрі, сіңлім Дәмеш! Оған мойын ұсынбай бола ма? Сонсоң Асқармен бір кездे дәмдес те болдық...

Айша сөзінің аржағын жел қақты ма, естілмеді, сыйырға көшкендей. Түсінікті: «Және үйленбекші болып, уәде байласып едік!» дер. Басқа не десін? Кей түндер үйілеп, үйқтамай шығатын еді, сонда осыны ойлайды екен фой?..

Айша сатыдан көтеріле беріп, оң жақта верандада отырған Мұсілімді көрді. Екі көзі қараңғыда шырақдандай жарқылдайды.

— Мұсеке, неғып отырсыз, үйқтамай? — деді көтеріңкі дауыспен.

— Бұл не қызырыс? — Мұсілім өзін тежей үстаса да дауысы құрғыр қалтырап кетті.

— Тойға шақырып, соған бардым. Дәмештің ағасы Асқар келіпті! Баяғы өзің білетін Асқар! — деді де, тоқтамастан етіп жүре берді Айша.

Жалтарып жалына ма десе, лақ еткізіп бәрін өзі айта салды-ау! Енді не демек?..

Мұсілімнің жүргегін біреу инемен пісіп алғандай, шашып, орынан қозғалтпай, қолымен кеудесін басып отырып қалды. «Баяғы өзің білетін Асқар!», бұл не деген сөзі?

* * *

Мұсілімнің ыңқылдаған дауысына Айша қайта оралды, жалма-жан жүргегін тыңдалап, дәрі ішкізді. Ертеңіне төсектен тұрғызбай жатқызып қойды: «Әзірше жүрек жүрісінде өзгеріс жоқ, кім біледі, бұл мотор ғой, кенет тоқтап қалуы да қыын емес!» — деді Айша таңертең қызметке бара жатып.

Ауруды жанына батқан біледі. Тұнде жүргегінің шашып беймаза болғаны Мұсілімнің өзіне белгілі. Сондықтан да Айша сөзіне сенді де жата берді. Бірақ, нелер жыландағы суық ойлар сумандап, бірі кіріп, бірі шығып, ішек-қарның удай жалады.

Көзі қалғып бара жатса, терең шыңрауга түсіп кетеді де, қайта жоғары өрлең, шыға алмай, терлең-тепшіп, ерен қинала бастайды. Ертесімен кіріп: «Тамақ ішесің бе?» деген кәрі апасына да жөнді жауап қайырмады. Одан іле «папалап» қасына он жасар қызы да келді. Азадап қөңілін аулап, ойын бөлген сол — баласы. Жүрек-мұректе Әлияның ісі болған жоқ, әкесінің жанына отырып ап көрген киносын, құрбы-замандастарын сөз қылды..

Сырдың тұяғындағы ағаш аяғы сырт-сырт етіп, Серегин кіріп келгенде ол жан алатын әзірейлдей Мұсілімнің өңі қашып, үрейленіп, бір уыс боп жиырыла қалды. Осыны сезгендей Серегин де жылы сөзді бастырмалата айтып, арқасынан қаға келді.

— Ба, ауру деген аяқ астында!.. Сақтанбаса, омақата құлатады.. Соңғы кезде ақсақ аяғым сырқырап, ерен ауырады. Әсіресе бұл күні — кесіп тастаган бақайларыма дейін сырқырайды-ау... — деп бір тынды. Мұсілім сесскене тыңдайды — кім біледі, аржағында бір қитұрқысы тұр ма?

Серегин маңдаійна түскен селеу шашын басымен шұлғып қап, орнына түсіріп, құлімдеген көк көзін Мұсілімге қадай, сөзін жалғады.

— Аяғымнан қырық үшінші жылы Қырымда айрылдым. Біздің әскер Ялтаны түс-түс жақтан қоршаганда, не містер тығылар жер таба алмай, теңізге құлап жатқанды. Біздің батальон Симферопольден Ялтаға бірінші жол ашты. Сонда машинамен ағызып келе жатып, Алуштаның түсында минаға кез болп, машина бір жаққа, шофер екеуміз бір жаққа үштық... Есім жинасам, ба!.. Аяғым сынып кеткен. Қан атқылап жатыр, шап беріп екі қолыммен жарадан жоғары санымды уыстап отырып қалдым... Іле артқылар да жетті. Сейтіп, өзіме-өзім дәрігер болғам!— деп Николай Иванович мырс-мырс құлді.

Бұл әңгімені неге бастады екен? Серегин сөзге сараң, тіліне сақ адам. Мұнда бір гәп бар, тегі... Әңгімені басқа бір арнаға түсірген ұтымды болар Мұсілімге.

— Тұнгі сменада оқиғалар болып қалушы еді, «жаңалық» жоқ па екен? — Мұсілім сұрауын сұраса да, қапы ұрды, Серегиннің көздеген нысанасын жақындастып берді.

— Тиыштық!— деді ол.— «Жаңалық» сол инженер Сагатованың ағасы кеп, кеше соған той жасады!

Бәс! Бұл тұлкінің неге келгеніне түсінбей, Мұсілім күдіктеніп еді. Шөп басының қимылын аңғарып, сыр тартпақ-ау! Мұсілім енді «осы жоруым дұрыс па?» дегендей Серегиннің көзіне үңілді. Көк шыны ыдысқа құйған су сықылды, толқыны жоқ, тұнып тұрған бір көз.

— Ол пленде болған жау емес пе еді, қалай босанып келді скен?.. Срогін өтеп келді ме екен? — Мұсілім әдейі сөз таstadtы.

— Ақталып, ісінен ада болып, босанған тәрізді,— деді Серегин бұл неге сұрады деген кісіше Мұсілімге таңдана қарал.

— Айта береді де... Қайсыбірін алсаң да «ақталған» болып келеді. Сақтық керек, жолдас хатшы! — Мұсілім: «Түбінде бір шатақ болады, аяғынды байқай бас!» деген сөзін осылай жеткізді.

О да солай үқтү:

— Сіздің көрінгеннен сезіктенетін әдетіңіз бар-ау осы...— деп мысқылдай құлді ол.

— Ақырғы күлген адамға жөнін тауып күледі дей ме, сіздерде? Өмір әлі алда, тоса тұрайтық! Қасқырды қанша асырасаң да орманға қараған... Хе-хе.

Серегин түсін сұтынып:

— Не деп отырсыз?.. Кімнің сөзін айтып отырсыз? — деді.

Оның дауысы шыныдаштынады. Мейлі, шабына оттүссе, шығып кетсін. «Кімнің сөзін айтып отырсын?» Сонда өзі кімнің сөзін қайталап отыр екен?

— Мен жүрек түбінен қайнаш шыққан сөзді айтам? — Мұсілім де танауын жұлқылап, сұстана теріс қарады.

— Онда жүргің алі лай екен, жолдас Мусин?

— Көрерміз тірі болсақ...

— Откен қайтып оралмайды, алға қараңыз, жолдас бас инженер?

* * *

Серегин арнай келген шаруасын да бітірмеді, қайта араларын бұрынғыдан да ушықтырып алды. Әуелгі мақсаты: Мусиннің көңілін сұрап білу де, соңсоң ептең Дәмеш ұсынысы жайында сыр тарту еді, орайы келмеді. Сөз арнасы басқа жаққа бұрылып кетті. Бірақ осы келістің өзінен біраз сыр ұқты: ескі азықтан арыла алмай, откенге жалтақтап қарай беретін адам екеніне көзін жеткізді. Бұрын тек «солай-ау!» деп жорамал жасайтын. Дәмеш пен Мұсілімнің арасындағы кикілжіңге бұрын түсіне алмай келген-ді, енді соған шешім де тапты. Мусин қызды да, ағасын да жек көреді. Оларға сенбейді! Адамға сенбейу деген мұның қанына сіңіскең ауру...

Серегин кабинетіне кірсе, Дәмеш тосып отыр екен.

— Сізді тосқанымға табандатқан бір сағат! Қалалық партия комитеті шақырды. Сізді ала кел деді! — Николай Иванович кірер-кірмес Дәмеш дүрсे қоя берді.

— Неге шақырғанын білмедің бе?

— Тағы да менің ұсынысымды сөз ғып жатқан болар.

— Сөз қылса ше?

— Директор жоқта сөз қылу лайықсыз гой. «Мениң кеткенімді аңдып тұрып, арыз жаза қойды!» демей ме?.. Оның да маған «арызшыл» деп атақ тақты. Дауды жек көрем!

— Принцип үшін күресу — арыз қуу емес!

— Бюрода қарап шештік. Уақыт та бердік. Ойлансын. Берсін жауабын! Содан кейін, ақыл қосып, біз де пандеміз гой, бірдеме дерміз... Қымс етсе қалалық партия комитетіне жүгіре беру абырой бермес!

Серегиннің Дәмештен күтпеген сөзі. Жаңын сап, болысип жүрсе, қисық түсінгені қалай?..

Қалалық партия комитетінің бірінші хатшысы Базаров аққұба, ашаң жүзді, егде тартқан кісі. Байыпты, өзі сейлеуден гөрі шақырган адамының сөзіне көбірек құлақ қоятын-ды. Орынан тұрып, жылы жүзбен қабыл алды.

— Эдette, партия комитеті шақырса, коммунистер: «Неге шақырды екен?» деп қобалжып қалады. Ол жақсы қылық. Партия комитеті — ең қадірлі де әділ орын. Біреу көрген зәбірін айтып, әділдік іздесе, енді бірі — мұңын шағып, ақыл сұрайды. Ал, бүгін инженер Сагатовадан ақылды мен сұрамақпын! — деді хатшы.

Дәмеш қызырып Серегинге қарады. Серегин күлімсіреп хатшыға:

— Сұрауға неге болмасын... — деді.

— Жолдас Серегин, сіз неге бұқ кісі үшін жауап бересіз?

Енді Серегин қызарды.

— Ақыл қосуға жарасам...

— Жарайсыз... Ол мынау: үлкен заводқа партком хатшысығып жіберсек, істейсіз бе?

Дәмеш басын шайқады:

— Мен партия қызметінде бұрын істеп көргем жоқ... Оның үстіне мамандығымды игере алмай жүрмін....

— Бас инженер сізді басқарып алғып кетеді деп ұсынған еді.

Серегин Мусиннің құтылғысы кеп, итере салғанын енді сезді.

— Мусин ұсынса, онда бұл кісінің қолынан келмейтіні анық!

— Оны қалай түсінеміз? — деді Базаров көзін қадап.

— Эдette, бастықтар жақсы қызметкерін оңай бере қоймайды. Не бір жерге жіберерде, не штатын қысқартарда ұнатпайтын қызметкерін ұсынады. Бас инженер, Сагатовадан құтылғысы кеп, ұсынып отыр сізге. Әйтпесе, Сагатованың партия қызметін атқаруға әлі өресі жетпейді. Жас!

— Ол неге үтеді?

— Шет жағасын мен сізге анада ескерткем!

— Е, ұсыныс жайындағой? Айтқандай, сіздің ол мәселенің немен тынды?

— Сегіз рет өлшеп, бір рет піш демей ме? Асықпай өлшеуде... Жақында пішетін болар.

— Дәл, бұл кісі айтқандай болса, жақсы ғой,— деді Серегин килігіп.

— Енді қалай?

— Сейфке салып, кілтін үш рет бұраған сияқты.

Серегиннің шамдана сөйлегеніне Дәмеш жымия құлді:

— Гапу етінің, Николай Иванович, істі олай қында-та бермейік. Партбюорода әбден иі қансын деген пікірді өзіңіз де қолдағансыз! — Дәмеш те өз ұтысын Серегинге жібермей бақты.

— Ақыл сөз. Сізден ақыл үйренем дегенім теріске шықпады.. Жолдас Серегин, сен олардың қолдарын қага берме!.. Ерік бер, ойласын!..— деді Базаров, сөз бітті де-гендей орынан көтеріліп.

V

Бірақ Серегиннің сол сөзі екі күн өтпей-ақ Дәмештің алдынаң шықты.

Мұсілім төсекте екі күндей жатып тұрды. Жүргегінің шашуы басылып, бойы сергіп, бұрынғы қалпына қайта келді. Айшаның дәрісі себеп болды ма, жоқ, қорыққанға қос көрінген, жай шашу ма, әйтсеуір, тез жазылды. Бұрын мұндай жүргегі қысып көрмеген еді, қартая бастағаны ма?

Мұсілімнің қартайғысы келмейді, жұбайы жас, әлі де қызықты, тәтті өмір өткізсе деген тілекте.

— Бұл Мұсекеңдің жылы төсектен тұрған беттегі ойы еді. Енді бір сәт асығып-үсігіп шайын ішті де, ентелей басып, заводқа барды.

Қайыр облыстан әлі қайтқан жоқ, завод иесіз, күн-түні бақылап тұратын «кез» керек, бет-бетімен бытырап, ауа жайылудан қашпайды.

Амандық, жасап, жанынан өтіп бара жатқан жұмысшыларға Мұсілім үнсіз басын изеп, ауланың түкпір жағындағы мартен цехына қарай аяннады.

Бұл асфальтті соңғы жылдары Мұсілім өзі төсеткенді, сондықтан бұған айрықша көңіл аударады: бұлінген, тесілген жері болса, қайтадан цементпен құйдырып, бүтіндеп тұрады. Өйтпесе болмайды, ертең бүкіл завод шаң-тозаңның астында қалады. Соғыс жылдары осы заводқа бас инженер Соп алғашқы рет келгенде, асфальт төсей алмады және де Мұсілім іле облыстық атқару комитетіне орынба-

сар болып жоғарылады. Еті тірі, епті жігіт құр жүре ме, жұрт көзіне ерте түсіп, Алматыға министерствоға орынбасар боп барды. Құдайдың берген мінезі: пайдасы тиетін қажет адамның іш-баурына кіріп, өзіне қарай тартып алады; пайдасызға басын кекірейтіп бір-екі рет салқын амандасса, өздері де маңына жуымайды. Ең алдымен Мұсілім, республика саясатын қолына ұстап отырған басты азаматтардың зияйштарын, дос-жарандарын мақтап, соларға жағынады. Тілек-үмітін солар арқылы бастықтарға жеткізіп, солар арқылы сол сөздің әсерін біліп, топшылап барып, қадам басатын.. Сүйтіп жүріп, енді министр boldым-ау дегенде біреу аяғынан шалып қап, омақата құлаған-ды. Құлағанда да онбады — баяғы өзін өсірген заводына қайта оралды. Келгенде қатардағы инженердің бірі ғана боп келіп еді, құдайға шүкір, бір жағы тіл мен жаққа, бір жағы облыстағы ескі таныстарға сүйеніп, бас инженердің дәрежесіне қайта ауысты.

Үмітсіз сайтан, директордың орнына да дәмелі...

Күн әлі ерте. Тұнгі смена жаңа ғана жұмысын аяқтаған. Мартен цехында инженер Сагатова тұнгі құйған құрышты ОТК-ға тапсырайын деп жатыр екен.

Үстінде жеңіл көк куртка, басындағы қалпағын желкесіне шалқайта киіп, ОТК-ның бастығымен керісіп тұр. Құрыш құятын алаңың жұмысшылары да бұлардың маңына жиналыш қапты.

Я, сәт! Осы қызды бір ақсататын кезең келсе деп іштей сиынып жүруші еді Мұсілім. Алқақотан тұрган жұмысшылар араларын ашып, жол берді. Мұсілім керенау басын изеді.

— Ау, бұл не жиналыш?

ОТК-ның бастығы жуан тапал қара ерекк, орашолақ қимылмен Мұсілімге бұрылып:

— Мұсілім Сапарович, мына кесек құрыштың басында қара қожыр не? Брак емес пе? Мұны кеспесе мен алмаймын! Кескенде де жиырма процент кетеді. Сонда қалғаны дұрыс кесек бола ала ма,— деді.

Әй, Давид Петрович-ай, білесің-ау жанды жерінен ұстауды! Осыдан бес күн бұрын Мұсілімнің бір ұрысқаны бар: «Кім не айтса соныкі дұрыс.. Көрмейсің бе Сагатовың сменасында не боп жатқанын. Құрыш кесектерінің арасы толған қыс-тесік, ол бракты ертең сенің мойныңа жазам деген-ді... Енді міне үрейі ұшып, құйылған құрыштың басындағы көрінген қабыршаққа байланысып тұр.

— Ал мына бір кесекті тағы қараңызшы!.. Бұл не? Дәу де болса осының іші толған бос-қуыс, флокен!

Дәмеш кейінірек түр еді, жұлқынып алға шықты.

— Давид Петрович, егер біреу менен брак шығар деп тапсырма берсе, саудаласпай-ақ жаза бер! — деді зілді жиіркене қарап. Мұсілімді біреу бізбен шаншып алғандай қызға жалт бұрылды, тіксіне қадалды.

— О не деген сөз?

— Бұл — әдейі байланып, мін табу деген сөз!

— Байқап сөйлеңіз!..

— Өз сөзіме өзім жауап берे алам!

— Берсең — мынау не? — деді Мұсілім шет жақта тұрган құрыштың бір кесегін қолымен нұсқап. Дәмеш те тайсалған жоқ, салмақты үнмен:

— Қабыршақ!

— Жақсы! — Бас инженер жан-жағына қарады да, әрірек тұрган екі құрыш ағызушыны қолымен ымдаپ, шақырып алды:

— Қалыпқа құйғаныңызға қанша уақыт өтті?

Дәмеш сағатына қарап:

— Бір сағаттай болды! — деді.

— Онда мерзім жеткен. Қалыптан суырып алыңдар да суытыңдар! — Мұсілім құрыш ағызушыларға бұйрық берді. Олар жалма-жан кранның шынжырын қалыптың екі жақ құлағына ілді де, биіктегі кран басқарушыға ым қақты. Зәулім биік төбеде сым үстінде жорғалап жүрген кран гүрлідеп кесек құрышты қалдырыды да қалыпты суырып әкетті. Құрыштың өнбойы толған түк сыйылды ұсақ-ұсақ жұқа қабыршақтар.

— Көрдің бе? — Мұсілім Дәмешке сыздана қарады.

— Көрдім! — деді Дәмеш құрыштан көзін алмай.

— Бұл неден?

— Құрыш құйған қалыптың іші тозған! Бұл — содан. Алдақашан ауыстыру керек!

Е, таяқтың бір басын бассаң, екінші жағы өз маңда-йыңды ұрады... Көрдің бе, Мұсілімнің өзін іліп жатқанын?

— Жоқ, біріншіден,— бас инженер бір саусағын бүкті.— Құрыш ағызарда температурасы жоғары болған, екіншіден,— бас инженер екінші саусағын жұмды,— қалып дұрыс орнатылмаган, қисық тұрган.

* * *

Іле мартен цехы начальнигінің кабинетінде, оперативка шақырылып, Мұсілімнің ұсынысы бойынша инженер Сагатоваға сөгіс берілді.

* * *

Сол күні түстө Қайыр Қарағандыдан келді де телефон соғып үйіне бас инженерді шақырды.

Қайыр іштей мазасызданып, ой-тілегі серігінен айрылған құстай, Теміртау үстінде қалықтады да жүрді.

Соңғы күндері шешесімен сөзге келуі, қарындасымен қырғи қабақ болу, Дәмешті көрер көзге алыстатып, өкпелетіп алуы — үміт-тілегін жақыннатудың орнына алыстата берді. Ол аз дегендей обкомның насиҳат бөлімі шақырып алды да, бір күн ұстап жан-жағынан тілдеп есін шығарды. Бөлім бастығынан гөрі жанына тиген — «Советтік Қарағанды» газетінің редакторы. Орта бойлы, әдеміше қара торы ерек ажуалай түйреп, аузын аштырмады. Бәрі баяғы Дәмеш жазған мақаланың кесірі, Мұсілімнің айтағына еріп, газетке жауап жазбасы бар ма!

«Біз есек миын жеді деп ойлайсыз ба, сөз астарына түсінбейтін?» деп редактор әуелі құліп алды. Соңсоң: «Мақала дұрыс басылған дейсіз де, іле сол фактінің бәрін жалған қып шығарасыз! Бұл — газет жалған мақалалар басады деген сөз емес пе!» деп қарап отыр.

Қайыр бұрын жұрт алдында қымсынып, ұялып көрген емес еді, тап осы жолы терлеп-тепшіп, не дерін білмей, са-сып қалды. Шын сөзге қарсы дау айтуға бола ма? Келесі күні соған түсінік жазды. Эйтседе, ойдағыдай шешкен бір мәселесі — қазақ жастарынан құрыш қорытушы, шойын құюшылар дайындау дегенді обком қолдап, «Казметаллтрестінің» бастығына, Қайырмен бірлесіп істеуді тапсырды...

Үйіне оралса, шешесі ол — жұдеген, екі күннің ішінде қартайып қалған. Қайыр бұрынғыдай сырласып, оны-мұны сұрайын деп, сөз тастап еді, тұс бермеді—жаяубын шолақ қайрып, салқын міnez білдірді... Қайыр заводқа бармай, Мұсілім ағасымен оңаша сөйлесуді лайық көрді. Бірін-біріне матап, шырманп жүрген сол Мұсілім ағасы! Қайыр бұрын ру дегенді білмейтін. «Сен кімсің? деген шалдардың сөзіне «қазақпын» дейтін. Ал, қазақ — ру-ру-

ға бөлінеді, сол рулар бірі мен бірі жақын дегенді осы Мұсіліммен жолдас болғаннан бері ғана жиі естіп жүр.

Бұл — халықты өсірмейтін, оңбаған қылыш екеніне алғашқыда түсінбесе де, кейін осы ағасының мінезі арқылы толық ұғынды. Дәмешті басқа рудың қазағы деп Мұсекең жек көруден де тайынбайды! Әйтпесе, қыз бала, несі бар өшігіп?..

Қайыр қалада есті. Әкесі — марқұм Ереймен маңындағы бір кедейдің баласы бола тұрса да талпынып, Томға барып оқу оқып, жиырма алтыншы жылдары бітірген, ескі инженердің бірі-де. Партияға түсіп, біраз жыл басшылық қызыметте жүргенде, гипертониядан қайтыс болды.

Әкесі Қайырдың тәлім-тәрбиесіне бар ынта-ыхласын, жігер-білімін жұмысаса керек-ті. Тұғасын алты айдан соң Ақмаралмен төбелесіп жүріп, яслиге бергізеді. Одан балалар бақшасына барды: оқу жасына толғанда пионер отрядына кірді, комсомолға әкесі өзі кепіл болып түсірді. Оқитын кітабына дейін қадағалап, үйге қонақ келсе, басқа бөлмеге жіберіп, сөзге араластырмай, таза өсіріп бақты. Тек институтқа түскесін «үй» деп бір-ақ дем алған деседі. Әйтседе тегін жатпады: әрбір хатында ақыл айтып, тышын алатын.

Қайыр өткен өміріне көз жіберіп қараса — тәрбиесі жақсы сияқты. Жастай өсек-аяқға үйір болмай, құлық-сүмдікпен ауызданбай, айналысқаны кітап пен спорт...

Паңдана басып, зілдене кіретін Мұсілімнің әдеті ғой, есікті шалқая ашып, көңілді амандасты. Қайыр диван үстінде жер шары оңға қарай айналады да, сол айналудың өзі қуат-энергия деген жуырда шыққан Козыревтің теориясын оқып отыр еді, Мұсілім Ақмаралдың қолын алып, көпке дейін жібермей, шұбырта мақтағанын, Ақмаралдың кәүкелектеп, көтеріліп қалғанын есіктен анық көрді. Айтқандай, Дәмеш жайында шешесіне осы кісінің әсері жоқ па? Тамырын басып байқау керек екен!

Сыпайы-сыйлық, Қайыр орнынан тұрып қарсы жүрді. Ұзақ сапар жүріп келгендей, Мұсілім ден-саулығын, көңіл-күйін, барған сапарын, керек десе, шоферінің хал-ахуалына дейін сұрады.

— Жүдеп қапсың, баурым, арақ ішіп қойғаннан саумысың? — деді Мұсілім алдын орап:

— Арақтан ауырғам жоқ, сіздің ақыл-кеңесіңізден ауырдым!

Мұсілім сұрланып, маңдайдан біреу салып жібергендей, басын кекитіп, кейін шалқая берді.

— Е, менің ақылымнан директор болып алған соң же-риін деген екенсің, інім!— деді ол екі иығымен еңкілдей күліп.

— Директор болған соң миым толған да, ағай!

— Толса, мені шақырып қайтесің, әркім өз ақылымен істесін!

— Бұдан былай солай да болар!

Екеуі шалғыға түскен тастай, шақ-шүқ болды да қалды. Қайырдың жанға тиетін мұндай ашы сөзден бастайым деген ойында жоқ еді, Ақмаралдың бұған, бұның шешесіне жапақтауы, шамына тиді — тіптен араларында жақындық бар, дос адамдар сияқты. Үйде отырған кексе әйелде қандай алыс-бермегі бар?

Бұлар сөзінің шет-жағасын құлағы шалған Ақмарал босағада тұрып:

— Шай ішнейік!— деді.

Қайырдың көптен ызасы кеп, тісін қайрап, осы бір сэтті тосып жүр еді, шешесі әдейі бөліп жіберді. Әттегене-ай!.. Қымс етсе, директор ғып осы қойғандай, осының ақылымен күн көріп жүргендей, бұлдана сөйлейтіні бар!

Шай үстінде әңгіме қайта қызды. Мұсілім әлгіндегі әдесе мә деп өзінің мінез білдіргеніне іштей өкінгендей, қыры сынып қапты, татуласпақшы.

— Қайыржан, бірімізді-біріміз қажағанда не түсер дейсің... Екі ортада жатқа жем боламыз. Оナン да айтсайшы, неге бүлініп келдің!.. Біреу өсек айтып па?

— Қымс етсе, «біреу өсек айтты» деп сезіктенуді, қатар жүрген жолдасымызға сенбеуді қашан қоямыз осы?.. Осындаі сөз ана бір жылдары жиі кездесуші еді.— Қайыр алтын жалатқан кішкентай күміс рюмкаға конъяк құйып, Мұсілім алдына қойды да езу тартып, сөзін аяқтады.— Сүйегізге сіцип қалған ба дейім...

Мұсілім сөздің уытын кетіріп, Қайырға қосыла құлді.

— Сенген сен-ақ сен. Қайыржан! Ау, аузы күйген үрлеп ішеді дейді! Мен талай опық жеген адаммын... Кім біледі кәріліктің белгісі болар.

— Кәрі білгенді, пері білмес!— деді шешесі Мұсілім сөзін қостап.

— Нақыл сөз, жеңешем!.. Эне келіп жатыр, кім біледі, қалай босанғанын... Әйтеуір, жұртқа ақталды дейді...

— О кім? — Қайыр кімді ишаралап отырғанын түсінбеді.

— Ойбай-ау, естімеп пе ең?.. Айтқандай, сен жоқта екен-ау: инженер Сағатованың ағасы кеп, бүкіл завод инженерлерін шақырып той қылды. Шақырмай тастап кеткені мені мен жеңешем...

— Ажарды күйеуінен айырып және шақырмай тастап кетті... Соның салдарынан күнде жанжал,— деді Ақмарал сез қосып.

— Ау, мені шақырмасын, ол — белгілі. Қайырды бір күнге тосып, үй ішімен бас қосса қайтеді?.. Түсінбейім! — деді Мұсілім мұләйімсіп.

Қайыр үндемеді. Дәмеш жайында шешесінің де, Мұсілімнің де пікірі ашық. Бірақ, ағасының тойына Қайырды шақырмауы не біржола көңілі қалған да, не жақын досжарандар есебінен шығарып тастағаны. Қайыр осы бір сәт Мұсілім құрған торға қалай түскенін сезбей де қалды. Той жайын әңгіме қып, дайындық жасап алды да, заводта болған оқиғага көшті.

Инженер Сағатова әбден ауыздықсыз кеткен, ешкімге бой бермейді. Бас инженер бүйірық берсе, бағынбайды. Дандаисып алған... Себебі — бетіне келер жан жоқ. Қайыр Мұсілім сөзіне ренжімеуі керек, дос жылата айтады. Мұсілім қашшама жаман болса да, туыс қой, шындықты жасырмайды... Тойдың ертеңінде брак жасады. Жарайды, әркімнің өмірі бар, тойына кім қарсы дейсің, сейтсе де қызметке салқын қарамауы керек қой. Құрыш қүюоды мастерге тапсырып, өзі бетімен жүрген. Қайда жүрді, кіммен жүрді, ол бір құдайдың өзіне ғана мәлім... Құрыш температурасына қарамай, тым ыстық құйған соң қалыпта толқып қатқан да арасында саңлау қалған!

Мұсілімнің сөздері инеге сабактаған жіптей, Қайырдың құлағынан тізбектеліп өтіп жатты, жадында тұрақтағаны: «қызметке салқын қарап, брак жасаған» дегені ғана. Егер ол — Қайырға жаңа не дедім, қайталап айт десе, есіне түсіре алмас еді. Эне, шешесі де Мұсілім сөзін қолдап, көзін бадырайтып тамсана шошынады: «Пай-пай, брак дейді?.. Енді балам қалай күн көреді, кеселі тиеді-ау!» дегендег ұлының қамын жейді...

Дәмеш осы отырған екеуіне де құбыжық! Ертең ол — құбыжық осы үйге келін бол түссе, үркіп үйден шығып кете ме?

Қайыр мырс етіп құліп жіберді. Мұсілім сасып, Ақмаралға қарады. Ақмарал аң-таң ұлына үңілді.

Қайыр стол басынан кенет тұрып кетіп, Мұсілімді өз бөлмесіне кіргізіп ап, есікті қатты жапты да сөзді тіке бастады:

— Инженер Сагатовага неге өшсіз, соны айтасыз ба?

— Өші несі... Егер салақ істесе... Сөгісті қисық берді десен, мені босат! Біресе завод қарқынын бәсекедеп алды деп маған жабысасың... Істесем, аяғымнан шаласың. Отырғанға опақ, тұрғанға сопақ! Бұл не өзі ойыншық па? Жоқ, қудалау ма? Ал, сен өзің неге оған болысасың, соган жауап бересің бе?

— Болысқан емес, әділдік!

— Бұл арада әділдік жоқ! Инженер брак жасайды. Сен оны тексермesten сырттай қорғайсың! Бұны не дейміз?.. Қисық десен совнархоз алдында жүгінерміз! — деп қызыра булығып, Мұсілім есікті бір қойып үйден шықты да кетті.

* * *

Бұл — алдын ала бажылдап, Қайырға қыр көрсету еді. Қайыр солай ұқты да. Мұсілімнің: «Менімен санас, әйтпесе, арыз жазам!» дегені, жазса — қорқатын несі бар? Азар болса: «Қайыр қалыңдығын жақтап, оның қисық мінезін, олқы ісін жасырып, сынаған адамды ауызға ұрады» дер. Қайырда да тіл бар. Бірақ, осындай айтыстың кеселі заводқа тиеді. Іс ақсайды, әйтпесе... Мұсілім сөзінің жанды жері — Дәмештің сменасы нашар істейді, Ораздың бригадасы коммунистік бригаданың атағын ала алмады. Қайыр да тәжірибелің аздығынан қателік жасады — салғаннан уысынан шығармай, сыйымдан ұстауы керек еді, енді Дәмешті бағындыру қын. Сыға бастаса — газетке жазғасын, өш алғысы кеп жүр деуі де мүмкін бе? Ағасының айдан салғанына еріп, жалғызсыратып жүр демей ме? Әйтеір, Қайыр Дәмеш алдында екі жүзді: өзі «сүйем» дейді, іс жүзінде құғындал, Мұсілімге қосылады... Осы ойды ұршыққа ораган жіптей орай отырып, Қайыр әдей кешке жақын заводты түгел аралап шықты.

Қас қарайған мезгіл. Мартен цехына жақындаған бергенде алдына томпиган, кішкентай паровоз пыс-пыс етіп, вагон-вагон кен артып, шихта ауласына қарай жөнелді. Терезеден басын сұғып отырған машинист Қайырды таңыды ма, алыстан амандық жасады. Қайыр цехқа баратын

ұзын, сопақ дәлізбен жүріп барып, темір балконға шығып, жан-жагына көз салды: төменде қыбырлап, отпен алысып жатқан құрыш қүюшыларға сүйсіне қарады. Араның ұясы тәрізді — қалыптарға қара қазаннан құрышты құйып жатыр екен. Фонтаннан атқалап шашырап тұр. «Күнді ұрып сындырса сонда ғана осында алтын сөуле шашырап еді!» деп Қайырға кім айтып еді? Қандай әдемі, ғажайып көрініс! Сол алтын шашыратқан фонтан қасында жүрген құрыш ағызушылар от ұшқынын елең қылмайды. Лапылдаған оттың жалынына қалай төзеді! Қайыр алыста тұрса да, беттепейді — күйдіріп барады.

Үстінде кек китель, шашын қошқар мүйізденеп желкесіне түйген, кек көзілдірікті — Дәмеш-ау! Қайырдың жүрергі лүпілдеп, жиі соқты. Дәмешті көрмегелі бір жұмадай болды. Қалай шыдады десейші? Дәмеш Қайыр өмірінің қол жетпейтін арманы!..

Қайыр цех қабырғасына жағалай орнатқан темір сатымен жүріп барып, құрыш ағызатын алаңға түсті.

Дәмеш те мұны көріп, ақсия құліп, қарсы жүрді. Осы бір құлқісін Дәмеш Қайырға: «Саған ғана ариадым!» десе... жанын құрбан қылар еді!..

Дәмештің екі беті алаулап, мұрнының үші тепшіп тердеген. Ерні құлсे де, қарақат көзінен ондай қуаныш оты жарқырамайды, жаңағы Қайырдың осы құлқісі өзіне арналса деген тілегі осыдан туғандай.

— Қуанышыңа ортақпын, Дәмеш! — Қайыр Дәмештің ұзын жіңішке саусағын қаттырақ қысты. — Бірақ, ыңғай мені жатырқап, бөліп жүретініңді осы жолы жақсы түсіндім!

Дәмештің мойнына дейін қызарды.

— Сен үйде болмадың ғой?

— Бірер күн тоса тұруға асықтың ба?

— Жігіттер кеп қалғасын кейінге қалдыра алмадым!

Және сен директорсың, қой соймасам риза болмайтын сияқтысың... Өзің өкпешілсің бе қалай?

Қайыр сағынышты көз тастады.

— Маған қой қажет емес, ет жеп жатқан мен тағы жоқ. Ниетінді-жүрегінді берсең соған ризамын.

Дәмеш сақ-сақ құлді. Цех ішінің гуілі бұлардың үнін өшіріп, кейбір сөздері еміс-еміс естіледі, бірақ Дәмеш құлқісінің ыргағынан көніл күйін сөзеді.

— Жүргегімді саған беріп, сонша... сен кім едің?

Бұл сөз Қайырдың жаңына қатты батты. Неткен аймайтын қатаң жан! Іңгай осы ажуалап, мазақ қылады. Қайыр да қызық: өкпелеп томсыраудың орнына құмарта, ынтыға түседі.

Қайыр қабағын шытып, сұс білдірді:

— Кеше тағы брак жасадың ба? — Қалыптар тұратын кандауды жағалап, адымдай жүріп келеді.

— «Тағысы» несі? Бұрын қашан жасап едім?

— Осы бракты ғана мойныңа аласың ба? Әнеугінің қайды қоясың?

— Жоқ! Екеуін де мойныма алмайым!

— Но-но, сөгісті неге берді?

— Білмеймін!.. Бас инженердің өзінен сұра!

— Сенен сұрауға әдейі келдім. Кәне, көрсетші, сол құрышты?

— ОТК бастығы біледі, қамқорлық жасаған сол!

— Жақсы. Сонда сен...

— Сонда мен ол брак бізден емес, тозған қалыптардан дейім. Жүр, көрші өзің!

Дәмеш директорды араның үясындай сыңсып тұрған қалыптардың қасына алып барды.

— Әне, көз жіберші, қалыптардың іші ойылып-ойылып кеткен, көрдің бе?

— Осыны құрышты ағызбай тұрып, неге көрмедің? Неге қарап алмадың? Мастерге сендің бе? Бригадирді аядың ба? Неге жұмсағадың?

Дәмештің мінезі — дәлелді сөзге қарсы дау айта алмайтын. Басқа ұрған аттай тұрып қалды. Қайыр да: «ұсталаңдың ба?» дегендегі жымиды да, адымдай басып көрші прокат цехына өтіп кетті.

VI

Аскардың құрметіне болған кештен кейін Ораз бен Ажар арасы біржола бүлінді.

Сол түнгі шала мас Ораз, жел соққан қурайдай, сенделіп, сүріне-құлап үйіне зорға жеткен-ді, бірақ қарсы алып, шешіндіріп жатқыза қойған Ажар жоқ. Шаңқ-шаңқ етіп беттен алды. «Ол сайқалдың әдейі арамызды айыруға жасаған әрекеті. Әйтпесе, сені бөліп шақыра ма?.. Неге келдің, кет соның үйіне! Мүмкін алайын деп жүрген шығарсың!» деп мас адамға бекер тиісті. Ол ұрмақшы бол

құып, орындыққа соқтығып, құлап, мұрнын қанатып алды. Ажар бақырып, өз бөлмесіне кіріп кетіп, кішкентай Болатты оятып жіберіп, у-шу, азан-қазан қылды... Ертеңінде Ораз сол оқиғаны есіне түсіріп, бір жағынан мінезіне ренжісе, екінші жағынан Ажарға өкпеледі: есі бар әйел мас кісіні солай ушықтыра ма? Жалынып-жалпайып, төсекке жатқызып үйіктатып, ертеңінде наз ғып айтпай ма? Ай-ай Ораз ақымақ болды! Неге көп ішті. «Арақ абырой бермейді» деп әкесі қақсайтыны қайдада?

Ораз Геннадийдің үйіне барды. Қаланың дәл ортасында, екі бөлмелі, верандалы, екінші қабаттан жақында ол үй алған-ды — таза да сәнді екен. Бір бөлмесін ас ішетін, қонақ қабылдайтын үй ғып қойған. Бұрышта — радиоқабылдағыш, қабырғада—көкала кілем жапқан тахта; ортада—шашақты сары жібек дастархан жапқан дәңгелек стол. Диванға отыра беріп, Ораз сөз тастады:

— Осы диванға бүгіннен бастап мен жатсам ба деген ойым бар.

Геннадий мен келіншегі Оразға өкпелеп жүретін-ді, жаңа үйге көшкенде, ол: «Дәмешті қарсы алуға аэропортқа бара жатырмын... кейін өзім келермін» деп бола алмаған. Енді Ораздың іс-міс жоқ салып келгеніне қуанып, қалбақташ қалса... Не дейді ей?

Ораз осы бір сұрақты, олардың таңданған пішінінен аңғарды.

— Ей, немене қыр көрсетіп отырғаның? — деді Геннадий бүйра шашын саусағымен көпіртіп, самай шашын жатқыза тузең.

— Сол. Егер сен қондырмасаң, онда пәтер іздейім... Геннадий де, келіншегі де сенбеді.

— Көзді тұмандатып, бұлдыратпа, достым!.. Біз сенің тәлкегің емес!. Маша, қой бөтелкені столға! — деді Геннадий стол үстін жинай бастап. Маша күлді.

— Оразқа, ыңғай қуланады да жүреді. Гена, сенің есіңде бар ма,.. анада, қатыннымды тастап механика үчесінде электро слесарі Галияны алдым деп келетіні?

— Ия, ия!.. Бұл солай, трюк жасамаса іші пысады!

— Жоқ, достарым, бұз жолы ешбір трюгі жоқ, шыным!

— Қойсайшы Маша екеумізді ақымақ қылмай!.. Айда, көтерейік! — Гена бір стакан ақ арақты лықылдата құйып, Оразға ұсынды. Маша тұздап кептірген шошқаның бұғанасын, ашы капустаны әкеп столға қойды.

— Өлтіресің бе, ей!.. Мынауың жазаның бір түрі ғой!— Ораз стаканды көтеріп, жартылай Геннадийдің өзіне құя� дегенде, ол стаканын тартып қап, арақтың қақ жартысы жерге төгілді.

— Текпей ішуді сендерге құдай жаэбады ғой,— деді Маша басын шайқап.

— Ал, кәне не үшін көтереміз!— деді Геннадий.

— Менің сендердің үйіңе көшіп келуіме.

Ораз бұларды сендіре алмай әлек. Бұрын қалжындасып үйренген замандас-құрбы, әзілге жориды. Ораз көңілі булықтан түтіндей алай-түлей екенін сезбейді де. Мүмкін Ораздан ондай мінез күтпеген де болар, әйтеуір, шым-шытырық бір дүние! Геннадий Ораз көзінен шын сырдың көлеңкесін көріп қалғандай, адырая қарады.

— Шын айтасың ба?

— Шын!

— Не боп қалды?

— Эні күні шет жағасын өзің көрдің ғой: «кет-кет!» деп жаныма тигені... Асқар тойынан басталды.

— Ого.. Маша бері кел!— деді Геннадий ас үйде жүрген эйелін шақырып.— Отыр!.. Мынаның сөзі шын сияқты. Бұған не дейміз?

Геннадий Машаға бұрылды, Маша көзін Оразға қадады. Ораз сырын олардың алдына жайып салды... Іштегі сырын ақтарып болдым дегенде Геннадий:

— Болдың ғой?— деді.

— Болдым.

— Ораз, сен «деревнядағы бірінші жігіт» болмай-ақ қой! Сенің герой деген атың бар! Сол атыңа кір келтірмей! Ажар кім? Ақмаралдың ерке қызы. Соған кісі өкпелей ме? Сен оған бұлданғың келсе, демалыс үйіне бар да жат, жұмысқа содан келіп тұрасың.. Үйіңе біраз күн барма, соңсоң ол өзі де сені қөруге құштар болады!..

«Гена тентек» деп Геннадийға тегін ат қоймаған. Жолжорасын сақтай отырып айтатын сөзді ол тіке көзге қatal айтады, бетің бар, жүзің бар демейді. Мәймәңкелеп, атақ-дәрежесін еске алып, қошеметтей «пәленеке, түгенеке» дегенді жақтырмайды. «Сен неге дәрекі мінез көрсетесің?» десе, ол «Мен әділдік сүйем. Әділдік қatal, мартен пешін көсейтін болат көседей, шыжылдап бет қариды. Мәймәңкеле жүрген жерде өтірік-есек, пәле жасырына бірге жүреді» дейді ол.

Құрыш қорытушылар мұның бұл сөзін қызық көріп

күледі де, «Әй тентексін-ау!» деп иығынан қағады. Сол Гена жиылдыстарда мінбеге шықса күлдіріп, думан қып, айтысты қыздыра түседі. Немесе, шешен сөзіне тосқауыл қойып, айғай сап, не бөгейді, не тоңқалаң асырып құлата мазақтайды. Гена, мінезі жұртқа мәлім — біреу мықшыңдаш жұмысын орындаі алмай жатса шешініп жіберіп, болыса кетеді, немесе, бірдемесі жетіспей, таршылық көріп жатса — қалтасындағы ақыргы тиынын беріп жүре береді.

Құрыш қорытушылар жақсы көргендіктен кейде шектен шыққан өрескел мінезін мінеп, сынап та қояды. Осы мінезі үшін оны Ораз да маңдайынан шертіп алады. Оған ол ашуланбайды. Ұғады. Міне қазір ол өзі Оразды басып, ақыл айтып отыр.

Геннадийдің бұл ақылы Ораз көкейіне қонғандай. Тіптен, бүгін, қазір кетеді. Завкомге кіріп, путевка алады да, жүре береді... Геннадий тағы да сөз қосып, жүрек кернеген бір сырын Ораздың алдына тартты.

— Сенімен оңаша кездесем бе деп жүр едім. Жақсы келдің... Цехта жұмыс үстінде әңгімелесе алмайсың, смена біткесін, шаршаған адам үйге қарай томпаңдайды... Осы сен біздің бригада жайында не ойың бар?.. Коммунистік еңбек бригадасы деген атақта ие бола алмайтын болдық. Ол сүттен ақ! Бір де?

— Бір!

— Құрышты жақсы қорыта алмадық. Еңбек өнімі тәмен! Екі де?

— Екі.

— Бұрын бригада құрыш сапасын жақсы құюшы еді, енді одан да айрылып қалдық. Бірақ...

— Үш де? — Ораз көзін шүйіріп Геннадийдан бұрын қулана саусағын бүкті.

— Үш! — деді Геннадий, оның әзілін елемей. — Осылардың себебін түсіне алмай қойдым. Басым қатты. Сен бригадирсің ғой, айтшы?

Ораз бастапқы кезде әзіл араластыра тыңдаса да, кейін Геннадий сөзіне мойын сұнды. Аз кідіріп, ойланып қалды.

— Мен ойланбай жүр дейсің бе, достым-ау!.. Қазір саган не деп жауап берерімді білмей отырмын... Тегі осы сәтсіздіктерді менің қара басымнан ізделгенің жөн бе дейім!

Геннадий: «Шын ба?» дегендей Ораз бетіне таңдана үңілді.

— Биыл, жыл басынан бері мен көбірек қызырып кеттім: сессия, партактив, кем дегенде айна екі рет Қарағандыға жиналышқа барам!.. Сол сықылды көлденең жүрістер: Дәмеш көшіп келді, ол — курортқа барды, одан қайтты... алдынан машина апар, тосып ал... Осының бәрі менің мойнымда! Начальник тәрізді сендерге бұйрық беріп, сырттан бақылайым да, құрыштың құйылуына қоян-қолтық араласпай қап жүрмін... Сенің манадан бері аузың қышып айта алмай отырғаның осы болар?

Геннадий біреу намысина тигендей қызарып, қүйіп-пісіп қалды.

— Тап осы айтқаның бұрын есіме келді бар ғой, басымды алсаң да жасырып қалмас едім. О жағын өзің білеңсің ғой!

— Сонсоң... көңілім бей-жай, үй-ішімнің шатағы тағы қосылды... Миңца шөгірдей қадалып, бір ой тұрып алса, сен жұмысты қалай істер едің?

— Мен бе?.. Эн салар едім!

— Пішту! Саларсың...— Ораз кекете мұрнын тыжырды.— Саған ақылдасатын өз алдына бір сырым бар. Біз осы құрыш қорытудың процесін қайтадан тексеріп операциялардың арасын жақындастып, уақыт ұтсақ... соған қалай қарайсың? Кәзір түгелдей тәптіштеп айта-алмайым, себебі, пеш аузында, іс жүзінде солай жасап көру керек. Осы ой менің уақыттыңды алып, қолымды бөгеп жүр... Мен есінен адасқан адамдай мартен пешінің аузында неге тұра береді дейсің?

— Сені Қуан...— Геннадий күліп өзінің басын тұртты.— Шастасты ма деп қорқып жүр.

— О да мүмкін!— Ораз құлді.— Біз коммунистік еңбек бригадасының атағын ала алмадық деп өкінбейік. Сол атаққа адал ие болайық! Шынын айтсам, осы «герой» деген атты да мен өзімे қөпсініп жүрмін.

Геннадий қарқылдан күлді.

— Гена, әзілді таста!..

Бүгін Николай Иванович Серегиннің көңілі жабырқап, тіршіліктің құнын бір тыныға санап, бүкіл әлемді қарғап, қызметке жүдеп келді. Түні бойы кескен аяғы сырқырап, жоқ башпайларына дейін сезініп, қиналып шықты. Ауарайы өзгерсе, операция орны сыйздал, шаншып ауыратын болды.

Үй сыпырушы әйел кабинеттің терезесін ашып, таза ауа жіберуді де білмейді, үйдің ауасы моншаның буы си-

қылды. Қоп-қою, тұнып түр. Терезені шалқайта ашты: фу, қандай таза, дымқыл ауа! Құн бұлыңғыр. Самарқанд көлінің үстіндегі қара құстай түйілген көшпелі бұлт, қалға қарай аунап келеді, жауып кетуі де ықтимал.. Аяғының сырқырағаны осы жауыннан екен!

Лида есіктен:

— Николай Иванович, директор шақырады! — деді.

Директор да құрыстап отыр ма екен, ерте шақырдығой... Жоқ, ол жас қой, жадырап қазақ айтқандай: ақыл жастан!

— Өңіріз жабыңқы, сырқат емессіз бе, Николай Иванович? — деді ол. «Менің ауру-сырқаум, саған бата ма!» деп айта жаздап, Серегин өзін тежеп қалды.

— Күн бұлт қой.— Серегин өзінің ескі ауруы жайында сөз қылуды жек көреді.

— Николай Иванович, отырыңыз, неге тұрсыз? Сізben ақылдасатын бір мәселелер бар еді...— Қайыр алдында жатқан папканың ішінен бір тарақ қағазды алғып, қасына қойды.— Мені обкомға неге шақырғанын сезесіз бе?

Серегин жымын, басын шайқады. Әрине, біледі...

— Ия?

Қайыр да алғыр, қыры көп жігіт қой, Серегиннің көзінен түпкі ойын танып қалғандай.

— Энеугі газет мақаласы жайында... Осында газетке жауап жіберген едік, ол — хате жазылған екен. Чорт возьми¹ жығылған үстіне жұдырық.

— Маған неге көрсетпедіңіз? — Серегин ол хаттың маңызын және біледі. Қасақана сынай сұрап отыр.

Қайыр өкінген пішінде:

— Ұрындырып жүрген Мұсілім Сапарович! Но... өзің білесің, тәжірибем шамалы, о жағынан со кісіге сеніп см... — деді ол ақпейілімен.

— Бұл жолы не жауап бердіңіз?

— «Тексеріп, танысып жатырмыз» дедім. Шыны соғой... Созылуы да рас, кінә бізден. Соның аяғын жерге тигізейін деп-ақ келіп ем. Техника бөлімінің бастығы ауырып қапты. Соған тапсырған болатынбыз...

— Емханада жатыр ма екен?

— Үйінде. Кәрі кісі фой, бәлі шойырылып қапты. Но... бұл — бұл ма!.. Мен жоқта бас инженер Сағатоваға сөгіс беріпті фой?

¹ Орыс мәтөлі, сайтан алғыр деген мағынада.

— Ол үшін Сапарыч екеуміз қызыл кеңірдек боп, кепісіп те алдық.

— Сізше сөгіс дұрыс емес пе?

— Элбетте!.. Бұл — қудалау. Сөгісті қайта алып тастаған жоқсыз ба?

— Жоқ. «Қалалық комитетпен келістім. Базаров біледі» дейді. Базаровпен екеуі дос па, қымс етсе соны ауызға алады?..

— Базаровтың атымен сауда жасамасын! Кімге сөгіс беру, кімге бермеу керек, ол Базаровтың жұмысы маекен?

— Білмейім, эйтеуір, бұл оған жүгіреді, оған барсаң, ол — мұны жақтайды. Жаңа мына бір рапортты тағы әкеп берді. Оқыңыз!— Манағы жәшіктен ап алдына қойған қағазды енді Серегинге ұсынды.

«...Құрышпаевтың бригадасы біржола тәртіпке бағынбай жүгенсіз кетті.. Брак... Құрышпаев Ораз күнде арақ іshedі. Бұзылды... Начальник смена Сағатова басқара алмады. Тәжірибесі аз... Сондықтан инженер Сағатованы ауыстырып, тех бөлімге алып, оның орнына...»— Серегин аржағын оқыған жоқ, Қайырдың алдына лақтырып тастады.

— Чепуха!.. Жүртқа мәлім ән...

— Өзім де солай үқтym! Но, еске алатын бір зат бар. Ол бригада еңбек өнімін арттыра алмай жүргені рас. Осылы сіз қолға алып, бригадамен кеңесесіз бе?.. Жәнеде, Ораз мас болып, біреумен ұрысқан дей ме?.. Герой жолдас үтқа қалдырып жүрмесін.

— Жақсы, Қайыр Рахимович!..— Серегин бір шешім алғандай орнынан кенет тұрды.

Сол бетінде Серегин қалалық партия комитетіне барды.

Өткінші жауын шелектеп құя сапты. Көше сел. Элі де болса, сіркелеп тұрған жауынға қараған Серегин жоқ, сыртылдай басып, екінші қабатқа көтерілді. Хатшының алдында бір-екі кісі тосып отыр екен, Николай Иванович иегімен хатшының кабинетін нұсқады:

— Кім бар?

— Бәрі сонда. Бір сағат болды, шығатын емес.

Серегин іс-міс жоқ кіріп барды. Базаров қағаздарға кезек-кезек қол қойып, қасында тұрған көмекшісіне біртінде беріп қояды; қарсысындағы қара тапал инструктор біреуді әңгіме қып, сайрап отыр; әлсін-әлсін үшеуі жарыса күліп, масайрасып мәз болады.

Серегиннің сұсты кейпінен қаймықты ма, нұсқаушы жүмған аузын ашпай, сезін кенет доғарды. Базаров тұқырайған қалпы «амансың ба?» деп жақтырмадай келте амандастып, қолын қоя берді.

— Василій Федорович, менің сізбен тет а тет¹ сезім бар! — Таяғына сүйеніп, зілдене сөйледі. Базаров Серегиннің дауыс мақамынан толқып тұрғанын сезіп, қол қоюын тездете бастады.

Кабинет іші жым-жырт, ұшқан шыбынның ызыңы естілгендей, Николай Иванович өз жүргегінің қағысына құлақ салады — тик-тик.

— Сонымен, маган Магниткаға барып қайт дейсіз бе? — деді сезінің үзіліп қалғанына өкінгендей олқы дауыспен инструктор.

— Барып, сол материалмен танысып қайт. Алдымен асханаларды жете тексер!..

Қолды қойып бітіріп, оңаша қалған соң:

— Ал, сөйле! — деді Базаров күтпеген қонақты салқын реңмен қабылдап.

Әншнейінде күлімдеп, жылы ұшырап тұратын Базаровтың ақ жарқын жүзі, неліктен екені белгісіз, сақара қапты. Іштей тұнып келген Серегин бомбыдай жарылды.

— Сіз кабинетте отырып ап, басшылық етуді осы қашшан қоясыз?

Базаров аң-таң, «есі дұрыс па?» дегендей Серегиннің бетіне үңілді.

— Есім дұрыс, жолdas Базаров! — Николай Иванович ойының үстінен түскенін білді. Базаров сасқаннан құліп:

— Сен өзің қай аяғынан тұрдың бүгін? Сол аяқ емес пе? — Әзілге айналдырып бақты.

— Партия мүшелері қалалық партия комитетін әділ де, қамқоршы орын деп сыйлайды да бағалайды. Сондықтан, саған көрсеткен сыйлықты жеке басыңа емес партияға, шаңраққа көрсеткен сыйлық деп үқ!.. Ертең сен кетсең, басқаға да осы құрмет! Ал, сен жолdas Базаров, оны түсінбейсің!.. Теміртауга келгелі үш жылдай болды, сол үш жыл ішіндегі құрмет-сыйды сенің қара басыңа арналған жақсылық деп ойлайсың!.. Бүйтің берсең культтің де аулы алыс емес!

¹ Тета тет — француз тілінде оңаша, көзбе-көз деген мағынада.

— Ну-ну, байқап бұлтар, бір жерде түсіп қалма! — де-
ді Базаров дауысы қалтырап, құлағынан мойнына дейін
қызыарып.

— Мен партияның сара жолымен тұра тартып келем.
Менде бұлтарыс жоқ!.. Бұлтарыс сенде бар. Кәне, айтшы,
ұш жылдан бері біздің заводқа неше рет бардың?

— Неше рет барғанымда нең бар? Саған есеп беретін
кімсің өзің? — Базаров сұрланып басын шалқайта берді.

— Ха-ха. Сен заводқа ұш жылда бір-ақ рет бардың!

— Догар енді! — деп, Базаров күжірейіп орнынан
ұшып тұрды.

— Отыр, Василий Федорович! Мениң әлі айтарым көп.
Және коммунистің жүргегін білу — сенің әулиедей мінде-
тиң!.. Эрине, мен сені түсінем: осы қүнге дейін мұндай
шындықты әлі ешкім бетіңе бадырайта басқан жоқ шы-
ғар!.. Саған жаным ашығандықтан әдейі айтуға келдім.

Базаров зілдене құлді.

— Жаны ашымпаз!.. Қамқоршы!.. Әуелі айнаға қарап
өз сиқынды түзеп ал!

— Айнаға қүнде қараймын, жолдас Базаров, бетім тұ-
зу, қисық емес!. Вон сен, әлі ескі тәсіл-әдіспен қызмет іс-
тейсің. Завод өмірін мәлімет, протокол арқылы біліп, жа-
нағы алдында отырған дарынсыз инструкторға сеніп,
коммунистердің дағдырын шешесің!

— Дәлел?.. Дәлелінді көрсет!

— Бөлме сезімді!.. Саған қандай дәлел керек. Осы ай-
тып отырғаным дәлел емес пе?.. Қөрмейсің бе, біздің пар-
тия басшылары қазір қалай істеп жүргенін? Үлгі алатын
уақыт жеткен жоқ па? Кабинеттен қадам басып шықпай-
сың, осы қаланың өмірін қалай білем дейсің?

— Қаланы да, заводты да білеміз, қалай білуді менен
үйрен!

— Сен қала түгіл, ең артық біздің заводты білмей-
сің!.. «Советтік Қарағанды» газетінде біздің завод жайын-
да мақала шықты, талқыладың ба бююда? Жоқ. Біз ол
жайында не істедік, білесің бе? Жоқ! Бас инженердің оған
не деп жауап жазғанын естідің бе? Жоқ! Бас инженердің
жас кадрларды құғынға ұшыратып жүргенін сезесің бе?
Жоқ!.. Міне неше жоқ болды, саусағым да жетпей қал-
ды-ау!

— Барды сана!

— Барды санайын ба? Жарайды... Бас инженер сені-
мен доспын деп, ешкімді елемейді де, санаспайды, қымс ет-

се, саған жүгіреді. Сен оны баяғыда бір министрдің орынбасары болды деп, ол не айтса соған ден қоясың. Оның сезі саған бедел... Олай болса, Мусинмен достығың бар ма? Бар!.. Қолдайсың ба оны? Қолдайсың!

— Қысқарт енді, тілінді тигізіп бақтың!.. Қоймасаң, қазір бюро шақырып сенің партиялық мәселеңді қараймын! — деді Базаров телефонға қолын созып.

— Ба! Шақыр! Менің күтіп отырғаным сол. Ал, шақыра алмасаң, есінде болсын, бірінші партактивте осы сезімді жұрт алдында тагы айтам! Қашан айттың деме, жолдас хатшы!

Базаров телефонға созған қолын қайта тартып алды да, өнді бұзылып, басын шеңгелдей ұстап отырып қалды. Серегин Базаровтың түсін көріп, өзіне тоқтау салды: енді жетті! Ұққан кісіге осы да сөз! Сырт-сырт басып Серегин шығып кетті.

Жаңбыр басылып, көше дегдіп қапты. Бұлт астынан күн де жартылай сәуле шашып, ұясына жылжып барады екен. Қызмет аяғы болып қапты. Базаровпен ұзақ салғыласқан-ау, тегі... Бәйгеден келген жүйріктей елеңдеген көңілін басуға аяңдал, көл жиегіне барды.

Николай Иванович екі қолын шалбарының қалтасына сап, кеудесін керé, таза, дымқыл ауаны тереңірек жұтты да, көзін жұмып, басын шайқады...

Ай-ай тағы да бір-екі сөзді айтпай қалған сияқты... Мана келе жатқанда жадына сақтап: «осы-осы» деп, жобалап кеп еді, көрдің бе?

Эх, Базаров! Теміртаудай ірі өндіріс қаласының хатшысы, бүгінге дейін Ораз Құрышпаевты танымайды. Бұрын Серегин Базаровты аузынан тастамай, көрінген жерде мақтап жүруші еді, соңғы кезде көңілі қала бастады. Кабинетінен шықпайды, достарының сезінен сенеді. Мұсілім Сапарович Мусин тектес достары орға құлататының сезбейді... Ораз — депутат, герой, жас жігіт, орта білімі бар, биыл сырттан оқитын болып, институтқа түсті. Ой жіберсең — үлкен адам! Бір республиканың мақтандышы. Ал сол Оразды білмеуі — ай-ай!.. Ораз қазір дағдарысқа үшырап, толқып, әуре-сарсаңда жүр. Дәл осы бір сэтте оған ақыл беріп, демеп жіберетін сезі өтетін кісі керек. Серегинді ол тыңдамауы да мүмкін... Ба! Қате Николай Ивановичтің өзінен, оны мойындау керек, бір-екі рет шарт

па шұрт сөзге кеп қап, аулақтатып алды. Басқа үн, басқа сөзбен, арқасынан қағып айтуы жөн еді, жүргегіне кілт таба алмады.

Базаровқа анада телефонмен: «Ораз Құрышпаевты білесің гой?» десе, «Ба! Ол қай Құрышпаев, әлгі герой ма?» деп қарап отыр... Құрышпаевты «герой» деген атынан ғана біледі. «Герой» атамай, «Ораз ба?» деп неге айтпайды? Сол жолы: «Шақыр, сөйлес!» деп өтініш те білдірді. Оны елеген Базаров бар ма?

Жоқ, бас инженер килікпей, Серегин Ораз жүргегіне кілт тауып сырласып, үғысқаны жөн. Қорт возьми, Ораз сыпайы, жұмсақ мінезді, ақылды жігіт пе дейтін еді? Ондай дандайсып кеуде көтеретін, немесе, араққа салынып, бұзылатындаид адан емес еді! Қайдам... Адан жаны қара орман!.. Әлде «жаңалық» іздеп шатасып жүр ме? Анада, рекорд беру қыны емес, соны бойға сіңіру қыны деп бір ой тастаған еді? Откен жылы рекорд беретін күні, тымаура-тып ауырса да, денесінің отыз сегіз градус ыстығына қарамай, жұмысқа шығып, айдың ақырғы аптасын жұз алпыс процентпен бітірген Ораз емес пе еді? Білу керек!..

Серегин көл жиегіне жақындаган сайын аржагынан серуендереп, қарсы жүріп келе жатқан кісінің мүсіні көзіне жылы ұшырай берді. Ба, Асқар Сағатов қой!

О да алыстан танып келеді екен, күлімсіреп қол алышып, екеуі жүре әңгімелесіп, биік жардың басына шықты. Николай Ивановичтің ойы ұршыққа иірген жілтей Асқардың маңында шырматыла берді. Бұл кім өзі? Он жеті жыл саяси өмірден аулақ жүрді. Сол жылдар мұның жүргегіне неғып мөрін баспады екен?

— Асқар Жұнісович, тынығып дем алып жатырсыз ба?..

— Рахмет! Жақсы!.. Сағынған елім-жүртімды тамашалап, қарай бергім келеді!

— Сіздің туған жеріңіз Арқа ма еді?

— Мениң туған жерім — Алматы. Әйтседе, Қазақстаның қай түкпірі болсын, маған туған жер гой. Кейбір қа-зақтай үш жүзге бөлмейім!

— Ба! Бұл бір жақсы қасиет екен. Мен орыс болсам да «ру» дегенді естігенде ыза боп, жерге түкірем! Неге дейсіз гой? Кім қай облыста туды, ол — қазақтың жақсы қасиетін айта алмайды гой. Азаматтың іскерлігіне, біліміне қарап баға беріп, мекеменің есігін ашу керек емес пе? Әштейін «ауылдас» деп, қолынан іс келмейтін толастарды

сүйеу — ой-өрістің мешеулігі! — Элдекімге ызасы қайнағандай Серегин кейіп сөйледі.

Асқар да Серегинге сұқтана қарады да: «Шының ба, достым? Бұл — нағыз жаны аштың достың пікірі» деп шікір түйгендей, бет ажары өзгеріп, сүйсіне қолын қысты.

— Рахмет! Көп жұрт осылай түсінбейді. Зирек екенсіз. Бұл сіздің сөзге қарсы комплемент емес. Шыным! — деді Асқар.

Серегин енді Асқар мінезінің жақсы жағын ашқысы келгендей, зердесін сала сынай көз тастады. Кім біледі, азап-бейнет шексе де, әлі де мұқалмаған адам болар?.. Бетінде ажымы онша көп емес, үткенімен қын сапардың таңбасын жүз әлпетінен аңғаруға болады. Өңі қуқыл, сағы сынық. Самайын басқан қырау. Кейде қимыл қозғалысынан бостандық өмірге төсөліп, үйренбеген жәйт білініп те қалады. Серегин аз кідіріп, ойын түйіндейді.

— Сіз Алматыда тудым дейсіз бе?

— Ия, Қарақастек деген жерде. Бірақ жасымнан Алматыда, қалада өстім. Менің үлкен ағам болды: мына Дәмештің әкесі, естіген де боларсыз! Сол кісі Совет өкіметінің алғашқы жылдары жауапты қызметте істеді де, кішкентай күнімнен мені қасына алды... Сіз өзіңіз қай жерден едіңіз?

— Мен бе?.. Мен Москва түбінен едім. Ерте отызыншы жылдары Алматыда менің де болғаным бар-ды. Жездем мен апама қонаққа барып бір жаз сонда тұргам. Алматы қатты ұнаған-ды, әскерден қайтарда әдейі Қазақстанға сұрануым да сол себептен.

— Жездеңіз кім болып істеді?

— О кезде ЦК-да істеді. Генерал — Басов. Соғыста қаза тапты.

— Басов?.. Баяғы жиырмасыншы жылдары ЧК-да істейтін Басов па?

— Сол! Біледі екенсіз гой?

— Сақа Сағатов екеуі дос еді, біздің үйде талай қонақта болған... Уа, ғажап!.. Енді бізге жақадан танысуға тұра келеді... — деді Асқар таңданып.

Николай Иванович күлді.

— Өмір жолымыз айқыш-ұйқыш түсіп бірде жақындалп, бірде алыстап, қатар жарысып отырған көрінеді. Қызық! Мүмкін соғыста да қатар жүрген шығармыз?..

— О да мүмкін. Сіз қай майданда, қай армияда болдыңыз?

— Мен соғыстың басынан аяғына дейін маршал Ватутиннің армиясында болдым. Сіз ше?

— Мен қырық екінші жылы Харьков түбінде жараланып, пленге түстім...— деді де, аржағын айта алмай, сөзі не тұтығып, теріс айналды...

Асқар жүргегінде он бес жылдан бері сөнудің орнына өсіп, тармақтанып, бүкіл сана-сезіміне сабағы жайылған дерпті аңғарды Серегин.

VII

«Қайғының да шегі бар: не жүректі улап дертке айналады, не жара боп бітіп, айығады» деген еді шығыстың бір философи. Сол сөз Асқардың бүгін есіне түсті. Он бес жыл сұліктей қанын сорған қайғы-қасірет тағы да бүгін уын сеуіп, басын зеңгітіп, жүргегін қаттырақ соқтырды. «Қырық екінші жылы пленге түстім» деді Асқар. Бұл сөздің мәнісі: тірі адамның жер астына тұсіп, жылданап азапбейнет шегіп, қайтадан бұл дүниенің жұмағына оралу.

Асқар пәтеріне бұрылды. Шалдың үйі көлден қашық емес, жеміс-бақшаның ішіндегі сүрлеу соқпақпен ептең өтсе, тұра Иван Ивановичтің үйіне кеп тіреледі. Асқар сол соқпаққа түсті... Серегин құрық бойламайтын терең кісі, мысқылдай қараган кекшіл көзі: «Сен өзің кімсің?» дегендай. Асқар бұл сұрақты таныс құрбының, замандас-достың көзінен талай тапқан.

Асқар пәтеріне жақындаған жүк таситын машина үйдің алдына келіп тоқтай қалды. Дәмеш кабинкеден қарғып түсті. Іле саңқылдаған Лиданың да даусын естіді. «Қалай тұсіреміз?» деп даурығып, шуылдан кетті. Дәмеш не сатып экелді екен? Асқарды көріп Дәмеш қуана айғай салды.

— Ағатай, пианино сатып экелдім! — деді ол машинаның үстіндегі ұлken төрт бұрышты жәшікті қолымен көрсетіп.

— Қайырлы болсын! — Асқар мойнына асылып, еркелеген қарындасының бетінен сүйді.

— Ленинградтан жаздырып алдырдым. Көптенгі арманым! — Дәмеш балаша секіріп, қайтадан машинаның қасына барды.

— Мұны тұсіру оңай. Машинаның бортын ағытамыз да, екі қалың тақтайды сүйеп қойып, сонымен төмен жылжытамыз!

— Сынып кетуі мүмкін! — деді Ліда.

— Сынбайды. Экел тақтайды! — Асқар машинаның бортын ағыта бастады.

— Ағатай, пиджагінді шеш! — деді Дәмеш.

Дәмештің сатып әперген әдемі текшелі сүр костюмін шешіп, Асқар ағаштың бұтағына ілді. Бұлар дабырлап жатқанда үйден Иван Иванович та шықты.

— Бәрің жиналып бір пианиноны түсіре алмай тұрсындар ма? О, құмырсқалар! Кәне, жалғыз өзім түсіре-йін бе? Не бересіңдер?

Жастар шу ете түсті. Аяғының сырқаты бар, кәрі адам, үстіне құлап, басып қалса... Шал көнетін емес. Екі алақа-нына кезек түкіріп:

— Тұр былай! — деп шоферді иығымен қағып қап еді, ол мұрттай ұшты. Жастар ду күлді.

— Шал пенсияға ерте кеткен-ау?

— Анада мен келгендे жүре алмай отырган мешел едің, қайдан күш ала қалдың шалым? — деді көршінің бірі.

— Е, онда менің тізeme жара шығып, ісіп кеткен-ді... Өздерің кім деп тұрсындар мені? Баяғыда Ертіс пароходында жиырма бес пүт жүкті иығыма сап, ыңқ етпей жүре беретім-де!.. Итеріңдер бері!

Лиданың ұрысқанына, жалынғанына қараған Иван Иваныч жоқ, сүзеген бұқадай күжірейіп, мойнын ішіне тығып ап, оң жақ иығын жәшіктің астына тосып тұра қалды.

— Сүйендер! — деп ол жарлық берді.

Асқар өзін өмір академиясын бітірдім деп санайтын. Бірақ, қаншама өмір кердім десе де, жетпіске келген шал пианиноны жалғыз иығымен көтереді деуге аузы бармады. Дәү де болса, шалды ажал тұртіп тұр!

— Иван Иваныч, осы мен дәрігер едім, өліп қалсаң жауап беретін мен! Мені тағы да сотқа сүйретіп қайтесің?!

Асқар сөзін шал құлағына да ілмеді.

— Мен бүгін ақырғы рет күшімді сыйнап тұрмын! Егер қуатым қайтпаса, мен әлі жиырма жыл жасайым. Соны білгім келеді. Маган қолқа артпаңдар!

Сөз қысқарды. Лиданың көзі шарадай. Асқар да үрейленіп-, тыптырашы бастады. «Ал, ұстаңдар!» деп, тұрғандар бір жағынан жабыла көтерісті. Шал жәшікті іркіп қап жалпақ жауырынға тегістей тигізді де, екі қолымен бүйірін тіреп, бір қадам, екі қадам ілгері басты... Тізесі дірілдеп бүгіле бастады. Жұрт даурығып, жәшіктің бұрыш-бұрышына жабысты. Шал ақырып айғай салды:

— Кетіңдер әрі, әйтпесе мені басып өлтіреді!

Шынында жұрт көмектесем деп, жәшікті тәңсeltіl, құлата жаздады. Иван Иваныч тағы да бір-екі қадам алға аттады. Машина мен шалдың арасы онша алыстай қойған жок, жерге түсірсе жәшік симай шеті бортқа тиерліктеi.

Жынылған топ, көрші-қолаң, бәрі де демін ішіне тартып, үрейлене құтеді. Асқардың арқасы шымырлап қинала дағдарды, не ішегі үзіледі, не белі шығады, екінің бірі. Ақырғы қадамды зорға аттады, сол аяқ бүгіле бастады.

— Папа! — деп Ліда шыңғырып жіберді. Шал бопбоз, шөге берді, шөге берді. Асқар жалма-жан жалпақ тақтайды жәшіктің астынан өткізді де, бір жақ үшімен жерді тіреп, екінші жағын шофер екеуі қөтеріп апарып машинаның бортына сүйеді. Дәмеш пен Ліда екі жақтан жәшікті сүйеді... Шал үстінен жәшіктің салмағы азайса да, сол қалпы шөгіп, отырып қалды. Бар айтқаны:

— Эх, мен цехта істеуге жарамайды екем! — деді, әзілі ме, шыны ма кім біледі?

Алғашқыда Асқар шалды — сотқар, кәуекірек, мақтанып, күшін көрсеткісі келді деп ұқты. Артынан ол райынан қайтып, шал мінезінің жаңа бір қырын тапқандай. Өткен он жеті жылдың өзгерісін енді сезгендей: ұлт, дін демей совет адамы біріне-бірі қоян-қолтық жақындаса түскен, адам қадірін тереңірек үғынғандай. Әйтпесе, айдаладағы шал, қайдағы бір қыз үшін осынша қинала ма?.. Әйтеуір қолынан келген көмегін аямау!

Ия, осы тұргандар Асқар білмейтін жаңа адамдар!.. Керек десе, Асқар Дәмештің өзін білмейді. Қайтып оралды... Жақсы қарсы алды... Сол Дәмештің жүргегіне кілт тапты ма? Үйіне жіберіп, паналатып, қолынан келген көмегін аямаған шал кім?..

Дәмеш пианиноны жақсы тартады екен. Кешкे жақын қолы боста пианиноны бебеу қақтырып, бой шымырлатып, көңіл қөтереді. қиялға қанат бітіреді. Бүгін тағы Григтің ғажайып сырлы ноктюрын¹ ойнап, көңіл күйін шертеді. Тамаша шаттық жастықты еске түсіреді... Қозғала алмай сұлқ жатқан шал, қасындағы Асқарға бетін бұрады.

— Музыканы мен жасынан жақсы көрдім. Жақсы күй, ән әрдайым көз алдымға жастығымды елестетеді. Эх, Асқаржан! Өмірде от пен суды сен белден кештің... Адам

¹ Жан сезімін тербейтін музыкалық шарын шығарма.

жанын сен түсінесің... — Шал күрсініп өткен шағының бір көзөңін Дәмеш мұзыкасының ырғағына қоса, есіне алып, әңгіме қылды.

...Иван Иваныч Керекуде, Ертіс жағасында туады. Революциядан бұрын пароходта жүк тасиды... Одан он төртінші жылы соғысқа қатнасып, Октябрь революциясын октепта қарсы алады... Азамат соғысын Свердлов қаласында өткізеді. Жиырмасыншы жылдың орта шенінде, баяғы Домидов салған металлург заводында құрыш қорытады... Соғыс жылдары осы Теміртау заводын салғанда, туған жерін деп Свердловтан өзі тіленіп келеді...

— Өмірде арманым көп. Соның бірі осы музыка... Мен кеше пианиноны жалғыз неге көтерді дейсін? Күш синағаным әзіл... Жастығым есіме түсті! Сол бір жұмбақ сыр сандықтың жолында өліп кетсем, арманым жоқ деп үқтый! Сен іштей келемеждеп те отырган боларсың. Біреу өмірін Отаны үшін, біреу — туған-туысы, біреу — досы үшін қияды... Ал, аумесер шал — музыка аспабы үшін... Рас, балам айтуыңа болады, бірақ бұл — шын сөзім,— деп шал тағы бір тынды.

— Сен Асқар Жұ...

— Жұнисович.

— Жұнисович, ыңғай өзіңнің ішкі сарайыңа үңіліп, үйренгендін бе дейім. Үндемейсің?.. Сөз қоспайсың, бақырайып тыңдайсың да отырасың! Байқаймын, менің әрбір сөзімді өзіңнің елегінен өткізіп отырган сияқтысың.

Асқар күлді. Не дейді бұл қу шалға? Біліп те сезіп, аузы сөйлем, көз бақылап отыр...

— Біздің Керекуде менің бала күнімде музыка аспаттарын, балалайка, мандолина жасайтын бір шал болды. Балалар болып соның мастерскойна барып көмектесіп жүрдік. Жыл өтті. Шеберлікті баурап, өз бетімізben жасауға да кірістік. Бір күні Володя Багаев дейтін бала екеуміз пианино жасауға уәде беріп, жарты жыл дайындық жасадық... Енді кірісеміз дегенде, ағаш бұтап жатып оң қолымның бас бармағын шауып ап тыртықтау бітті. Бармақсыз шебер не істейді?..

Шал сирона Асқар енді түсінгендей: әркімнің бір арманы бар. Армансыз адам — топас, дөкір, жұғымсыз, мен меншіл болар ма еді, қайтер еді?.. Арман адамның ішкі таразысы дүниенің жақсы-жамандылығын соған қарап өлшейді.

Асқар басының да арманы көп, соның бірі, бүгін тағы

да жүргегін тербеп, беймаза қылды. Ол — Айша! Он бес жыл көз алдынан кетпей, өмірге шақырған, қиялына қанат, өзіне әл берген Айша! Сол Айшаны той күні бір көріп, жоғалтып алды. Асқар өзі іздер еді, семьясы бар.

Музыкасын тартып болып, шар айнаның алдында шашын түзеп тұрган Дәмештің қасына барды Асқар.

— Дәмешжан, Айша қайда істейді?

Дәмеш сырын түсінгендей құлімдеп, денесімен бұрылды.

— Ағатай, ғапу ет! Айша сізге кеше сәлем айтқан. Есімнен шығып кетіпті-ay! О да сізben әңгімелесуге құмар!.. О кісінің күйеуі қызғаншақтау кісі...

— Күйеуі кім еді?

— Біздің бас инженер — Мұсілім Мусин!

Асқардың қолындағы бұрап тұрған сағаты жерге түсіп кетіп, құлпаршасы шықты. Екі көзі шатынап шошынғандай, кейін шегінді. Дәмеш те сасып, ағасына ұмтылды.

— Не болды сізге?

Пианино алдындағы дөңгелек түмбаға Асқар сылқетіп отыра кетті де қолымен басын тіреп, ұнсіз жылады.

— Ағатай, не болды сізге? — Дәмеш еңкейіп бетіне үңілді. Асқарда үн жоқ. Дәмеш қайтерін білмей аң-таң.

— Ағатай, мен жаман сөз айттым ба? Маған өкпеле-дің бе?

Дәмеш те көзіне жас алып кемсеңдей бастағанда Асқар шыдамады.

— Мусин... сол Мусин, маған жала жапқан да, ұстатаң да сол!

Бұл сөз Дәмешке женіл тие қойған жоқ. О да бол-боз бол, жилюлы кровать үстіне тәлтіректей барып отыра қалды.

Шерлі шындық деген осы!..

Дәмештің бұл хабары Асқардың жүргегіне өрт сап, булықтырып, жанын улады.

Ұзақ түнге қиналып, дөңбекшіп шықты. Өзіне-өзі өмірден орын таба алмаган адамдай жалғызысырап, не істерін білмей әлек.

Мұсілім!.. Мұсілім кім? Неге ол жала жапты?

Он бес жыл қинала іздеген сұрактың жауабын бүгін тапты. Жоқ, бұл сырды ішке сақтаса, бітеу жарага айналмай ма? Дос-жаранға, таныстарға жар салып, жеткізуі керек. Білсін!.. Ондай пасықтың адам баласын аздырмаса, пайдасы жоқ.

Асқар сөзіне жұрт сенбесе ше? Пленде болды деген таңбасы бар емес пе? Асқар өзін-өзі жақсы түсінетін де болар, бірақ былайғы жұрт біле ме? Жұртышылық көзінде Асқар деген кім ол? Айша Мұсілімге тиіп кеткесін қызығанып айтып жүргені демей ме? Осы қаланың өзі Мұсілімді он бес жылдан бері Айша танымады дейсін бе? Қойнындағы күйеуін қай әйел жаман дейді?.. Мұны айтып жеткізу үшін төзім, тіл керек. Жақсы еңбек істеп, әуелі жақсы баға алмай, Асқардың мұнысы — буынсыз жерге пышақ салу емес пе?

Жарайды, бұл да ақыл. Бірақ, қойнында жатқан адамның кім екенін Айшаның білуі керек!

Әй, Асқар-ау! Өмір сырын түсінем деп, қоқайсаң да әлі аңқаусың-ау! Оның кім екенін он жылдан бері Айша танымады дейсін бе? Қойнындағы күйеуін қай әйел жаман дейді?.. Мұны айтып жеткізу үшін төзім, тіл керек. Жақсы еңбек істеп, әуелі жақсы баға алмай, Асқардың мұнысы — буынсыз жерге пышақ салу емес пе?

Асқар әлектр шамды жағып, пижама киді де, столдың басына кеп отырды. Кенет қолына қалам алғып, таң атқанша дем алмай бір дәптер сыр жазды.

«...Айшага хат.

...Мен кім едім? Жұрт кім десе, о десін, мен — совет адамымын! Сондықтан да, Айшажан, саған арнап осы сырды қағаз бетіне түсірдім. Білші менің кім екенімді!..

1942 жыл. Совет Армиясы Гитлердің қарулы әскерімен қан төгіс-шайқаста, кейбір басшы командирлердің топас әмірінен Харьков түбінде тамаша ерлер қаза тапты, қолға да түсті. Сол бір қолға түскен деревняда бас хирургтің бірі мен едім... Ол өз алдына бір роман. Кейін біреу үлкен кітап та жазар... Менің айтпағым пленге өзім беріліп түсkenім жоқ, жарапы бол түстім. Фашистер айуандық жасап, госпитальға дейін бомбалап, сонда контужен бол есімнен айрылып, құлаап қалғам... Артынан есім кірді, бірақ басым ішінде мақта тығып қойғандай, шала естіп, шала көрем... Содан қоршауда қалдық. Жанымда үш дәрігер, ауруларды тастанап кете алмай, машинаға сап, бытқыл орман ішінде өзімізге қарай қашып бара жатқанда үсталдық... Ал, менің орнында сен болдың, не істер едің айтшы? Кейбіреулер айтады: «Сол арада берілмей атылып қалу керек еді» дейді. Не үшін? Сол қашып келе жатқан тұні орман ішінде осы жайды ойладап, өзіммен өзім айтсып, ақыры бір түйінге тоқтағам.

Жүрек түбінде жатқан әзәзіл ой: «Әй, Асқар ертең сені үстап алса, қылбұрау сап қинап, әурелейді оナン да «тарс

еткізіп» атылып өлсейші! Жеңіл ғой! Көз ашып жұмғанша о дүниеде боласың...» деп азғырды да. Жоқ, болмайды, бірінің қолы, бірінің аяғы жоқ солдаттар елге жетем деп сүйретіліп келе жатқанда, өзім командир — емдеуші дәрігермін, өзіме мылтық ала жүгіргенім арыма сия ма? Өлім қашпас. Өмір үшін құрескен ерлік демеуші ме еді Гарький!

Ертең осы солдаттың бірі, аман қалып, елге айтып барса, не демек!.. Жақсыдан жаман туған екен десе он алтыншы жыл батыр атанған әкесі Жұніс он сегізінші жылы совет өкіметін құрып, оққа кеудесін төсеген ағасы — Сақа, көрде бір аунап түспей ме!

Жарайды, фашистер қинасын, сыр сұрасын шыдал, қайрат көрсету ерлік емес пе! Қайта жаудың қолында отырып, жаумен құрескен коммунистер аз ба?.. Атса қайта фашистер атыны!..

«Жаудың қолына түспей, атылып өл!» деген сөз күйрек, әлсіз адамға айтылған сөз. Қате!..

Сол түні жаман айтпай жақсы жоқ, қам жасадым. Септерім үйіктады-ау дегенде жалпақ еменнің түбіне барып, партбилетімнің номерін кесіп ап, жұмырладап, «барбамил» дейтін үйқының дәрісін салған капсульге тықтым. Билетті емен түбіне көміл өз атымды ағашқа пышақпен ойып жазып кеттім.

Майданның шекарасына жақындаған келеміз, жер де, аспан да көкпенбек көк түтін, қардаған оқ. Өте алмадық. Үстады.

Бізді әуелі Киевке одан Бобруйскийге апарды. Ол жerde жаралы солдаттарды алып қап, жүруге жарайтындарды эшелонмен Львов түбіндегі лагеріге тапсырды.

Жан-жағы әлектрлі сыммен қоршалған үлкен лагерь, құмырсқаның илеуіндей құжынайды. Лагерь қақпасының аузында вахтер. Жанында күзет үй. Сол үйге кіргізді де тыр жалаңаш шешіндіріп, денеңде қарамаған, үңілмен жері жоқ; ақыры қақпаға жақын бір брезент баракқа қуып тықты.

Адам жаратылыста артық жаралған ғой: хайуанның миы бір қатпар болса, адамның миы екі қатпар, екі қабат, үстіңгі қатпар — ой-сана, зейін-сөздің орталығы да, сезім, ішкі өмірдің жүріс-тұрысы: тамақ жеу, дем алудың орталығы — астыңғы қатпарда екен. Хайуан миында үстіңгі қатпар болмайды. Дәл сол бір түні менің миымнан үстіңгі қатпарды алып тастаса азап-қорлық сезбес ем!

Брезент барактың іші — екі қатар ағаш нар; лық толған солдаттар, аяқ басар жер жоқ. Аш-жалаңаш тырысып-бүрісіп иықтары салбырап, төмен түскен. Бізді көріп, қысыла сырғып, орын берді. Қасымдағы дәрігердің біреуі шылым тартушы еді, бәрі соның аузына қарап, еріндерін жалады — ең құрығанда бір сорсам деген тілек. Арт жақта қалтарыста тұрмын. Ұртима тыққан капсульге бар бойымнан орын табалсам ше... «Капсульді қайда тықсам екен!» деген ой, бүкіл сана-сезімімді билеп алды. Ұйқатғанда жұтып қоймайым ба? Тек кешке жатардаған орын таптым, құлағымның ішіне тығып, сыртынан шүберекпен тығындал қойдым. Таң атқанша...

Мен қара көлеңкелеу бұрышқа құбжеңдеп жатқанда арт жағымнан біреу тұртіп қалды.

— Отыр-отыр, көлеңдемей! — деді, тегі менің етегім оның көзіне тиген тәрізді, ренжіген үн білдірді. Жалт қарасам, бір таныс көз маган қадалып қапты. Апырмау осы бір көзді қайда көрдім? Сөйткенше болмады:

— Доктор Сагатов! — деді ол құлімсіреп.

Мен оны дауысынан таныдым: Павел Кочетов! — жас күнімнен бірге өскен алматылық досым. Екеуміз құшак-тасып, сүйіспін көзге жас алыстық.

— Қашан қолға түстің?

— Жақында. Осында бізді де бүгін ертемен әкелді... Элі отырмыз. Не тамақ, не су бермейді!

— Е, бұл біздің жастарға келген апат, сын! Осыған шыдап ар-намысынды сақтап қалу — ерлік!

Ақ жарқын қуақы Павелдің мұңдайып, иығы салбырап түсіп кеткен.

— Біз жеңілдік!.. Бүйтіп, қор болғанша, белбеуге асылып өлген жақсы.

— Осынша не болды саған?.. Осындай күйрек пе едің?

Мен Павелге тесіріе қарадым. Осы сөз демеу болғандай, көзінен әзіл сәулесі жарқ ете түсті.

— Баяғы детдомда өскен, Абай өлеңін қазақ тілінен орысшага аударған Пашкаға үқсамайым, ә? — деді ол қазақша. Осы сөзі маган біраз сырды ұқтырды. Мен бассап, тағы да бетінен сүйдім. Енді екеуміз шүйіркелесіп, қазақ тілінде сөйлестік.

— О, Асашқа, біз тамұққа түстік? Бұдан тірі қалу үшін екі жол бар дейді. Бірі — Отаныңды сатып, азғын болып, фашистерге берілу де, енді бірі — сол Отан үшін қүресіп, ерлікпен жастығынды құрбан қылу... — Паша сы-

бырлап, жан-жағына қарап қояды. Мен үндегем жоқ, бірақ Павел жүргегінің соғысы менімен дөп түсетінін анық аңғардым.

Бір барақ толы қыршын жастардың қайғысына күнделінген қара түн де өтті... Алыстағы үміттей ертеңгі күннің көзі де көрінді. Су құйған іннен құылған тышқандай, сүмірейіп, жұртпен қатар біз де барактан шықтық.

Жан-жағын электр сымымен қоршаған үлкен лагерьді ортасынан екі бөлген, біреуіне — ыңғай түрік нәсілдес тұтқын солдаттарды қамаған да, екінші зонаға Россияның басқа халықтарын жиган. Бізді «карантин баражына» апарып салса керек-ті. Үш күн өткен соң бір күні таңертең тұтқындауды тысқа қуып шығып, азиялықтарды бөліп ап, түрік нәсілдес тұқымдардың арасына апарып қамады. Павелды тастап кете алмадым: сол сағаттан бастап, оның әкесі қазақ, шешесі татар. Пахритдин Көшенов атанды да, менімен бірге кетті.

Тапал ұзын саман барактар, әрқайсысының өзі бірнеше секцияға бөлінеді. Эр секцияда — елу-алпыс адамнан. Лагерьдің іші құжынаған Орта Азияның жас балалары, тырнақтарының арасы бесбаттам кір. Бұлардың ішінде сақалдары өсken, көздері шұңғрайған, еріндері кезерген; айрықша менің көзіме тұскен: дембелше қара торы әдеміше татар жігіті, киімі де таза, сөзге де епті. Бізді лагерь өмірімен таныстырған да сол.

...1918 жылды Қоқанд қаласында үлтшыл-байлар үкіметін құрған, қашқын, Отанын сатқан Мұстафа Шоқаев, Парижден Берлинге келіп, Гитлерге сатылады. «Түркстан комитеті» деген үйим құрып пленге тұскен Орта Азияның жігіттерінен легион құруға әрекет жасайды.

Түрік нәсілдес халықтардың солдаттарын бөліп ап, алдап-сулақ, зорлап-қорқытып, сол легионға біртіндеп кісі тартып жатса керек-ті.

Ақырын сұрастырсам: Гитлер жалғыз ғана «Түркстан комитеті» емес, «Еділ — Орал комитеті» деп Еділ бойындағы татар-башқұртқа, «Солтүстік кавказ комитеті» деп Кавказ мұсылмандарына арнап, бөлек-бөлек үйим құрады. Тап осы кездерде Украина үлтшылдарының Бульба, Бендер дегендері, орыстың Власовы, жемтікке жиылған құзғындар, Гитлердің маңына үйелей бастайды. Эрине, Гитлердің ұстаған мақсаты, осындаид қашқын-пысқындарды салып, біріккен көп үлтты совет елінің жігін ашып, быт-

шыт қып, бөліп ап билемек. Баяғы ескі әдіс: «Разделяй, властивуй!»

Жиылған тұтқындардың күн сайын медицина комиссиясына салып үш топқа бөледі: ауруын емдең, сауын жұмысқа сап, көнсө легионға жиберіп жатыр екен.

Бір күні таңертең ертең жеңдеріне «р» әрпін жапсырған полицей украинцлер лагерьді қаптап кетті. Барақтардан тұтқындардың қуып шығып, сапқа тұрғызыды.

«Бұғін неміс армиясының жоғарғы командасынан ұлы мәртебелі адамдары келеді, обход жасайды олар келгенде өз беттеріңмен лағып сұрақ қоюшы болмаңдар. «Тұрмыстарың қалай?» деп сұраса, «жақсы-жақсы!» деп қана жауап беріңдер. Ал кімде кім өзінің большевиктік пікірін, бұзық ойын бықсытса, ол адам осы бастан-ақ бұл дүниенмен қоштаса берсін. Генералдар кеткен соң, оның сазайын өзіміз береміз!» деді.

Сол тұрған бойда тұтқындардың әрқайсысының қолына сыпырғыш, күрек, шылапшыны, шүберекті тауып беріп, баракты, зонды тазалатып сыпыртып, жудырта бастады. Түс кезінде біз де бітірдік, «жоғары мәртебелі генералдар» келіп қалды деген хабар жетті.

Тұтқындардың тағы да топырлатып қуып кеп, сапқа тұрғызыды. Мен саптың сол жақ қанатына іліндім, оң жағымда — Пахритдин де, сол жағымда ең шетте, кешегі дембеліше қара торы жігіт. Полицейлер лагерь қақпасын шалқайта ашып, бір топ адамға жол бастап қожасына арсаландаған ит тәрізді, айнала жүгіреді.

Тесіле қараймын: топтың алдыңғы қатарында келе жатқандардың ішінде азамат киімін кигендер де көрінеді.

— Мыналарың кім? — дедім қара торы татар жігітіне, сыйырлап.

— Итім білсін бе! — деді ол.

Олар жақындаған келіп қалды. Жұздерін анық көрдім.

Топ ортасында бұтында французыша қысқа шалбар, басында берет, орта бойлы, толқыған қара шашты аққұба өзбек — Вели-Хаюм дейтін қашқын екен.

Әлгі өзбек тілінде, менің жаңымда шет жақта тұрған Пахритдинге:

— Қазақсың ба? — деді.

— Иә, қазақын! — деді ол.

— Жолдарың болсын! — деп, қолындағы ақ матада биялайының біреуін шешіп, жігіттің маңдайынан сипады.

Арт жақтан бір татар жігіт сыйырлап: «Артист!.. Осымен скі рет көрем, ыңғай осылай бастайды!» деді.

Вели-Хаюм топты бастап, саптың орта шеніне қарай кеткенде:

— Ролін жақсы жаттап алған ғой! — деді Пахоритдин.

Осы кезде баяу дауыспен Вели-Хаюм:

— Тұыстар! — деді қолын көтеріп.— Бүгіннен бастап сіздердің құрғақ тамақтарың да, ыстық тамақтарың да бұрынғыдан екі есе мөлшерде артады. Күніне б сигареттен бергізем! Мақсат — сіздерді өлімнен алып қап, іске жарату!..

— Құлқын тамаққа сатып алмақ қой! — деді кекетіп оң жағымдағы қара торы жігіт... Біреулері: «Сіз кімсіз?» деп сұрақ та қойды. Вели-Хаюм бұл жолы көп сөйлемеді. Тек тұтқындардың ортасына от тастап, аржағын өздері тұтатсын деген әдіспен: — Совет өкіметі жеңілді, Гитлер жеңді. Эркім өз басының қамын, елінің, ұлтының келешегін ойлауы керек!.. Айтатын ақылым: өздерінді ертеңгі жақсы күнге дайындаі беріңдер! — деп ойын келте бітірді.

Осылай айтуының өзінде бір тәсіл бар екен: хайуанды үйреткенде әуелі конфет көрсетіп, аузынан суын құртып ап, айтқанына көндіретін, көнбесе бишикпен соғатын циркаштар сияқты. Тұтқындарға әуелі тамақты жақсартамыз деп уәде берді де, артынан шым-шымдап ой тастады...

Мениң Пахритдинге айтқан осы бір сөзім үш күннен кейін расқа шықты. Бұл жолы Вели-Хаюм тұтқындарға бишігін үйіре келді.

— Вели-Хаюм! — деген сыйыр сөз лагерьге лезде тарады. Сол бір сәт тағы да бізді жинап алды.

— Мұсылмандар! — деді ол бәрімізге тіксіне қарап.— Кімде кім өлгісі келмей тірі қалам десе, бізге ерсін де легионға жазылсын! Жазылмайым десе, құрттап-биттеп, аштан өлеңді!...— деді Вели-Хаюм екілене, аузынан көбігін ағыза айғайлап. Кейбір сөзін ұқпай да қалам, парсы-араб сөздерін араластырып қояды.— Кәне кім не айтады? — деді тағы да Вели-Хаюм. Тұтқындарда үн жоқ. Эрқайсысының жүзі: «жүре бер, біз сенен өмір сұрагамыз жоқ!» дегендегі ызғарлы да айбынды. О кезде — әлі азап-бейнет шекпеген, тауы шағылмаған тұтқынға жаңа түскен шақ.

Бірінің жүргегін бірі сезгендей. Вели-Хаюм да шолтаңдаған асығыс қымылмен әркімнің бетіне тесіле үціліп, ызақек іздейді. Қолындағы солқылдақ резинамен бастан тартып жіберетіндегі оңтайланып, үйіріп-үйіріп қояды. Бірде

еэу тартып, ажуалай көз тастайды, енді бірде — алдағы шепте тұрған жігіттерге тап-тап береді. Маңдайына түртіп, жыландай ысқырып қорқыта азғырады. Арап жүріп, «Анада өзі маңдайынан сипаған жігітім сенсін-ау! Осы сенен бастасақ, қалғаны соңынан ерер!» деген ойы болды ма, жақын барып:

- Экең аты кім? — деді.
- Кешек.
- Өз атың?
- Пахритдин.
- Қай жерденсің?
- Түркстан қаласынан...
- О, жақсы қалада туған екесін!.. — Вели-Хаюм жымышып: — Советте кім бол істедің? — деді.
- Техник.
- Ә, офицермісің? — Көзінің оты жарқ ете түсті.
- Жоқ!
- Экең кім? Коммунист пе?
- Экем қойшы!
- Туысында кім сотталды?
- Сотталған кісі жоқ!

«Рахмет, мен барам!» деп Пахритдин айта қоймады, тырысқақ мінезіне ыза болған Вели-Хаюм блокфюерерге: «Алып жүр!» дегендей ым жасады да жолды өзі бастады.

Біз тарай бастадық. Жүргім қобалжып, аузыма тығылды. Жүректің арғы түбінен тұмандай жылжып қап-қара түнек үрей, бойымды шырмай басты: жеке-жеке шақырса қақпанға түсіп қалуымыз мүмкін-ау!

«Берік болындар!» деген бір ауыз сөзді қалай да әрқай-сынының жүргегіне, тұқымдай сеуіп, өсірмей, босқа ақ жем боламыз!» дегенді айтты ол. Ойымның тап үстінен түсті... Мен бұл сөзді біреуіне жеткізsem, ол — әрі таратпай ма? Кімге айтсам еken? Кекете сөйлейтін татар жігітін қолайлы тауып, соны іздедім. Жігіттер топталып әр жерде бір күбірлеседі. Бірінен-бірі ақыл сұрап — не істейміз дегендей, жақындап барсаң көзімен атады — кімнің кім екенін біліп болмайды, сақтық! Ақыры, татар жігітін таптым, ол — шылым тартып, ойға шомып жекелеу отыр еken. Сырғып жаңынан орын берді. Менің оған сеніп маңайына үйрілгенімді, ол аңғарғандай.

— Әлгі жігіті қайда әкетті? — дедім шылымының қалдығын қабына сорып. Татар жігіті «Сен өзің кімсің?» дегендей көзімен сұқтана бір шолып өтіп, күлімсіреп:

— Маган мұнда келгеніме бір жұма! Әлгі «қамқоршылардың...»— деп кекете сөйледі.— Әрдайым істейтінде, айтатыны да осы! Күнде алып кетіп жатыр, қайда апарады, бір құдайдың өзіне ғана мәлім!

Сахнаның пердесі ашылған, аржағынан өмірдің артистері көріне бастады. Бұл — шолақ дамбал киген, сидаң тазы сияқты группенфюнер кім екен?

— Вели-Хаюм деген кім өзі?

— Бұрын естімен пе ең?.. Ия, сен оны қайдан естисің?.. Бұл жүрген авантюрист. 1922 жылы совет өкіметі Орта Азиядан алпыс баланы Берлинге оқуға жібереді. Соның бірі бол осы — Вели-Хаюм келеді екен, неміс қызына үйленіп, оқу бітіргесін елге қайтпай қалып қояды, мамандығы жоқ, ресторанды официант бол күнін көреді. Содан Гитлер соғыс ашқанда осы авантюристі тауып алады... Міне бізге қарсы сап отырған жоқ па?

Байқаймын татар жігіті көп сырға қанық тәрізді. Бұл өзі кім екен?

— Сіз қайдансыз?

— Қазан татарымын. Есмім Фатих...—деді ол көңілсіз айтқысы келмеген адамдай. Мен әрі қазбаламадым, өзімнің ойымды баяндадым:

— Берік болсақ жау қолына оңай түспес ек! — дедім. Ол езу тартып жымиды.

— Бұл сөз —совет солдатының жауға қарсы курестегі ең күшті құралы! — деді Фатих.— Біз колективте өстік қой...

Осымен сөз біткен тәрізді.

...Күндер зымырап өтіп жатты. Солдаттар біртіндеп азая бастады. Бірі көнді, бірі көнбей бір түнде жоқ болады, әрқайсысы өз жолын тапқандай.

Лагерьге алдымен келген—апат-аштық, оның, артынан өкшесін баса ұрлана кірген — ауру-сырқау. Өмір үшін құрес солдаттардың арасын қиуластыра, жігін жымдастыра тусти. Мениң аспап-дәрім-жоқ, әйтсе де, ақыл кеңес, салмақты сөзбен емдедім. Осы бір күндері лагерьде өнен бойы дал-дұл, бет-аузы парша-парша жаралы Пахритдин пайда болды. Біз үрпісіп қалдық.

— Ия!

Пахритдин әбден арып-азған, келе нарга құлады. Сол жатқаннан бір тәулік тұяқ серппеді. Ертеңінде Пахритдиннің жанына кеп, қайда болғанын, не істегенін сұрадық.

Гестапога алып барып, жауап алған. Алдымен: «Сен қызылдың комиссары екенсің, соны мойныңа ал!» дейді. Одан кейін: «Лагерьде көтеріліш шығарып, қашпақ әрекетін жасапсың» дейді. Ақыры бұл айыптарды қалдырып: «Радиомен сөйле, совет солдаттарына қарсыласпай беріл де! Соңсоң өзінді Берлинге жіберейік!» дейді. Қорқытып, есін алып барып, оңай қолға түсірмек болған. Қенбекен Пахритдинді азап шектіріп, тағы қинаиды. Ұру-согу — қинаудың дөрекі тәсілі. Бұлар — тәнді емес, жанды қинаиды екен. Ауызben айту қыын, әркім өзі басынан кешкенде біледі... Осы қинаудың кезінде СС-тің бас квартирасының шығыс белімінде, начальниктің орынбасары болып істейтін қызыл көз, қара шұбар қатал офицер келіп, жауап алды. Ол қинамады, ұзақ кеңесіп, егжей-тегжейімді білді де қазақ тілінде: «Іріп-шіріп босқа өлу — ерлік емес, жігітім! Жау десең, күресе біл!.. Тәсіл тап! Менің айтарым осы! Енді сені оңай босатпайды... Егер менің тілімді алсаң, Берлинге алып кетейін. Бірақ өзіңе сенетін достарыңды бірге ала жүр!» деп мені шығарып жіберді. Осы! — деді ол аузымызды ашып, бақырая тыңдаپ отырған бізге.

Бұл бізге жұмбақ. Шешімін іздедік. Бұл — не деген сөз? Жақсы, ол — жауға сатылған азғын болсын. Қазақ баласы деп іші ашып өзімен бірге Берлинге алып кеткенде, ол «Қайда кетсең онда кет!» деп ноқтасын сыпырған аттай, санға бір сап қоя берер дейсің бе? Қоюзеп отырған нысанасы: ұрмай-соқпай біртіндеп, жұнінен сипап үйрету де!

Пахритдин екеуміз ұзақ түнге кірпік қақпай, күбірлеп, айтысып шықтық. Түйін таба алмай сандалдық. Ол қазақтың: «Жау десең, күресе біл!» деген сөзі құлақтан кетпей қойды. Ертеңіне мен:

— Паха! — дедім, досымның қолынан тартып,— іріп-шіріп аяқ астында өлмей, жастықты ала өлейік!

Ол мақұлдан екеуміз серт берістік.

— Кімде кім орында маса, өлім жазасына бүйрыйсын!

Үәделі күнде қызыл көз қырғыз да жетті. Ол: «Кім қайда істеген, қандай мамандығы бар әуелі тексеріп, қолымыздан іс келетінін сезген соң Берлинге алып жүрді.

Пленге түскен солдат күрестен жығылған палуан сияқты, беті қайтып, еңсесі түсіп кетеді. Қаншама ұлтшылдар көңілін көтеріп, совет өкіметін жамандаса да, ел-жұртсын, бала-шағасын, туған туысқанын сағынған тұтқындар жігер, жауынгерлік қабілет көрсете алмады. Бір тобы — тамағын асырап, күнін өткізді, бұлар да құр сұлдер, ой-арманы, жұ-

регі елінде, ертеден кешке ойлайтыны «Бала-шагама бір жетсем-ау!..» Қолдарынан келер дәрмен жоқ, іштей өзінен-еzi наразы, қашса,—не ұсталып атылады, не Дахау, Маут-хаузеннің біріне түседі. Қорқады... Енді бір тобы — неге болса да басты қиып, ой-тілегін түйіндеп, алдына бір мақсат қойғандар: лажын тауып қашу, құтылу, не жастығын ала өлу. Қалай да Отан алдында кара бет болмай, анасының ақ сүтін ақтау — олар жатса да, тұrsa да осы бір мақсаттың маңына өрмек тоқиды.

Солардың бірі боп, Мюнхен қаласына жетпей мен де қаштым.

Тұн ортасы ауа бере бізді әкеле жатқан поезд бір станцияға кеп тоқтады. Қар аралас жаңбыр жауып тұрған, бір кезде, басымды көтеріп айналама қарасам, қызыл офицер де, күзетші солдаттар да шырт үйқыда екен.

Епте басып, түргеліп, Пахритдинге қарасам о да се-зіп жатыр екен, мені көріп, басын көтеріп алды. «Жүр!» деп ым қақтым да, тамбурға шықтым. Ешкім жоқ.

Поезд ырғалып жүре берді. Мен де секірдім. Іле Пахритдин де секірді. Шалшық суға шалп ете түскенін, құлағым шалып қалды. Жүгіріп вагон-вагонның арасымен тоңқалаңдай жүгіріп келем. «Апымай, біреуге кездесіп қалмаса иғі едім?» деген ой таяқпен қарақұстан салып жібергендей тиді, кенет басымды көтеріп қарасам: жұқ артқан вагондар түр... Я сэт! — деп мен де үмтүлдым, поез да жүріп кетті. Шап беріп артқы вагонға жандармен жармаса іліктім. Қат-қабаттап үйген тай-тай бұманы ашық платформаға сап брезентпен жаба сапты. Құдай берді! Арасына кірдім де тырп етпей жата қалдым. Поезд рельсті гүілдетіп, сарнай тартып келеді. Менің ойым да вагонның дөңгелегімен қатар жарысады. Бірақ, Пахритдин ілеге алды ма? Ертеңгі күнім — қара түнек. Жан-жағымды қаптап, алдымы орағытқан — өлім! Ер жігіт басынан не кешпейді, арман — жастықты ала өлу!.. Менің бұл қашуым — көз жұмбай тәуекел, бұраңдаған айналма жол, бір жерден шығарар деу. Поезд тұні бойы жүрді. Таң құланиектеп ата бастады. Жауын басылған. Аспан әлі түнеріп тұр. Менің үйқым қанып, тынығып қаппын, брезент астынан о жақ, бұжакқа көз тастасам: жолдың екі жақ бойы сыңсыған тогай. «Осыдан қолайлы жер табылmas, тез секіргің келсе!»— деді іштей жол серігі — Қыдыр атам. Тегі мені оңға бастаған да сол Қыдыр атай да, әйтпесе, неге ояндым? Ей, баянда аталарым айтпаушы ма еді: «Жортқанда жолың бол-

сын, жолдасың Қыдыр болсын!» деп. Сәуегейлік емес, Қыдыр халық тілегі — жол амандығы.

Артқы вагон, секірсем, поезд астына түспеуім мүмкін, және алға қарай секірсе, доңғалақ екпіні өзіне тартып, үйіріп әкете алмайды. Азар болса жараланаармын. Гестапо ұрып, қинағанша, өз еркіммен қашып жүріп жаралансам «эттең!» деп қапы жемеймін гой. Поезд ирелеңдеп, қыратты айнала бергенде атып тұрып алға көз жібердім. Ала көлеңке, тірі жан көрінбейді. Суға секіргендей алға үмтыла қарғыдым. Мысықтай жерге төрт табандап дік ете түстім де, жантая құлай беріп, тағы бір екі аунап, домалаң кеттім. Құлаған шақта көзімді жұмып тістеніп алғам, үрейлене көзімді аштым, жоқ әлі тірі екем. Сүйектерім де сау сықылды — қозғалады. Құлағым тікігім: сыйбыр естіле ме, не «халт!» деп айғай сап, мылтық кезенген фриц көріне ме? Мұлгіп турған қара орман! Ешбір сыйбыр да, дыбыс та білінбейді. Жалма-жан еңбектей жүгіріп, орман ішіне кірдім. Үх!.. Көз ұшында жоғалып бара жатқан қызыл ноқат — поездың артындағы шамы. Қол бұлғап, іштей поезга раҳмет айтып орман ағаштарын қуалап, жүре бердім. Қай жер, қайда келдім? Білмейім. Аздан соң орман ояна бастады: түн түнегі серпіліп, жапырақтар сыйбырлап, таңғы самал мойныма жібектей оралады. Таң алдындағы орман, иісі де басқаша екен: дымқыл тартқан жердің іісіне, қарагайдың қарамай іісі қосылып, тұнған кеудені ашып, мұрынды жыбырлатады. Тұшкіріп қалам ба деп алақаныммен аузымды басам. Жүріп келемін. Аяғымның сыйбыры тұнық орманды жаңғыртып, басына көтереді. Апырмай, біреу сезіп қап... Құн де шықты. Қолдың саусағындай жиі бұтақтардың арасынан құн сәулесі орман ішіне теңбіл-теңбіл күміс сәуле шашты. Эр жерден бір оянып, құстар да дыбыс береді. Уа, қандай құстың дауысы екен? Осы бір әдемі де нәзік үн сонау алыстағы туған жерді еске түсірді. Бұлбұл емес, Құләштің, Барсованың әндерін естіген сияқтымын. Жүрегім лүпілдеп аузыма тығылады. Көзіме жас келді, денем шымырлап, ақ бас Алатауым, оның етегінде көлбей жатқан сәнді қаламнан Құләшім ән сап, мені шақырғандай. Кеше ғана ақылым толып, ойым қанаттанған Москвам, Ленин жатқан Қызыл алаңнан Барсова қол бұлғағандай... Кенет селк етіп, оң жағыма қарасам, орта бойлы, қара мұртты, мосқал ерек, арқасына салған арқаны бар, маған үңіліп тұр. Жүрегім дір-дір етіп, буынным босап, денемді үрэй биледі. Хауіптің алғашқы айбыны бет шыдатпайды-ау, мыштай ғып

бүрістіріп алып кетеді. Ми тұқпірінен ақыл көтеріліп: «Саспа, екі өлмек жоқ!» — деп қайраганда барып адам ес жи-
найды.

Айла іздедім! Бұрылып тұра қарсы жүрдім. Жас ке-
зімде әкемнің: «Жүрек тоқтатып қарсы ұмтылсаң, қабаған
ит екеш ит те тайқиды!» деп ақыл айтатын еді. Соны осы
соғыс басталғалы тұмардай кеудеме тақтым. Айшажан, ма-
ған шын, саған өтірік, әлгі менің айбыныма шыдамай, кейін
шегіне берді. Мен де сұстанып, жақындай бердім. Ол ыржи-
ды.

— Сен кімсің? — дедім немісше.

— Бульбаши! — деді ол. «Бульбаши?» Естімеген ха-
лық. Түрі де неміс сияқты емес. Бұларды Гитлер қайдан
алып келді екен?

— Неміссің бе? — дедім.

— Жоқ, украинмын!

Енді мен «Бульбаши» мұның фамилиясы деп ұғып, ой
бауырымдап бассалдым. Ай-түйге қарамастан құшақтап:

— Мен совет адамымын,— деп қуанып бетіне қадал-
дым. Ол қабағын шытып:

— Совет енді жоқ! Ұлы Самостойная Украина бар! —
деді. Мен сескеніп, бойымды тарта қойдым. Бұл сөз менің
кезімді ашқандай. Әңгіме желісін бұра қойдым. Әрине,
әуелі сөз «кім едің, қайдан жүрсіңен басталмай ма!» Сұрай
келсем, Львов түбінен қуып кеп, жұмысқа салған украинец
екен, осы орманның аржақ түбінде немістің gross бауәрі —
помещигінің қолында тұрады-мыс. Құндеңің ісі — малын
күту, қорасын тазалау. Қазір ертемен мына орман ішінде
кесілген сырый жатыр екен, соны сиыр қораға қоршau жа-
сауға алып кетуге келіпті. Мен өзімді таныстырыдым: дәл
соғыстың алдыңғы құндері әйелімнің төркініне Белоруссия-
ға кеп, дем ап жатқанда, соғыс басталып, Алматыға қайта
алмай қалдым. Содан неміс алған қалада бір жылдай жұ-
мыс істедім. Өзім артист едім. Сол Бердичевта ән салып,
құн көріп жүргенде, осылай қарай қуып әкетті деп түні
бойы ойлап шығарған повесімді бастадым.

— Австрия жаққа қайдан келдің? — деп қалды Буль-
баши. Поезд Австрияға қарай өтіп кеткенін енді сездім.
Ұсталдым-ау!. Сыр бермей күліп:

— Ой достым-ай, қайдан келдің дерің бар ма? Әр ба-
уәрдің қолына бір көшіп, қақпақыл ойнап жүрген өмір де...
Бізді қазақта қақпақыл деген ойын болатын... — деп бас-
қа әңгімеге ауыстырып, ізімді бүркей бердім. Бульбаши

әрине сенген жоқ. Көзіме «Не брехай!» дегендей сұстана қарайды.

Сырауылды көтерісіп фермаға бардым. Біз орман ішінде бір сағаттай айналдық. Жауыннан кейін күн ерекше жарқырамай ма? Құздің осы бір жайдары күні жүрек лұппалін әрең басып, фермаға жақындай бергенде, алдымыздан орта бойлы, қыпша бел, үкідей сары әйел шықты. Үстінде салт атты кісінің киімі, қолында қамшы, қора жақтағы ерттеулі түрган атқа қарай жүрді. Бізді байқамады. Мен де іштей «байқамаса екен!» деп тілеп келемін. Бульбашидың да, менің де көзім сонда: жеп-жеңіл, атқа қарғып мінді, тебініп қап, шауып бара жатып бізді көрді. Тізгінің шірене тартып тоқтатпақ еді, аты атырылып, аспана қарғыды.

— Бұл кім? — деді қамшысымен мені көрсетіп.

Бульбаши:

— Поездан қалып қойған көрінеді, ағаш ішінде кез болдым! — деді.

— Мен келгенше жіберме! — деді де шауып ала жөнелді.

— Бұл кім? — дедім мен Бульбашиге.

— Помещиктің әйелі. Осы ферманың қожасы! — «Мен келгенше жіберме!» Не дегені? Гестапога тапсыра ма? Үрейленіп, ойым түрлі саққа жүгіріп, көңіл дерек таба алмады. Сыр айтып, ақылдасуға Бульбашиден қорқам. Маган сенімсіздеу қарайды, шешіліп сөйлеспейді, тегі о да менен сескене ме? Кім білсін... Әлде помещик қатын келмей, табан жалтыратып, зытсам ба? Бульбашиден қалай құтылам?

Кешеден нәр татқам жоқ, тамағым құргап, аузым темір татиды. Қарным ашқанын сонда ғана білдім. Үстап берсе де бір тойып әлденіп алайын деген оймен Бульбашиден та-мақ сұрадым. Ол — қорадагы шептің үстіне отырғызды да, сырттан құлып сап кетіп қалды. Вот ит! Құлып салуын көрдің бе? Енді мұның маған жолдас емес екенін аңғардым. Әлі отырмын, әлі жоқ... Бір кезде жарты бөлке наң, шошқаның майын әкеп берді. «Жей ме, жоқ па?» дегендей менен көзін алмай, сынай қарайды. Ашыққан адам қомағай келмей ме, тіл қатуға да шамам жоқ, соғып ап, жақын қасына бардым.

— Сен мені жаныңа ал, саған жақсы серік болам,— дедім сөз тартып оған. Құлімдеп, арқамнан қағып, тысықа шықты, мен де соңынан ердім. Шауып кеп қораны айнала

берген үкі сары да тоқтай қалды. Аттың шылбырын Бульбашиге бере салды да, маған тағы да бір рет таңырқай көз тастады, үйіне жөнелді. Мен аттың ерін ап, қорага жемге байлайын деп ниет білдіріп ем, Бульбаши сенбеді ме, жымып: «өзім» деді. Мейліц маған десе табанын жала!.. Ол аттың ерін ап, мойнын, арқасын щеткамен қағып, сыптырып, сұлы салған жәшікке апарып байлады. Ертең менің де істейтін жұмысым осы шығар дегендей, тапжылтпай қадағалап тұрмын. Осындайда қазақ айтатын: «періште, илаһи» деген той деп, сол айтқандай, ертеңінен бастап ат күтүші мен болдым.

Мені үкі сары шақырды. Үстінде жылан терісі түстес шұбар халат, кеудесі ашық, емшегін жартылай торсита ашып, көрсетіп қойған. Қылмың-қылмың етеді, манағыдай емес, дауысы да жайдары.

— Немісше білесің бе? — деді маған. Мен өзімнің аздаап білетінімді айттым, шынында неміс тілін мен жақсы түсінем, бірақ сөзге шорқақпын.

— Кімсің?

— Артистпін.

— О, артист?! — үкі сары басын шайқап, маған таңдана қарап,— қара орыссың ба? — деді.

Бақсам олар Орта Азияның халқын: «қара орыс» дейді екен. Мен қысқаша манағы Бульбашиге айтқан повесімді қайталап айтып бердім. Сенді ме, жоқ, помешникке жұмыс істейтін кісі болса жарады ма, мені жұмысқа алып Бульбаши екеуміздің істейтін ісімізді бөліп берді: мені үкі сары өзіне күтушісі қылып алды: үй жуам, монша жағам, атын күтем, не керек ерке қатынның қандай тілегі болса, соны орындау менің міндетім... Эзірге беталысым теріс емес, өстіп аяңдап, әбден өз кемеліме кеп, бір түнде қашып шықсам жарады!..

Помешниктің шатырлы ағаш үйі бар: үсті мезонин да жартылай жерден қазған, астыңғы подвалда — тамақ тұратын қоймасы. Үкі сары тұратын үй, бірнеше бөлме, бірнен-бірі шығады, кірсең қайтып есік табуың да қыын. Аулада флигель сияқты жұмыскерлер жататын тағы бір үй бар, біз Бульбаши екеуміз сонда жатып, сонда тамақ ішеміз. Бізден басқа үкі сарының үйінде тағы үш әйел бар, жас күннен тәрбиелеп өсірген «боннесы»—кәрі кемпір, дым істемейді, өлім күтіп жүрген құр сулде; жасамыс, толық әйел аспазшы, күні-түні кухнядан шықпайды. Жас қызы — үкі сарының күтушісі. Үкі сарының ері — эскерге алынған

помещик, Гитлердің ставкасында интендант жағында істейді екен. Кейде Берлиннен келіп-кетіп жүреді, үкі сары өзі де сол маңайдағы бір бауәрдің қызы екен, соғыс алдында бір жыл бұрын ғана тұрмысқа шықса керек. Құнде таңертен атқа мініп кеткенде, ол — сол маңайда арасы төрт-бес шақырым жерде фермада малын, егін жайын аралап шығады. Украинадан қуып келген көп шаруалар сонда мал құтіп, қора жайласатын сияқты.

...Күндер зымырап өте бастады. Бульбашимен екеуміз әлі де ит пен мысықтай бір-бірімізді аңдымыз. Мен оған сенбеймін. ол маған жақындал, ішбаурыма кіре берген сайын, жүргімді мықтап бекітіп, кілтін екі-үш бұрап қоям. Өйттегінім — ол Совет өкіметін жақтырмайды. Москва эне құлайды, міне құлайды деп қунде күтеді. Қайдан естітінін білмейсің, соғыс мәліметін үйдің қожасынан бұрын біледі. Үкі сарымен де қас-қабағы тұзу. Шақырусыз барып, кейде жанына отырып қайтады. Не сөйлеседі, кім білсін... Мен не «солай» деп, не «олай» деп жұмған аузымды ашпаймын. Тек бакырайып таңданам да отырам. Кім өзі бұл? Бага келсем, Бульбаши деген онъың фамилиясы болмай шықты. Аты жаңылмасам Остап Нехай. Бульба деген украин ұлтшылдарының Гитлерге сатылған бастыры екен.

Бір күні кешке мені үкі сары шақырды.

— Сізді Эльза Мейер шақырады! — деді күтуші қыз. Оның аты-жөнін сонда ғана білдім. Қораны жайлап, жаңа ғана жуынып отыр едім, жүргім дүрс-дүрс қағып, ішім төмен қарай тартып қоя берді. Мұндай кезде шақырмайтын еді, әлде гестаподан біреу келіп қалды ма? Жан-жағыма қарап Бульбашиды іздедім. Жоқ. Барсам, Бульбашиым сонда отыр, екі беті нарттай қып-қызыл, түр әлпеті аздап жұтып алған сияқты. Ерні күлімдеп, маған таңдана қарайды. Оқуы шамалы батыс украина дағы құлақтың баласы екен, немістің бай қатынының дастарханынан иттей сүйек кеміргеніне мәз.

Эльза жанып жатқан каминаның аузында толқымалы шана тектес орындықта әрлі-берлі теңселіп отыр, жылан шұбар халатының етегін ашып тастаған, әппақ бұлтиған балтырып, жұп-жұмыр тізесін көрсөтіп мені қызықтыратын сияқты. Каминада сыйыр-сыйыр маздал жанған оттың сәулесіне шағылысқан Эльзаның онсыз да қызыл беті, алауап, екі көзі түнгі гәүндардай жарқырайды.

— Фрау Эльза, сениң даусыңды естігісі келеді! — деді Бульбаши маған.

— Ей,— деді фрау босағада сүйеніп тұрған күтуші қызыға,— артиске шарап сыйла!

Мен басымды шайқап, тамагымды көрсеттім: «Ішуге болмайды, тамагым ауырады!» деген сөзді жартылай ымдаш түсіндірген болдым. Фрау сақылдап мәз болады.

— Баста! — деді тағы да маған өктемсіп Бульбаши.

— О кісіге айт: мен елімде ыңғай өз тілімде ән салғам. Білетінім елімнің әні, дедім. Бульбаши немісше менен артық білмейді, сөйтсе де жағымсақтанып былдырақтатып жатыр. Фрау алдында менің немісше сөйлегенімді естігенде, «Өзі неге айтпайды!» дегендей маған таңдана көз тастады да басын шұлғыды. Мен енді қысылдым. Дауысым онша емес еді, сезіп қойып, артым ашылып қалмаса деп қылп-қылп етем. Бар пәрменіммен ескі ақындарша, әуел айғай сап, дауысымды созып, шабыт шақырдым. Сонсоң:

Әйтпесе адам нәпсін білгізбейді,
Сендерлі ұқсатамын бүгін соған,
...тебет жалап жүргізбейді.
Ылғыып семіз қанышық ит іздейді.

деп аузыма қайдан түскенін білмеймін, өлең шығардым. Фрау мәз — қол шапалақтап әнімді ұнатқанын сездірді. Осы кеш кейінгі өміріме пәле болып тиді. Соданбылай, Эльза мені құнде кешке қасына алдырып, ән салдырады, радиола ойнатып, биге шақырады. Бульбаши былай қалды, ол келсе сылтау тауып, жұмсал қуып жібереді. Эльзаның ынта-көнілі менде, оны сездім. Кейде билеп жүргенде тәнін тәнімे тақап құмартса көзін қадайды. Мен де сезбеген адамша тұс бермеймін, шыдамай беріліп бара жатсам елімді, жетім қалған кішкентай қарындастым — Дәмешті есіме түсірсем, көніл сынаптай сүиды. Мен қатайған сайын фрау — ынтығып, құмартса түседі. Кейде түн ортасына дейін үстап, әбден қалжырап барып, менен «іс шықпағасын» қоя береді... Бір күні кешке таман күтуші қыз келіп, мені шақырып алып барды. «Кір мұнда!» деп иегімен ванныйды нұсқады. Менің ойымда дәнeme жоқ, жетіп барсам, фрау тыржалаңаш ванныйда шалқасынан күліп: «Жуындыр мени!» дейді.

— Менің қолым ауырып қозғалтпай тұр! — дедім. Бір жағынан суық тиіп иығымның ауырып жүргенінің шет жағасын өзі де естіген, бірақ тап жууға жарамайтын халде емес екенін о да сезеді. Фрау ашулы: «Евнух!» — деп тыжырынды да айдалашықты.

Сол түні қашуға бел байладым. Кеше ғана Бульбаши сияқты малдың астында жатқан немістің солдаткасымен көңіл қосқанша, өмір бойы әйел көрмей, евнух боп өткенім артық...

Бульбаши үйде жоқ, ертесімен қалага кеткен-ді. Ол келе қалса қыын, бір көзі үйқтаса да, бір көзі аңдып жатады, сүм неменің!.. Нан мен шошқа майын сап шөптің арасына тығып жүрген дорбам бар да, соны суырып ап, түн ортасы ауды дегенде мысықтай басып тысқа шықтым. Алдында күтуші қыздан да, Бульбашиден де сұрап, Австрияның картасымен танысып алғам. Маған қалай да Чехословакияға ету керек, осы мен тұрган жерден алыс көрінбейді...

Ай сүттей жарық. Жердің бетіне қырау түсіп, ай жарығымен шағылысып, күмістей жылтырайды. Қораны айналып, орманға тұра тарттым, со кезде оң жақтан жарқ-жүрк етіп, машина кеп фермаға тоқтады. Мені байқамады, жан ұшырып, орманға қарай бүкшеңдеп жүгіре бердім. Апымай, бұл не қылған машина екен? Эльзаның ері ме? Бейсауат машина жүрмейтін еді.

Орманды қақ жарып өтсем, алдында тағы да ферма болуы керек, сол фермадан Чехословакияның шекарасы да жақын. Бульбаши бір әңгімесінде солай деп еді-ау! Географияны еске түсіріп, топшыласам, сол беталысым өзіме де қолайлы тәрізді... Кеп ұзамай-ақ, артымнан қуғын шыққанын сездім. Шабалана үрген иттің дауысына жүгіріп келе жатқан бірнеше адамның дүрсілі қосылып, мұлғіп тұрган орман ішін азан-қазан қылды.

Қайран бейқамдық! Аяғима талошты кимеп едім, ит енді екі аттатпайды. Бұлжытпай табады. Дорбамды бұтаққа іле сап, жан бермек оңай ма, жоғары өрмелеп, ағаштың басына шықтым. Тайшадай екі овчарка арс-арс етіп, иесін қоса сүйретіп, ағаш түбіне келгенде, қыңылап шыр айналды да, ағашты тырмалап, тығылып отырған мені тауып берді.

— Тұс! — деді немісше жуан дауыс, бұйырып. Амал нешік, түстім.

— Осы ма? — деді тағы да әлгі дауыс.

— Осы! — деді. Жалт қарасам — Бульбаши. Сүзеген бұқаша маған тұксие қарайды. Екі көздің арасын ала екі елі маңдайдан періп кеп жібердім. Шалқалап барын, ағашқа басы сарт ете түсті. Со кезде менің де басыма зілдей бірдеме, нағанның дүбі ме, былш ете түсті, тәлтіректеп барып құладым... Есім жинасам, қолыма кісен салып, қоршап

алған, дырылдатып Бульбаши Фермаға қарай сүйреп барады. Машинаның қасына жеткенде, тастай беріп жалт қарады да, жеп қоятындаш шұңқыр көзін көзіме қадап, көртік мұрнының желбезегі діріл қағып, тістеніп кеп, ауыздан мені бір тепті. Алдыңғы күрек тісім опырылып, қанмен бірге түкірдім...

Сүйтіп Бульбаши мені ұстап берді. Эльзаны қызғанып, менен құтылғысы келген де, сол пасық оймен қалаға барған... Сөйтіп қаладан қалаға сатылап, айдал отырып, мені Венаның округтік гестапосына тапсырды. Бұл күндер өле-өлгенше естен шығып, таңбасы еттен кетпейді. Міне, содан бері 16 жылдай уақыт өтті, кейде түсіме енсе, шошып оянам! Гестапоның азап шектіру, қинау, мойындуға әдістері қылы-қылы. Талай естелік кітаптарда жазылып та жүр, мен соны тәптіштеп жазып, жүрек айнаңтықым келмейді. Бірақ ер жігіт жүрек тоқтатып шыдаса, дененің ауырғаны сүйектің сынғаны жанға батпайды екен. Қайта адам ерегісіп, жаудың сөзін өткізе алмағанына, іштей өзің-өзі риза да болатын сияқты!

Мені жатқызып қойып, сегіз қырлы дырау қамшымен белді ала, қүйрықтан дүре соғып, тілім-тілім қып қанын шығарды. Түнде жатқанда, қызыл шақа ет көйлегіме жабысып, ертеңінде сыйдырып ала алмай, бейнет көрдім. Сонда маған айтатыны: «Қызылдың командирісің мойныңа ал!» дейді. Мен көнбекесін, шлангтан атқан сұық сумен ұрып, бірнеше рет есімнен тандырды. Бұған да шыдадым!

Каршында қамады. Үйшіктей, бір ғана адам сиятын бөлме, едені темір плита, астынан от жағады. Ыл-ыстық. Қүйдіріп, табаным үлдіреп, жүре алмай қалған күндерім де болды. Табандағы нервтің түбірлері орталық миға: «Өртендім! Қүйдім!» деп үсті-үстіне зарлап, ойбайладап жатқанда, адамның есі қалмаса керек-ті. Мидың өзі де шала-жансар, қүйзеліп, дірілдеп балқи бастай ма дейім!

Сол бір күндері бар хаупім — капсульдегі билетімнің номерін не түсіріп ап, не жұтып қоям ба деп жанталасам. Аузымды тас жұмып ап, тістенем де жатам.

Венаның гестапосындағы менің алдыма қойған мақсатым, арманым, жауды мұқатар кегім — ұртымдағы капсульді солардың қолына түсірмеу болды. Бар жігер-қайратымды, қуатымды соған жұмсадым. Қүресіп бақтым. Ол күндері өлім — қыыннан табылған даңғыл жол сияқты. Өлімнен қорықпайсың!.. Тірлікten өлім тыш. Тергеуші өзі ұрмайды, қасында жендеті бар, қинайтын сол... «Жүр-

ге жарамай қалдым, күнде зембілге сап, тергеушінің қабинетіне астыңы подвалдан екі надзиратель көтеріп алып барады. Күннің көзін көрмегеніме бір айдан асты. Алтын күннің сәулемесі терезеден жарқырап, тергеушінің бөлмесіне түсіп тұр екен. Сондай қуандым, бетімді төсеп, қолыммен күн сәулемесін жинап алғым кеп, шалажансар илікпейтін саусақтарымды ербендейте бердім. Тергеуші мені есінен адасты деп үқты ма, еңкейіп бетіме үцілді. Сол бір сәт, іште қайнаган ыза-кегімді, жириңіш-зілімді бойыма жинап, тісімді шықырлата тесіріе қарадым. Ол селк етіп басын тартып алды. Кейін шегінді. Телефон соғып, мені қайтадан камераға апартып тастады. Содан қайтып шақырмады. Бір жұма өтіп, жұргуғе жараган соң Маутхаузенге жөнелтті. Адам көзіне қарауда ұлken мән бар екенін мен сонда бір-ақ аңғардым. Жау не десе о десін, мейлі есінен адасқан десін, әйтеуір сескенді. Менің ыза-кегім көзінің уытын алып, бетін қайтарды. Қезді сөйлете білсең, қылыштан да өткір, тілден де шешен деуші еді мениң әкем. Соның өткір екеніне сонда ғана түсіндім!..

Маутхаузен Гитлердің ең қызын да ауыр лагері. Оның аты кірсе шықпас. Дантенің «Тұзғы», нағыз жаһаннам. Айналасы ат шаптырым қырат үстіндегі лагерьдің жанжағын электр тогін өткізген сыммен он екі рет айналдыра қоршаган. Сымның арасы он қадамнан, сонда біреуінен өткен адам, екіншісінде сөзсіз ұсталады, екіншісінде болмаса үшіншісінде... төртіншісінде... Әйтеуір он екінші торға жету мүмкін емес. Лагерьдің төрт бұрышында төрт құлагы — ұшырма бар, әрқайсысында мылтық кезенген күзетте солдат тұрады. Жақын барсаң іс-міс жоқ атады.

Лагерьдің ішінде — тарихтағы ешбір халықтың өміріне ұқсамайтын, бір де бір кітапта жазылмаған, тұс сияқты өмір бар. Маутхаузеннің ішіне түскен адам: «Мен үйқап жатырмын. Осы көрген азабым — тұс, ертең оянаң!» деп өзін өзі жұбатпаса, бір күн шыдамайды. Не өзін өзі өлтіреді, не о дүниеге сапар шегу керек.. Лагерьде 24 барақ, немістер блок дейді, әрбір блокта үш қатар нар, әр койкада үш кісіден айқыш-ұйқыш валетпен жатады. Тұтқындардың киетіні ала көйлек-дамбал, аяқта ағаш таға, сол жақ кеудеге үш бұрышты қызыл шүберек қадаған да оның қақ ортасында жіппен «Я» әрпін тіккен, онысы русиш — орыс деғені; жағасында әр адамның — номері. Адамның ат-жөні жоқ, номермен атайды. Тұтқын адамның тағы бір белгісі бар қашса табатын, ол — маңдайынан желкесіне дейін тіл-

дей қып шашын қысқалай қиган. Күніне ішетұғын тамағы картоптың қабығынан асқан жеті жүз грамм баланда, кебектен пісірген уал, жүз грам нан, сүті жоқ жарты литр кофе.

Блокта екі бастық бар, бірі — блокфюрер, әсестен, екіншісі — блокшрайбер, соның хатшысы, ол неміс, саяси тұтқындардан. Осының бәрін тәптіштеп, түгелдей жазудың да қажеті жоқ, бірақ қандай өмірді бастан кешіргенім дәдел сияқты. Сондықтан атамай өте алмадым...

Мен келгенде бұл лагерьде Совет Армиясының офицерлерін, коммунистерді кезекпен құн сайын жиырма бес отыздан қырып жатыр екен. Лагерьдің ішінде, қақпага жақын крематория бар, өлген адамның сүйегін өртейтін. Сол крематорияға алып барып, әуелі жеке бөлмеге кіргізіп, салмағын, бойын өлшемек боп «ростометрдің» астына тұрғызады. Электр тогы жүргізген ростометр төбеден сарт ете түскенде адам жан береді. Тұтқын тұрған таразы ойылып, төмен түсіп кетеді, өлікті конвейермен жылжытып апарып, жанып жатқан пешке лақтырып тастайды... Осылай әсесовтар аспай-саспай күніне отыз шамалы офицерлерді о дүниеге аттандырып отырады екен.

Мені әуелі карантин блогіне жіберіп, сонда бірнеше күн үстады. Осы карантин блогына біреу келіп, біреу кетіп жатады. Мен «офицер» және «коммунист» деп сезіктеніп әкелген соң «дәрігерлігінді» жасыруға тура келді. Әсіреле крематорияға осы карантин блогынан дереу тура жол түсін ықтимал. Ендігі ойым, қалай да жұмыс командасына ілігіп, қашу! Тірі мәйт боп жүруді өзім ар көрдім. Іріп-шіріп өлгенше, бір оқ жалынсын, о дүниеге барғаның өзі артық...

Дәрігердің «тілін» білем ғой, әуелі біраз «сырқаттанаип» күш жинағым. 1944 жылдың көктемі келді. Көктем қуаныш ала келді. Шабынан шегі шыққан жаралы «жыртқыш» — Германия, алысуға дәрмен жоқ, тісін сақылдатып, жан-жағына кезек арсылдайтын халге жетті. Мюнхен-Перлахт, Германияның тағы басқа лагерьлерінде совет офицерлерінің құрған жасырын ұйымы БСВ (Братский союз военнопленных) ашылды. Солардың біреулері бізге де, Маутхаузенге де түсті. Енді біз сол қара түнекте жылтыраған отқа көз тігіп, тұтқындар арасында үгіт таратып, бірлікті күштейтіп, бір-бірлеп қашып құтылуудың қамын ойладық.

Басқа елдің адамдары посылка ала бастады. Солардың

киімін тазалап, кірін жуып, тамақ табуға бірнеше адамдар шығардық та, тапқан-таянғанын жаңағы ауру-сырқауларға беріп солардың өмірі үшін күрес басталды. Мен жұмыс командастына ілгіп, бір жұмадай Линскіде — тас шабатын карьерге бардым. Ол — лагерьден сегіз жүз метр төмен жерде тұратын. Оған жұз сексен алты басқышы бар баспалдақпен төмен түсіп барады да, екі-үш пұттай тасты арқалап қайтадан, сол баспалдақпен жоғары көтеріліп, лагерьдің жаңына үйеді. Ол тастарды поезбен тас жол салуга жібереді. Үш пұттай ауыр тасты көтеріп жоғары шыққанша, өкпең өшіп, діңкең құриды. Сүрінсең болды, әсесовең дырау қамшымен бастан тартады. Итке талатады. Бірінші күні он сегіз адам, екінші күні жиырма адам жан беріп, сол жерден қайтпай қалды. Құші мол жас жігіт едім, соның өзінде шыдай алмай, үшінші күні мен де сүрініп, арт жақтағы бүкіл колонна тоқтады. Кейбіреулері тәлтіректеп, артқыны соғып, тас-масымен төмен құлап кетті. Зілдей тас мені бірге ала құлады. Жуан қызыл әсесовең айғай сап, жүгіріп кеп дырау қамшымен тартып-тартып жіберді. Бар тапқан айлам — басымды қолыммен қалқалай, көзімді қорғай бердім. Қан саулап жүр, жандармен тасты иығыма қайта қондырып, тағы аяңдадым.

Ертеңінде аяғым күп болып ісіп кетіп, ыстығым көтерілді. Мен жұмыстан қалып қойдым. Фельдшер — алматылық ұйғыр жігіті, менің дәрігер екенімді білетін-ді, қайтып жұмысқа жібермей, өзіне санитар қып алды.

Маутхаузенде БСВ ісін басқаша құрды, әр адам ең көп дегенде, үш-ақ кісіні білуі тиіс. Мен фельдшер мен өзім тартқан адамды гана білем де, фельдшердің сөзін гана жеткізем. Фельдшер кіммен байланысты, онда менің шаруам жоқ, білмеймін де. Мен жаңада келсем де қазақ жігіттерімен танысып ап, шүйіркелесіп, соларды БСВ-ға тарта бастадым. Менің қасымда жататын, татарға үқсас, талдырмаш жалтыр қара Іслам дейтін жігіт бар еді. Сол екеуміз бір күні кеш соғыс жайын әңгіме қып отыр едік. Лагерьдің үстінен гүр-гүр етіп, бомбардировщиктер ұшып өтті. Оған көңіл бөлген біз жоқ, немістің самолеттері күнде ұшып жатады. Бір кезде бес шақырым жердегі Маутхаузен қаласын бомбаның астына айды. Барақтың қабырғасы жер сілкінгендей дір-дір етіп, терезе шыныларының құлпаршасы шықты. Шіркін, лагерьге түссел.. Бүкіл тұтқындар қуанып, айқайлап, тысқа атып-атып шықтық; көйлек-дамбалшаң, енді біреулері жалаң аяқ, жалаң бас. Қол

бұлғап: «Мұндалап!» шақырады. Эсесовеңтер інге тығылған тышқандай, мыштай боп, барақтан-бараққа тығылады. Сол түні аспан өртөнгендей айнала алаулаң қызарды да түрді.

Ертеңіне әлі бар тұтқындарды қалаға жұмысқа айдағы. Сол жолы «Үш жұз кісіден он шақты адам қашып, келмей қалды» деген қуаныш хабарды жаңағы жылтыр қара — Жексенов маган жеткізді. Кеште фельдшер үшеуміз күбір-күбір сәулесіп ап, ертеңіне жұмысқа Жексеновпен бірге мен де шықтым. Фельдшер «сау» деп командаға қоса салды.

Бұл жолы лагерьден бес жүздей адам жұмысқа шығып еді, оның үш жүздейін поезден алпыс километр жердегі басқа бір қалаға апарып, бомбалаган депоның орнын тазалатты.

Құн бұлыңғыр-ды. Біз қалаға жетпей-ақ ұсақ жаңбыр жауды. Жексеновқа «бұғін қаша алмасақ, біржола қою керек!» дедім. Тұнгі аспанды торлап, ерсіл-қарсыл ескен проектордың сәулесіндегі шарқ ұрған ой қашудың жолын іздейді. Бомба депоны тас-талқан қып, орнын ғана қалдырыған. Қабырды ашып, адам сүйегін қопарып тастағандай, депоның астындағы канализация трубалармен батареялары көрден шығып жатқан аяқ-қол сияқты, сорайып жатыр. Кейбір трубалар кісі жұтып қоятындаі, көмекейі үцірейіп тұр... Жерді құрекпен қарудана қазып, батарея көтермекші болып, төмен түстім. Менің не істеп жүргенімді түсінбеген Жексенов сілейіп тұрып қалды. Айтуға шама жоқ, ым қақтым. Ол түкке түсінбей, бақырая қарайды, менің көзім канвойда. Қырық-елу адамды басқарып, депоның ішін тазалатып жүрген жасамыс ашаң нәміс теріс айналып, екінші бұрышқа қарай жүре бергенде, сыр етіп трубаға ендім де кеттім. Менің артымнан іле Жексенов те кірген тәрізді. Труба кең. Еңбектеп жүгіріп келем. Мұндай үлкен трубада газ болуы мүмкін емес. Болса газдан-ақ өлеійі!. Арт жағыма құлақ салам, айғай-шу мылтық даусы естілмей ме? Білсе ит жібереді. Онда не істейміз? Қолда дым жоқ!

Пәрменіммен тоңқалаңдап жүгіріп келем. Бірде труба бұрылып кеткенде, мен басыммен тіреле құлайым, өкшелес келе жатқан Жексенов те тұмсығымен сүзе құлайды. Сағат төрттің мөлшерінде қаштық. Бесте жұмыс біtedі. Сол бір сағатта осы трубадан шықпасақ із кесуі де мүмкін... Трубаның ішіне көз де үйрене бастады. Бедім талып, саңым сыздал шаршауға айналдым. Жексеновте үн жоқ,

әйтеүір соңымнан қалмайды. Жолы болып, тұзақтан құтылып «жұмаққа», бостандық өмірдің шетіне шіркін іліксек... Ай ол ауыл алыс қой!

Труба таусылатын емес. «Тұзаққа» апаратын нағызың өзі болып, сайтан жетектеп келе мес?.. Тоқтап Жексеновке сыйырладым:

— Сен байқайсың ба, осы труба ылдилап, төмен кетіп бара жатқан сияқты? Тегі «тамық» жердің жеті қабат астында деуші еді. Содан бір-ақ шығып жүрмесек?

Жексенов қолымен мені түйіп қалды.

— Тек! Періште илаһи деп жүрмесін!— Екеуіміз қарандырағыда трубаның ішінде селкілден, дыбыссыз күлеміз. Е, әсесовец ұстап алса, түрменің экесін сонда көрерсің. Ит қараңғыда трубаның ішімен қуалар ма екен? Ит болмаса әсесовец жалғыз қумайды. Жаны ардақты емес пе.

— Ит қыып жетсе қайтеміз?— деді. Жексеновты да сол ой бимаза қып отыр екен.

— Қылғындыр тамақтан.

— Мылтығы бар әсесовецті қайда қоясың?

— Ия... Ең болмаса қолда таяқ та жоқ, бастан согатын!.. Айда, жүр!— дедім де тағы да еңбектеп ала жүгірдім...

Жол ұзады. Бұл труба осылай айналып отырып, Маутхаузеннең шығып жүрмесін деген күдік кеңілімдө жер серігіндегі жылт етіп, жоқ болады. «Көрдің бе, жоқ елес пе?» деп аңырайып тұрған ел қазағы сияқты мен де ол күдікке сенбеймін. Канализация трубасы қаланың шетіндегі сайға құйса, не ағып жатқан судың түбінен шықса қайтеміз? Бұл дәрменсіздіктен туған үрей!.. Егер канализацияның о басында итпен әсесовец тосып тұрса. Мана оп-опай неге қоя берді дейсің? Ең құрганда қолға бір келдек темір ілінбейді-ау? Енді ұстаса итке талатып өлтіреді. Жазаның қынын сол... Жол ұзай берді... Тұні де, күні де жоқ, шексіз қара тұнек өмір, тірідей көрге тұсу деген осы! Көріп тұрып әдейі қоя бергені, мейлі, өздері де тұншығып өлеңді, қайта бәрі неге түспейді деп те тілеген болар. Әуел баста алдыартымын мендер, неге ой жүгіртпедім? Көзді жұмып күмп беріп қойдым да кеттім. Ия, ит талап өлгенеше газдан тұншығып өлгенім жеңіл!

Сол бір сәт, осыдан екі күн бұрын көрген бір сұмдық оқиға көз алдыма елестеп, тәбе шашым тік тұрды: он бесінші блокта жас орыс жігіті соғыстан бұрын циркте арқан үстінде жүріп үйренген екен, пештің мойны арқылы

қашпақ боп, бірер кірпішін алғып, жоғары өрмелеп, үйдің шатырына шығады. Вышкада тұрган қарауыл жақын, тұнде секіріп, соның үстіне түсіп, мылтық, киімін тартып алғып әрі өтпек. Бірақ үлгере алмайды — таңтеренгі санаққа ілінеді. Іздесе, біреуі жоқ. Кім жетіспейді? Итті алғып барып, ізіне салып жібереді, овчарка қыңсылаپ, пешті тырналайды. Ішіне үңіледі. Шатырға шықса, мұржаның түбінде тығылып отыр. Бүкіл лагеръдегі тұтқындарды сапқа тұргышып қойып, бәріміздің көзімізше әлгі жігітті итке талатып өлтірді. Эй, азамат екен, «ең» демеді, қайта дауыстап: «Жасасын Отаным! Жолдастар, мойымай қашыңдар!» деп өснет айтып кеткен-ді.

Бір мезгілде трубаға саңылау түсті... Іле жарық көрінді. Сүйінші, Жексенов! Алақай, жарық дүние! Мысықтай басып жақын барып сығаласам, айдала, тұн, жауын құйып тұр. Тап маңдай алдымызда бірдеме қарайады. Қаланың екінші жағынан шығып жүрмейік.

— Тогай! — деді көзі жіті Жексенов.

— Құдай берді! Сен тырап етпе, мен байқайын! — деңім де етпеп жан-жағыма көз салдым. Не бір дыбыс білініп, не бір қара көрінсейші — айнала жым-жырт, жаңбырға малынып тұнып тұр. Серігімнің жеңінен тартып қап, тогайға қарай зырладым. Жаңбыр құс қанатында сабалайды. Шалшық су, мидай езіліп жатқан жер... Тогай қуысына жабыса салынған ағаш үй. Үй жанында жұқа тақтайдан салынған үйшік — омарта. Ара ұясы. Жексенов жетіп барып, араның ұясына қолды сұғып жіберді. Арасын «үры кірді» дегендей атой беріп, ызылдан соғыс салды. «Қой!» дегенге қоятын Жексенов бар ма? Екі-үш уяны жұлып ап, тұра қашты. Арасын қуып берді. Талап келеді. Бірақ жауыннан қорқады екен, біраз жер еріп барып, қалып қойды. Аяғымыз шылп-шылп етіп, тогай ішін жаңғыртады. Бұл ыдырай бастады. Таңдықтай жұқа бұлттан түскен айдың күміс сәулесі біздің алдымыздан жол сілтегендей. Жалма-жан Жексенов араның ұясын бұлаққа сап, араның балаларын суға ағызды да біреуін менің қолыма үстата берді.

— Же!

Аш адам, оның үстіне өзі бал, қарағам жоқ. Шетінен тістелей омырып ап, шайнап-шайнап тастай бердім. Ара түгелдей түспесе керек, аузымда бырт-бырт етеді. Шайнамайын десем бал тәтті, шайнайын десем ернімді, тілімді шағып, күптей қып ісіріп жіберді. Қанаған да секілді.

Тәтті мен ашы тайласып, күш сایысқандай. Азумен де аямай басам, ара да жандармен аямай тызылдата шағады.

— О, Жексенов, қайдан таптың, жолың болғыр! — дейім іштей, айтуға шамам жоқ, бержағымнан қекейімді бал тессе, тіл құрғыр қолақпандай және иілмейді... Дегенмен бал нәр болды, әл берді. Сол бетпен қалың орманды қақ жарып жүре бердік. Үсті-басымыз су, көйлек етке жабысқан. Ағаш-ағаштың арасымен әлі де болса, арт жаққа жалтақтай қарап, жүгіре басып біз келеміз. Судан ит із кесе алмайды. Оны білем. Сөйтсе де, сақтық, түн өрінде жол үту... таң ата бұтақты жалпақ еменнің сәясина кеп паналадық. Жауын да саябырлай бастады. Біз көйлекті шешіп, сыйып, тобарсытып алғанша, жауын да басылды. Ендігі уайым — су өтіп, ауырып қалмау... Екеуміз тогай ішінде күш сынасқандай күресіп, дene қыздырдық...

Күн шықты. Ағаш түбіне кеп, киім кептіріп, балдың қалғанын сордық. Аздал күш жинап ап, тағы жүрдік... Қалың орман таусылар емес. Оның таусылмағанына бір жағынан қуанамыз да: көзге түссе-ақ ұстайды. Киіміміз: «мен қашқын!» деп қол бұлғап, өзі шақырып түр.

— Қалайда киім тауып кию керек! — дедім Жексеновке. Ол жайдары, қүшікеш жігіт.

— Налымаңыз, тұзақтан шықтық, ендігісін маған жүктеңіз, табам! — деп өз күшіне сенген кісідей нанымды айтады, дауысында ылғал жоқ. Сондықтан да ол маған демеу сияқты, бәлкім... кім біледі, орыстар айтқандай шайтан кіммен әзілдемейді. Рас, сол сапарда «әзілдеген» де рас. Кешке таман күн сұтып, дірілдеп тоқази бастадық. Ұзақ күнгі жүріс, аштық қалжыратқан сияқты. Жексенов бірде озып, бірде менен кейін қалып, аяғын сүйрете басып келе жатқан-ды, ағаш селдіреп, орман шеті көріне бастады. Бір кезде үйілген күпәнә шөпке тап болдық. Оған таяу астылы-үстілі ағаш үй түр. Жексенов екі қолын кейін сермелеп, артындағы маған: «Қал!» деп ым жасады да мысықша басып, кетіп қап, әлден уақытта қайта оралды. Бұдан әрі не істесек те Жексеновтың бүйірігімен үнсіз, жедел істелді. Үйдің архитектурасы баяғы Эльза Мейердікінен ауған жоқ. Жартылай жерден қазылып салынған қойма бар екен, Жексенов эй-түйге қараған жоқ, терезенің шынысын қойып қап сындырды да маған қолынан ұстатьып, ішіне түсті. Аяғымен сипалап столды тауып ап, маған «қоя бергін!» дегендей басын изеді. Мен қолын қоя бердім, ол гүрс етіп құлап түсті. «Ойбай-ай, ұсталды-ау!» деп ішімнен қа-

па жеп, құлағым тігіп тұра қалдым. Тынтырыс. Тіпті жанның қимылы білінбейді. Жексеновтың аяғы тайып, құлап кетсе керек-ті, бір жақсы жері, жараланбаған. Керегін тапқан. Терезеден түскен сәулемен қап тауып ап, соған шошқаның майын, нан, консерв, картошка, құріш, керек десең шарап та салып, лықылдата толтырып, бір қап тамақты маған әперді. «Есі аудықсан ба, қалай алыш жүреді?» деп іштей ызам қайнайды. Айтуға дәрмен жоқ. Осы бір сәтте семсер пыщақты қөлденең тістеген, келбеті нарттай, терезеден қарғып шыға келді. Қапқа тамақты салып жатып, бір бөтелкенің тығынын қағып жіберіп, жұтып та алса керек.

— Асеке, ренжіме, қапты өзім көтерем! — деп құтыңқұтың етеді. Жексеновтың мұнысы ақыл екен, сол түні күпәнә шөптің қасына барып, жақсылап ауқаттанып, бірер бөтелке шарапты ішіп ап, күпәнаның төбесіне шығып, арасын қуыстап, үйқыға бастық. Эбден шаршаған адам сол күні кешінде бір-ақ ояндық. Шошқаның майы мен ианды соғып ап, жұрт «үйқтады-ау» дегенде ақырын түсіп сол бетімізben тағы тарттық...

Бақыт деген өмірдің жүйрік тұлпары. Кейде бақыт асау аттай ағызып келе жатып, үркеді де жалт беріп, арқасынан тастап жүре береді, кейде өмірдің терең суына: «әні баттым, міне баттым!» деп екі құлағы ғана қалтиып бара жатқанда жүзімпаз аттай малтып алыш та шығады. Сол жолы біз судың түбіне кетіп бара жатқанда, бақыттұлпар бізді аман-есен жарқабаққа алыш шықты. Біз адасып, орманды шарлап жүріп, Чехословакияның шекарасынан өтіп кетіппіз. Чехословакияда әрбір шаруа совет солдатын өзінің досы көреді. Қайырымды бір шаруа бізді бір ай асырап, тоғындырып, киіндіріп, елге қарай шығарып салды...

Аржағын жазудың қажеті жоқ, кейін бір оралармын. Ол өзі бір кітап. Аман-есен елге жеткен соң, азап та, қорлық та бір сағатта ұмытылды. Сол жазда елде болдым. Кішкентай жетім Дәмешті бауырыма басып, көзімнің жасын парлатып, қайта-қайта сүйдім. Тек осы күнге дейін бар арманым — Пахритдин жайында ешбір дерегім жоқ...»

Осы бір түні таң ата бір-ақ үйқтадым... Гүсте тағы бір рет қарап шығып, конвертке салдым да, Айшаға беріп жібердім. Оқысын!

VIII

Қайырдың облыстық мәжілістен оралғаны сол еді. Совнархоз бастығы тағы да телефон соғып: «Ертең Москваға үшамыз, совнархоз бастықтары мен қара металлургия завод директорларының мәжілісі болады. Дайындал» деді. Көптен Москваға бара алмай сағынып жүрген Қайыр, қуанып орнында отыра алмады. Ісі түсіп келген кісілерді Мусинге жіберді де, өзі керекті қағаз-документтерін ыңғайлады. Ол мәжіліс — өндірісте автоматиканы көбірек қолданып, техниканы шеберлендіру мәселесін қарайды екен, сол жайындағы тұрлі ой-пікірлерін, жобаларын жинақтап ала жүргуге тұра келді.

Қайыр Платон Сидоровичтің орынбасарын шақырып ап: «Техниканы жақартуда заводта не істеліп, не қойды, соны дайындал бер!» деді де өзі машинаға мініп Дәмештің пәтеріне барды. Ағасы келгелі оңаша бір сөйлесе алмай жүр. Күнде оқтанады, сәті түспейді — не мәжіліс, не тығыз іс киіп кетеді.

Аралары күн санап алыстай бастады.

Қайыр дәл жатарда, ертең бармақшы бол уәде береді де, таң атып кеңсе табалдырығын аттасымен-ақ ұмытады. Уақыты ұзақ күнге жел дірмендей иірле береді де, кештің батқанын сезбей де қалады. Түнде тағы да Дәмеш есіне түсіп, көңілі жабырқап, жалғызысырайды. Қайыр кейде өзіне «жігерсіз, жасықпын» деп налиды да. Сүйген қызына сезін жеткізіп айта алмауы, жүргегін ұйытып, өзіне қаратса алмауы — намыс. Бір есептен Москвадағы Верага үйленіп тәкаббар Дәмешті тотитып кетсе?.. Дәмеш оған қуанбаса, екпелемес; сезін беріп, тостырып жүрген қалыңдығы емес; баяғы бір қоюы қашқан достық қайтып қиуласуы екіталаі. Оған шеберлігі жетпеген Қайырдың өзі кінәлі емес пе?

Дөңгелек столдың үстіне ені кере құлаш ақ қағазды жайып сап, Дәмеш еңкейіп сыйып жатыр екен, Қайырдың көз қыбызы шалып қалды, ол — шет-жағын жиып, денесімен қалқалап, көрсетпей екінші бөлмеге алып барды.

— Ия, сізде біз сияқты пендені іздеп келеді екесіз? — Бұрын «сіз» демейтін қыз кекетіп, жыландай оралып алақанына түскен ұзын бұрымының ұшымен ойнады.

Міне ыңғай осы — тіл табысып, жылы жүзбен оңаша сырласуға келтірмейді: кейде кекеп-мұқап маңына дарытпайды, кейде нәзік те сыпайы майда жан, егіле беріліп,

құмарды арттыра түседі, бірак, о кезде қыз оңаша болмайды, қасында біреу тұрады.

Қызың мөлдіреген бота көзі, күлімсіреген жұқа ері, бірсеке дөғадай иіліп, бірсеке құс қанатында жазылған қою қара қасы — бәріде сүйкімді де әдемі. Қайыр аймалап, сүйе берсе, сүйе берсе... таң атқанша, ертеңінде... жыл... жүз жылдай сол ләззат мерзімі созыла берсе... О, дүниелі!

Дәмештің «Ал, сейле! Неге келдің?..» деген сөзі ойға шомған Қайырдың санасынан орын тебе алмай, ұсына кіре алмаған құстай, шыр айналды. Ия, Дәмеш ақсия күледі — тістері қандай ұсақ, кіршікіз таза, аппақ меруерттей. Неге күледі? Ажуалай ма?.. Жанын неге қажайды?

— Дәмеш, мен ертең Москвага ұшам... тапсыратының бар ма? — Қайыр енді пианиноның пернесін бір саусағымен басып, лә-лә... до-до дегізіп, қырындаپ тұрган қызға жақын барып, қолын ұстады. Ол «қайтесің, әурелеп!» дегендей, қолын жылжытып, тартып әкетті.

— Мен сенің жақын жүргеніңен қорқам!..

— Қорқам!.. Мен дос бол жүріп қастық ойлайтын зұлым деп пе едің?

— Эйтпесе, менің проектімді «агаң» екеуің ақыры қой болды ғып шығарап ма едің... «Дәмешке мениң ешбір қастығым жоқ» деп қолыңды кеуденде қойғанда сондай-сың... Есіктен аттай беріп...

— Аржагын айта көрме, Дәмеш, жалынам!.. Но, мен сенен ондай сөз естуге келгенім жоқ.

— Э, солай ма? Шындық бет жыртады...

— Өзің білесің Платон Сидорович науқас. Москвадан қайтқанша жазылар да, дайын қылар!.. Қебіне шыдағанда, азына сабыр ет!.. Тапсыратының жоқ болса, онда мен кеттім, асығыспын!..

Қайыр қоштасты да машинасына мініп кете барды.

* * *

Қайырдың артынан ұзақ қарап ойға шомған Дәмеш өзінің жүргегінде оған деген орын жоқ екенін бірінші рет аңғарды: бірде сөніп, бірде тұтанған махаббат отын қызмет бабы біржола өшірсе керек-ті. Жүректе тек жолдасқа деген сезім байқалады.

Қайыр қандай сымбатты, сабырлы, өткір жігіт. Осында жүрген инженерлердің бәрінен де анағұрлым жоғары.

Ал енді тосып жүрген жоқ па? Үндемейсің гой, Дәмеш?

Шоқ-шоқ, саған сол керек! Отты жаға білмеген өрт кетірер. Қайырың жүргегіне маздатып махаббат отын жағып қойып, енді су ала жүгіріп, сөндірсем дейді. Бұл қай кекесінің!

Ал, Дәмеш ойлағандай: өзі сымбатты да әсем, батыл да шешен болса, онда қыз неге оны сүймейді? «Махаббат дең үйленгесін де оралады» деген кім еді?

Дәмештің тиуі кәдік. Бірақ ондай күн болса, Ақмарал шешеймен отасып тұру да екі есе қыынға түсер. Дәмеш іштей азғырған бір әзәзіл дауысқа жауап қайырып, айтысын тұра берді...

* * *

Осы бір күндері завод өмірінде қатарласа тартылған екі желі: адал ниет пен игілікті іс, қаңқу сөз бен дау-жанжал, бірімен бірі жалғаса шегіне жеткендей. Оның сол бір түйінге жеткенін Дәмеш соңғы бір-екі оқиғадан анық аңғарды.

Бұрын партбюро хатшысы Серегин мен бас инженер Мусин қабақпен атысып, астарлы мысқыл сөзбен қағысып қап ішара дүрдеараз бол жүруші еді, соңғы күндері айтысқа екеуі де ашық шешініп шықты. Бұлардың қырғи қабақ болуына бас себеп Дәмеш пен Ораз. Бас инженер Дәмешті қудалай бастаған шақта оның көзіне Ораз ілікті. Әлгі орыс мақалы: ағаш кессе жаңқа үшады демей ме, сол сияқты Дәмеш ушін Ораз күйді. Ыңғайина кеп қалған жерде екеуін де тұқыртып, мәжіліс-жинальстарда басқа бригада, инженерлердің атын атап, соларды алға ұстады. Бұрын көзге түсіп, ауызға ілініп қалған Оразға бұл қылық онша үнай қойған жоқ, үйтседе, ол мән бермеуге тырысты, бірақ бас инженердің бұл мінезін ұғынған Серегин ауыздықтап тежеп, қолдан қаға берді. Ұзақ жылдар заводты билеп төстеп алған Мұсілім оқайлықпен көне қоя ма, шамданып. Серегинді тобықтан қағып, бетін қайтаруға әрекет жасады. Тегі Серегиннің күшін Мұсілім еске алмағанға ұқсайды. Әйтпесе, ол кісі мұндай ашық айтысқа бармаушы еді. Ол: «Қайыр жас директор, тәжірибесі шамалы, өзінен аса алмайды, жәнеде қалалық партия комитетінің хатшысы Базаровтың дос екенін Серегин тағы біледі, қайда барады» деп жобалаған сияқты. Жуырда Серегин мен Базаров сөзге кеп қалғанын Дәмеш шет жағасын Серегиннің достарынан естіен-ді. Соған қарағанда, Мұсекең олардың арасына от тастаған ба деп қалды Дәмеш.

Хатшы да адам баласы, күнде барып: «Серегин — дау-кес, Серегин — мылжың, Серегин — жалқау!» деп жаман-дай берсе, ойлануы да мүмкін.

Осылай екі жақ қызып, қызыл шеке боп тұрғанда, Ораз отқа май құйды.

«Коммунистік еңбек бригадасының атағын» кімге бе-реміз» деп завком ақырғы қортынды жасауға келгенде, Ораз Құрышпаев: «Коммунистік еңбек бригадасының ата-ғын беруді мен өзіме лайық деп таптаймын, қарсымын! Тізімнен менің атымды алып тастаңдар» деп, өшірткізеді. Жұрт аң-таң. Ғұсінбейді. Ол мәжілісте Серегин болмаса керек-ті, қатынасып отырған бас инженер мәжілісті тас-тап, Базаровқа жетіп барады: «Біздің елдің тарихында болмаған оқиға!.. Сүмдәк. Коммунистік еңбек бригадасы-ның атағына қарсы шығу... Саяси іс... Серегин тәлім-тәр-бие жүргізбейді, соның салдары...» дейді.

Әнеугі Серегиннің аңы сөзін есіне тұтқан Базаров жалма-жан кезексіз було шақырып, есеп айырысады: «Серегин дандайсып, кім екенін өзінің ұмытты, әйтпесе, қалалық партия комитетінің хатшысына кеп, мін тағып, сын айта ма!.. Айт, сына, бірақ өз ісің оқып, жұртшылық алдында баға алыш тұрсын!..»

Ағаш аяғын сүйретіп Серегин де келеді. Бюroда оқиға-ның қалай болғанын Мусин түсіндіреді: «Герой, депу-тат, коммунист, ертеңгі коммунизмнің адамы: іс-міс жоқ, коммунистік еңбек бригадасының атағын алмаймын деп отказ берді... Мұның атын саяси соқырлық дейміз бе, жоқ... Құрышпаев жыл басынан нашар істеп келді, соған қарамастан жолдас Серегиннің ұсынысы бойынша тықпала-лаш едік, ақыры: «маған керегі жоқ!» деп масқара қылды. Кінәлі партбюро хатшысы — Серегин! Дандастықтан да, саяси соқырғып өсірген де сол!» деп ол сөзді бітіреді. Іле Базаров сөйлеп, Серегинді армансыз сілкілейді: «Дауке... дирекциямен тіл табыса алмаған, тәлім-тәрбие ісін жүр-гізбеген...» деген түйін жасайды. Басқа було мүшелерінен Серегинді жақтап жылы сөз айтушылар да табылады.

Олардың сөзінен нәр алғандай Серегин бұғып қалмай, бас инженерді қоса қабаттап, Базаровты біраң сынға ала-ды. Дәл әнеугі бет пе бет айтқандай болмаса да, соған та-яу түйрәйді.

— Шақырыңыз, Құрышпаевты! Сұрайық, неге олай дейді екен? Мүмкін, басқадай ойы болар? — дейді ол.

Сменасын бітіріп, душтан жаңа гана шығып тұрған

Оразды бюроға алып келеді. Ораз аспай-саспай, байыпты мінезбен өзінің пікірін сртага салады:

— Мен менсінбей отказ беріп отырғам жоқ, қайта, сол құрметті, қадірлі атқа ие болуды өзімек көспінем, бригадам әлі мұндай дәрежеге жеткен жоқ. «Коммунистік еңбек» дегенді, мен өзімше үғам... Ол — еңбек қадіріне түсінген еңбек сүйгіш адам, еңбектің жаңа бір әдісін тауып, өз бойына соны қасиет қып сіңдіре білген адам. Менде, менің бригадамда әлі ондай қасиет жоқ. Сондықтан мен өзімді олқысынды! — дейді.

— Сен, әлде герой деген атақты да өзіңе көспініп, «зорлап берді» дерсің? — деп Мусин кекейді.

— Рас, көспінем!... — дейді Ораз.

— Әне, естідің бе, Василий Федорович? — деп күйіппіскен бас инженер Оразды иегімен нұсқайды.

— Серегиннің тәрбиесі ғой! — дейді Базаров.

— Менімше, геройдың осы сөзінде өрескелдік жоқ. Тауып айтылған! — деп Серегин ой тастайды.

— Ҳа-ха!.. «Тауып айтылған?» — Бас инженер қарқылдай күледі.

— Сіз өзіңізді азырақ басып үстаңыз! — деп екінші хатшы Мусинде сөгіп тастайды, — бюroда отырсыз ғой...

— Жоқ, жолдас Серегин, сен мақұлдасаң да біз бұл пікірді саяси дүрыс деуге аузымыз бармайды!.. Құрышпаевтың алмаймын деуі хате!.. Завод әлеуметі саған сеніп, ұсынса, бүйректен сирақ шығару саяси соқырлық! — дейді Базаров.

Құрышпаевтың цехқа қайырып жіберіп, енді түйіндеуге келгенде, Мусин тұрып: «Құрышпаевтың семья мәселесі де онша оңып тұрған көрінбейді, жұбайын тастап, айырылып кетсе керек-ті!» дейді...

— Анықтау керек, ол — өсек болар! — дейді Серегин.

Сонымен геройдың оғаш мінезін талқылауды заводтың партбюросына тапсырады да, Серегинге көшеді: — «Салақ, саяси басшылық ете алмаған, бұл қалпында хатшығы қалдыруға болмайды» деп Базаров ұсыныс енгізеді... Бұған екінші мен үшінші хатшылар қарсы шығады. Айтис күшейді, тұн ортасы ауа көпшілік боп, Серегинді арашалап алып қалады, бірақ: «Аз күнде саяси-тәрбие ісін завода жоғары сатыға көтере алмасаң, өкпелеме!» деп ескереді...

Соның ертеңінде Серегин Оразды бригадасымен Дәмешті қоса, партбюроға шақырып алады. Дәмеш соның

алдында ғана Ораз оқиғасының шет-жағасын естіп, өзі де Серегинге кеп ақылдаспақшы бол отырған-ды.

Ораз, Геннадий, Иппонентий, Қуан төртеуі, тентектік жасап қолға түскен баладай, салы суға кетіп, томсырайып отыр, біріне-бірі қарамайды, ызалы.

— Кәне, одашада бізге айтшы, Құрышпаев, неге бардың завкомға? — деді Серегин Дәмеш келіп отырған соң.

— Айттым ғой, кеше! Сол менің шын сөзім! Екі сөйлеу дегенді білмейім! — деді Ораз қымсынып, осындай шу көтерілгеніне өзі де ырза емес секілді. — Менімше, осы отырған жігіттер де қарсы болмас дейім, ондай жақсы атқа ие болу әркімнің арманы, бірақ, адамның ең әділ төрешісі, таразысы, ол — ар!.. Ар недейді: «ал дей ме?» соған құлақ тұру керек, кейде адамды намыс женеді: «басқадан қаламыз ба? Алайық!» дер, итерер, өйдегенмен, ар әрқашанда жақсылыққа итеретін сияқты... Мен «герой деген атақты алсам да, осы күнге дейін өзіме-өзім риза емеспін... Герой деген атақты әлі ақтағам жоқ. Біз жақсылап еңбектеніп көрейік. Содан соң ол атақ бізден қашпас!.. Осыдан бір жұма бұрын бригада айдың аяғында 100 процентке әрең жеткізді, сонда бірінші айғай сап: «Құрышпаевтың бригадасына бермеңдер, Тухфатуллин алсын!» деген сол бас инженердің өзі емес пе?.. Эйтеуір түсінбейім: сол атақты қалайда беріп құтылу ма, жоқ алдыңғы қатардағы озат еңбек бригадирлерінің іс тәжірибесін үлгі қып тарту ма? Мақсат не?

— Олар сені осылай ұғып отыр ма? — деді Серегин.

— Ұқпаса мен ертең «Правдаға» жазам! — деді Ораз ашынып.

— Жоқ, сенің барып айтуың хате!.. Нең бар еді, — деді ашулы Қуан.

— Эй, дос, байқап сөйле, ол менің азаматтық борышым! Неге айтпайым! — деді Ораз ежірейіп.

— Тсс, жолдастар! — деді Серегин, жастарды басып. — Мұнда бір шындық бар: ол — сенің бригадаң Ораз, көзге түскен бригада. Еңбек өнімін төмендетіп алғандарыңмен, басқадай өнегелі істерің сай келеді: бәрің де сырттан оқу оқисындар, үйірмеге қатынасасындар... Ие, осы айда неше рет киноға бардыңдар?..

— Төрт рет! — деді Геннадий, бір бүйірден.

Серегин жымынып:

— Ба! Түсінікті, тегі сен басқарады екенсің ғой... Сонсын, кешкі университетке нешеуің қатынасасындар!

— Бәріміз де! — деді Кеша.

— Қай факультетінде оқысыңдар?

— Музыка. Әр түрлі аспапта! — деді Қуан.

— Көрдің бе?.. Тәртіп-тәрбиелерің жаман емес. Сондықтан да, дауласып отырып, тізімге кіргіздірген де, атақты осыларға беру керек деп қарысқан да мен едім... — Бұл мениң қатем! — деді мұңайып Серегин.

— Хате?.. Кеше бюорода отказ бергені не деп жазғыран жоқ па? — Дәмеш Серегинді аяйды: жақсы ниеті үшін аяйды.

— Мениң қате ұсынсымды бас инженер пайдаланып отыр. Айтпадым дей алмайсың... Айтқандай, сен жұбайыңмен айырылып кетіп пе едің? — деді Серегин көзін қадап. Ораз қысыла-қызызып, не дерін білмей, сасқанынан Геннадий қарады. Ол — бүйра шашын саусағымен сүзіп етіп:

— Тастаған жоқ! Кім айтты сондай өсекті? Жұбайымен аздаш шәлкес сөзге келіп қалған-ды, соны әрі ушықтырма, демалыс үйіне барып жата тұр, Ажардың ашуы біржола тарасын деп, кеңес берген мен едім, — деді ол ара түсіп.

Дәмеш ұялып тәмен қарады. Ол жанжалға себеп — Дәмеш. Дәмеш келді, Ораз үйінің берекесі кетіп, Ажардың құты қашты... Иә, жақсы қадам емес. Ойлану керек!

— Ораз бұл жайында мен де ойлап көрдім. Сенде хате жоқ! Жүргіңкің әмірін орындаң, адалдығынды білдірдің! Задында айтуың дұрыс!.. Қояр саған кінәм жоқ. Қате менікі, мейлі мені-ақ жазаласын!

— Жоқ, ол қалай?.. — деп келе жатыр еді Геннадий, Ораз киіп кетті.

— Онда сізді емес, мені кінәласын, қараңыз бюорода!

— Жоқ! — деді Серегин қатал..

Дәмеш асығыс үйіне кеп жеңін сыйбанып жіберіп, тамақ пісірді. Ол жалғыз өзі болса, асқанадан ішіп жүре берер еді, жолдан келген Асқар бар, асыл тамақ ішкізіп, қондандыру керек. Эне, үстінде қекала пижам, терезе алдында кітап оқып отыр, көзілдірігінің үстінен Дәмешке түқырая қарап қояды, ондағысы: «Кешіктің ғой, жайша ма?.. Өңің де қашқан?» деп сезіктенгені. Жарайды, кейін қолы босағанда айттар, дәл қазір ас пісіруі керек, смена жақын.

Дәмеш мұздатқышты ашып, ішінен тауықтың етін алдып, тазалап, кесіп-кесіп кастрюлге салды...

— Дәмешжан, Айшаны көрдің бе, әнеугіден кейін?— деді Асқар кітабын жауып, тізесіне қойып.

— Кеше сіз ол кісіні іздеп, үйіне бардыңыз ба?

— Барды... Неге сұрадың?— Асқардың жүзін көлеңке басып, жабырқай қалды.

— Сіз енді ол кісіге бармаңыз!

— Неге?.. Келмесін деді ме?

— Жоқ, бұл менің өзімнің ойым. Мұсекеңе тиіспей, аулақ жүреік дегенім. Мінезі қыын адам ғой...

— Жоқ, Дәмеш, оған мен көнбейім. Откенді айту Айшага менің мойнымдағы борышым!

— Қайдам... Бала-шағалы, семья... Дұрыс ұқса...

— Айша ұғады!

Ағасының бетін байқаган соң «неге барма!» дейді, Дәмеш соның себебін айтты: кешеден бергі жанжалды, Ораздың адап-ақ пікірін Мұсілімнің бұрмалап, қисық түсінгенін тегіс жеткізді.

Асқар басын шайқап:

— Эне, бұның әлі де тәубесі есіне түспеген... Байқа, балам... Зақым келтіріп жүрмесін!— деді.

— Мениң «барма!» деп отырғаным сол емес пе!

— Жоқ, бір есептен — бару да, айту да керек!. Бұл әлі уыты қайтпаған, іштей тынып: «әй, тағы да бір сондай айғай-шудың кезеңі туар ма еді, шіркін!» деп кіжініп жүрген кісі... Сондықтан...

Дәмеш заводқа келді. Кішкентай томпиган паровоз пысылдалп, бірнеше вагонды ыргалта тартып, шихта ауласынан шыға жөнелді. Цехтің екінші жақ қапталында үзіліс кезінде бір топ құрыш-қорытушы домино ойнап отыр еді, паровоз әйнегінен асылып тұрған машинист айғай салды:

— Ей, Теке, мә-ә!— деп бір қолының бармағымен мұрның тыжырып, екінші қолынан саусақтарын оған жалғастыра құмылдатып келемеж қылды.

— Ух!— деді оған, селдір жирен мұрт, жауырынды Тұхфатуллин. Дәмеш оны мұртынан таниды, тарақанының мұрты тәрізді. Соңғы кезде Тұхфатуллиннің бригадасы озат шығып завод төңрегіне мақталып, жиі атала бастады. Эне, «құрмет тақтасының» қақ ортасында ілуі тұрған осы Тұхфатуллин. Бұрын ол араға Ораздың суретін іліп

қойған еді. Оны алып тастаған кім екен? Мусин де, басқа кім дейсің... Біреудің сүрінгенін аңдып жүретін адам ғой!

— Дәмеш Сахиевна сәлем!— деп Тұхфатуллин өтіп бара жатқан Дәмешке екілене сәлем берді.

Дәмеш басын изеп, құлімдеп: «сәлем-сәлем!» деп ете шықты .Тұхфатуллин мұртын тағы да бір ширатып, қызыға қарап, қала берді.

Дәмештің толқыған ішкі сырына, пеш отының лебі қосылып, маңдайынан тер шығарды.. Пеш механизмін өлшеп, бақылайтын аспаптар кабинасына кірді де, терезе алдындағы шөлмекті ашып, бір стакан тұзды суды жұтып салды. Түу, қандай рахат! Құрыш қорытушылардың қорегі осы шығар... Кен төгетін машина үзын піл тұмсығымен астаяу сияқты мульдені тістеп ап, пештің ішіне кенді төңкере салады. Тұтін аралас жалын күйе будақтап пеш аузынан сыртқа шашышиды. Пеш аузында отпен алпарысқан Ораз тұтінге оранып Дәмештің көзінен ғайып болды.

Дәмеш құрыш ағызатын алаңға келіп, қанаудың, қалыптардың тазалығын, дайындығын байқап, қара қазаның қасына барса, Құміспек құрыш ағызушылармен әңгімелесіп тұр екен.

— Құміске, қалай қазан дайын ба?— Дәмеш те бөгелмей жүре сөйледі.

— Дайын-дайын!— деп ол ыржыып басын изеді де, қасындағы жігітпен сөзін үзбей әңгімелесе берді. Дәмеш Құміспекке сенеді, ұзақ жылдар құрыш құйып жүрген ес-кі мастердің, шебердің бірі: «науа тәрізді жолобтан сарқырап қазанға құрыш аққанда, биік жартастан аққан судың сұлдырын естімін!» деп құлдіретін, жайдары, ақ жарқын жігіт те осы Құміспек. Құміспекке сенген беті Дәмеш қайтып қара қазанды қарап, тексермеді, дәл құрыш ағызатын кезде бір-ақ барды.

Киіз үйдегі дәу қазанды сырғанатып әкеп, араның ұясы тәрізді жыбырлап тұрган қалыптардың үстіне қондырды...

— Құрыш қазанда неше минут тұр?— Дәмеш сағатына қарады. Мастер:

— Он бес минут өтті,— деді.

— Аш, шүмектің тығынын, жетеді! Көп тұрып қалса оттегі мен көміртегі қосылып, құрышты қазанда тағы та кайнататынын білесің бе?

— Е, әны білмесе, құрыш ағызудың мастері боп не керек!— деп ол күді

Бірақ тығын ашылмады. Дәмеш қолындағы сағатқа қарап уақыт санайды. Элгінде, он бес минут өтті дегенді... Он жеті... Он сегіз... Жиырмал.. Құрыш ағызушылар стопордың ашылмауын бірінен-бірі көріп, шулай бастады.

Дәмеш ой жүгіртіп, ашылмау себебін іздеді: қазан түбіндегі шұмекті құрышқа ерімейтін шамоттан жасалған стакандын тығындаған қояды. Стаканды сырғықтай ұзын темірдің басына күйдіріп, пісірген. Ол темірді — стопор деп атайды. Стопордың шынжыр таққан ұшынан тартса, стопор бері тартылып ашылады да, қазан түбіндегі тесіктен құрыш ағады. Ал қазір стакан шұмекке жабысып қап, тесік ашылмай түр... Басқа себеп жоқ!.. Енді қайту керек? Стаканды оттегімен күйдіріп, шұмекті ашуға тұра келеді. Жалма-жан Дәмеш сағатына қарады. Манадан бері жиырма минут өткен. Қап, кеш қалды-ау. Қазір... құрыш қайнайды.

— Оттегімен күйдіріндер стаканды! Тезірек қымылданцдар! — Дәмеш біресе сағатқа, біресе қазанға қарайды. Құлағын тігеді. Қазан іші қайнаган құрттай сарқ-сұрқ етіп, дыбыс бере бастады. Дәмештің қаны да құрышпен бірге қайнап, маңдайынан тер шықты. Стаканды күйдіріп, тескенше, құрыш сақылдап қайнап, атқылай бастады. Дәмеш кейін шегініп, құрыш ағызушыларға айғай салды. Енді бас қайғы. Құрыш тамса — денені оқтай тесіп өтеді. Ендігі ақыл-айла кіслерді күйдірмей аман алып қалу! Дәмеш дауысы қаншама ышқына шыққанымен ешкім тыңдайтын емес.

— Кейін кетіңдер!.. Жоламаңдар! — деп тағы да айғай салды. Өңі қашқан, моншақтап тери сорғалаған Құміспек анталаган құрыш ағызушыларды да, құрыш құюшыларды да кеудесінен итеріп, кейін қуады. Гена: «Бір күнгі еңбегім босқа кетті-ау!» деп жұдырығын түйіп, айғайлап боқтап жүр. Қайнап төгілген сүттей құрыш қазан жиегінен сорғалап аға берді, алтын тамшылары атқылап ата берді. Цехтің іші кек түтін иіс-қоңыс. Құрыш қатқасын кескілеп, біржола тазаламаса, әзірге маңайына баруға болмайды. Оған толық бір күн керек. Авария деген осы...

Дәмештің басы айналып, тәлтіректеп құлай бергенде, Ораз кеп, қолтығынан сүйеп тысқа алып шықты...

* * *

Аварияның болғанын бас инженер Құміспектен естіді. Ол күні Мұсілім бұлыңғыр күндей түнеріп өзінің бөлме-

сінде енжар отырған еді, соның алдында, біршеше минут бұрын Айша мен екеуі сөзге кеп қалған. Айша соңғы күндері не жиналысты, не емхананың шұғыл ісін сұлтаурағып үйде отырмайтынды шығарды. Осыған орай Айшаның мінезі де өзегерे бастаған сыйылды: бұрынғыдан емес, ашылып сырласпайды. Кейде жоқты сөз ғып әзілдеп, күліп алатын болушы еді, одан да қалды. Мұсілім бірдене десе тітіркеніп, селсоқ жауап қайырады.

Әрине, бұл Асқардың әсері. Бірақ, ол Мұсілімнің «анау бір» арыздарын айта қойды ма еken? Естісе Айша бұлай жүрмейді — не біржола ат жалын кесіспін айрылышады, не тілдеп бет ашысады... Екінің бірі. Үн-тұн жоқ іштен тынып қоя салатын әйел Айша емес!. Негіп ол айтпады? Жоқ, әлде сыр бермей жүріп, бір-ақ түнде екеуі басқа жаққа қашып кетпек пе еken Жоқ, жоқ. Атама! Ол күн туса, Мұсілімге жер басып жүру қын. Қатын кете берсін-ау, қымбатты қатын емес, «тастап кетті» деген атақ жаман! Мұсілім кейде сезімтал да күйрек... Ит үреді, көш жүреді. Лагеръден келген әлдекімнің сөзі саяси өмірдің «әуе райын» жасаушы ма еді... Мұсілім оған қарсы сөз таратса, қайтеді? Әркімді былғап, баяғыда арыз жазғаның бірі осының өзі еken десе ше?!

Осылай қысылып, сынаптай толқып отырғанда, жайраңдап Айшаның жетіп келмесі бар ма? Сағатына қараса түнгі он екі! Қарақұсынан біреу ұрып жібергендей, көзі карауытып, жүргі қысылып, бойы ауырлап отыра берді. Жаңа гана соның құшағынац айрылып кеп тұрғанын көрмейсің бе? Ерінінде оның аузының дәмі де бар-ау... Yh! Мұсілім ұшқалақ қимылмен атып тұрып, қайта отырды. Жүргегін біреу қос уыстал қысып-қысып жіберген тәрізді, сылқ етіп диванға жантая кетті... Айша тамырын ұстады. Мұсілім қолын тартып ап, ыңыранып:

— Менің өлімім сенен,— деді. Айша селк етіп, қолын тартып алып, «есі дұрыс па?»— дегендегей бетіне үңілді. Өз құлағына сенбеген адамдай, үрейлене:

— Не болды саган? — деді. Мұсілім үндемеді. Айша жалт бұрылып, кете барды. Іле шырылдан телефон безек қақты. Телефонды алмай біраз жатып байқап еді, дәті шыдамады, бас жағындағы түмбөчкада тұрған телефонға қолын созды.

— Ия, не керек?

Аржағынан Құміспек дірілдеген дауыспен: «Мұсеке, цехта авария!.. Құрыш тегіс жерге ағып кетті!»— деп ар-

жағын айта алмады. Мұсілім телефон құлағын ілуғе шамасы келмеген адамдай, тұтқаны үстап жата берді. Телефон «диң-диң: іле сал, іле сал!» дегендей жалына шырылдайды. Оны елеген Мұсілім жоқ — бұл заводқа онша шығын көлтіретін авария емес, қайта... кейбіреулердің мойнын астына көлтіретін... омақатташын авария! Есеп айырысатын кезеңі енді жетті!

Мұсілімнің мысық пен күшік сияқты аңдысып жүрген доссымағы Серегин. Сағатованың ғашық жігіті, дос-жарандары, бейнелей айтқанда: «бір шоқ гүл» енді қайтер екен? Жаңашыл инженер әлде проектісін басқа заводқа беріп іске асырап... Бәлкім Мұсілімнің орнын тартып алар... Хе-хе... Тұні бойы Мұсілім аунақшып, сергек үйқтады — біресе цех... біресе мұләйімсіп, жалынып тұрган Аскар... Таң алдында бір айқын тұс көрді. Темірлі таудың басында тұр. Төменде көл жиегінде тізесінен су кешкен Дәмеш. Қолында мылтық. Қанша көздел атқанымен Мұсілімге бір тігізе алмайды...

Ертесімен киініп жатып, Мұсілім сол түсін жақсыға жорыды: тау — бедел, бақ-дәулет. Қызы — жау, қаншама дауласса да түк шығара алмайды!..

Победасын шақыртып ап, заводқа барды. Жүрісі де ширақ, жүрегі кеше ауырмаган адамдай, сап-саяу. Кең, тік сатымен тезірек көтерілді.

Кабинетінің алдында бір топ адам иіріліп, даурыға сейлесіп тұр екен. Олардың ішінен алдымен көзге ілінген: цех бастығы — сидиган жұқа өнді Эпифанов пен Күміспек. Сағатова көрінбейді.

— Сонда сеніңше инженер жауап бермеуі керек пе? — деді біреуі, бас инженер кімнің дауысы екенін айыра алмай қалды.

— Онда жауап беретін Пушкин! — деді екіншісі.

— Сменаны прием жасағанда көріп-тексеріп алмай ма? — деді бас инженерді көріп қалған Эпифанов. Ол Мұсілім мен Дәмеш арасын сезетін-ді, тегі естісін деп, жағына айтты ма, әлде цех бастығы өзін қорғап тұр ма?..

Мұсілім басын изеп, амандық білдіріп өте шықпақ еді, топ қақ жарылып, қойнын ашқан соң, екпінің басып, қол беріп, сәлем алды:

— Жүріңдер! — Соңынан шұбырта ертіп, кабинетке алып кірді... Стол басына барып жайлана отырды да, көзілдірігін ауыстырып, пенсне киді. Аздан соң басын көтеріп, Эпифановқа қарады:

— Ал, бұл не авария?

— Тұнгі смена, құрышты қалыпқа ағызарда қазан шүмегінің тығыны ашылмай, бүкіл құрыш далаға аққан.

— Смена начальнигі кім еді?

— Инженер Сагатова!

— Ол қайда жүрген?

— О да сонда болған. Құрыш қайнап атқылағанда кім жуиды дейсіз...

— Кім жауапты деп ойлайсың?

— Инженер де!.. Басқа кім дейсің? Сменаны прием жасағанда механизмді күн бұрын көріп-тексеріп алмай ма?.. Мына жігіттер құрыш құю тәжірибесінде мұндай авария бола береді, соған күйдіре берсе инженер қалмас дейді... Мұсілім қолды бір-ақ сілтеді:

— Мәселе механизмде емес! Құрыш пеште жете қорытылмаған, бір қайнауы ішінде кетіп, қазанда тағы қайнанаған. Аварияның себебі осы... Рапортың қайда?

— Элі жазғам жоқ! — деді Эпифанов.

— Қазір түсір!..

Топты соңынан ертіп, цехқа алып барды. Қатып қалған құрышты жаңа ғана кескілеп, алаңды тазалап бітірген екен, бас инженер басын шайқап, «тәртіп жоқ, бақылау жоқ!» деп Эпифановты сөгіп, кабинетіне қайта оралды да Лиданы шақырды.

— Жаз! — деді қолын қалтасына сап, шірене басып. Ліда Ивановна машинканы алдына қойып, айтқанын басты:

«Смена начальнигінің жауапсыздығынан завод соңғы он жылда болмаған аварияға ұшырады. Орасан зиянға қалды... Смена начальнигі Сагатова Дәмеш Сахиевна тәжірибесінің жоқтығынан өз міндетін дұрыс түсініп атқара алмаған, сүйте тұра қызметіне салақ қараған. Бұрынғы сөгісін еске алып, бұдан байлай смена начальнигінің қызметінен босатылсын да, техника кабинетіне бастық бол бекілсін».

— Ауырлау кеткен жоқ па, Мұсілім Сапарович? — деп сөз салып көріп еді Ліда, ол құлді.

— Қызметтен біржола босатып жібермегенге риза болсын! Мұндай аварияны Москванды «Серп-Молоты» бұдан қырық жыл бұрын «при царе — Кесоре» көрген, шырағым! — Мұсілім бүйрығын Лідаға бастырып ап, цех-цехқа талқылауға жіберді де, бір данасын завод қақпасының алдындағы тақтайға ілдірді.

ҰШІНШІ БӨЛІМ

I

Асқар шетелден көлген қонақтай қалалық партия комитетінің алдындағы жазуды тамашалай оқып, күлімсіреп біраз тұрды. Бала жасынан бастап-ақ Асқардың санасына: «Партия комитеті — адал да кіршіксіз таза орын» деген пікірді ағасы мен жеңгесі талай сіңірген-ді.

Асқар қаншама жазықсыз қорлық көріп, бейнет шекседе ана сүтімен бірге емгөн нақыл сөз, тәлім-әдет жамандыққа аяқ бастыромады. «Әділдік осы ма?» деген сұраққа жеме-жемге келгенде, ар-намысы көтеріліс шығарып, осы бір тәрбие Асқар жүргегіне нәр, ойына қуат берген-ді. Сол үміт ақталды! Міне, тағы да сол жастай өскен алтын бесіншінде көліп тұр.

Баспалдақтан бір-екі саты жоғары аттап тағы да тоқтады. Біреуі кіріп, біреуі шығып жатқан жұрт, оған көнділ белген Асқар жоқ. Дәл казір, ең жақсы көретін адамы — Айша кеп: «Жүр, көлде саяхат құрайық» десе де, тіл қатып, назар аударатын халде түгіл... Ұзақ жыл құткені осы бір кезең-ді. «Барсам... партия комитетіне кіріп, шеккен жапаны, көрген әділетсіздікті көз жасымды сорғалата отырып, теп-тегіс айтсам» деп арман еткені қайда? Ендеше, Асқар неге тұр, кірмей? Кіріп барып, тәптіштеп айтпай ма хатшыға? Жоқ, жүректе құса бол қатқан сырын ақтармай, Асқардың тамағынан ас өтпес те, тыныш үйқтап, дем де ала алмас, бұл иығынан басып еңсесін көтертигейтін зіл!

Асқар ширақ қимылмен жоғары екінші қабатқа көтеріліп, бірінші хатшының кабинетіне кіріп барды.

— Хатшы жолдас өзінде ме? — Кексе тартқан ақ сары

әйел Асқарға «қайдан келіп едіңіз?» дегендей таңырқай қарады:

— Мәжіліс етіп жатыр... Сізді шақырып па еді?

— Жоқ. Шақырмаса кіруге болмай ма?

Ақ сары әйел күлімдеп:

— Неге болмасын... Бірақ, күн бұрын келісіп қойса-цыз құтпейсіз ғой дегенім! — деді.

— Олай болса, мені приемға жазыңыз! Фамилиям — Сагатов Асқар, ақталып қайтқан дәрігермін.

Ақсары әйел: «енди түсіндім!» дегендей тағы да басынан-аяғына дейін көзімен бір шолып, алдында жатқан блок-нотқа Асқардың фамилиясын жазып қойды. Асқар қош айтысып шығып кетті. Хатшы қашан қабылдайды деп күтіп отырған бірлі-жарым кіслер де мұның соңынан жатырқай қарады. Кім білсін, олардың не ойлап қалғанын? Элде іштей: «өліп тірілген адамдар қайдан жүр?» деп танырқай ма, жоқ осқырып: «хатшы оған не керек» дей ме? Кім білсін... Аржағынан кіріп келе жатқан кісімен Асқар есік аузында соқтығысып қалды. «Гапу етіңіз!» деп ол кейін шегінгенде Асқар оны анық таныды — Мұсілім! Асқар дірілдеп, тесіреje қарай берді. Не істесем екен? Қойып жіберіп, шықшытын сыйдыrsa... Жә, неғып түр, ұмтылмай ма!

Мұсілім де мұның кім екенін таныды, зып етіп кірді де кетті. Қап... Жоқ, асықпа Асқар! Ол тағы да кездеседі. Және, олай өш алу сенің басыңа лайық па?

Күн бүгін ерекше себелеп нұр құйғандай. Жұрт көше қапталын, киоске қалтарысын, ағаш түбін іздеп, үйездеген жылқыдай, топ-топ боп көлеңкені паналады. Солардың барі де Асқарға қарап, Асқарды сөз қылғандай. Керек десе әне бір аққайың бұтағында шықылықтап отырған қарлығаштың өзі де Асқарды қарсы алғандай. Жалғыз ғана қарлығаш емес, күн нұрына бөленіп көшениң аржақ қапталында шулап бара жатқан, қызыл галстукті бір топ балалардың жүзіне қарашы — гул-гүл жайнап «білеміз-білеміз» дегендей. Асқар күлімсіреп, жан-жағына қуана қарайды — өмір осы! Азап-бейнет өмірдің көркем, ашық бояуын өшіре ала ма? Жаңа ғана «сен бе едің?» деген ызгарлы көз, Асқар жүргегіне оқ атса да, дәл осы күннің шатты сәнін бұза алды ма?

Асқар жеңіл аяңдап, сквердегі газон гүлдеріне көзін суарып келе жатыр...

Айшамен бүгін кеңдеспекші еді, Асқар оны да кейінгіге қалдырыды. Өмірде ең қымбат — тіршілік! Баяғыда қаңғырып жүргенде Асқар өліп қалса, қандай адам екенін кім біледі?..

Ия, Сағатовтың тұқымдары қазақ халқының қайғы-қасіреті, азап-бейнеті, қуаныш-арманымен бірге жасасып келеді: Сағат Жетісудың әйгілі зергері, қолының шеберлігі сондай — Абайдың: «Атымды адам қойған соң қайтіп нағдан болайын!» деген сөзін аттың құрек тісіне ойып жазған деседі. Бүкіл өлкенің қызы-келіншек, сері-сылқым бозбалажігітінің тілін тауып, қуанышына ортақ болған ісмер. Еңбегімен аталып, қыруар елдің сыйымды да қадірлі адамының бірі болған. Оның баласы Жұніс — халық басына туған қайғылы қара күнде топ бастап, еліне бақыт ізделеп, бүкіл Орта Азияны кезген. 16 жылы ұлт-азаттық көтерілісінің туын қолына берік ұстаған. Оның үлкен баласы Сақа — Жетісуда Совет өкіметін орнатысқан, халқына бақыт әке-лүшінің бірі. Өткен күнде есеп жоқ. Кеше ғана жеке адамның басына табынуда құрбандыққа шалынды. Жұністің кіші ұлы Асқар Отан соғысының азап-бейнетін басынан бір кешсе, өсек-жалаңың зардабынан шашы ағарып кеп отыр... Сақаның қызы Дәмеш — еліне құрыш құйып, техника тұтқасын қолына ұстап отыр. Кәне, қайсы халқынан аянып, тартынып қалды екен? Сағат тұқымы ауырдың үсті, жеңілдің асымен күн көрісті паналап жүрген тұқым емес, тарихтың ең ауыр жүгін арқасына сап, артып келеді!..

Асқар пәтеріне келіп, шешініп жуынды да, пижамын киіп, қолына Құрышпай әкеп берген домбыраны алды. Жүрек кернеген осы бір ой он саусақпен домбыраның пернесіне түсті.

II

...Дәмеш бір күннің ішінде жастықты басынан кешіп өмірдің қабат-қабат сырларына егде тартқан адамның көзімен қарап баға да берді. Дағдыр бұрын да еркелетіп, майдайынан сипап көрген жоқ та, үйтсе де езінің жігерталабымен талай қия тас, қарағанды адырдан өтіп, жалаң аяқ табанына талай жара салған-ды. Сонда жастықтың әсері ме, көңіліне секем ап, бір мұңаймаушы еді. Ал кеше... Кешегі заводтың авариясы төбесінен түскен жайдың оғындаї, есінен тандырды. Осы заводқа жіберерде Алматыдағы достары «білімді де іскер инженер» атанған Дәмеш барысымен өндіріс тілін үйреніп, меңгеріп әкетеді деп ойлады.

Мұнда келген соң кейбіреулер «біраз уақыт завод управлениеде істеп, танысып көрмейсің бе?» дегенде Дәмеш: «Цехқа жібермесең басқа жерде істемейім» деп отырып алғаны да рас. Есінде. Дәмештің ондағы ойы оңай атақ ала қою емес-ті. Өндіріске барып істеу керек деген партияның ұраны өзінің ішкі үміт-тілегіне дөп келеді. Бір-екі жыл заводта істеп диссертацияға қажетті мәліметтер жинап алсан деп жүретін-ді.

Дәмеш келіп мартен пешіне қызметке шыққанда, бүкіл завод қауымы бас киімін шешіп, қарсы алды, инженердің талабына риза болып құрмет көрсетті. Кез келгендегі сыртынан қарап: «Әй қыз тусаң осындан ту!..» деп құрыш қорытушылардың дәмелене мақтанғанын өз құлағымен талай естіген. Сүйткен инженер жарты жылдан аспай жатып, авария жасады, коммунистік еңбек бригадасының атағына жақсы құресіп келе жатқан бригаданы алға сүйрей алмады, кейін кетірді... Жығылған үстіне жұдырық. Ұсынысы құлкіге айналды, «арзан атаққа құмар ала аяқ» атанды. Бас инженер солай үқты. Екеуінің арасы күн сайын шиеленісе түсті. Дәмештің басқан қадамын аңдиры ол. Бұрын Дәмеш «маған неге өш?» деп түсінбейтін. Энеугі Асқар айтқан сырдан кейін бәрі де мәлім... Дәмешке қырғиқабақ жалғыз Мусин болса, бірсәрі. Қайырдың шешесі — Ақмарал, Ораздың келіншегі — Ажар Ораздың үйінен кеткенін Дәмештен көріп, бүкіл қалаға түрлі өсек таратып жүрсе керек. Әй, тегі өсек тарататын Ажар болмас, шешесі де!.. Үйдейтіні: Құрышпай Асқарды қонаққа шақырган күні, Дәмеш те бірге еріп барып біраз отырды да, «жұмысым бар» деп кетіп қалды. Сонда Ажар сөйлескің кеп, қайта-қайта қипқатап Дәмешке қарай берді. Сонда қатесін мойындағаны ма?.. Құрышпай атасы о да өкпелі. «Жалғыз тастап, туысын тауып кетті!» дейтін сияқты. Дәмеш пен Ажардың арасы бұрынғыдай болса, кетер ме еді, кетсе де күн сайын, сағат сайын араласып тұрмай ма?

Қайыр анау бас инженердің айтқанына еріп, Дәмештің ұсынысын басып таstadtы. Шын сүйген ғашық адам солай істей ме?

«Мен сүйемін сұлу сүйсем, басқаша!» деген өлеңді кеше жолдан бет-аузы қызармай Дәмешке жазды-ау... Саған қор болған есіл әдемі сөз! Шын сүйсөң өзінді-өзің құрбан қыл, аянба! Дәмеш сую дегенді солай түсінеді. Бүгін таңда қайтадан жүрегінен орын тепкен кім деші? Ораз? Дәмешке шын жар болатын Ораз еді, қадірін білмеді, кө-

ңілін қалдырды... Дәмешке жұмсақ мінезді, қасы мен қабағынан жүрек сырын түсінетін, сүйгеніне мәз боп, балаша қуанатын Ораз сияқты дос керек. Күйіп-жанып, құшырлана аңсаған Қайырдың махаббаты Дәмешке үйлеспейді. Дәмештің өзі де ыстық жанды, беймаза адам.

Дәмештің тентек қылышын аңдып тұрып, Ажар Оразды тартып ала қойды. Ол «құрбым еді, екесінің арасына от жақпайын, қиоюын тауып қиуластырып жіберейін!» деген жоқ. Жігін ашты да сына қақты... Ораз басқа әйелдің мен шігі дегенге Дәмеш кейде сенбейді. Бала күнгі бірге ойнап, қатар өскен өзінің Оразы, өзгермеген, бұрынғыдан Дәмешке құмартса қарап, аузынан шыққан сөзін тапжылтпай орындауға дайын. Кез келсе-ақ Дәмеш оның көзінен: «Не дейсің жаным, айтшы өзің?» деген жалыныш тілекті ылғи аңғарады. Откен түні де сол бір көз қарас Дәмешке маза бермей, қайда барса да алдын орап, уланған адамдай мең зең болып жүріп, аварияға ұшырады...

Дәмеш осылайша әр ойдың басын бір қарман, тұске дейін үйқылы-ояу төсекте жата берді, жата берді. Содан сағат бірде көлден балық аулап қайтқан Асқармен тұсқі тамақты ішті. Жаңа ғана тынышып, көңілі орныға бастаған Асқарды ренжіткісі келмеді, түнгі аварияны жасырып айтпады. Кейін ести жатар... Асқар тіс қаққан әккі гой, Дәмеш жүзінен әлденені сезгендей:

— Қалқам, бүгін өңің қалай жүдеу? — деді стол басына отырған соң.

— Тұнде заводтан кешірек қайтып, жөнді тыныға алмадым,— дей салды Дәмеш.

— Заводта авария болды дегені рас па? Әлгінде көл басында бір-екі әйел: «Авария болмай қайтсін, есқі — тозығы жеткен механизм!» деп сөз қып тұрды. Дәмештің екі беті қып-қызыл боп кірерге тесік таба алмады. Асқар да қарындасының неге қымсынғанына таң қалғандай...

— Ол сөздің саған қатнасы жоқ шығар деймін... Сен қазір түнгі он екіге дейін істейсің гой? — деді ол. Дәмеш үндеген жоқ, орнынан тұрып қолын жуып киіне бастады — күндізгі сағат төрттегі сменага барады, мезгіл жақын. Асқар да Дәмеш соңынан еріп, есік алдына дейін шығарып салды.

— Қалқам, ісіңе, берік болсайшы!.. Осы күнгі адамның жақсылық қасиеті — еңбекте ашылады. Біздің тұқым еңбек сүйгіш еді...— деді.

Дәмеш басын изеп, үн-түн жоқ жүріп кетті. «Біздің

түкүм — еңбек сүйгіш!» көрдің бе сезін? Тегі Дәмеш бекер жасырды, біліп отыр... Жоқ .білсе тура айтпай ма неғе жасырдың деп?.. Сезінеді, бірақ анығын білмейді!

Дәмеш завод қақпасының алдында сөйлесіп тұрғаң Базарқанов пен Қасымовты анадайдан таныды. Екеуінің пішіні — бірдемеге келісе алмай, керісіп тұрған тәрізді. Та-палдау Қасымов ұзын бойлы Базарқановқа өкшесін көте-ре мойның созып, жігерлене сөйлейді, анау тыжырынып, алақанын жайып: «мен қайтейін?» дегендей. Бірі әнші, бірі биши, екі жас инженер негып келісе алмай тұрғандарына Дәмештің таңы бар. Бірі айтса, екіншісі басын шұлғып қар-сы дауласпаушы еді... Дәмеш тез-тез басып жақын кеп қал-ғанда Базарқанов ұзын ғой, бұрын көріп қап Қасымовты тұртіп қалды, анау селк етіп артына бұрылды. Тентектік істеген шалдуар баладай екеуі де қысылып, шегіншектей берді. Қөздері шатынап, шығып барады.

— Сендерге не болған ей? — Дәмеш күліп қолын ұсынды. Қасымов кәукеleкten Дәмештің қолын бұрын алды.

— Ehe-ehe! — деп о да күлді.— Қайдан келесің, Дә-меш?

— Үйден. Сменаға келем.

Қасымов пен Базарқанов біріне-бірі таңдана қарады.

— Сен... Естімедің бе? — деді Қасымов. Базарқановта үн жоқ.

— Нени?

— Сенің орныңа мына Базарқановты тағайындалты!

— Базарқановты?.. Қашан?

— Бүгін... Саған айтпады ма?

— Естіп тұрғаным осы...

— Безобразие! — деді орысшылап Базарқанов.

— Мен сенімен келісті ғой деп ойлағам!

— «Ойлағам!»— деді Қасымов кекетіп, Базарқановтың дауысына салып.— Менің айтып тұрғаным осы емес пе, неге бардың деп?.. Дәмеш сен қазір барып сөйлес!

Дәмеш завод басқармасына көтерілді. Ліда машинка басып отыр екен, Дәмешті көріп, папканың ішінен бір қа-ғазды алды да Дәмешке ұсынды.

— Менің жазған қағазымды алдың ба?.. Жоқ! Осын-да біздің үйдің қасында тұратын Васядан беріп жіберген... Ұмытып кеткен ғой... Тұра тұр, сені ме! — Ліда сыйырлап бірдеме деп жатты, оны тыңдаған Дәмеш жоқ, бас инже-нердің бүйірігін оқумен шұғылданды... «Техкабинетке бастық болып тағайынлалсын». Бұл не, келемеж бе?

— Ліда, Сапарович бар ма?

Ліда басын шұлғыды. Дәмеш кіріп барса, Мұсілім мен мартен цехының бастығы отыр екен. Дәмештің ашулы жүзінен сескенді ме, жоқ сыр бермейін деді ме, ол ыржып: «Отыр, Дәмеш!» деп жаны ашыған пейіл білдірді.

Істерін істеп ап, құйрығын бұлғаңдатуын, тұлқі!.. Дәмешті баладай алдап-сулап шығарып салмақ!..

— Дәмеш, бірдеме айтайын деп пе ең? — дауысы жұмсарап бет-әлпеті: «Қап саған қыын болған, енді қайтейін...» дегендегі көлгірсін қарайды. Дәмеш те іштей бекініп салғыласуға дайын.

— «Бірдеме» емес. Айтысуға келдім.

— Оho, тағы құдай не жаздық?! — деді жалған құліп, цех бастығына иегімен Дәмешті нұсқады да зілді дауыспен:— айтысып қайтесін, шырағым, цехта істеу саған ауыр! — деді.

— Мен цехтан басқа жерде істемеймін!

— Чистая женская логика. Не дерсің? — деп иығын қысып: «Мен түсінбейім, мынаны сен жөнге салмасаң?» дегендегі тағы да цех бастығына қарады. Ол үндемеді. Кім білсін бас инженердің сөзін қоштап отыр ма, жоқ үнатпай іштен тына ма? Мұсілім аздан соң Дәмешке қарап-қарап отырып:

— Тех кабинетке бармасаң менің басқа берер қызметім жоқ! — деді.

— Мені қызметке алған сіз емес... Әрберден соң басқа қызметке ауыстыруға хақының да жоқ! — Дәмеш қаншама салмақпен айттым десе де, дауысы шатынап шықты. «Сабыр-сабыр, Дәмеш! Әдеп сақтап сөйле!.. Бітісер жер бұл емес!» дейді Дәмеш өзін-өзі тоқтатып.

— Олай десең, барап жеріңе барып қайтарсың. Мені әурелеме!.. — деді де цех бастығына бұрылды:— Илья Савельич, құрыш ағызатын алаң бүгін істеді ме?

Есік алдына жақындалп барған Дәмеш цех бастығының жауабын тосқандай есікті баяу ашты:

— Тұнгі смена тазалап бітірген... Кейде мұндай жагдай болып қалуы ықтимал, сіз қатты кетпеніз! — деді Дәмешті шығып кетті деп ойлаган бастық.

Дәмеш жалт бұрылды:

— Раҳмет сізге, Илья Савельич! — Бұл сөздің астары бас инженерге: «Мені мұқатам деп өзің ұсталдың ба!» дегені еді. Сүйтті де ширақ қымылмен шыға жөнелді. Партиюро хатшысының кабинетіне жеткенше, іштей

мырс-мырс құліп келеді. Дәмеш сөзін естігенде Мұсекең тыржың етіп, оқты қөзбен цех бастығын атты...

Әттегене-ай, жаңа Дәмеш: «Мені қудалап жүргеніңдің ді жақындаған түсіндім. Тісіңгеге жұмсақ мен емес, байқаңыз!» деп неге бет тырнамады? Эй, жасық Дәмеш! Ағасы дұрыс айтады: осы күнге дейін Мұсілімнің тәубесін есіне түсірді дейсің бе?..

«Сабыр-сабыр Дәмеш!» деп-ақ иығынан басып, еңсесін көтертпеуге айналды осы бір ақыл деген неме? Ішіне кіріп алып, байғыз сияқты тұнжырап тығылады да отырады. Бір жерге барса да, құліп-ойнаса да батыл сөз айтып біреуді мұқатса да, етегіне жабысып, тартып: «әдеп-әдеп!» деп тұрган бір әже! Егер Дәмеш жасындағы қыздардың бәрі де осында мінезге душар болса бірі қүйеуге тимес!. Дәмеш өзіне-өзі құліп Серегиннің қабинетін ашты.

— Николай Иванович, рұқсат етсеңді...

— Бұрын рұқсат сұрамаушы ең, бүтін біреу құдайыңды есіңде түсірген бе?!

— деді ол бұрынғы әдетінше мысқылдап.

— Сіз естіген екенсіз ғой?.. Әлде келісіп пе еді? — Серегин: «Шын айтып отыр ма?» дегендей сұқтана көз тастап:

— Келіспей... Осыдан бұрын сөгісің бар-ды, енді... Қандай жаза қолдансын, өзің айтшы? — деді.

— Ия, солай екен-ау! — Дәмеш басын шайқады.— Шебер! Білдірмей ордың жиегіне төндіріп қойғанын қарашы!

— Мен саған не деп ем?.. Шырылдап ара түсіп қала-лық партия комитетіне дейін барғанда сен мені тойтарып тастаған жоқсың, ба? — Серегиннің жұқа езуінің бір жағы тартылып «кекеп» сөйледі.

— Ия, мен хателескен екем, Николай Иванович! Сөз бітті.— Енді екеуі әрқайсы өз ойының жібін ширатып үндермей отыра берді. Барып Мусин жолдастың жай-жапсарын Базаровқа айтып, ескертіп қойса, іс насырға шаппас па еді? Енді мынау: қазылған орды көрмей, күмп беріп түсіп кеткені... Серегинде жазық жоқ! Ол курорттан қайтысымен сездірген-ді. Мән бермеген Дәмештің өзі. Сенімшіл-ақ!.. Сенбегендеге ше? Қасыңдағы бірге істеген жолда-сына сенбеген де кімге сенеді?..

Әнене, ұсына еңкейген күннің күрең қызыл сәулесі тे-резеден сығалап машинаның тұнгі фары сияқты Серегиннің жүзіне тұсті. Жағына пышақ жанығандай, ашаң, өнді

жүдеу. Самай шашы ағарған. Қартайғаны ма? Серегин жас, ереккө қырық бес жас кәрілік қылмайды. Асқармен шамалас шығар осы?..

Ия, Дәмеш Серегинге ойының төрінен орын беріп талдаса о да тегі Дәмештің қамын жеп, іштей аяп отырған сияқты: «Өзі сұранып кеп, қызмет істей алмай, сергелденге түсті дей ме?» Осы бір «қызмет істей алмады» деген сөз Дәмештің шамына тиеді. Дәмештің ойын сезгендей Серегин басын кенет столдан көтеріп ап, түсін суытып:

— Дәмеш Сахиевна, сен шынында нашар істедің! — деді де қолындағы қаламның сабымен: «Жақсылап тыңда!» дегендей столды тықылдатып алды.— Нашар істедің, оған ешбір дау жоқ! Біз сені алақанымызға салып қуана қарсы алдық, күн-жел тигізбей барлық жағдай туғыздық... Цехті сұрадың, бердік. Курорт сұрадың, бердік. Қәне, сен біздің заводқа не істедің, есеп бере аласың ба?.. Өндіріс өнімін арттыратын ұсыныс енгізбекші болдың, ақыры оныңды аяқсyz қалдырыдың! Қол астыңдағы бригада, ол анау — төрт аяғынан ақсан жүр. Мениң шын ниетімді білмек болсаң: сені сыйлап, жақсы көретін едім. Қолыңнан іс келетін инженер ме деп ұғып қап ем, бірақ ол үмітім ақталмады. Ақыл айтып, қамқорлық жасап ем, теріс ұқтың. Біреу сені айтисқа, жанжалға итеріп тұрған тәрізді көрдің. Мен сені жас коммунист деп қорғап әлек, сен өз бетіңмен қашып әлек. Сен жайындағы Мусиннің шешімін қолдап отырғам жоқ. Ол қате! Бірақ сен де өз қатеңді көре біл!

Серегин сол аяғын сүйрете басып, толқып орнынан тұрып кетті. «Мен енді, біttім!» дегендей ерсілі-қарсылы жүре берді. Дәмештің екі беті дұылдап, арқасы буланып шыпшып терлеғен сияқты. Айтсын... жерлесін... саған сол көрек! Дәмеш көзінен домалаған маржан жас ерніне кеп, аз кідірді де кеудесіне ағып түсті.

— Біttіңіз бе? — Дәмеш дауысы тұншыға шықты.

— Біttім!

— Рахмет! — деді де Дәмеш тезірек басып шығып кетті.

Дәмеш ентіге басып, үйіне қарай дедектеп келеді. Аққұба жүзі бірде алмадай қызырып, бірде қағаздай ағарып булыға толқиды. Цехта кір көтереді деп киген қара көлегінің түсі бүгін көңіл күйіне лайық. Қара басты деген осы!

Бұрымының ұшы да тарқатылып, шашы дудырап, екі иығына тармақтанған жайылған, сырттан қараған біреу ал-

бастыға теңеуі де ықтимал. Әлгіде басындағы орамалын жүлқына шешкенде бұрымының ұшын түйген сұыртпағы ағытылып кетсе керек... Бұл шашты кесу керек! Енді бұл мода емес... Әйелдің ойы — жер бауырлап жатады, ұсақ-түйек көр-жерді ойламаса, әйел бола ма? Әбден бүгін таяқ жеп, «суга кеткен кеменің капитаны» боп қайтса да біржағынан «модасы» да қалмайды. Эне, бір магазиннен сумка ұстап шыққан Ажар емес пе? Әдейі біреу жолын тостырып қойған секілді. Ел құлағы елу. Жаман хабар жата ма! Құрышпай шал айтпақшы: жамандықтың мың аяғы бар, қазір қолма-қол жан-жаққа тұра жүгіреді... Ажар да естіген болар. Табалап: «Болсын!» деп шешесі екеуі қандай күлді екен? Жаңағы әйел наң магазиніне кіре ме деп еді, оған да кірмеді, тоқтап, бұрыла қарайды. Таныды-ау!

Дәмештің кешегі жақын құрбысы, сырлас досы, бүгін оның құндысі де қасы... Өмір деген осы!.. Дәмештің кісіге жасаған қиянаты жоқ-ты, тегі тұзы жеңіл. Жақсы көрген адамы ылғы өзіне қарсы шығады. Ажардың ой көлемі тар, білімі аз, қызғаншақ әйел. Әйтпесе, байыбына жетпей, жанжал көтеріп, өз ұсын өзі бұза ма?.. Жоқ, Ажармен кездесіп қап, одан сөкет сөз еститін Дәмеш ақымақ па? Онан да мына көшемен бұрылып, оралып барса да болады, қайда асығады?

Кісі аз, ағашы көп көшеге түсті Дәмеш. Артына бұрыла қарады: Ажар қуып келе жатқан жоқ па екен? Жоқ, әлде артынан ернін шығарып, мазақтай құліп: «Ә, қаштың ба?.. Арың шыдамады ма?» деп түр ма? Жоқ. Елес... Дәмештің ары таза, неге жүрексінеді? Қайта кез келсе көзіне көзінді тік!.. Егер ол — бетін тырнап, жүрт көзінше масқара қылса ше? Оған да шыдай ма Дәмеш! Дәмеш қайта бұрылып Металлургтер көшесіне түсті. Бірақ Ажарды көре алмады: магазин кірді ме, әлде басқа біреу ме, кім білсін...

* * *

Неге екені белгісіз, Асқардың да көңілі орнықпай, қайта-қайта радиоқабылдағышқа барып, Москвадан музыка тыңдады, о да көңілге дерек әкеле алмады. Есік алдына шығып, Ван Ванычпен қысыр әңгімеге кірді.

Ауыр пианино кетерем деп Ван Ваныч біраз жатып қап, қайта тұрды. Асқар емдеп өзіне әл-қуат берген еді, Асқардың емін бүкіл маңайына таратып, шал мен кемпір-

лер арасында даңқын жайды. Олар келіп: «Емде, жасарт!» деп отырып алады. Асқар: «Ойбай-ау, ол әзіл, менің қолымда ондай ем жоқ» десе, құлақтарына қыстырмайды: «Қутыңдап жүргіріп жүрген Ван Ванычты көріп отырып, қалай сенеміз!» дейді. Асқар не деп жауап қайтарарын білмей діңкесі құрып, ақыры Ван Ванычке жасаған емін жасайды. Емі — шалдардың білегінен қан алғып, оны бір проценттік новоконинг қосып, инемен жамbastan жібереді. Әуелде бұл емді ол Ван Ванычтің шойырылмасына жасағанды. Бірақ ол ем шалдың шойырылмасын да жазды, күш қуат та берді. Сүйтіп, күнде сағат он бірден бірге дейін — екі сағат соларды емдеумен уақыты өтеді. Таң атса-ақ болды, есік алдында шал мен кемпір симай кетеді. Ойпырмай... бір күні фининспектор келіп налог сала ма деп те қорқады. Асқардың бір тынын алмайтынын қайдан білсін?.. Қаланың дәрігерлері білсе, шу көтеріп: кім өзі бұл, үйінде прием жасап жүрген демей ме? Асқар сол құдігін Ван Ванычке айтып еді, ол: «қайтесің, бейшара шалдарды емдей берсейші, батасы тиер... Қазір әйтеуір бос жүрсің. Саған да ермек!»— деді... Содан сөз бүгінгі заводта болған аварияға көшті. Асқар сенерін де, сенбесін де білмеді. Таң қалады: неге жасырды Дәмеш.

Мүйістен ентіге басып келе жатқан Дәмешті шал бұрын көрді.

— Мынау Дәмеш емес пе? — деді шал көзіне қолын қалқалап.

— Ия, сол! Бұл неге қайтты еken? Әлде бірдемесін ұмытып, үйде қалдырды ма еken? — Асқардың жүрегі лүпілдеп, өзінен-өзі шыдамсыздана орынан тұрды. Жақындаған сайын Дәмештің жүрісі баяулап, екі иығы салбырап, басы тұқырая берді. Бәсе, Асқардың жүрегі бір сүмдикты, бүгін сезгендей еді!

— Дәмешжан, науқастанып қалдың ба?.. Такси неге алмадың? — деп Асқар анадайдан жалбарына сөйлеп, қарсы жүрді. Дәмеш ағасының мойнынан құшып, өксіп-өксіп жылап қоя берді.

— Не болды, қалқам, айтсайшы? — Асқар үрейленіп, қыз сырын жүзінен үққысы келгендей, еңкейіп бетіне үңілді, ол ұялып басын тұқырайта берді. Ван Ваныч та кеп, Дәмештің қолтығынан алғып жанына отырғызыды.

— Дем ал, ентігіңді бас! — Шал көзі қырағы, Дәмеш тән сырқатын ауырлап келген жоқ, жан-көңіл сырқатынан ауырған сияқты.

Жаңдың сәнді кеші. Жарқыраған айдын көл. Таудан соққан самал. Құрыш құюшылар қаласы. Жылт-жылт етіп, жағыла бастаған электр шамы. Будақтаған завод түтіндері. Асфальтты көшемен зырлаған машина... Енді бір сәт, көз жұмып, құлақ тоссаң, көл жақта «Москва маңындағы кештер» деген әнді біреу гармонға сап, нәзік дауыспен айтады. Сол бір үзіле жеткен үнді жақын ауланың бірінде жамырай шулаған балалар дауысы киіп кетеді. Осындай маужыраған әдемі кеште Дәмеш жүргегін ауыртып, көңілін бұзған кім екен? Асқар құрсініп, қарындастының иығынан құшақтап, шашынан сүйді.

— Айналайын, қарындасым! — Баяғы мойнына мініп жүретін тәрт жасар Дәмештей толғанады Асқар; өсіп, сақа қызы болғанын, бүгін ертең өз алдына үя салатынын ұмытқандай. Дәмеш те баладай жуасып, өксігін басып, торғын орамалымен көзін сүртті.

— Ал енді айтшы бізге — кім саған тиіп жүрген, желкесін үзейін! — деді қуланып Ван Ваныч.

— Маған тиғен бас инженер! Авария үшін мені орныман алып таставды! — деді Дәмеш мұқайып.

— Е, соған кісі жылай ма екен? — деді тағы да Ван Ваныч Асқарға көзін қысып: «сен де солай де!» дегендей.— ЦК-га дейін қаншама саты бар екенін білесін бе? Біреуі болмаса біреуі сені жақтайды... Жаным-ау, осы мен түсінбейім, қалтада дипломы бар инженерге қызмет табылады.

— Рас-ау! Сонша өзінді-өзің неге кемітесің? — Шалдың сөзі Асқардың көкейіне қонғандай.

— Мен қызметсіз қалам деп жылап отырған жоқпын. Әңгіме принциple! Мен цехқа өзім тіленіп барғам. Бұлар оған қарсы болған... Енді істей алмай шығу — өлім емес пе? Маған сеніп, Алматыдан жіберді...

— Түү, мен қатты ауырып қалдың ба деп қорықсам... Мусиннің жарасы жеңіл. Білмейсің бе, неге өшігіп жүргенін? — Асқар осы сөзді жуату үшін айтса да, іштей қиналып, өзін-өзі зорға басты. Қазір сол Мұсілім қасында тұрса, шықшытын бұзып есеп-қисап айрысар еді.— Өзіміз асықпай ақылдасармыз. Қазір жуынып, шай қой! Мусинмен айтысқан адам тамақты жақсы ішіп әлденіп алмаса, ол жеңіп кетеді. — Күлді. Дәмеш те күлді. Ван Ваныч түрегеліп:

— Қазір Ліда қайтады. Қалғанын содан естіміз, — деді.

Асқар Дәмеш көзінше өзін-өзі салмақты ұстап, қалжың аралас жұбаныш сөз айтса да, жүрек түбін тырнаған қара мысық мазасын ап, еріксіз көл басына апарды. Осы Мусин өмірбақи алдынан кесе көлденең тұра беруші ме еді? Кімсің өзің? Кеше мен бүгіннің айырмасын, әлі күнге біле алмай жүрсің бе? Әлде соқыр тұтқанынан жазбайды деп, өмірдің өзгерісін түсінбей-ақ қойдың ба? Сағатовтар өз еліне «қайыршы» емес, бел баласы, ұлы екеніне көзің жетпей ме? Кешегі күн ұмытылды, өткінші жауындағы өтті-кетті, қайтып ол оралмайды! Соны ұмытпай, соны нысанағы ғыл ұсташа — көрегендік емес! Топастың! Баяғы атабабамның өмірін, іс-әрекетін жазып келе жатқан тарих шежіресінің мұқабасына Лениннің атын қайтадан ойып, жаңа бетінен ұлы өзгерісті жаза бастағанын түсінгің келмей ме? Жоқ, Мусин, әлі де алаңдап артыңда қарай бересің, әлде не тосқан адамдай, құлағыңды түрсің. Беу-беу! Байқа, Мусин көшке іліге алмай жүртта қалып жүрме! Алдында Мусин тұргандай Асқар жұдырығын түйіп, көл жиегінде дауыстап сөйлеп кеткенін өзі де аңғарды. Мырс етіп құліп жіберді. Біреу естіп тұрса Асқар есінен адасқан екен дейді-ау! Нерві. Жоқ бұл нервті домбыраның шегіндей бұрай берсе үзіліп кетуі де мүмкін.... Тезірек басып Мәдениет сарайының алдына кеп, будкаға кірді де автоматтан емхананың телефон номерін терді. Сирек, ұзақ гудок. Аржағынан әйел дауысы естілді. Асқар Айшаны сұрады. Бар екен... Бүгін Асқар Мусинмен есеп-қисап айрысады.

— Айшамысың? Мен Асқар!.. Денің сау ма, қалқам!.. Саған барып қайтсан ба деп ем?.. Қолым тимейді? Жоқ-жоқ, барлығын таста, мен үшін бір сағат уақытыңды бөл!.. Бүгіннен кейін менің де қолым тимейді... Бір сағаттан соң дейсің бе? Жақсы рахмет! — Асқар телефонды іліп қойып, сағатына қарады. Қазір жеті... Билет сатып алды да паркке кірді. Жан тербейтін нәзік музыка, шатты күлкі екі-екіден дөңгеленіп билеп жүрген қызын бен жігіт. Kisi аздау. Шет жақтағы аллеямен жүріп келеді. Айша неге қолым тимейді деді? Әлде Асқармен кездескісі келмей ме? О да мүмкін. Асқар қазір бұл қалай деп таңданудан қалды. Кейде тап басып тұрып «осы-ау!» дегенің, ол болмай шығады. Қызық дүние!.. Адам жаны қараңғы орман, әрі қарай жүре берсең қараңғылық қоюланып, көзге тұртсе көрінбейді демей ме орыс мәтелі. Кешегі ақылды да көрікті деп алдында бас иген Айша бүгін маңына жуытпайды. Тегі Мусинді сүйетін

болар, недегенмен он бес жыл бірге өмір сүрді гой? Қан мен тер араласты, бала туды, екі ортада дәнекер бар... Жоқ, жоқ, Асқар олардың семьясын бұзып қайтсін... Айша енді сүйем, саған қайта оралам десе де Асқар көнбес. «Онда егер айырмайым деген ойың болса, өткенді неге жаңғыртып, неге айтам дейсің?» деді іштей бір кекесін дауыс. Асқар басқа ұрғандай тұрып қалды.

Рас-ау, неге барады? Айтқанда не түседі? Кімді мұқатады? Ызыңдаған сұрақтар тағы да арадай жабыла түсті. Асқар жауап беріп үлгере алмай, кейін қашты. Парк-тен шығып, көл жиегіне қарай бұрылды. Бармайды, к черту!..

Айша, Айша! Асқарды бұл өмірде бір адам ұмытпаса, соның бірі Айша деп ұратын-ды. «Бүгін қолым тимейді!» деуі Асқардың жүрегіне біреу қанжар сұғып алғандай болды. Элде?.. Тығыз операциясы болуы мүмкін гой, өзі хирург болмағанымен отделение бастығы. Өмірдің өзі Асқарды өкпешил ғып жіберген бе? Шырт ете түседі. Қой, қасында жатқан кім, Айшаның білгені жөн. Бұл соңғы жылдағы денеге шыққан жара, оны сылып тастамай, құлан таза жазылу да қыны.

Асқар қайта бұрылып сағатына қарады. Сегіз болып қапты! Тезірек басып емханаға барды. Айша халатын шешіп, емхананың алдында тосып тұр екен.

— Қайда барамыз? — деді. Асқар бұл арасын ойламапты. Эх, шляпа!.. Емханада дәрігердің кабинетінде отырып кеңесем, деп келді ме екен?

— Қала сенікі... Өзің білесің! Апар деген жеріңе алып баруға дайынмын! — Асқардың аузына түскен сөз осы болды. Дәрекі шықты ма, кім білсін... Айша сәл ойланып:

— Такси алып «Шығысқа» барайық. Соларда жақсы ресторан бар... Бірер сағаттай дем алсақ, жетеді! — деді Айша. Екеуі аяңдан орталық көшеге шықты. Жолшыбай бірінің-бірі денсаулығын, қызмет жайын сұрасып, негізгі әңгіме жайлы тек барлау жасады.

— Бізге қызметке кірмейсіз бе?.. Айтқандай, осы қаланың кемпір мен шалдары «Бізге Сағатов деген дәрігер керек!» деп хат жазып, тынышымызды алып жатыр. Жасартатын емі бар дейді. Ондай еміңдіз болса, бізге де қарайласыңыз! — деп Айша әзілдей күледі.

— Е, Мекеге барған «қажы», не үйренбейді дейсіз...

— Меке? — Айша Асқардың бетіне таңдана қарады.

— Ия, мен Мекеге барып, қажыға қол тапсырып қайтқам жоқ па?..

— Түсіндім...— Айша сықылықтап рахаттана күлді.— Онда бұдан байлай сізді қажы дейін.

— Десен де!

Маңдайындағы жалғыз көк көзі мәлдіреп, қастарынан бос такси өте берді. Асқар айғай салып тұра ұмтылды.

— Эй, такси!..

Такси көл жағалап «Шығысқа» қарай зырлап келеді. Асқар мен Айша қатар отырып, «Шығысқа» жеткенше әңгіме шерпті: Айша шешіле ой тастап сөйлейді де Асқар жан-тәнімен беріле, ықласын сала тыңдайды. Сөзіне мән беріп, жадына сақтап өзінше түсінеді. Арадағы ұзақ жылғы үзіліс екеуін алыстатып, бөтен адамдай жат қылып жибергені байқалады. Үйтсе де бір кездегі жақындық, қазір араларына дәнекер боп сөз тиегін ағытқандай.

— Ия, мен жоқта бір рет келіпсіз де, қайтып көрінбей кеттіңіз гой? — деді Айша сөз арнасын бұрып.

— Талай оқталдым, бірақ бір себептермен өзімді-өзім тежей бердім.— Айша жасында батыл да байыпты еді. Өзгермесе Асқардың аузы барып айта алмаған сөзін өзі есіне салып «Айтайын дегенің осы ма?» деуі ықтимал.

— Себебіңіз белгілі, Мұсілім гой? Мен кешегі ауылдың әйелі емеспін. Басымда теңдігім бар, сондықтан Мұсілім дәлел түгіл. Басқа бір себеп бар-ды.

Айналайын Айшажан, Асқардың аузына сөз салуын көрдің бе? Керегі де осы! Манадан қысылып, қалай бастарын білмей келе жатыр еді, заматта жол ашты.

— Рас, басқа бір себеп!

— Қандай? — Айша жұлып алғандай сезіктене сұрады. Әлде Асқар дауысынан бір сынық — жарықшақ тапты ма?

— Бүгін сол «қандай?» деген сұрағыңа жауап қайтару үшін, әдейі телефон соғып едім. Ресторанға барып жайланған соң айтайын! — Асқар терезеден басын сұқты:— Мынау өз алдына бір қала гой? Теміртаудан да үлкен-ау тегі?

— Бұрын мұнда болып көрмеп пе едіңіз?.. О, бұл біздің мақтанышымыз!

— «Қазақстан Магниткасы» деген атты тегін қоймаған гой...— деді Айша мақтанған дауыспен.

Қала мен жаңа салынып жатқан құрылыс арасында қырат бар-ды. Машина сол дәңнің үстіне көтерілсе керек-

ті. Машина тоқтап, Айша мен Асқар Қазақстан Магнит-
касының тұнгі көрінісіне сүйсіне қарап тұрып қалды.

Айсыз қараңғы тұнде Арқаның барқыт аспаны салбы-
рап, төмен түскендей. Мойның соған алып көккүтандай
домнаның қаупері аспанды тіреп жерге түсірмей тұрған
сияқты.

Жазық далада орнап жатқан жас қаланың о шеті мен
бұ шетіне көз жетпейді, терезелерінен от жылтыраған
төрт-бес қабат үйлер ұшы-қыры җоқ, қаз-қатар тізіліп қе-
те береді.

— Әдемі көрініс емес пе? — деді Айша.

— Қызмет істесем, осында орналасам! — Асқар ба-
лаша қызықты.

— Мұнда жаңа салған тамаша емхана бар...

Сөз жалғанбай үзіліп қалды. Машина ресторан ал-
дына кеп тұра қалды. Екі қабат ақ тас үйдің астын рестор-
ан тегіс алып жатыр еken. Жалпақ тұтас салынған терезе-
лерден ішінде отырған адамдардың төбесі қылтияды. Да-
быр-дұбыр дауыс, екіленген музыка естіледі.

Асқар ресторанға келіп тамақ ішпегелі неше жыл бол-
ды еken?. Тұтін аралас тағамның иісі мұрынды жарып,
көмейді жыбырлатады.

— Менің бүгін қолым тимейді деген себебім осы еді.
Көрдіңіз бе? Үстімде жөнді кейлегім де жоқ. Қызметке
келген қалпым! — деді Айша вестибюльдағы үлкен айна-
ның алдына барып шашын түзеп жатып. Асқар өзінің
әқымақ болғанын енді білді: әлгінде тұрлі саққа жүгіртіп,
нелер қиянат тақпады Айшага? Адам өзіне дегенге қыз-
ғашшак, тар, әділ көзбен қарай алмайды-ау. Эх!..

Айша жол бастап, стол-столдың арасынан бұлтақтап
өтіп, бос орын іздеп келеді. Ресторандағы аржағына ел қо-
нып, қызып алғандар Айшага өзөурей қарап, тамсанып та-
қояды. Шынында өз жүргегімен әлек Асқар, Айшаның
сымбатына жөнді назар аудармаса керек, жаңағы көз қа-
растар енді бұған тұрткі салғандай. Денесі тығыршықтай,
белі қылған, бексе жағы дөңгеленіп, етпен ет қып тігілген
көк теңбіл жүқа файдешин көйлегінің етегі қусырылып,
пішініне аса бір көрік беріп, қызықтыра көз тартады. Бұ-
рында өзіне қандай киімнің түсі үнайтынын Айша жақсы
білетін де, әдемі де киінетін. Жаңа шыққан модалардан
өзіне үнайтынын ғана таңдал алатын. Сол баяғы әдепті.
Бала тауып, семья құрса да бір өзгермеген кербез де ты-

раш. Оркестрдің оң жағында, түкпірде бір стол бос екен, соған барып отырды.

— Нәпсіңіз соққан тамақты таңдаңыз! — деді Асқар менюді Айшаның алдына сырғытып. Айша менюді ашты да:

— Бұгін маған сіз қонақ болыңыз. Алыс сапардан қайттыңыз. Қарсы алып, үйіме шақыра алмадым, оған гапу етесіз! — деді күлімсіреп ол.

Қолында орамалы бар, ереке официант жорғалай басып жетіп келді де, стол үстін сұртіп, қолына кішкентай кітапшасын алып:

— Не тілейсіз? — деді.

— Асеке, нәпсіңіз не тілейді, айтпайсыз ба?

— Өзіңе алғанды маған да алдыр! Сол жетеді!

Асқар өмірден аздал тосырқап қалғанын енді сезді. Бұрын Айшага өзі таңдарап беретін еді... Сол тоқырганын Айша да сезді білем, көз қиығын Асқарға бір төңкеріп официантқа заказ берді: салат, күрке тауықтың еті, конъяк. Айша айтып жатыр, айтып жатыр. Оны кім жейді? Қашан тауысады?

Ресторан іші гу-гу — күңгір дауыс. Тұнгі тыныштықты бүзған машинаның сигналында, есер дауыс кей столдардан айғайлап қап басылады. Джаз оркестр де саксофонын зарлатып, мыс дабылын безілдете ұрып кояды... Асқар ресторан көрінісін گері, Айшаның ішкі сарайына үңіліп, содан ләззат тапқандай. Жүргегі де, көзі де: «өзгердің бе?» деп бір-ақ ауыз сөз сұрайды. Миының қатпар-қатпар астарында: «сен өмірдің академиясын бітіріп, жылдар тезінен өтіп, махаббат қадірін білгендей болып ең, не қылғаның көре-сала еріп, баяғы әуеніңді қайта бастағаның?» деген қатал да шын ой ракета сияқты жалт етіп жоқ болады.

«Аман-есен кездескен үшін!», «Асқардың ендігі өмірі жемісті де көрікті болу үшін!» көтерілген бір-екі рюмка конъяк Асқардың қанына ыстық қан құйғандай қыздырып, көңлін балқыта бастады. Бірақ Асқар Айшаның алдында сыр бермеуге тырысып, толқыған сезімді тежеп, тізгіндең жібермеді. Айша да асыға күткендей:

— Манағы айтпақ сөзіңді бастай отырыңыз! — деді ол қылымдап жымып. Енді бастамасқа Асқардың еркі де жоқ.

— Айшажан!.. Сені осылай атауга маған ұқсат ет, олай деуге қақым жоқ, әйтседе, бір кездегі сенің жылы жүзің ұзақ жылдар менің өміріме жұлдыздай жарқырап,

жүректегі үмітіммен шағылысып, қуат беріп еді. Сондықтан сенің сол жылы жүзінді ең жақын досым, жанымды аман алғып қалған сақтаушым деп ұғам!.. — Асқар сөзін жайлап бастаса да, ақырғы кезінде жылдамдата айтам деп ентігіп қалды. Жүрек тоқтату үшін бе, бір рюмка конъякты көзексіз қағып салды. Аз тыныстап, Айшаға үңіле қарап сөзін жалғады.

— Айшажан! Өмірде не қын деп сұраса менен — дос адамың сенімі жоғалса, соны қайтып сендіру қын дер ем. Бір кезде сен мені теріс те ұғындың. Оған дау жоқ!.. Жоқ-жоқ тоқта... Әуелі мені тыңда... Лақапқа еріп артымнан топырақ та шашқан шыгарсың... Сабыр ет, Айшажан! Мен дәл сені түстеп айтып отыргам жоқ, сен сияқты менің достарым бар гой... Сол себептен менің кей сөздерім сенің жүрегіце ауыр тиуі ықтимал.

— О жылдардың өзінде сізге сенбей, онша күдіктене қойғам жоқ...

— Сол «онша» дегенің рас. Әйтеуір титімдей болса да бір саңлау болды гой.. — Асқар сөзін жұмсаарту үшін еріксіз жыныиды.— Айша саған бір сұрақ қояйын, ренжімейсің бе?

— Пожалуйста!

— Шыныңды айтшы: мен күнәсіз дегенге сенесің бе? — Асқар өз сөзінің тұрпалай да қолайсыз айтылғанын кеш сезінді. Айша бетіне адырая қарап, иығын көтеріп: «түсінбейім!» дегендей пейлін білдірді.

— Үкімет ақтап отырса, мен өз үкіметіме сенбесем онда не болғаным?

— «Ақтап жатыр гой, кім білсін...» деп сөз аяғын көп нүктемен бітіретіндер аз емес көрінеді!.. Жақсы, сенің сөзіңде мен де сенейін де ұзақ жылдар жүрегіме құса бол біткен бір сырдың бетін ашайын: маған жала жауып, мені ұстаттыған сенің күйеуің Мұсілім Мусин, осыған сенесің бе? — Асқар көзін алмайды. Айша қанын ішіне тартып, сұп-сұр болп, Асқарға тесіле қарайды да көзіндегі: «Шын айтасын ба? Ая, менің семьям бар гой»— деген жалынышты ойды, Асқар бұлтарлтай түсінеді.

— Сізді жалған айтады деүте аузым және бармайды, сенуге дәтім тағы шыдамайды. Мүмкін, әлі де болса ойланарысыз, Асқар Жұнусович?.. Менің жүрегім қағып, қорқып отырмын. Баламыз бар еді!— деді дірілдеген дауыспен Айша.

— Мен сөзімді осымен бітірдім.

— Жоқ, жоқ сіз «а» дегесін «б»-ны айтпай құтыла алмайсыз...

Асқар үн-түн жоқ басын шайқады: «Баламыз бар еді?» Тегі Айша қалай болғанын, нeden басталғанын түгелдей естігісі келді-ау. Жоқ, Асқар әрі аяқ баспайды...

— Сіз мені әлі сүйесіз бе? — деді Айша жолшыбай таксидің ішінде.

— Сүйем! — деді Асқар.

Айша машинаның артқы сүйенішіне басын сап шалқа-йып отыр еді, кенет басын көтеріп алды...

— Сүйсенді байқаңыз, қарсы дау болып жүрмесін! — деді Айша есігінің алдына кеп түсіп жатып.

Асқар қолынан ұстай алды. Жібермелі:

— Мана не дедім? Досты сендіру қын дегенім жоқ па?..

— Жіберіңіз, терезеден ерім қарап тұр!..

* * *

«Досты сендіру — қын?» Жоқ, Айша сенеді: Мұсілім ызақор, мансапқор бәрін өзім жайлап, өзім төстесем, жүртты аузына қаратса — пифылы осы. Мұндай мінезі бар адам Асқар айтқан қылықтан қашпайды. Айша сатымен тез-тез көтеріліп дәлізге кірсе, Мұсілім де тосып тұр екен.

— Көрдім! — деді ол зілдене. — Тұнгі сағат екіге дейін бөтен ереккіен сایрандан жүріс жасау совет дәрігеріне жат мінез! Что же!.. Дәрігер қауымының алдына салып көрейік! — Айша жиіркене қарады:

— Подлец!¹ — Өз бөлмесіне кіруі мүң екен, төсегіне етпеттей құлады да солқылдан жылай берді, жылай берді. Қойнындағы әйелімен саяси тілде сөйлесу деген не? Бұдан да қызғанып, үрганы жақсы! Не деген жан? Он жылда бір еркелетіп: «Күнім», «Айым», «Сәулем» дейтін құмарлық сездерді айтЫП, аймаламағаны Айшаның есіне енді түсті. Бәсе, екеуінің арасында бір жалған фальш сезілетін сияқты еді... Ия, Айшаның бір-ақ түнде көзі ашылды — жанында жатқан адамның кім екенін білді. Өкінішке ыза косылып, булықтырып демін тарылта бастады. Айғай сап жібере жаздал жастығының шетін тістелеп өз үнін өзі өшіріп бақты... Айша-ау, бүгін біреу бір ауыз сөз айтты деп, пәлен жыл күйеу болған адамды іске алғысыз қылуға

¹ Пасық.

жарай ма? Жүргегіңе жақсылап үцілші! Эркіннің жүргегі—өмірінің айнасы. Қандай жасырын сыр болсын көлеңкесі сол айнаға түсіп тұрады... Айшаға қарсы іштей дау да айтылып, түн өрінде үйқы көрмей, дөңбекшіп шықты.

...Айша медицина институтын бітірді. Теміртауға келді. Әкесі медицина институтының профессоры еді, жалғыз баласының соғыс жылдары майданға барғанынан гөрі жаңа құрылышта істегенін қолайлы көрді. Айша жалғыз бала болса да еркелеп немесе тентектік жасап әкесін ренжіткен емес. Әкесінің мамандығына жасынан қызыға өскен Айша, сөз айтпастан Теміртау келіп қызметке орналсты да, жаның сала істеді. Ия, сонда емхана мен поликлиника арасында ақ халатын мақтана киіп, жүгіріп жүргенде осы Асқарға кездесті. Әскерден келдім дей салды ол... Қайдан келгенінде қыздың не жұмысы бар? Тәжірибесі мол, білімді жігіт екен, шүйркелесе түсті. Асқар екеуі түнгі сағат он екіге дейін емханада көңілін көтереді, үйқысын ашады. Соғыс жылдары ойын-сауық аз, дем алатын жер де жоқ. Асқар жатқа Гете, Гейне, Пушкин, Блок, Есенин, Абайдан көп өлеңдер оқиды, оқығанда нағашіне келтіре ақындарша әдемі лебізбен айтады... Кейде әдебиет, искусство жайында көсле сөйлеп, жақсы-жақсы ойлар тастайды.

Айша күн сәулесі қай жақтан шықса соған қарай бұрылып бүршік жаратын гүлдей, Асқарға иіліп, жүргегінің төрінен орын берді. Шешесіне: «Мама мен бір керемет жігітпен таныстым: өзі білімді, өзі әдепті, бүгінгі қазақ интеллигентиясының жақсы тұлғасын осының басынан таптым!.. Жақында демалыс ап, өздеріңе оны көрсетіп қайтам!» деп Алматыға хат та жазды. Сүйтіп қуанышқа бөлленіп жүргенде екеуінің арасына осы Мұсілім кеп килікті... Бір күні, іә, Айша сол бір күнді әлі ұмытқан жоқ: «Заводтың бас инженері сырқаттанып қалды, соған дәрігер жіберіңдер» деп заводтан біреу телефон соқты. Осының алдындаған Айша бір сырқат адамға барып кеп тұрғанды, бас дәрігер: «...Жассың гой, барып келе қойшы, күзетші дәрігерді тапқанша уақыт өтеді!» дегені бар ма! Айшада отказ жоқ. Жетіп барды.

Көк атлас көрпенің астынан көзілдірікті, бидай өнді жігіттің басы қылтияды — өнді Айшаға тым жас көрінді. Тамырын үстаса — аттай тулады. Денесі қызу. Науқас дәрігердің сұрағына солғын жауап беріп, онша құлақ қоймады. Айша: «Емханага алып, емдейік!» деп айтып көріп

еді, ол маңына дарытпады. Ақыры, үйіне жатқызып қо-
йып емдеуге тұра келді. Ойда-жотқа Айшага тагы бір
жұмыс табылды. Пеницилиннің әлі тарамаған кезі-де, бір
ай емдең зорға жазды. Бір ай ішінде тегі Мұсілім Айшаны
әбден үнатып, енді осыған қалай үйленудің торын құрган
сияқты.

Қызметке шығысымен Мұсілім завод үйінен Айшага
пәтер бергізді. Отын-сұмен қамтамасыз етті. Жақсы жағ-
дай тұдырды. Асқармен де танысып, достасып ап, енді
үшеуі бір жүретінді шығарды. Бос уақытта бас инженер-
дің саңғырап тұрган төрт бөлмелі үйінде асыр салады.
Сөз арасында бойдақ екенін Мұсекең сездіріп те қояды.
Мұсекең бұрын әйелі болғанын, онымен айрылысқанын
айтпайды. Айша оны кейін білді... Егер Асқардың айтқа-
ны рас болса, ол қара ниетін осы бір күндері іске асырған
сияқты. Дос бол жүріп ор қазу.. Жоқ, жоқ, Айшаның
аузы бармайды, денесі тітіркенеді...

Жарайды, Айша! Осының бәрі шын-ақ болсын, сонда
оған тұрмысқа неге шықты? Жасырма, жүргіце үңіліп,
ақиқатқа тоқтай біл!.. Айша тегі сүйіп тидім деп айта ал-
мас. «Асқар Мекеге аттанған соң», Айша қайғырып, өзін
қоярға жер таба алмады. Енді шешесіне не дейді? Шынын
жазса: «Кіммен байланыстың қарагым-ау» деп шерменде
боп өлеңді... Ах, Мұсілім кімнен кем? Асқардың орнын
сол бассын! Екі жыл тосты — ешбір хабар жоқ, су түбіне
кеткендей...

Шындық керек болса Айша осылай тиді оған.

Жоқ Айша! Мұның бәрі бүгінгі ішкен конъяктің сал-
дары, Асқар сөзінің әсері... Шолақ ойлаап, морт кетпе!
Сабыр...

Айша қалжырап, таң сыват бере талықсып барып үйк-
тап кетті.

* * *

Бұл кезде қатарғы бөлмеде бір тұрып, бір жатып ты-
қырышып Мұсілім жүр... Тағы да жүргегі шаншып, Айша
берген дәріден бір шағым қантқа үш тамшы тамызып,
тілінің астына салды. Ун, кезі жаңа ашылды ғой! Мұсілім
ауруға айналып кетпесе неғылсын... Соңғы күндері осы-
мен үшінші рет үстады. Ренжісе-ақ болды, жүргегі шаншып
қозғалтпай тастайды, дәл біреу ине тығып тұргандай.

Мұсілім терезені ашып, көшеге көзін салды. Қала
шырт үйқыда, тірі жан жоқ. Күндіз машина мен халық

сімай кететін көше, бос даңғырап тұр. Әне, бет-аузы бұжыр-бұжыр ай, бұлт астынан шыға кеп Мұсілімге қарап: «берілме!» деп иегін қаққандай. Ау, Мұсілім есуас па, қарадан қарап жүріп «беріліп?» Мұсекең әрқашан да әуелі өз «шаруашылығын» жөнге сап, соңсоң басқаға қарай ауыспай ма? Әлбетте Айша ана келген ала аяқ пен баяғы «романын» қайта бастаған. Бүгін оңаша бір үйде ішіп, сүйіскен де... болар... М-м, бұған қандай әдіс қолдану керек? Мұсілім Айшадан айрылмайды. О жағын атама! Қазіргі күрес екеуімен де қатар жүргені қолайлы. Неге дейсіз ғой? Есендіреле екеуі де бет-бетімен кетеді, бас сауға!..

Мұсілім қиялы түн өрінде тым жүйрік. Алматы, Москва одан қайта оралып Теміртау үстінде қарақұстай қалықтап тұрып алды. Бұл Асқар деген қайдан келді, кім өзі? Оның ақталды деген документін көрген кім бар? Әлде сүрегін бітіріп, немесе күнәсін кешіріп шығарған болар? Бұл енді қаншалықты өзін-өзі ақтар екен? Кім біледі, ертең «қасқыр» боп шаптан тартып жүрсе... Мұсілім сенбейді!

Қарағанды барып қауіпсіздік комитетіне кіріп, жайжапсарды түгелдей жеткізсе: «бұрын осындаиді адам еді, сол тағы қайтып кеп семьяма бұлік сап жүр!» десе қайтер еді? Мүмкін: «ойбай ол тағы басын көтерді ме? Онда сен бақылап соңына түскейсің!» дер?

Мұсілім алақанын алақанына уқалап, мұртынан күлді, аяғын ептең басып, терезе алдына кеп қайта тоқтады. Ай тағы да бұл астына тығылып қалды. Қөлеңке көшеге түсті. О мынадай қараңғы көшеде кешірек жүрсе, аңдып тұрған біреу соғып жіберіп, таяды-ау?.. Ана Магниткада жиырма төрт мың жастар істейді, ішінде талай ығай мен сығай бар...

Жоқ, Мұсілім бұл комитетке бара алмайды. Оның есігі Мұсілімге жабық. Баяғы заман емес, таныс жігіттерден қалғаны және жоқ. Қайта өзінді ұстап ап, тәлекек қып, қалалық партия комитетіне айтып жүрсе, масқара ғой. Тәк-тәкпен тұрған Айша үйден қуар.

III

Мұсілім ойы шырмалып, құм арасының шеңгеліне түскендей адасып, жол таба алмай, үйқатап кеткен-ді. Тұрса сағат тоғыз! Қөзінің асты іскен, мең-зең. Ешкім оятпаған. Әлгі апасы қайда? Бейшара керек кезінде бір табылмайды.

— Жайбала! — Мұсілім айғай салды. Ас үй жақтан сылл-сылл басқан біреудің қадамы естілді. Сол — Жайбала, соның жүрісі. Бейшара алжыған ба, неге оятпаған Мұсілімді. Есікті ақырын ғана ашып, Жайбала басын сұқты. Дауде болса қате естіп қап оятып жіберем бе деп қорғаншақтап тұр. Ия, осы үйде Мұсілімге шын жаны ашиғын осы Жайбала!

— Ояндың ба? — деді ол өзі көзіне өзі сенбегендей та-
балдырықтан бері аттамай.

— Кірсейші, Жайбала! Не қара басты сені оятпай?
Жайбала кірпігін жыпылықтатып абыржып қалды.

— Шырт үйқыда жатыр екесін, қимадым!.. Айшага айтып ем: «Жатсын, қайтесің!» деді.

Мұсілім миының арғы бір түбінде көк күшік сияқты құзетші-ой шәу-шәу етіп үріп қоя берді. «М-м, тегі ол Мұсілімді үйқтатып тастап, өзі алдын ала қалалық партия комитетіне жүгірді. Шағым жасап өзін ақтау, басқадай бөтен ой жоқ!» — деді ол күшік.

— Айша қайда?

— Қызметіне кетіп қалған!

Мұсілім толық ауыр денесін әрең көтеріп, орынан самарқау тұрды:

— Шайыңды дайында, Жайбала! — Телефонның құлағын көтеріп, әуелі қалалық партия комитетінің номерін теріп, Базаровтың көмекшісіне көпшік қоя мақтап алды: «Сенің іскерлігіңе бүкіл қалалық актив қызығады. Анада, сенің екі телефонмен қатар сөйлескеніңді айтып ем, біздің завод инженерлері біржола ден қойды» деп алыстан орағытып кеп: «Не жаңалық бар?» деді. Ең сонынан: «Менің әйелім: «Назаровқа кірем!» деп отырғанды, менің де кіруім қажет еді, келсе, маған дың еткізе тұс!» деп телефонды іліп қойды. Қайдан барсын, дәті шыдамас, аса дүзі қара болса да!

Шай артынан машина шақыртып алды да, тұнгі жасаған жоспары бойынша іске кірісті. Я, сәт!.. Мұндайда кім бұрын қамтыса сол үтады. Мұсілім баяғыдан бері шошқа

тағалап жүр дейсің бе, тым кеңе болса да өмірінде сабак алған болар...

Кабинетінің алдында үш адам құбір-құбір сөйлесіп отыр екен. Мұсілімді көріп олар түрегелді. Кебежені кемірген тышқандай мазасыз құдік жүрек түбінде тықырлатып жатса да, Мұсілім көңілді дауыспен: неге келгенін ұрап, мәселелерін қолма-қол шешіп берді де, Лидадан партбюро хатшысын Серегинді шақыртты. Бірақ, ол паңданып тез келе қоймады. Коммунизмді жалғыз өзі құрып жургендей кекиетіні бар. Эй, осыны бір сүріндіретін кезең келе ме, жоқ па?

Аздан соң Серегин сол аяғын сүйрете басып, жұмсақтау, сирек, селеу түстес шашын маңдайына жалбырата түсіріп, кіріп келді.

— Сіз шақырдыңыз, біз келдік! — деді көзін шанышыла та қадап.

— Ақылдасатын шаруа бар. Е, сіз заводтагы соңғы оқиғамен таныс та боларсыз? Авария үшін инженер Сататова басқа қызметке ауыстырылған-ды. Сол кісі қисық мінез көрсетіп, қызметке шықпай қойды... — Мұсілім жиі-жиі Серегинге көз тастап, түр-әлпетінен сөз эсерін сезгісі келеді. Серегин төмен тұқырайып, стол үстінде тұрган арыстан бейнесіндегі темір құлсалғышты қызықтаган адамдай айналдыра қарайды.

Мұсілім сөзін жалғады.

— Не істейміз соған?

Серегин басын кенет көтерді.

— Өзіңнің не ойың бар?

— Құрышпаевтың мәселесін әлі қараган жоқсын той?.. Сол екеуін партбюорода бір қарап егер... — Серегиннің астыңғы ерні дір-дір етіп жылайтын адамдай кемсөңдегені несі? Тегі ашуланайын деді ме?

— Егер?

— Егер өзі сұранып кетем десе ұстап қайтеміз, солай емес пе? Енді ол бізге қызмет істеп жарытпайды! Базаров та соған қосылады...

Серегин столды жұдырығымен түйіп қалды.

— Не деп отырсың? — деді өжірейіп көзімен жеп.

Мұсілім шошып кейін шалқайды — мынау ұрып жіберуден тайынатын емес қой. Есерсоқ!

— Ау, осы жұдырық ертең өзіңе зіл бол тимесін! — Мұсілім тыжырынып, сұқ қолымен оның жұдырығын нұсқады.

— Жұдырық түгіл таяқпен ұрар едім, егер партбюроның хатшысы болмасам!— деді Серегин ентігін баса алмай дірілдеп.

— Николай Иванович, саған не болған, иервің әбден бұзылған-ау?— Мұсілім енді ашынған дауыспен аяп сөйлемді:— Бұрын мұндай емес едің!

Серегин орнында отыра алмады, терезе алдына барып, көйлегінің жағасын ағытып, алқына демін алды! Мұсілім шылымды сирек тартатын, столдың жәшігін ашып, тығып қойған шылымын шығарды.

— Шылым тартасың ба?— Мұсілім ашу тарқатып тіл табудың жолын іздеді. Серегин үн-түн жоқ бір шылымды алды да, қолымен езгілеп, тұтатпай тұра берді. Мұсілімнің қолындағы бір тал сіреңке де тегіс жанып, қолын шарпып барып сөнді.

— Жолдас Мусин, Сагатованы құғындауды неге қоймайсың осы?— деді Серегин қatal үнмен.

Мұсілім үнсіз басын шайқады. Е, Мұсілімді «құбыжық» қып көрсетіп, өзі зәбір көрушілердің қорғаныш-сүйеніші болмақ-ау? Мұндай сүзеген «бұқалардың» мүйізін талай қағып тастаған Мұсекең.

— Дәлел?— Тамағы кебіріп қалған ба: «дәлелі» «тәлел» боп естілді.

— Дәлел?.. Басқан ізін аңдып, күн көрсетпей жүргеніңді бүкіл завод біледі. Оны жасыра алмайсың.

— Дау құған бос сөз!

— Э, факті керек пе саған? Ендеше...— Серегин бір саусағын бүкті.— Өндіріске жап-жақсы пайда келтіретін проектісі бар еді, құлаттың ба оны... Құлаттың! Бір де.

— Жоқ, сен өзің инженер емессің, «жап-жақсы» деп қалай айтасың? Мұмкін ол «жаман» шығар?

— Жамандығын осы күнге дейін дәлелдедің бе? Жоқ, Екіншіден...— Серегин екінші саусағын бүкті.— Жоқты сылтау ғып сөгіс бердің бе?

— Бердім!.. Тіленіп келмесін! Келсе салдыр-салак істемесін!

— Бүгін қызметтен қуып отырың. Үш де.

— Аварияға сен жауап беретін боларсың, ә?

— Білеміз, неге соңына түсіп жүргеніңді...

— Неге? Ал айта ғой?— Мұсілім селк етіп кейін шалқайды. Қазір: «Асқар үшін!» дейді. Естіген екен!..

— Қорқасың! Орнымды тартып алады деп сескенесің!

— Ха-ха! — Мұсілім қарқылдағап өтірік күлді. — Ой ақылдыым-ай! Қарашы күн бұрын бәрін біліп-пішіп отырғанын!

— Сен ұятыңды күлкімен жума.

— Тіліңді тарта сөйле!

— Жоқ, бүгін мен сенімен сөйлеспейім, тәбелесем!

— Онда милиция шақырайын алдын ала.

— Шут гороховый!¹ — деп Серегин жиіркене көз тастады. — Сен де бір кезде министрдің орынбасары болдың-ау! Таңым бар, қалай қойған десейші?

— Ау, сонда сенен неге сұрамады екен, э?

— Сұраса мен айтар едім: ұсақ-түйектің адамы, алысқа құлаш сермеуге өрісі тар, мемлекеттік жаны ашыр тілегі жоқ. Тек «өзім» деп қарабасының қамын ойлайтын адам. Ҳалқым өссін, елім көркейсін деудің орнына «орнымды біреу тартып ала ма» деп соған дірілдеп, ұсақ-түйекпен қүнелтеді, дер едім.

Бұл сөз Мұсілімнің шымбайына батқандай. Бұрындысоңды мұндағы сөзді ешкім бетіне айтып көрмеген-ді. Әсіресе «мемлекеттік жан ашыр тілегі жоқ» деген сөздің астарлы сыры бар. Бұл ойын ол ертең Базаровқа да айтады. Ең бәлесі осы...

— Дәлел... Дәлелсіз сөзді өсек деп ұғам. — Мұсілім бұл жолы дәң-айбат шеге, тәбелеске шыққан этеш тәрізді жауырынын күжірейтіп, қолындағы газетті лақтырып жіберді.

— Сенің мемлекеттік ойың болса, қазақ әйелінен шыққан жас инженерге жаның ашып көмектеспес пе ең?

— Мен қазақ, орыс деп ұлтқа бөлөтін ұлтшыл емеспін.

— Міне ұсталған жерің осы. Ленин айтқандай: сен не өз ұлтын жек көретін «держимордасың», не «ұлтшыл» деп кінә тағады дейтін қорқақсың. Екінің бірі. Ұлт кадрын — бақшадағы ғұлдей күтіп, өсіру ең қадірлі міндетің емес пе. Эх!.. — Серегин аяғын сыйыр-сыйыр басып есікті тарсқойып шықты да кетті.

Мұсілім қолымен басын тіреп — столға тұқырая қаррап, отырып қалды. Не деп кетті, әлгі? Өш адамның сөзі... Айтқызып отырган Сагатова... Жә, ол солай болсын. Бұл оқызды неге жақтайды? Осыны табу керек. Әлде бұл Қайырға жағынам деп қызды қолдан жүр мә? Соңғы

¹ Жүрт мазагы.

кезде Қайырдың өзі де бұзылып, сол қызға қарай ауыса бастағаны мәлім. Ертең үйлеіп қойса екеуі Мұсілімді мүйіздел, бұл заводтан қууы сөзсіз! Алдын ала қам жасамай өкініште қалуға бола ма? Қанша дегенімен «тайша» аты бар ғой. М-м, жаңағы Базаровқа барып, қара күйені Мұсілімге былшита жақса... Оған Айша қосылса... Әлгі соққан телефон соқпады-ау!.. Жоқ Серегиннің тауалы қайтқан, енді Базаровқа бара алмас... Қазір Мұсілім Базаровқа барып, кейбір жайды түсіндіреді де, тұра Қарағанды тартады.

Қармақты бұрын сермеу — сақтық!

Мұсілім звонок басып Лиданы шақырып алды: «Тығыз шаруамен кетіп барам, тосып отырған адамдар ертең келсін» деді де, машинаға отырып ап, қалалық партия комитетіне жетіп барды.

Базаров жаңа гана түскі тамаққа барайын деп, жиналып жатыр екен.

— Василий Федорович, сізде бір асығыс шаруам бол келдім... Қарағанды жүріп бара жатыр ем.— Мұсілім монтаны пішінмен есік алдында кес-кестеп тұрып алды. Мұсілімнің жаттап алған қағидасты: «Бастық алдында шылбыр сүйрете сөйлесең, ұрылдың де! Негұрлым ұлтандап айтсаң, соғұрлым сөзің ұтымды да әсерлі!» деген. Осы ережемен киіп-жарып сөзін тіке бастады.

— Заводта болған аварияны естідіңіз бе?

— Естідім.

— Сол үшін инженер Сагатованы орнынан ауыстырыдым. Эйел адам ғой, цехта істеу қын болды. Шамасы келмеді. Қалай дейсіз?

— Солай лайық деп тапсаңдар... Бірақ өзі құлышынып, қолына түкіріп жүр еді, анада Магниткаға да бармады... Директорды тоспадың ба?

— Завод жоспары орындалмай олқылықта отыр. Қалай тосамыз? Өзінің сөгісі бар... Жұмысшылар арасында беделі жоқ. Құрышпаевтың бригадасы сол Сагатованың сменасында ғой, бет-бетімен олар кетті. Серегин көмек берудің орнына бүйректен сирақ шығарып ол жүр... Білмейім, осы күз демалыс алып, басқа бір жерге ауыспасам. Қолтықтап демейтін кісі жоқ, ең басты қырсық осында!

— Құрышпаевтың мінезін талқылады ма?

— Жоқ! Бүгін айтып едім, қолын бір-ақ сілтеп столямды ұрып, боқтап кетті.

— Не дейді, жын шалған ба өзін?

- Не десең де сол!.. Сагатова жұмысқа шықпай ол жүр, техника кабинетіне жіберіп ем — менсінбейді...
- Мынау сұмдық екен!.. Жақсы, ертең заводқа өзім барал! — деді ол орнынан көтеріліп қатал үнмен.
- Менің тағы бір сөзім бар еді.
- Сонда айтарсың...

Қарағандыға аттанудан бұрын тағы бір үй бар екен. Мұсілім кіріп шығатын. Бүгін-ертең директор Москвадан ТУ-104-пен ұшып келуі де ықтимал... Базаров «өздерің біліңдер!» деді ғой. Сол өздерің ертең келген соң қарсы болып бұлдіріп жүрсе... Алдын-ала қамтыған жөн де... Мұсілім Ақмарал жеңгесіне соқты. Жеңгесі үйін сылатып, төсек-орнын қағып, баласын күтіп отыр екен. Мұсілімді ертіп, баласының кабинетіне алып барды: үйдің тәбесіне, қабырғаларына ою салғызып әшекейлепті де, еденін лак қосқан сырмен жарқыратса сырлатып, төсек орнын жи-наездап жинап қойған, кірсе шыққысыз.

— Қайдан жүрсің? Жыл құсындағы анда-санда бір көрініп жоқ боласың? — деді Ақмарал күмістелген сүйек шақшасын қалтасынан алып, насыбай ііскеп.

— Жеңгей сіз насыбай атушы...

— Атпаймын, ііскеймін!.. Қайырдан хабар бар ма?

— Өзіңнен білгелі келдім-ау, жеңгем!

— Осыдан бес күн бұрын телефон соғып, Москвада тағы бір жиналыш болады, соған қалам деген.

— Э, жақында Орталық партия комитетінің пленумы болатын-ды. Басқа ештеме айтпай ма?

— Жоқ... Сен немене, мұнда Қайыр жоқта у-шу ғып жүргенің? — деді Ақмарал. Бірақ жеңгесінің кең танауының желбезегіне мысқыл жасырынғанын Мұсілім байқап қалды.

Дәмеш жайында пікірі белгілі, іштей қуанып та отырған болар, үйтсе де, ерке жеңгейді қытықтап қойған жөн.

— О не қылған шу, жеңгей?.. Бұл қазақ тиыш жүрсе, іші кебеді-ау?..

— Уамай, адырам қал!.. Қаярсынуын!..
Мұсілім мырс-мырс күлді.
— Жеңгетай тіл тигізіп алдың ба?
— Тигізбей? Менімен жасырынбақ ойнасайшы? Дәмешті неге қызметтеп шығардың? Өзім-ақ сұрайын...
— Кім айтады «шығарды» деп?

— Осында Құрышпай шал келіп кетті, тіксініп «қолыма түссе, дейді, жүндей түтем».

— Мен шығарғам жоқ... Ау, пәлесін маған жаппағын... Сіз оған қарсысыз ба? Шығарғанға дейім...

— Мениң баламсызы шығарма. Жанжалға басың қалағы.— Ақмарал сөзін аяқтамай көз қызығын стол үстіне аударды... Ақмаралдың көзін аңдыған Мұсілім, стол үстінде кішкене рамада тұрған Дәмештің суретін таныды. М-м, енді белгілі! Ақмаралдың аузына құм құйылып отырғаны осы екен гой.

— Бәсе, неге шырылдан үстіне түсे қалды деп күдіктеніп ем... Келін десеңізші.

— Білмейім, не магнит бар екенін! Эйтеуір, осы қыз десе ішкен асын жерге қояды. Екеуміз осы қыз үшін қырги қабақ та болдық. Енді өзім қойдым.

Мұсілім бусанған көзілдірігін сұртіп, іштей өзіне-өзі ұрысты: Е, сенген қойым сен болсаң... Әлде қайсарып отыр ма? Тағы да тамырын басқысы келді.

— Ораз да сол қыз үшін бүлінді деп өсек таратып жүр.

— Кім не демейді!. — дей салды Ақмарал.

Мұсілімнің астарлы сөзіне түсінбей қалды да?

— Ау, жеңгесі-ау, осы Ораздың Ажардан айрылғаны рас па?

— Қой, қайнам, тұртпектеп қайтесің... Мен тірі тұрғанда ол болмас, ондайды сезсем: экесі Құрышпай мен екеуін қосақтап қойып, Тескен тау айдатамын...

— Жеңгем-ау, өкпелеп қалдың ба? Жұрттан сатып алған сөзімді, сол бағамен саудалап отырмын.

— Мен білмейтін қайнамда сыр жоқ, үстемдеп сөз қосып отырсың гой. Өй, алышатар неме!

Мұсілім жеңгесінің сөзіне өкпелемейді, қайта қарқылдаپ құледі.

— Аллай, енді алышатар қылдыңыз-ау. Туғалы мұндаидар қорлықты көргем жоқ. Қой кетейін, бұдан да ашы сезестіп қалармын.

— Тәйт, көлгірсімей отыр. Сен Ораз туралы бықсытып жүргенің не?

— Айтсаң бір пәле, айтпасаң екі пәле. Ол жігіттің өзі гой мені де, Қайырды да ұятқа қалдырған.

— Қайдам.. Эйтеуір саған жабады. Осы бір қыз келмеді, пәле келді. Осы завод сол қыз жоғалмай оңбайды,— деді Ақмарал ашынып, жасырынбақ ойнау жетті

дегендей. Жеңгесінің арындап алатын мінезін Мұсілім бұрыннан біледі. Сабыр етсе өзі-ақ сырын ақтарады. Сондықтан Мұсілім мезгіл жетті деп үқты. Ақмаралға Дәмеш жайындағы өсекті тегіс жеткізді. Жеткізгенде әсерлеп, түрлендіре түрлі саққа жүгірте жеткізді...

Ақмарал үйінен көңілді шыққан Мұсілім, машинаға отырып ап, тұра Қарағандыға тартты. Мұсілімге тағы бір дәлел табылды: Дәмеш Қайырдың қалыңдығы. Бұғін-ертең той. Сондықтан Қайырдың ренжиуі де мүмкін, оны Совнархоз бастықтары күн бұрын біліп қойғаны жөн емес не?

IV

Оразды біреу аңдаусызда ұстап ап, құм салған қаппен жаныштап, езгілеп кеткендей денесі мылжа-мылжа, көңілі жабыңқы. Қолға қарай жүріп келеді. Эх, бұғін аңға шықса... Аңшының ізден таба алмайтын күні: қоңыр салқын, аспанды қаптаған ақша бұлт. Тек сонау көкжиекте жинала бастаған қара бұлт жауып қетіп жүрмесе. Эне бір бұлттың етегі ыдырап шашақтанып түр, тегі Қарағандыда жаңбыр жауып жатқан тәрізді. Я, бұғіндегі күнде Қызыл таудың қойнында арқар қойдай өреді. Тас түбінде отырып ап, бытырлатып сұлата берсе. О дүние! Ажар ерегесіп, машинаның кілтін тығып, бермей қойды: «Дәмешті мінгізіп ап саяхат шегесің!» дейді. Қызғанады. Элде Иннокентийдің мотоциклін сұраса қайтеді?.. Сол осы «сатам» деп жүр еді, берер ме екен?

Ораз жардың жиегіне кеп отырды. Қөл — күлген кемпірдің бетіндегі жыбырлап, қатпарлана ажымданады. Темірлі тау мен Жауыр тауының екі арасындағы шатқалдан Арқаның желі соқса, көлдің астан-кестені шығады — көбік шашып, толқын атады. Бұл ашулы қөл. Откен жылы Геннадий балық аулайым деп суға кетіп қала жаздаған. Жарайды, бұл откен-кеткен Ораз көңілін алдандыра алмайды. Беймаза ғып, жүрек кернеген екі сыры бар. Бірі — Дәмеш. Ол — Ораздың қол жетпес арманы. Кейде сол арманы буалдыр сағымға оранған Дәмешкө айналады да: «Келші, сүйші!» деп ернін тосып-шақырған тәрізді. Шіркін өзі болар ма еді? Бала күнінде Дәмештің Оразға ернін тосқаны бар. О кездे екеуі де сегізінші класта оқитын-ды, қайыққа мініп, көлдің аргы қабагына саяхатқа шықты. Темірлі таудың қойнында жидек, нелер әдемі түз гүлдері өседі: қызғалдақ, сарғалдақ, айгұл, миуа, керегөз сияқты

қызыл да жасыл гүлдер жаэға салым толықсып қаптал кетеді. Дәмештің соңынан корзинка сүйреткен Ораз бет-аузы қан жалаған иттей жидек шырына боялып, қызыға құлқи боп келе жатыр еді. Үлкендігі түймедей көгілдір де дәңгелек көзінің ішінде қараашықтай ақ бедері бар айгүл, тас түбінде желпілдеп түр екен. Ораз қуанғаннан:

— Дәмеш міне айгүл! Ләқаула, қандай ғажап! — деп айғай сап, бірсыныра жер кетіп қалған Дәмешті шақырып алған. Дәмеш те ғұлді ерекше сезініп жанымен сүйетін. Айгүлді көріп қуанып, жұлып алуға батылы бармай, ай-малай берді. Ораз жігіт емес пе, Дәмеш тілегіне түсінді де ептеп, бұлдірмей үзіп ап, қызыға ұсынды. Сонда риза болған Дәмеш ернін тосып: «Сүй!» деп әмір еткен-ді. Сол Дәмештің ыстық ернінің дәмі аузынан әлі кеткен жоқ. Әсіресе оның Теміртауға соңғы оралуы, Ораз жүргегін қайта ояты. Көзіне Ажар ілінбей қалды. Кеше ғана құмартып сүйген, домаланған тығыршықтай Ажардың орнын орта бойлы, сымбатты, аққұба қыз басты. Әсіресе, мөлт-мөлт еткен бота көзі шақырады да тұрады. Дәмештің көркі ғана емес, оның мінез-қылышы, жүріс-тұрысы, нәзік дауысына дейін Оразды қызықтырып, құмартса түседі.

Дәмеш кейде: асқақтаған ерке, ақ жарқын-ашық, өткір тілді батыл қыз да, енді бір сөт бүйіғы, үялшақ, қапыда байқамай айтқан сөзден бетінің оты шыға қызарады. Қыры көп, сырлы жан.

Дәмеш ең алғашқы Алматыдан келген кезде: таңертең Ораз балконға шығып кітап оқиды, Дәмеш әндете жүріп үй жинаиды. Тенбіл ғұлді атлас халатын киіп ап, ашық балконнан олай-бұлай өткенде, Ораз: «Шіркін, Ажардың орнында Дәмеш болар ма еді!» деп өкіне күрсінді. Сонда оның басқан қадамын аңдиды.

Я, Дәмеш келгеннен бері Оразда тыныштық жоқ. Немен аяқтарын кім біледі? Дәмеш Ораздың неге қиналып жүргенін сеземе екен?.. Сеседе, білдіре ме ол? Жоқ, бұлай дел-сал мәжнүн боп журу — Ораздың арына симайды. Дәмештің өзімен неге ашық сырласпайды?

«Әй, Ораз-ай үшқары ойлайсың-ау! Қазір жүрек сырын шертетін мезгіл ме?» деді іштей бір кекесін дауыс... Дәмешті қызметтен шығарып тастаса, өз басымен қайғы. Шамасынан келсе Ораз оны жалғызсыратпай, ісінің әділ шешілуіне көмектесуі керек емес пе? Бірақ «Депутаттың гой, обкомға айтып комиссия шығартайын!» деп еді Ораз, көнбекен Дәмештің өзі.

Бас инженер Дәмеш емес, Ораздың да үстіне төніп, қарақұша бүргісі кеп жүр. Ораздың ақ ниетін теріске шығарып, шу көтерді. Сол күні: «Мені тізімнен өшіріңдер» деп бекер айытты ма екен Ораз? Жоқ, Ораз айтпай тұра алмайды. Ары не бұйырса соны істейді.

Ораз орнынан ұшып тұрып кейін бұрылды. Қас қарайды. Қара барқыт шапанын жамылып, Арқаның тұні де келді. Ораз бақшаның ара-арасымен жүріп отырып, шеткі үйге жақын барды. Мысықша ұрлана басып, терең зеден сығалады! Дөңгелек стол басында Ораздың әкесі мен Дәмеш отыр. Шалдың күжілдеген дауысы шығады. Ораздың жас кезінде: әкесі жайдары, әзілқой жігіт-ті. Қартая келе — өкпешіл, тырысқақ боп кеткен тәрізді. Алжын дегені ме?

Ораз құлағын тосып тыңдалап бақты:

— Еліме кетем. Қалмайым!.. Бұл не тұрмыс? Сен де жүр, бізге Жетісудан бір орын табылар... Кеше ұлken ұлыма хат жаздым: «Көшіріп әкет!» деп...— Құрышкең ерін мойнына ап тулас отыр.

— Асықпа, ата! Баяғыда өзіңіз айтуши едіңіз гой, «Е, мұның да бір қайыры болар!» деп...— Дәмеш сөзін аяқтамады, шал тағы киіп кетті.

— Сені қуды. Мен жұмыстан қалдым. Сенген Ораз ол өз бетімен жүр. Енді бізде не бедел, не ар қалды?.. Аржағын Ораз ести алмады, Дәмеш дауысы бәсендей сыйырға айналды. Жүректен кинала шыққан сөз тәрізді. Енді ықласын сап, тағы да құлағын тоса бергенде көшениң мүйісінен қараңдаған біреудің тұлғасы көрінді. Ораз зып етіп үйді теріс айналды да, бақша ішімен қайтадан көл жиегіне оралды.

Көл ортасында судың түбін тазалап жатқан тралдың оттары жарқылдайды, алystan рейдте тұрган кеме сияқты. Одан берірек ыдыраған бұл астынан көлбей түскен ай жарығымен, бір қайық жүзіп келеді. Қайық есken екі қыз құбылта әндetedі.

Ораз қолымен тізесін қапсыра құшақтап, оның үстіне иегін төсеп, бір уыс боп отыра берді. Бір кезде көлдің суы қып-қызыл боп қанталап кетті. Ойға шомған Ораз әуелі таңданып «бұл не қылған керемет», аспан өртеніп жатыр ма деп аспанға қарады. Есіне түсті. Жымын артына бұрылды. Мартен пешінің мұржасынан атқан қызыл жалын қалаға нұр сеуіп, жап-жарық қып жіберген. Көшеден жоғалған инені табатындей.

«Құрыш ағызып жатыр екен... менің цехім»— Ораз күбірлеп, қуана қарайды. Ораз кешкі тұнық ауаны кеудесін кере, қабына жұтты. Керемет емес пе!? Осы жалынды ықтиярсыз тар пештің ішіне қуып тығып, сегіз сағат жандырып, қоя бергенде лап етіп аспанға қашқан беті бұл. Ол — отты пенде қылған Ораздың бригадасы. Осы құрыш ағызып жатқан дәуде болса қияқ мұрт Тұхфатуллин. Ол — қазір коммунистік еңбек бригадасының атағын алды. Қердің бе, Ораздың маңына дари алмай, кешегі қалып қойған Тұхфатуллин, бүгін озып шықты. Оған кінәлі Ораздың өзі емес пе? Дандаисып, басқадан бөлек маған жағдайдың керегі жоқ, жұрт қатар істеп, озып шығам деген. Пай, шіркіннің жүйрігі-ай? Кеше «құрмет тақтасының» жанынан өте бергенде, канал тазалайтын екі жұмысшы әйел не деп тұрды? Есіңде ме?

Біреуі:

— Тұхфатуллин қандай айбынды жігіт! Бұл жуырда ер атағын алады, әлі!.. Хе-хе! Сенің жақсы көріп жүретін Оразың түсіп қапты гой! — деп келемеждей күлді:

Екіншісі:

— Ия, бұрын осы арада соның суреті ілуі тұруши еді... Не болғанын бишарага!.. Жұмысқа кетіп бара жатып күнде бір қарап, мақтанатын едім... — деп мұңайып сыр білдірді.

Жердің тесігі болса Ораз кіріп кететін еді. Қайтерін білмей сасып, апымай, көріп қалмаса иғі еді деп, жүгіре басып, қырындап өте шыққаны қайда?

Үйге жақындаған бергенде, Ораз қобалжып, жүрісін бәсекедетіп, бір басып, екі басып, үріккен маралдай елеңдей берді. Бара ма, жоқ... Тұнде үят боп жүрмесе...

Ораз кіріп барды. Әкесі жоқ, Дәмеш жалғыз өзі нотаға қарап, рояль ойнап отыр екен. Оразды көріп рояльдің қақпағын тарс еткізіп жаба салды да шұғыл қимылдан орнынан кетерілді. «Неғып жүрсің, тұндетең?» деген көзінен шошыған үрей байқала қалды. Дәмеш жудеген сияқты көзі шүңгірейіп, мұрны ұшталып, белі қыила түсінен. Ұзын ақ саусақтарын Оразға ұсынды. Қандай нәзік те жұмсақ! Мартен пешінде істейтін инженер дейтін емес.

Ораздың көніл күйін сезгендей әңгімені Дәмештің өзі бастады.

— Жаңа, сенің алдыңда атам келіп кетті. Елге көшем деп бұлқан-талқан боп, Мағзұмды шақыртыпты. Менің халім болса, мынау... Осы сенің не ойлаған ойың бар?

Саған барсам ба деп отыр ем, жақсы келдің!.. Кәне екеуіміз ғана ғой, шыныңды айтшы, не ойлаған ойың бар?.. Сен демалыс үйіне неге кетіп қалдың?.. Жұрт әлі білмейді. Бірақ, біз сеземіз...

Ораз қыбыжықтай қызара-тепшіп отырды да, басын кенет көтеріп Дәмешке құлімдей қарады.

— Шындық керек пе?

— Эрине!

— Менің Ажардан көңілім қалды.

Дәмеш: «осы да себеп болып па?» дегендей иығын қозғап таңданған пішін білдірді:

— Әуелде неге үйлендің? Басын неге қатырдың?

— Саған ыза боп...

— Ха-ха!— Дәмеш сақ-сақ құлді.— Маған неге ыза боласың? Мен сені тастап тұрмысқа шығып кеткен жоқ едім ғой?

— Сенен қорықтым!

— Гажап!— Дәмештің ерніне тағы да күлкі жиналады.— Неден қорықтың?

— Сенің біліміңнен!

— Білім адамды құбыжық қып көрсете ме? Қайта білім адамды жүқартып, сезімін ұштамай ма?

— Сен сезімтал — мен аю сияқты боп, үйлеспей қалам ба деп қорықсаным да!

— Ха-ха. Құрыш құйған адам сезімтал болмайды деген қисынды сенен естіп отырмын.

— Жаңа өзің айттың ғой?

— Білімді кітаптан ғана алмайды адам. Еңбек те білім береді. Сен сөзге жармас па!.. Онан да асығыстық жасадым де!

— Жасадым, енді соны түзеткім келеді!

— Кеш қалдың, достым!.. Балаң бар, кішкентай Боллатты тастап, қайда баrasың?.. Женілtek болма, семьяңмен тату-тәтті бол!

— Болмасам ше?

— Оnda саған өкпелеймін! Мені сыйлағаның шын болса — экеңді ренжітпе... О кісі іштен тынып, уайымдал жүр. Сенің герой деген атың бар... Бас инженер басқан ізінді аңдып, қалай ақсатсам деп жүр...

Алғашқы бір сөздерде қараңғы түндегі жұлдыздай жарқыраған, Ораздың үміті, енді көмескіленіп бұлдырай берді. Лепірген жүрек судай басылды. Қөзі қарауытып, қенделіп орнынан тұрды.

— Хош, Дәмеш!

— Осы-ақ па, отырғаның? — деді Дәмеш, азырқанып.

Ораз қайтып үндемеді. Аяғын ауырлай басып үйден шықты.

Дәмешке айтпақ сыры көп еді, бірі аузына түспеді: бригаданың Дәмешке деген қамқорлығы; олардың: «Жалғызырамасын, біздің жүргегіміз Дәмешпен бірге соғады» деген сәлемі, түгелдей айтылмай қалды. Міне осындаі әдеті бар — ылғи Дәмеш алдында тілі күрмеледі. Неге?

Ертең демалыс деген күні Ораз күндізгі сағат төртте жұмыстан шықты да, Геннадийдің мотоциклін сұрап ап Қызылтау тартты.

Ораз бұрын Қызылтауға бір рет барған-ды, бірақ о жолы Күміспекке еріп барып, күздің ақ жауынына ілініп, эттеген-ай деп, бармағын тістеп қайтқан. Қазір аң аулаитын мерзім емес, бұл үшін — мылтығын тартып ап, штраф салуы да мүмкін, өйтсе де беймаза қылған жүрек дерті шыдатпай, қаладан қашырды.

Мотоцикл де — су кескен сұңғır қайықтай, желді есіп зырлап келеді. Откен жылғы Күміспектің: жол таудың көлеңке жағымен жүреді, ал құңгей жағында қаптаған арқар, қоян-тұлқі дегені Ораздың әлі есінде... Түс ауа арқар қора-қора боп қойдай өреді. Жыландаі иірілген мүйіздерін салақтатып, бір екеуін мотоциклге салып ап, қалаға алыш барса, біреуін... Дәмешке, сонсоң Болатқа берсе... Дәмеш: «Семьяңда тату-тәтті тұрмасаң, мен саған өкпелеймін!» — деді-ау?.. Тағы не деді? «Өзіндіғана ойлама?» — деді. Кейде Ораз бала сияқты «кішіт-кішіт!» десе соған уаңып, күледі... Ажармен қалай тәтті-тату тұрады? Қымс етсе, Дәмештен қызғанып, жанжал шығарып, көңілін қалдырады... Семья болып, ерлі-зайыпты, аға-қарындас дегендей бірімен бірі араласып, сыйласып тұрмас па?.. Жығылған үстіне жұдырық — Ораз еңбектен де үтылды... «Герой» деген аты бар! Ай-ай!

Бетіне жаңбыр тамғандай. Ораз аспанға көз тастады. Бір топ қара бұлт Баян тауының төңірегінде жөңкіле көшіп барады. Жел Қызылтау жақтан, тегі жауын болмауы ықтимал. Элгі қазақ атасы айтпақшы: мен үрлық қылған күні ай жарық болды деп, дәл бүгін Ораз аңға шыққанда жауын жауса — бағының түзулігі де.

Көз ұшындағы кек тұман ішінен мойнын созып: «Мынау кім әй, келе жатқан!» деп сорайып тұрған Қызылтау-

дың шыңы көрінді. Енді бір секірсе қойына енеді... Енді де Қызылтау жықпышының қалың орман. Шатқал. Жол тау қатпарын иректей, жоғары өрлей бастады. Ораздың екі көзі шатқалдың күнгей бетінде, қазір арқарлар өріске шығады. Бұл та тарқап, күн жарқырап, таудың ішіне нұрын төкті, ағаштары құлпырып, түрлі түскे боялды. Жол тауды қабыргалап, бұрыла берді. Есі-дерті арқарда отырған Ораз рулюн бұрып үлгіре алмады. Мотоцикл екпінімен шатқалға қойып кетті. Ораздың «А-а!» деп дыбыс беруге мұршасын келтірмеді, қалпақтай ұшып түсті де, қиядан мотоциклмен қатарласа домалап, төмен қарай қалбағай ойнағаны есінде, аржағын білмейді, түпсіз шыңырауға құлап түсті... Көзін ашса — шеңгелдің арасында, екі бүктеліп жатыр. Қозғалайын десе, белін біреу омырып кеткендей, көтере алмайды. Бет-аузы жара-жара, қатқан қан. Жан-жагына қарап еді — мотоциклі көрінбейді. Апатқа ұшырағанын енді сезді. Өрмелеп, жоғары жолға шыға ала ма? Шықса — кез келетін кім? Баяннан Ворожиловқа бара жатқан біреу болмаса бөтен кісі жүрмейді!

Құлағын тікті — келе жатқан біреудің дыбысы естілмей ме екен? Ешбір дыбыс жоқ, айнала мұлгіп тұнып тұр. Осылай ит-құсқа жем болып, айдалада өлгені-ау!.. Жүргегі мазасыз қағып, тынысы тарылғандай. Әлден-ақ тамағы құрғақсып, қаны кебе бастады. Қөп шыдаса бір-ақ күн, содан соң шөлден кеүіп, жан береді. Не соғыста Отанды қорғап, жау қолынан қаза тапсаң, не пештің аузында құрыш қорытып тұрып, күйіп өлсөң, о да бірсәрі... Адамда нысап шамалы-ау, өзіме бола берсе дейді. Ораз өзі қалап, таңдап алған профессиясы — құрыш қорытуға да кеше назары болды. Осындай тәубең еске түскенде ойласаң — асқандық! Мартен пеші Оразды он жылдан аса асырап, ақыры атақ әперді. Шіркін, қолына көсөу ұстап, мартен пешінің аузында тұра қалғанда, Ораз өзі қожа, өзі шебер, өзінен асқан адам жоқ, дүние аяғының астында жатқандай сезінетін. Осы бір сезім сүйекке сіңіп, әдетке айналған, басқа уақытта Ораз аяғын жерге нық тіреп, талтаңдап баса ма осы?.. Енді міне тәубесі есіне түсіп, дүниенің бәрі қымбат, бәрі жақсы... Қызыл таудың шатқалында, ит-құсқа жем бол жатқан Ораздың сүйегін тауып алған күні: «Әйдік жігіт еді, құдай ақы, босқа өлді!» деп аяй ма, жоқ, мақтап-мақтап есуас қып жіберді!» деп күле ме? Бәлкім біреулері: «Ораз Құрышпаев дандайсып, бригада ісін ойсыратып алды да «коммунистік еңбектің бри-

гадасы» деген атаққа ие бола алмай, тауда қаңғып өліп-ті!» дер... Ертең қабырының басына осы сөзді жазып қойса, әділ болар.

Ораздың арманы өзінің құрыш құя білетінін бас инженерге дәлелдеп бір көрсете алмады!.. Шіркін-ай, тамаша ойлары бар еді... Қап! Енді бұл — кешігіп оралған ақыл кімге керек?

Ораз тағы да құлағын тікті. Таудың басында қия жартаста шақылдаған тұрымтайдың дауысы шығады. Шақ-шақ етеді, неткен шақар құс, тегі о да өзінің өмірі үшін бет тырнасып жатыр ма, кім біледі... Әлгі қойдай өріп жүретін арқардың біреуі кез келіп, құйрығына жармастырып, жоғары сүйреп алып шықса, біріне тимес еді... Түү, сандырақ па — бұл? Қайдагы қайдан есіне түсті? Жоқ, бүйтіп, оңай жан беруге болмайды... Басын көтеріп, көрсе қайтеді? Ораз зорға дегенде, арқасына аунап түсіп, екі шынтағымен жер тіреп, басын көтеріп бақты. Е, онша ауырмайды... Тағы да, тағы да!.. Басын көтерді. Бірақ отыра алмады. Сол аяғын қозғалтып байқап еді, жаны шығып кете жаздады. Көзінен от ұшып, шаншудың бір жақ ұшы жүрегін барып түйреді. Оң аяғының башпайы қыбырлағанымен, ұршық жақта бір пәле бар сияқты, сірекіп, жібермейді. Қеуде де гана жан бар. Бөксе жақ басып жатқан бір батпан!

Салмағын екі шынтағына артып, жоғары қарай сүйретілді. Шынтағын тас тіліп, тызылдан аши бастады. Жылымшылай аққан қанды да сезді. Оған қараған Ораз жоқ, демін ап, тағы да бір-екі жылжыды. Қанша жер жүрді, бір қарыс па, әйтпесе о да жоқ. Үстіп қозғала берсе, ұш күн дересінде жолға жетеді; оған сусын-азық керек. Бос қиял. Дәрменсіздік! Жан қию оңай ма, тағы да бір қи-мылдан көрсөң қайтеді Ораз? Самарқанд атты айдын көлдің жиегінде, металургтердің орталығы — Теміртау сияқты сәнді қала бар. Сол қаланың әдемі де кең көшесінде екі қабат ақ тас үйдің астында — семьясы тұрады. Қарт өкесі Құрышпай, төрт жасар ұлы Болат, әйелі Ажар күтіп отырған жоқ па?.. Оларды былай қойғанда, жасынан бірге өскен Дәмеші — балалық шақтағы кіршіксіз таза махаббаты, сағынып, жұдеп ол отырса... Кеше, оның: «Сені сүймеймін, аулақ!» деп айтуға аузы бармаганын білесің бе?.. Ең болмаса сол үшін өмір сүргің келмей ме? Мәртілдеген жас Ораздың көзін жалты, басын шайқап қап еді, күміс тамшы ағып жерге түсті. Әуіп! Тағы да сүйре-

тіліп сырғанап көрді... бір сүйем, екі сүйем, үш сүйем... одан артық әл жетпеді. Қеzi қарауытып, басы айналып, жер сүзе құлады. Аздан соң көзін ашты. Ұйқыдан оянғандай, қайда жатқанын аңғармай, маужырап жата берді. Әуелі санасының бір шеті ғана түрілді, сонан соң миди басқан қара түнек түндіктей ашылып, әрі сырғыды, одан бақайының ұшына барып таң алдындағы үйдің бұрышына тығылған көлеңкедей, құлқілдең, тұрып-тұрып жоқ болды. Денесі ширатылып, есін жинады. Қөгілдір аспан. Батып бара жатқан күн көк жиектен сығалап: ертеңгे де-йін қош бол, ренжіме! Түнде жалғызысырама!— деп қош айтысқандай... Түнеріп түн келеді, қасқыр бөрісі бірге өреді... Қалтасында сіреңкесі бар ма екен? Қасқырдан қорғап қала алатын от қана. Басқа амалы жоқ. Қасқараймай от жағатын шеңгел, қараган, тобылғы жиып алса... Ораздың жатқан жері тақырлау, сол жағында бір шоқ тобылғы қарайады, егер соның түбіне жетсе... Дауыс? Ұлыған дауыс — қасқыр адамның исін сезіп, ұлды деуші еді. Тіміскілеп лезде тапқан. Алырмай, шоқ тобылғыға жетіп, от жақса... Тағы да шынтағының қанын ағыза-тамыза, киімін дал-дал ғып, сүйретіле жылжыды. Бақайшағынан басталған шашу әлектрдің тогіндегі миын соққанда, көзінен оты жарқылдайды. Адам ауруға үйренбейді, шыдайды. Бұдан да қын жағдайда өзін-өзі ұстай білгендер болған! Шыда Ораз!.. Сол бір мезет оң жағынан сыйбыр естілді. Ораз құлағын тігіп, демін ішіне тартып, тына қалды. Қасқыр емес пе? Қеzi байланбай, эне бір қараган шоқ тобылғыға жетсе, тәуір болар еді. Денесінің бар қуатын жинап, тағы да сүйретілді бір сүйем... екі сүйем... Әуіп, енді бір сүйем! Шыда Ораз! Шынтақтан дірдектеп аққан қан қия тастарды бояп, шөп басына түсken ертеңгі шықтай мөлт-мөлт етеді.

Тағы да сыйбыр. Қеzi көрім жердегі қалың орман ішінен бір от жылт-жылт етіп, бір сөніп, бір жылтырайды. Қасқырдың көзі ме? Жан-жағын торып, келіп қалған фой. Әне бір маңдай алдында жылтыраған нақ қасқырдың көзі! Қөрдің, бе, «жейім» дейді... Шалбарының қалтасынан сіреңкесін іздеді. Қолы қалтырап, илікпейді. Бас салады-ау! Жақындап келеді. Сол жақ қалтасында жоқ, енді оң жақ қалтадан іздемесе?.. Қасқырдың көзіне тура қараса, бата алмайды деуші еді. Қайсына қарап ұлғіреді, жан-жағынан қаптап, жақындап келеді... Жан ұшырып, сіріңкесін тауып ап, енді тұтатайын десе, қолы қарысып

қалған, саусақтары илікпейді. «Жақ, тұтат тезірек! Қас-
қырлар қаптап кеп қалды!» дейді санасы. Қолы дір-дір
етіп сіреңкені зорға тұтатып, бір шоқ шеңгелдің үстіне
тастап жіберді. Лап етіп, шеңгел сыйтырлап жанды... Ораз
есінен танды.

* * *

Геннадий шырт үйқыдан оянды. Түсінде сағаты тоқ-
тап қалыпты: «Бұзылды-ау, досым сыйлаған сағат еді!»—
деп қынжылып ояна келсе, түсі. Қолын жастығының ас-
тына тығып жіберіп, сағатын суырып алды да, бас жағын-
да түмбочкада тұрган саңрауқұлақ бейімдес қол шамды
жағып, қараса — шын тоқтап тұр! Құлағына тосты —
жүрмейді! Ғажап—сағат тоқтағанда, Геннадий да оянған.
Үйқылы-ояу түсіне алмай, жата берді. Сағат неге тоқта-
ды? Геннадий неге кенет оянды? Досым сыйлаған сағат
деген өзінің дауысы құлағынан кетпеді. Бұл сағатты Ген-
надий үйленгенде Ораз әкеп сыйға тартқан. Айтқандай,
кеше Ораз Геннадийдің мотоциклін сұрап ап, аңға кетіп
еді ғой, қайтатын шамасы болды, әлі жоқ... Мотоциклі
ескі де, апатқа ұшырап жүрмесе? Әлде достың жүрегі бір-
жола тоқтады ма? Жоқ, дос жүрегі бір апatty хабарлай
ма? Түү, Геннадий жоқ-барға нанатын ырымшыл ма сон-
дай... Келсе оятып, сарайдың кілтін алыш, мотоциклді
қоймай ма?.. Жоқ!

Геннадий тұрегеліп, шылым тартты. Бірақ, қайтып
үйқысы келмеді, жүрегі толып, сағат механизмінің ішінен
Ораздың екі көзі жаудырады да тұрды. Ораздың осы бір
көзқарасы Геннадийдің есінде қалған көрінеді. Өткен жы-
лы Геннадий демалыс құні көлде балық аулады. Құннің
жел екеніне қарамастан, елігіп әрірек барды да, қайықтың
ескегін жиып тастан, қармағын суға лақтырды. Бір кездे
қармағын тартып қалған секілді, ақырын байқаса, зілдей,
қармақ қозғалмайды. Е, құдай берген екен: не тайшадай
сом, не жеңдей шортан! Ол көлде сомның өспейтіні де жа-
дында жоқ; бар пәрменімен тартып қалды, қармағы шол-
таң етіп шыға келді; Геннадий екпінімен шалқалай құлады;
қайық салмағын көтере алмай ауып кетіп, тоңқалаң асты.
Жан таласып, су түбінен көтеріле бергенде, төбесі қайта-
қайта қайыққа тиіп, су үстіне шыға алмады; дем ала алмай
тұншыға бастады; жан ұшырып, қолын ербелеңдетіп қыл-
қылдата су жұтып: «бәрі бітті» деп үміт үзілген кезде, бір
күшті қол судан балықтай суырып алды. Сөйтсе, Ораз бен
Кеша екен. Олар Москва әншілерін тыңдауға Мәдениет

сарайына бармақ боп, Генаны іздел жүріп, осы оқиғаға тап болады. Ал, Оразга не болды, соны айтсайшы?

Қатар өсіп, бір конфетті бала жастан бөліп жеген дос, жазатайым бірдемеге ұшыраса, өкініші естен кетпес... Бұлар соғыс біткенше бір аулада қатар тұрды. Геннадий Ораздан бес жас кіші болғанмен құрыбылас өсті. Геннадий Ораз қасынан қалмай бірге ойнайтын-ды. Артынан соғыс біткен соң Геннадийдің әкесі туған жеріме барам деп Воронежға көшіп кетіп, онда үйрене алмай, үш жылдан соң Теміртауға қайта оралған-ды.. Содан Ораз бригадасына қолғанат боп кіргелі, міне үш жыл. Геннадий Оразды сыйлайды да, іскерлігіне ден де қояды. Ол «өзімде ғана болсын» дейтін сұғанақ емес, өзінен гөрі достарында, бригада мүшелерінде болғанын артық бағалайды. Бірнеше жыл бірге істеп жүр ғой: үлгіре алмай жатса — мен бригадир едім деп шіреніп қарап тұрмайды, болысады, күшің жетпей жатса — көмек береді, ақыл сұрасаң — жайлап, баптап білгенін айтады. Дікілдеп, зекіп, мұрның тыжырмайды, күліп, немесе салмақты пішінде бір ауыз сөз айтады: «әх, шляпа» деп сол жетеді.

Ван Ваныч: «Ерте кезде мартен пешінде қолқанаттарға күн көрсетпей, мастерлер қуып жүретін!» деп өткенді талай әңгіме қылғаны бар-ды, осы күні кейбір құрыш қорытушылар әлі күнге дейін зекіп, «ананы әкел — мынаны әкел!» деп жатады. Ораз жас болғандықтан ба, басқаша қарайды: жұмысты керенауланбай тиянақты беріле істегениңді көрсе, сенеді де, сырттан бақылап үйренуге ерік береді.. Бригада мүшелерінің ішінде Геннадийді артықша бағалайды. «Досым» дейді, бірақ, сол «досы» әнеугі күні Серегиннің көзінше біраз сөздеп те алды. Содан бері ол томсарып, қырындап жүр...

Аздан соң таң да атты. Геннадий Машаны оятпай жуынып, киініп тысқа шықты. Қала жаңа ояңған. Бірліжарым адамдар асыға басып есік алдынан өтіп жатыр. Сақалы қеудесіне түсken шал ауланы сыпырып бұрқ-бұрқ шаң көтереді. Анда-санда гүрілдеген машинаның шуы жақындал кеп, қайта алыстайды.

Геннадий жүгіре басып Қуаның үйіне барды. Үшінші қабатта тұруши еді, жүгіріп шығып, есікті қақты. Дыбыс білінбейді. Тарсылдата қақты. Әлден уақытта аяғын дік-дік басып, тегі жалаң аяқ тәрізді, Қуан есік ашты.

— Ой, немене, таң атпай! Астыңнан су шықты ма? — деді ол шашы дудардай, көзі ісінген.

- Ораз қайда?
- Ораз аңға кеткен.
- Әлі қайтқан жоқ па?
- Жоқ.. Не боп қалды?
- Менің жүргегім сезіп тұр, сол бір апатқа ұшырады!
- Қой-ей, сен, балгер ме едің? Әулие ме едің? —

Қуан қарқылдаш күлді. Шынында қүлетін қылыш, бірақ Геннадий қолын келте сілтеп, жүгіре жөнелді. Құлағынан Қуанның құлқісі кетпейді — ұшқан шыбындай зың-зың етіп, нервісіне тиеді.

Геннадий енді Құрышпай шалдың есігін қақты. Мұмкін сол жақтан үйіне оралған болар. Достық борышын атқармай, тамағынан ас өтпес.

Кейлек-дамбалшаң, шайы шапанын иығына іле салған Құрышпай бадрая қарады.

— Ораз келді ме? — Геннадий үрейін алмайын дегендей дауысын жұмсақта сұрады.

— Жоқ, ол қайда еді?

— Кеше тұсте аңға кетіп еді, жоқ, түнде оралам деген кісі әлі...

Әке жүргегі сескенімпаз да сезімталғой, түсі қуқыл тартып, қабагы жабыла қалды.

— Енді неғып жүрсің? Іздейсің, бе?

— Қөлік жоқ.

— Мін, ана машинаны! Жүргізе білуші мә едің? Айтқандай, сениң мотоциклің бар емес пе еді?

— Ораз соны мініп кеткен жоқ па!

— Өзің ғана баrasың ба?.. Мен де барайын ба?

— Жоқ. Қайтесіз. Өзім!

Шал бөлмесіне барып, машинаның кілтін алып шықты. Екеуі гаражды ашып, машинаға су құйып, май құйып, он-он бес минутта дайын қылды.

Дәл қақпадан шыға бергенде, шал:

— Жолың болсын!.. Байқа, бір жерде машинаны соғып ап, сен де отырып қап жүрме! — деп ақыл салды.

Бабына келген жүйрік аттай құтырып тұрған көк «Волга» Геннадийдің аяғы педалға тилюі-ақ мұң екен, ағыза жөнелді. Мейлі Қуан күле берсін! Атының сырьы өзіне белгілі демекші, Геннадийдің мотоциклі ойбайлад тұр, талай жөндең әуре болған қырық-жамау. Әлде Геннадийдікі босстан бос дабыл қағу боп, жұрт аузындағы: «Притча во языцах»¹-қа айналып жүрмесе игі еді. Қаладан шығып ап, тақ-

¹ Жұрт аузындағы келемеж.

тайдай қара жолмен Геннадий тартып келеді. Осындаі бір машинаны сатып алса... Қазір Геннадий әйелімен екеуі айна екі мыңдан аса табады. Біраз уақыт үнемдеп, ақша жұмсаса... мотоциклін сатса — жетеді. Әкесі қосады. Ол қазір Магниткада домнаның электросварщигі, ерен көп ақша тауып жүр.

Бір есептен машина не керек? Кешкі мектепті бітіріп ап институтқа түссе, машина мінуге уақыты бола ма?.. Машина Ораз сияқты аң аулауға қабілетті, құштар адамға жарасады. Геннадийдің арманы — институт бітіріп, инженер болу...

Найза бойы көтерілген күн Қызылтаудың быжырық шатқалын, жықпыл-түкпірлерін жарқыратып, Геннадийдің көз алдына жайып салды. Жыландаі ирілген, тар жол кия жардың ернеуіне тіреліп қап, жалт бұрылады, аңдамаған адам, тоңқалаң асып, терең шатқа құлап түсуі сөзсіз. Геннадий қазір екі рет осындаі қауіпті жерден өтті. Енді түсінікті.

Машинаны баяу жүргізіп, жан-жағына жіті қарап кеде жатыр еді, жолдың жиегінде жатқан Ораздың мылтығын көзі шалды. Машинаны тоқтата сап, шатқалдың қабағына көтерілсе, құлаған мотоциклдің ізі жатыр: жерді осып-жыртып, қараған-тобылғыны жаныштап, тастарды домалата құласа керек.

Геннадийдің зәресі тас төбесіне шықты — өлген екен! Мотоциклдің ізімен төменірек түсіп, жан-жағына қарады. Қорінбейді. Құлағын тікті, ешбір дыбыс білінбейді. Айғай салды. Жауап жоқ! Тағы да төмен түсті. Төрт дөңгелегі көктен кеп, тыраңдал, шоғыр тастың тубінде мотоцикл жатыр. Ораз қорінбейді. Енді қайтті? Геннадий кия шатқалдан сырғанап барып, оң жағына көз таставды. Ондағы ойы: машина құлаганда, Ораздың салмағы жеңіл, оң жаққа қарай үшүшү ықтимал. Адам жұмыс істесе де оң қолын жұмсап, жығылса да онға қарай құлап, онға ыңғайлы тұрмай ма? Елу қадам жер жүрген жоқ, Ораздың кепкесін тауып алды. Одан әрі аса көп ұзамады — етпетінен сілейіп жатқан Оразды тапты. Өне-бойы дал-дүл, қатып қалған қан. Тіріліктен ешбір белгі жоқ. Геннадий еңкейіп, тамырын үстады. Соқпайды. Қолымен жүрегін басты. Соға ма?.. Соғады! Жаны бар. Енді шалқасынан жатқызып, термосқа құйып алған сұын аузына тамызды. Сол бір сәт Ораз да дем алғандай болды. Жағасын ағытып, әлсін-әлсін аузына

су тамызып, маңдайын сипалап, Геннадий білген емін жасады. Терең шатқалдан сүйретіліп, бірталай жоғары жылжыса керек-ті. Не шынтақта, не қарын, тізеде сау жер жоқ, дал-дұл.

Геннадий Құрышпайды алып келмегеніне өкінді. Мынау қиядан қалай алып шығады?

Оразды арқасына салам деп байқап еді, еңгезердей тірі маєт қораштау Геннадийді түйедей шөктірді. Арқасына салақтатып салып ап, еңбектеп жоғары өрледі. Қаншама таңдап бастым десе де қызылшақта тастар пышақтай алақанын кеседі. Ораздың жансыз аяғы сүйретіліп жерді соқадай жыртады. Тезірек Геннадий! Маңдайынан аққан тер сорғалап көзін жауып, түк көрсетпейді. Сүртейін десе қолы бос емес, мүйізден ұрган танадай, басын шайқап-шайқап, тағы жоғары еңбектейді. Оразды ептел арқасынан түсіріп, ішкі көйлегін шешіп ап, екі бөліп жыртты да алақанына орады. Соңсоң қайтадан Оразды арқасына салып, тағы да жоғары еңбектеді... Өкпесі өшіп, демі құрып, тәлтірекtep, машинаға тұс кезінде зорға жетті..

Суық хабар жата ма, Ораздың өлім алдында жатқаны леңде бүкіл қалага тарады. Геннадий Оразды зембілге сап емханаға апарып кеп, машинаның қасына қайта оралса, есік алды толып кеткен кісі. Завод жұмысшылары, көрші-қолаң бірі құрсініп, бірі басын шайқап, бірі тамсана таңданып, әр қылы қабылдайды. Оған құлақ қойған Геннадий жоқ, машинаны кілттеп, сатымен қайта көтеріле бергенде, қақпа алдына тақай кеп бір машина тұра қалды. Ішінен өңі қашқап құп-құ Құрышпай тұсті. Қасында Асқар.

— Тірі ме? — деді Құрышпай үні құрыған кісідей сыйырлап. Сол сөзді сұрауга аузы бармай, зорға өзін-өзі күштеп тұрғаны да беп-белгілі.

— Тірі! Қорықпаңыз!.. Ештеме етпейді! — Геннадий салмақты дауыспен әдейі сендіре айтты..

— Бір жері сынған ба?

— Қазір дәрігерлер айтады!

Ораз жатқан бөлмеге ешкімді жібермейді. Асқар Айшаны іздел екінші қабатқа кетті де вестибюльде Құрышпай мен Геннадий оңаша қалды.

— Ажар қайда?

— Ажар базарға кеткен-ді, өлі естіген жоқ.

— Сіз қайдан білдіңіз?

— Маган көршінің баласы кеп: «Ой-бай Оразды жаңа машинамен емханаға салды» деді. Оны қайдан естігेनін... Адам болатын түрі бар ма?

— О, не дегеніңіз! — Геннадий осы сөзді айтса да, жүрек түбінде өзі де қобалжын сенбей тұр. Эке жүргегі сезімтал, Геннадийдің көзінен сол бір үрейді танығандай шұғыл бұрылып, Ораз жатқан бөлмеге кіріп кетті. Геннадий қаусырма есіктің саңылауынан сығалады: ақ халат киген сестралар — бірі шешіндіріп, көйлегін ауыстырып, енді бірі — укол жасап, қарбалас боп жатыр екен, шалды көріп қап, біреуі баж ете түсті. Оған қараған Құрышпай жоқ, баласының басын құшақтап, маңдайынан қайта-қайта сүйді.

Үстіңгі қабаттан бір топ дәрігерлер түсті. Ішінде Айша мен Асқар бар, дуылдасып, біріне-бірі жол беріп, операционныйға қарай беттеді. Құзетші дәрігер сестраға: «Ауруды әкеліңдер!» деп бұйрық берді. Құрышпай сұрланып қинала шықты. Қысық көзі сыйырайып, жұмылып кеткен. Білеуленген шеке тамырлары солқ-солқ етеді. Геннадийдің үнсіз қолын қысты — берік бол дегені ме, жоқ, тірі екен, рахмет саған деген нышанасы ма, түсінбейді.

Оразды зембілге сұлатып тастап бетіне ақ жайма жауып, операционныйға қарай алып шықты. Ажар да келіп жетті. Беті ашық еді, танып қап, бақырып тұра ұмтылды; Геннадий үстап үлгіре алмады, бас сап, құшақтап, емхананы басына көтерді...

V

Қайыр бүгін ерте ояиса да Москвада өткізілген соңғы он күнін есіне түсіріп жата берді. Әуелі қара металлургия өндірісінің командирлері жиналып, жетіжылдықта қанша құрыш құйылды, мүмкіндік қандай соны кеңесті.

«Құрыш — Совет өкіметінің қаны. Денеге қан тарамаса, өмір сүре ала ма? Сол сияқты құрышты көбірек құйса — Отан мықты да бай!» деген Запорожсталь меңгерушісінің сөзі сол кеңестің арқауы бол табылды. Қайырдың да көкейкесті сөзі еді, соны ол дауыстап айтып берді. Бір көйлекті бұрын тоздырған аға екенін аңғартты: Қайыр ойланып-толғанып жүргендеге, болат кәдірін ертеден үққан халық ойын ортаға бұрын салды. Запорожстальдің артынан Череповец, Магнитогорск сияқты қара металлургияның алыштары сөйлеп, Қайырды сырғытып, қағып тастанды. Қайыр тек Қазақстан көлемінде ғана кеудесін көтереді екен, олардың жанында көзге ілінбей қалды. Бірақ Қайыр оған шамданған жоқ — «Ертең Теміртаудағы үш домна от тұ-

татқанда сонда көрерміз, кім қандай?» деп көңіліне соны демеу қылды. Эрине, Кремльдің зәулім залының биік мінбесінен: «Теміртау шығыстағы қара металлургияның — жүргегі» деп жатса, Қайыр мақтанбай, кім мақтанар еді? Үзіліс кезінде сол Запорожстальдің меңгерушісі залда онаша кездесіп қап, құрыш құюдың жаңа әдіс-тәсілін сұрапан-ды. Қапсағай бойлы, шоқша сақалды, жылы өнді еркек Қайырдың Теміртаудан келгенін білгенмен соң, жуан бағаның түбіндегі барқыт креслоға отырғызып ап, ұзақ кеңесті.

Қара металлургияның ірі заводтарында техниканың жаңа түрлері бар көрінеді. Қайырға керегі де сол: олардың заводында құрышты ұзбей құятын машина істейді. Бұрын құрышты қолмен ағызса, енді соны машина өзі істейді: құрыш краннан аққан су тәрізді үзілмей ағып, қалыпқа құйылады да, ол қалыптан вагонеткаларға кесек-кесек боп, кесіліп түсіп жатады, ол вагон толған соң сырғып, екінші вагонға орын береді...

Осы Қайырға ой салды. Қазақ металлургия заводында осындай техника жана науқартарын өндірсем деп арман қылып жүргенде, бір күні ЦК-ның пленумы ашылды.

Бұл пленумда — өндірісте техниканы жаңартып, автоматиканы енгізу жайы, кеңінен сөз болды.

Шынында ойлап қараса, Қайыр мен Мұсілім сияқты завод бастықтары иегін артып жаман үйреніп алса керекті. Өз бетімен жаңалықты іздеп табу, қолдану, техника мен автоматиканы шеберлендіре түсу заводтың міндеті деп ұқпаған. Институттарда ойлап шығарса, жоғарыдан бүйрық берілсе, сонда ғана ырғалып-жырғалып, мұрнын тыжырып: «әй, қайдағы пәлені қайдан тауып алады осылар?» деп кейіп барып, зорға қолданатыны рас. Онда да қайта-қайта обкомнан сөз естігесін, амалсыздың күнінен...

Ұят-ау, сонда сол техниканы кім жаңартады десейші? Автоматика адам баласының еңбегін жеңілдетіп, өмірін ұзартпай ма? Азап-бейнет ауыр жұмысты машинаға артпай ма?

Ия, Қайыр бұл шындықты бұрын неге ойламаған? Ескі соқпақпен жүріп, әдет қып алғанда, соны жол іздеуді бойына сіңген қабілет қыла алмаған.

Әйтпесе, Мұсілімнің сөзіне еріп, Дәмештің соңғы ұсынысын сергелдеңгे салып, ең жақсы көретін адамын, ғашық жарын шерлі қылар ма еді? Жә, өзі сенбесін, бірақ жас инженерлердің талқысына салып неге ақылдаспады? Мұм-

кін ол ұсыныстың дәні бар шығар? Дәмеш қалай өкпелемесін?..

Дәмеш есіне түскенде Қайыр төсектен атып тұрды.

Сағатына қарады. Форточкины ашып, гимнастика жасады. Суық сумен жуынды да телефон мен буфетке заказ беріп, бір стакан кофе, май жақтырып бір тілім нан, сосиски алдырыды. Қайырдың бала қунінен әдеті: ертеңгісінде тамақты аз ішіп, жарап жүретін. Әкесі марқұм: «Қайыржан, қарныңды қампита тамақ ішпе, мына маған ұқсап кетесің!» деп әзілдесе де шынын айтатын.

Қайыр бүгін құндізгі сағат үште ұшады. Қазір жолдасты келсе, магазиндер арарап, шешесіне, қарындастына базарлық сатып апармаса, тамағы іспей ме?

Қайыр балконға шықты. «Москва» мейманханасының алтыншы қабатынан төмен қарағанда сәнді де сәулетті Москва көшесі бір уыс бол, Қайырдың көз алдына келді: суға тоғытқан қойдай бірінің артынан бірі қаз-қатар тізілген қызылды-жасылды алабажақ түрлі-түсті машиналар, рұксатсыз өте алмай, иіріліп тұр. Ерсілі-қарсылы ағылған халық көшені керіп симайды. Неткен көп жан? Қайда асыгады? Тамашалаған Қайырдың ойы да сол халықпен бірге жарысады. «Неге асыгады?» Неге асықпасын? Үш жұз жыл жасаған Американы Совет адамы елу жылда басып озуға асыгады. Өмірді сүйіп, өмір кәдіріне түсініп, бағалай білген халық — өмір сұруға де, өмірді әдемілеп құруға да асыгады...

Біреу есік қақты — Қайырдың ойы аяқталмай үзіліп қалды. Жолдасты келді. Оны ертіп Қайыр ГУМ-ге барды.

Көшени алып жатқан төрт қабат зәулім магазин дәл құмырсқаның илеуіне ұқсайды. Қыбырлаған қара топыр халық шынжырдай иіріліп бір жақ есіктен кіріп, екінші есіктен шығып жатыр, таусылатын емес.

Қайыр да жолдастының қолтығынан мықтап ұсталап ап, сол толқынның ішіне сұңғіді де кетті, үйірім суға түскен жаңқадай, балалар киімі сатылатын бөлімнен бір-ақ шықты.

— Балаңа... бірдеме... — деп жолдасты тұншыға құлді. Қайырдың әлі күнгө дейін үйленбей, «кәрі бойдақ» атанғанын біледі.

— Бала белде әзірге. Кішкентай жиенім бар, соған алуға болады. Есіме жақсы салдың! — Қайыр жолдастының әзіліне назар аудармады. Ол оған көне қоймады, тағы да қытықтап, құлдіріп, көңіл күйін шерткісі келгендей:

— Үстіп жүргенде жасың жетіп, беліц шойрылып қал-

масын! — деді ол.— Осы сенің кешегі жаныңда жүрген сөлеу шаш қызың кім?

Қайыр жымиды.

— Ол менің досым...

— Түсінікті. Дәмештің орынбасары ма сонда?

Қайыр бұл жігітпен көптен таныс, «қуақы, сөзшең» атанған еді, қазіргі әзілі үткемді шықпады, өрескел. Қайыр тұра жауап бермей, естімеген кісідей елеусіз қалдырыды.

— Сенің кейде тауып кететінің бар, достым. Жиеніме алдым... Шешеме осы бір биқасап жарап-ау, ә?

— Сіздің үйдегі шешейдің міnezі белгілі де, менсінбей жүрмесін!

— Қойды ғой о кісі. Өзінен күшті шықса, немене дейтін еді қазақ?

— ...Екі көзі сонда шығады.

— Сол ендеше! Күшті шығып тұр ғой, достым. Сол күштіге не аламыз, айтшы, білімпаз екенінді көрейін?

Қайыр жетектеп «сыйлық» деген жазуы бар бөлімшеге алыш барды.

— Алтын сақина сатып ал да, «күштім — Дәмешке» деп жаздыр!.. Сол жетеді. Неге дейсің ғой? «Жақында өмірлік дос боламыз, сақина соның белгісі» деген ишара.

— Бұл орыс қалқының әдеті ғой?

— О қайтеді? Жақсыдан үйрен. Бұрын сақина, білезік, алқа сыйлау қазақтың өзінде де болған ғұрып. Не сөкеті бар?.. Алса қыздың көнгені. Алмаса... — деп жолдасы қолын сілтеді де, витринаға қарап, бір сақинаны таңдал алады.— Кәне, шынтағыңа кигізіп көрші!.. Симай қап... сенің қолың салалы да жіңішке екен. Шынтағың оның сұққолына дәл келері!..

Қайыр көнді. Сатып ап, тәс қалтасына салды да, қайтып жолдасының әзілін қостамады, сол күпті қалпы; Қарағандыға жеткенше өз ойының тұтқынында болды. Қайыр кейде өзінің жүргегіне өзі түсінбейді: жылдар бойы Дәмеш деп тынбай соғады, қанша ма ол: «Аулақ, менен аулақ!» десе де кете алмайды. Қайта соған құмарта түседі. Қездесіп қалса шекіс түседі. Қыз да қымсынып, бұралып тұрмайды, кейде құліп мазақтап, кейде улы тілімен шағып сұық қабақ білдіреді. Сонда күле берсейше! Оның орнына, Қайыр тауып жауап қайыра алмай, кейде қызды өкпелетіп те алады. Соңсоң он қадам жер жүрмей, бұрылып Дәмеш соңынан қызыға көз тастайды. Құрсінеді. Оп-оңай өкпелетіп алғанына өкініп, өзін-өзі ажуа қылып: «Жігіт билаз, си-

пайы болмаушы ма еді, қызбен айтысып, жеңем деу Дон-Кихоттың! Қайыр жас емес, сақа жігіт, шын сүйсе — Дәмештің тілін табуы керек; әйтпесе бұл такаппар мінезінен қыздан айрылады. Эй, айрылса, мейлі, қашанға күте береді. Осылай сұр бойдақ атанып жүре бере ме? Манағы жолдасының: «Орынбасар ма?» деген әзілінің аржағында шындық бар. О — Москвада тұрады, инженер, авиоконструктор. Қайыр танысқалы, міне оған да үш жыл. О да тосып жүр. Бірақ Қайырдың жүргегі көбіне Дәмешке ауып, сол деп соғады. Оны мына Валентина Васильевна сезіп те қойған ба, кеше екеуі оңаша отырғанда өкпе-наз айтты.

— Теміртауында жарың болса, маған жасырмай айт, не қыласың, менің басымды шатастырып... Мен сені сүйем. Бірақ, махабbat екі жаққа бірдей — біреуі сүйіп, біреуі сүймесе жүрек аңсан, алаңдай береді. Өмірден тиянақ таба алмайды. Сені қаншама сүйсем де, тастап кетуге күшім жетеді. Ұмытпасам да сені іздемеуге ант берем! — деді көзінде жасы мөлт-мөлт етіп. Шерлі де, аңы сөз. Қазір кесіп не дейді? Дәмештен бір жола үміт үзген күні, Қайыр өзі де Валентинаға оралады. Қайдан тағы бақыт іздейді?

Қайырдың біреудің бағын байлауы дұрыс па? Екі қызыды қатар сую, екі кеменің құйрығынан ұстаған су түбіне кетеді емес пе? Екеуінен де айрылып, тотиып қап жүрме!

Қайырдың көңілі түрлі саққа жүгіріп, торға түскен құстай шыр айналады: ол соқтыққаны тор емес, өзінің жүрегі. Жүрек — Дәмешке бұрады... Қайыр Валяға ашу үстінде, сөзін беріп, өзін-өзі матап алды. Оған Дәмеш кінәлі. Ол оқуын бітірер жылы Қайыр Қарағандыдан әдейі ізден барған-ды...

Июль айының бас кезі. Тұлеген құстай құлпыратын қаланың бір кезеңі. Қайыр жаны сүйетіп орталығын, орталықта тұратын жарын іздел, зар бол келе жатып Қарағандыдан «шықтым» деп телеграмм беріп еді, ол шықпады, Қайыр: «Ала алмады ма, не тығыз шаруасы болып қалды ма» деп өзін-өзі басып, уатса да, жүргегі ауырып, «Алматы» мейманханасына зорға жетті. Жеке номер дайындалап қойған екен, келе душқа түсіп, салқындалап алды да, телефонның құлағына жармasti. Дәмеш әкесінің қарындасы Гүлжанның үлкен баласының үйінде тұратын. Ол ғылым академиясында істейтін Арасбай дейтін ғылыми қызметкер де. Қайыр сол үйге телефон соқты. Әйел дауысы: «Кім керек еді?» деді. Қайыр Дәмешті сұрады. «Тауға саяхатқа кеткен!» деді.

— Э... Қарағандыдан телеграмма келді ме?

— Келген, бұл кім өзі? — Қайыр телефонды іле салды.

Қайырдың жүргегі аттай тулас, қызығаныш намысын қамшыдай шабақтады. Енді қайтті?.. Қызы айнығаны ма? Әйтпесе, телеграмманы алып тұрып, неге алдынаң шықпайды?

Қайыр сол бір кеш өзін қоярга жер таба алмай сандалып, көшеде жүре берді. Калинин көшесі — ағылған халық. Пар-пардан қолтықтасып ап, театр-киноға, паркке ағылып жатқан жастар.

Дарқан өмір, шадыман кеш. Шаттық күлкі. Пай-пай!.. Қайыр әрқайсының бетіне бір үңіліп: «Осы Дәмеш пе?» деп көрген қызды соған ұқсатады. Эне бір екеуі: «Әй, Дәмеш тәрізді-ау! Ентіге басып, қуып жетеді: ол — емес. Жаңа тауға саяхатқа кетті демеп пе еді... Тауда біреу байлақ қойды дейсің бе? Қайтқан да болар қазір, сағат кешкі сезіз... Жігітімен жүрсе ше?..

Дәмеш соңғы хатында: «Қайрош, қазіргі күндері көп ойланып жүрмін. Міне институт бітірдім. Ертең министерства қызмет істеймін. Инженермін — қалтамда дипломым бар. Бәлкім, мен қызметті жақсы да істермін... Жалақым да өзіме жетер.. Әдемі де киінермін... Сонда мен өзімді бақыттымын деп санай алам ба?.. Бақыт деген не?» Қайырға сөз тастап хат жазған. Әрине, Қайырда ол сөзді күмістей алақанына сап, қайта-қайта аударыстырып, өз түсінігін жазды: «Адам өзінің ұстаған мақсатын іске асырса, халқына пайда келтірсе, ертең өлгендеге, «Бейшара босқа кеп, түк бітірмей дүниеден босқа аттанды демесе, сол адам бақытты!» деп осы ойының астын сыйзыды. Соңсоң бұл сөзі өзіне ұнамады, жаттама кітап сөзі сияқты көрінді де, ойын әрі жалғап: «Осы бір сөзді баяғыда мениң ұстазым, профессор айтып еді» деп, ұстазына жалтара салды. Тағы да ойланып-ойланып: «Мениң бақыттым сенсің? Ал, өз бақыттыңды өзің тауып ал» дегенше, «сенің бақыттың менмін» деп неге ашық жазбады.» «Өзің тауып алы» несі?.. Іле қысқаша, ете салқын лепті бір хат алды, онда. «Бақыттымды таптым! Сен мен үшін қысылма!» депті.

Қазір, міне, жүрек құрғыр босқа желікпей, байыптап, қызы сөзін талғап қараса, ол — ашық айтқан: «Әуре болма, бақыттымды таптым» деп. Соны Қайыр неғып түсінбеген? Кезін шел басып миына ақау түскен бе? Кімді іздел, Алматыға келді?

Қайыр: «Таптым, бақыттым — сен!» деп қызды сырттай

иемденіп, үйленем деп келсе керек-ті. О, өркөкірек неме?..

Қайыр сол бетінде қазақтың Абай атындағы академиялық опера және балет театрына барып еді, селеу шашты, көкшіл көзді сымбатты қыз: «Сізге неше билет керек еді?» деді. Қайырға керегі біреу, оның қолындағы артық билетін сатып алып, екеуі жұрт отырып болған кезде орындарын тауып алды. Қалай да сәтті келіс, жұрт өшіретке тұрып театрға зарығып кіреді, Қайыр оп-օнай қиналмай сұлу қызындаң қасына отыра қалды. «Корневельдің қоңырауы», сахнада: Граф... Эн... Махаббат... Оны тыңдаған Қайыр жок, қызды салғаннан өзіне тартып, бейімдеп ап, құлағына сыйбырлады да отырды: «Графтың аяғы қисық, ол қыз сіз тәрізді менің жанымда отырса — «сүюге түрмайды» деп азғырап едім...» дейді. Оған сұлу қыз күлімсіреп, езу тартады. Енді бір сәт Граф: «Бүкіл теңіз-дарияны кешіп, оралдым!» дегендеге, Қайыр да сол сезіді қасындағы қызға айтты. «Осы сезі рас еді, мені танымайсыз, бірақ мен сізді іздел келдім!» деп көршісінің басын қатырып есін шығарды...

Сол бір кеш Қайыр қызға ұнап қалса керек-ті. Аяқ астында батыл бола қалғанына Қайырдың өзі де таң қалды, бүркіттей бүріп, салғаннан уысынан босатпады: күлдірді, қуантты, көңілін аулады. Ақыры екеуі «Алматы» мейманханасының үстіндегі ресторанға барып, тамақ ішті. Қыз да жолаушы болып шықты. Москвадан демалыс алып, өзімен бірге оқыған құрбысының үйіне қонақта келіпті. Құрбысы АЭТМ заводында конструктор бюросын басқарады екен. Жұмысы болған ба, театрға келе алмай қалған көрінеді. Келмегені Қайырға жақсы болды.

Сол бір түн дүзаққа айналатын еді, сұлу қыз, баяғының перісі ме, қайдан кез келе кетті екен!?

Екеуі ресторан жабылғанша отырды. Тұнгі сағат екіде қала үйқыға мұлгіген кезде, қыз берін жігіт көше қыдырды. Жал-жарық бос көше. Басқан қадамның ізі жаңғырығып, бүкіл тас үйлерді басына көтерді.

Жүріп келеді. Қөшениң екі жақ қапталы — самсаған ағашпен жарыса тізбектелген шар шам, орман ішіндегі үлкен саңрауқұлақ тәрізді. Қыз Басарықтың жиегінде тапал ақ үйде тұрады екен, соған апарып тастап, ертең күндіз Қайырдың номерінде кездесіп, тауға қыдырмақшы бол, уәде байласты.

Валентина мен Дәмеш Қайырдың көз алдында тайтасып бірінен кейін бірі елестеп, түн өрінде әурелесе де ша-

рап ішкен, жол соққан, шаршаған Қайыр аздан соң ұйықтап қалды.

Ертеңінде айтқандай, сыланып-сипанып кешегіден де құлпырып Валентина келді. Қайыр такси шақырып, енді жүрейін деп жатқанда, біреу есік қақты. Қайыр «да» деп те үлгіреді, аржағынан есікті ашып, қызара бөрткен Дәмеш кіре беріп, босағада сілейіп тұрып қалды. Қайыр сұп-сұр бол, тілі күрмеліп, Дәмештен көзін алмай отыра берді, амандық білдіріп, қолын ұсынуға шамасы келмеді: «Шынымен Дәмеш сенбісің? Неге... неге кешіктің?» деп іштей жалынады. Дәмеш те екеуіне кезек қарап, Қайыр көзінің түбінен өзіне керегін тапқандай, күлімсіреді де, теріс айналып жүре берді. Қайыр соңынан тұра жүгірді. Ұзын дәлізде қуып жетіп: «Дәмеш кеше алдынан неге шықпадың?» деді. Бар тапқан сөзі, ойының жиынтығы сол болды. Дәмештің қасы құлді: догадай иіліп, құс қанатындағы қайта жазылды. Қайыр қызды шешіліп сөйлер ме деп үміт күтіп еді, ол кекесін дауыспен «Алдыңнан шығуды қажет деп таппадым!» деді. Ұққан кісіге осы сөз жетеді. Қайыр біраз салпақтап еріп барып, біртінде қалып қойды. Қыз қайрылмады, арадағы үш жыл бойы тоқылған қыл арқан бір күнде ойда жоқ жерде үзілді... «Ертең той!» деп қуаныш қойына симай келген, Қайыр жерге қарады. Әрине, Қайырдың мінезі шұғыл, қатал, бір жағынан балалық шақ әсерін тигізеді, бар тапқан ақылы — екі-үш бетке хат жазып, Дәмеш үйінің адресіне салып жіберді. Валентинамен аз күн тауды аралап, саяхаттап Теміртауға тартып берді. Өкініш жүргегін удай улап, үйіне құр сұлдері келді. Қайыр о кезде цех бастығының орынбасары болатын-ды, өзімен жақын жүретін сырлас досы цех мастері Күміспек ерен секті: Қайырдың өзін кінәлі ғып шығарды... Содан былай Қайыр хат үстіне хат жазып, жалынып-жалпайып кешірім де сұрады. Демалыс беріп, Күміспекті Алматыға жіберіп те алды. Достарының кеңесімен Құрышпайды да сыйлап асты-үстіне түсіп, әлпештей бастады... Ақыры алты ай өткен соң Дәмештен бір хат алды «серт бұзғанның орны шоқ!» деп. Екеуінің арасында хат қайта жүре бастады. Дәмеш анда-санда бір жазса, Қайыр екі-үш күнде бір жазып, өмірімен толық таныстырды да отырды. Осы күні соны жинаса, кемінде жуан бір кітап... Екеуінің арасы немен бітептініне Қайырдың әзірге көзі жетпейді.

«ИЛ-18» самолеті Москвадан Қарағандыға төрт жарым сағатта ұшып келді. Құннің шығысына қарай ұшқан само-

лет кешке жақын қеп қонды. Тұсқі асты Москва мейманханасында ішкен Қайыр кешкі тамақты Қарағандыда ішті. Немере ағасының үйіне түсіп, аздал дем алып отыр еді, шахтадан ағасы оралды.

— Қайырдың жүрісі осы: ұшарын жел, қонарын сай біледі! Үн-тұн жоқ, салып жетіп келеді. Немене, біз ел емес пе?.. Құдайға шүкір осы Қарағанды толған қуандық! Бір бес сомға телеграмма берсең, алдыңдан шұбатып тегіс алыш шықпаймын ба?.. Буы бұрқырап қазанда ет пісіп жатпай ма?.. Қебігі аспанға атып, шампандар құйылып, алаңсыз көңіл көтермейміз бе? Бұл не келемеж? — деп ағасы ашу шақырды. Қайыр не десін: айтып жеңе алмайды, «Кінә менен!» деп құтылуға тұра келді. Сасқанынан өмірдің ашып, Москвадан әкелген сәлемдемесін ұсынды. Дүние құрғыр көздің құртығой, інісінің жеңгесіне әкелген шашақты жібек шәлісін көргенде, ағасы мырс етіп мұртынан құлді. Шертиген болскей ақ самауырын стол үстінен қонды, шарабы қазы-қартасы да толып кетті, әңгіме қызды.

Ағасы қою шайға қанып алған соң, жылтыр қара мұртын сылап қойып сөз бастады.

— Шешеңдің саулығын да сұрамайсың, сен өзің төрөшіл бол барасың ба? — деді ол бір мұртынан қулана күліп қойып:

— Өткен тұні: «Ертең барам» деп апама телефон соғыл, тілдескем, бүгін міне төрт жарым сағатта өзім ұшып келдім, менде не жазық бар?

— Сөз тапқанға қолқа жоқ. Аяқтан шалмақшы боп көріп ең, Мырзажан шоңқайтты-ау өзіңді! — деді жеңгесі күйеуін табалап, қазақша қайнисының атын атамай.

Оған шахтер мәз-майрам болып, қатыны мен інісін бірбірдегі мақтады.

— Екеуің де тіл мен жаққа сүйенген қу жақ екенсіндер... Өйткенімен, Ақмарал телефонда не айтты дейсің саған, басқа туыстарың бар, олардан не білесің? — Шахтер орамалымен маңдайының терін сүртіп, інісіне көз қызығын тастанды.

— Қипақтап манадан бері айта алмай отырғаның Әмеш қой... — деді жеңгесі күйеуінің орағытқан астарлы сөзін жақтырмай.

— Дәмеш?.. Иә? — Қайырдың дауысы үрейлене шықты.

— Қызметтен шығып қалса керек, қайдам, не пәлеге ұшырағанын... Ұзын хабардан заводта апат болған ба... —

деді жұбауратып ағасы. Жеңгесі оның аузындағы сөзін тағы да тартып алды.

— Осында жүр, кеше осында көрдім,— деді.

Қайыр аң-таң: әзіл ме, жоқ... Дәмешті қызметтен кім шығарады?

— Ораз машинадан құлап, жараланып, емханаға түсіп-ті. Өлімнің аз-ақ алдында қалса керек, аяғы сынған дей ме? — деді ағасы жаңалықтарды шұбыртып.

Қайыр жедел орнынан тұрды. Шешесі неғып айтпады?

— Дәмешті қайдан көрдіңіз? — жеңгесінің аузынан шыққан сөзін бас сап, қағып алатындан қадала төнді.

— Бұрын осында түсуші еді, бұл жолы келмеді. Өзін анадайдан мейманхананың алдынан көрдім, автобустың терезесінен!

Мм... Он күннің ішінде дүние жүзі сілкінді деп пе еді Джон Рид? Қайыр Москвада он күннің шамасында болды, сол аз мерзімнің ішінде заводта талай оқиға өткен? Қайыр мейманханаға телефон соғып, Дәмешті сұрады. Жеңгесінің болжауы дұрысқа келді — сонда екен. «Қазір жоқ, жуықта оралады» деді үй жинаушы әйел.

Қайыр көп ұзамай мейманханаға барып, он үшінші бөлменің есігін қақты. Аржағынан Дәмештің: «Кіріңіз!» деген даусы шықты. Қайырдың жүргегі лүпілдеп, есікті қолы дірілденкіреп ашты. Үстінде жапырақ гүлді жібек халат, ұзын шашын құлтелеп кесіп, ортасынан бір буган Дәмеш, столдың жанында кітап оқып отыр екен. Қайырды танып, ақ құба жүзін қуаныш нұры басып, құлімсірей түрегелді. Қолын созды. Қайыр алақызып, бар жан-тәнімен ұмтыла, Дәмештің қолын сүйді, сол сүйіске сағыныш-тілегін, реніш-қайғысын сыйдырып, ниетін білдірді. Кыз да сезді білем, қолын сәл өзіне қарай тартқан сияқты қимыл жасады да, дауыстап, әдетінше сақылдай құліп:

— Көзіңді көрсетші, жолдас Алжанов, жылап жіберген-нен саумысың?.. — деді.

Дәмештің сықағына Қайырдың құлағы үйренген. Кездескен жерде екеуі тасқа тиген шалғының жүзіндегі шақшұқ болатын әдеті.

— Кәне, қарашы, таптың ба, меруерт тасты? — Қайыр бетіне бетін тақап, көз түбінен сырын сұзді.

— Рас таптым! Мәлт-мәлт етеді. Енжу ма өзі? — Тағы да күлкі.

— Саған ұзақ сапарда жүріп, тауып әкелген енжу-маржаным!.. Енді де маған жібімейсің бе? — Қайыр тал

шыбықтай бұралған, сымбатты қызды, құшырлана бауырына қысып, сүйгісі келеді. Қаны тасып, басына шабады, көзі қарауытып, құлім қаққан қыз ернінен басқа түк көрмейді. Бірақ, мұндай суық ақыл миды түкпірінен: «Тоқта, сүюге сенің қақың жоқ!» деп қолынан тартқандай, өзінің кім екенін есіне салады. Лагнат! Осы бір «хұқықты» ойлап шығарған кім екен?

— Қашан келдің?

— Жаңа!

— Менің мұнда екенімді қайдан білдің?

— Жүрек сезеді де!

— Сенен ондай сезгіш жүрек әлі аңғармал едім... Ал, айта бер, не көрдің, не білдің?

Тұнгі аспанда самолет ұстаған прожектордың сәулесіндей, Қайыр көзі де түмбочка үстіндегі шампанға түскенин Дәмеш те аңдады. Ду етіп, екі беті нарттай қызарды.

— Ол — саған!

— Іесі бар да...— Қайыр столда жатқан кітаптан дайек тапқандай, соған қолын созды. Әр бетін бір ашып, оқымаса да, үңіле берді.

— Саған десем... Нанбайсың ба?.. Онда шынымды айтайын: кеше осында менің номеріме «Советтік Қарағанды» газетінің редакторы келді... Рестораннан сол алдырды. Мен ішпейім деген соң, тастап кетті. Саған бұйырыпты!.. Жарайды, сенің Москвадан қайтқаның үшін екеуміз ішнейік.

— Идет! — Қайыр балаша қуанып, атып тұрып, шампанды аша бастады. Сейткенше болмай тарс етіп, бутылка тығыны жоғары ұшты, быжылдаған шампан стаканға көпіре құйылды.

— Кәне, Дәмеш, Менің арманым орындалуы үшін!

— Ол қандай арман, айтпайсың ба?

— Айт десең... Менің арманым... екеуміз... өмірлік...

— Жә, жетеді. Ол арманға ішпеймін!

— Неге?

— Мен «бақытымды тапқам».

— Бұл осыдан үш жыл бұрынғы сөз!

— Біреудің жылын санап, сәуегей болма!.. Иш!.. Екеуміздің қездескеніміз үшін ішнейік, жарай ма?

— Жарайды!

Екеуі соғысып, ұзақ үрттап жұтты, жұтып жатып бірін-бірі қарал құлімдеп қояды...

— Дәмеш, енді жай-жапсарды айтшы: неғып жүрсің? Қайдан келесің?

— Жоқ, әуелі сен айт: не көрдің, не білдің?

— Жоқ, сен!

— Жоқ, сен айт!

— Жарайды онда мен-ақ айтайын. Онда жүректесті бір сөз: редактор саган неге келді?

Дәмеш сақылдап күлді.

— Маған кісі келтірмейін деп пе ең?.. Сен мені баурап барасың, кімсің өзің?.. Қайыр, между прочим, ол — сүйкімді де білгір... Сені фельетон ғып газетке жазам деп материал жинап жүр. Раc! Бірақ, мен ол бетінен қайтардым.

— Түсінікті. Баяғы «Қырық мысал!» де.

Қайыр звонок соғып, официанткаға тағы бір бутылка шампан алдырыды. Әңгіме тиегі ағытылып, кең арнаға түсті.

Қайыр Москвада, Орталық партия Комитетінің пленумына қатнасқанын, онда бірінші хатшының сөзін тыңдағанын, тәптештеп, түгендер айтты.

— Пленум маған үлкен әсер берді, Дәмеш! Бұкіл пленум мүшелері бір адамдай бір мәселені: коммунизмнің техникасы қандай болу керек, соны шешті.— Қайыр сөзіне Дәмеш ықласын сала тыңдады. Көзі күлімдеп, әлде нені есіне алғандай.

Қайырдың жүрекке түйгені:

Өзінің үшқан ұясын кім жақсы көрмейді. Осыған сәйкес қазақ металлургия заводының келешегіне Қайыр да көз жібереді: ертең құрышты адам құймай, машина өзі құйып, өзі ағызатын болады... Шахта салу, пешті үрлеп жандыру, құрыш құю процестерін радиоэлектрониканың күшімен істейді. Заводтың телевизиялық орталығынан бір-ақ адам әмір беріп, бақылап отырады. Керек десе құніне қай пеш, қанша құрыш құяды, қанша тонна болат шықпақ, оны да есеп машинасы есептейді...

— Бұл қиял емес, ертеңгі заводтың бейнесі. Бұған басталған ертеңгі күн!..

— Ақылыңды есіңде түсірген екен!.. Әзірше ниетің де, сөзің де дұрыс. Қайдам... Ертең ағаңды көргенсін тағы бұзылып қап жүрмесец... Мұндай ерең өзгеріс түгіл, менің жеңіл қолды ұсынысымды да іске асырмадың... Әйтеуір ертең газетке шықсаң маған өкпелеме!

Қайыр күлді.

— Дәмеш, сен қызықсың... Менің орнында отырсаң бұлай демес ең... Сенің ұсынысыңды іске асыру үшін қаржат, уақыт керек! Ертең ақша шығарам, уақыт өткі-

зем, ол пайда бермейді, жастар орындармайды. Кім жауапты?.. Жарайды барысымен бұйрық берейін, өз жауапкершілігіңде алғып істейсің бе?

— «Өз жауапкершілігің?..» «Ақсақ қой түстен кейін маңырайды» деп Құрышпай атам мақал айтатын... Енді кеш қалдың, жолdas!

— Қалай? — Қайыр түсінбеген пішінмен бадырая қарады Дәмешке.

— Қалай?.. Мен енді ол заводқа бармайым. Шықтым?..

Манағы ағасының үйіндегі сөз Қайырдың есіне енді түсті — келген бетте тілінің ұшына кеп еді, басқа әңгіме киіп кетіп, мидың бір қалтарысында қала берген-ди.

Қайыр оқиғаның қалай басталғанын, немен тынғанын толық түсінді. Мұсілім ағай тұлкі шалысқа сап, көптен аңдып жүріп, Дәмешті қақпанға ақыры түсірген екен. Атақты қазақ суретшісінің полотносын Қайырдың бір көргені бар: Ауыл. Өзен. Жар. Құйрығын бұлақдатып жардан сығалап бөрі түр. Қой құдық басында жусап жатыр да, таяғын беліне ұстаған қойшы қараша үйге қарай кетіп барады... Аржағын өзің шеш. Қойшының қарасы жоғалысымен қасқыр қойға шабады. Бір тоқтыны арқаға салып ап, зытады... Мұсекең дәл сол бір қасқыр сияқты: Қайырдың кетуін күтіп тұрып, Дәмешке азу басқан... Қайырдың ең налитыны, Мұсекең өкпелейтіні: қыздан інісінің көңілі барын, дәменіп жүргенін анық біледі... Біле тұра санаспауы, Қайырды басынғаны. Жарайды. Қызы кінәлә-ақ болсын. Сонда директордың келуін күтпей ме? Е, айтысайын деген екен!.. Семсер көтерген семсерден қаза табады, дейді орыс қалқы.

— Мениң шешем қазақ мақалын кеп біледі. Соның бірі — алыстан шабынған ердің қайраты қайтады дейтін, сырттан кіжінбейік! Ертең қайтып барып, бұрынғыдай екеуміз де іске кірсейік! — Жүрек түбінде тырналап жатқан қара мысықты сездірмей, Қайыр Дәмешке ақыл салды.

— Сонвархозбен келісіп істемеді дейсің бе?.. Кеше мен болдым: «Бастық Москвада, соны күт!» деп немісқұрайды айта салды... Мұнда да келмеуші едім, бригада мүшелері: «Біз үшін қуынып, әділдік табыңыз!» деп қолтығымнан алғып, автобусқа зорлап мінгізгендей болды. Бір жағынан Асқар ағам да: «Сен бармасаң, мен барам!» деп ере-гескені.— Дәмеш шампан толған бокалға үціледі: балық көздей жылтыраған алтын көбік бірі жарылып, бокал түбіне батып, енді бірі жаңадан туып, мөлт-мөлт етеді. Дәмеш басын кенет көтеріп:

— Кел, жақсы... ниетің үшін! — деп соғыстырып, дем алмастан жұтты. Дәмештің қысылмай өз еркімен ішкенін Қайырдың көргені осы. Бұрын қыстағанда ұзақ кеште бір бокалды әрең тауысатын. Әлде нерві жұқарып, қамығып жүргендік пе...

— Қалалық партия комитетіне неге бармадың?

— Бардым. Сені тос деді!

— Дұрыс қой... Енді несі бар қипақтайтын...

— Жоқ, мен о кісіден қорқам!.. Бас аманда кетейін...

Бәрібір ол шыдатпайды!

— Негіп жасып отырсың, Дәмеш?.. Баяғы заман жоқ, жала жабатын...

— Е, сен о кісіні әлі білмейді екесін.— Дәмеш Асқар мен Мұсілім арасындағы болған оқиғаны Қайырға түгелдей жеткізді. Қайырдың көзі бақырайып, астыңғы ері салпиып, үрейленіп өңі бұзылды. Бұл — көзді ашып жұмғанша болған құбылыс. Іле Қайырдың бет әлпеті қайта өзгерді — тасырайған үлкен көзінің жанары от шашып, қарқылдай күлді.

— Бір кездегі ауру ғой, оның емі табылған. Енді жұқпайды, қорықпа! — Қайыр қыздың жұмсақ ұзын саусақтарынан ұстап жібермеді, жүрек сырын да сол қолы арқылы айтып, түсіндіргісі келеді, бірақ тілі құрғыр дәл баспай, керексіз бір сөздерді айтады.

— Қайтасың, Дәмеш!

— Жоқ, қайтпаймын! — деп қыз онан әрі ерегеседі.

— Ұсынысыңды кімге қалдырасың?

Бұл сөзге келгенде Дәмеш үндеңейді, дәлелі де, себебі де таусылған сықылды. «Енді осының жыры бітті ғой» дегендегі түрегеп барып, радиоқабылдағышты бұрап, Алматыдан концерт ұстады. Самал желдей сүйкімді музика жүрек лупілдетіп, қиял тербейді, Дәмештің әсері ме, қанды қыздырған шампан ба, Қайыр елтіп, осы бір ән сазын беріле тыңдайды.

Музыканы жақсы да түсінетін, өзі де ән шырқап, рояль тарта білетін Дәмеш қосылып, қоңыр дауыспен ән салды... Бибігүл емес, Қайырға нышалап Дәмеш айтқандай:

Жүргіме әмір беріп,
Билеп алып кетпедің..
Қайтесің сен өкпе теріп,
Ұғуға әрең жетпеділ..

Ол ұзын кірпігін құс қанатындаи самғай қағып, ері күлімсіреп, әнін шырқай берді.

«Жүрегіме әмір беріп...» деген жол Қайырдың миына атқан оқтай қадалды. Әнге елтіп отырған қызды Қайыр бас салып, қапсыра құшақтап ернінен сүйді. Ұзақ жылғы құмартқан ынтық-зарын, сағыныш пен қуанышын үққандай Дәмеш те егіліп, ернін тосты, Мұмкін о да осы бір мезетті талай күткен де шығар? Махаббат уыты қанға тарап, тән шымырлатып, екеуінің есін алды. Ақыл құшімен жолы кесіліп, ноқталанып келген бездер желіден ағытылып кеткен құлындақ қанды лайлап асыр салады...

Қыз есін бұрын жинады, Қайыр құшағынан босанғысы кеп, тыптырап көріп еді, темір шеңбермен қысқандай тырп еткізбеді. Қайырдың көзі буалдырланып ештеңе көрмейді де, елемейді, есінен адасқан сықылды, не істеп не қойғанына есеп те бермейді, Дәмешті балаша көтеріп алған, көзін, ернін, маңдайын сүйе береді-сүйе береді... Кішкентай номердің ішінде дөңгеленіп жүр: қызды біреу тарташып алып кететіндегі үрлана құшып, қоярга жер таба алмайды. Дірілдеп, алаулаған ерні: «Құнім!.. Айым!.. Сәулем!.. Жаңым!» деп күбірлеп, сыйырлап айтады. Дәмештің көзі жұмұлы, Қайырдың бүкіл қимылын, құрмет-қадірін, қүйініш-сүйінішін сезінгендей, қанша мезгіл уақыт өткенінен хабары жоқ, о да шала мас. Әбден маужырап, рахат тапқандай, Қайырдың құшағында үйқтап қалды... Қайыр бетіне қызыға таңданады: шынымен үйқтап қалғаны ма... Талықсыз жатыр ма?.. Егер шын үйқтаса, Қайырды сүймегені! Сүйсе жүрек туласап, қаны тасып үйқы бере мей?.. Әлде шампан басына шауып, елітіп, есін алды ма? Ал, қыз Қайырдың қолында, қақпанына түсті. Қазір кереуетке сап... шешіндіріп... өзі қасына жатады... Құшақтап сүйеді... Но. Бұл Қайыр арына сия ма? Біреудің әлсіздігін пайдаланып, күш жұмсау, ұятқа қалдыру — адамшылық па? Мұмкін, қыз Қайырды сынап жатқан болар? Көзін ашып, жақтан тартып жіберсе... Өзі өкпелі Дәмеш біржола ат құйрығын кескені ғой? Өзі құмартпаса... Ондай іске қадам басу — арсыздық, сүймеген адамды, олай көндіруге Қайыр бармайды! Сүйсін қыз Қайырды. Сонда... Қайыр білетін Дәмеш болса, қасақана қайтер екен деп сынап жатыр!.. Міне қолаяғы бір уыс, бала сияқты Қайырдың алдында жатыр. Қандай сұлу, көрікті қыз! Ернінің үлбіреп, «сүй!» деп тұрганын...

— Дәмешім! — Қайыр шыдамай ерніне төне бергенде, қыз киіктей атып тұрды.

* * *

«Бәйге кек» атанған есік пен төрдей кек «Волга» жер апшысын қуырып, ағызып келеді. Машинамен бірге Дәмештің де ойы зымырап, бірде қарлығаштай алдын орап, бірде қырғидай, аспанға шарықтайды. Машина артында тоқазыған кісідей бүрісіп қолын қуырып Дәмеш отыр, кабина терезесін сыптып тұрган «сібірткіден» көзін алмайды. Откінші жаңбыр сабалап, долдана құяды.

Ертесімен Қайырдың «Победасы» келіп еді, оған мінбей қалып қойды, ондағысы — өзімен өзі ақылдасып ой-тілегіне, арман-қиялына жақадан бір өрнек тігіп, қызықта мақ. Қыздың әшекейсіз күні бар ма, қолымен тоқымаса, қиялымен тоқиды. Отken түні не болды? Дәмеш соған өзінің арының алдында жауап беруі лайық...

Шампан ішті... Қайырмен сүйісті... Құшағында маужырап жата берді... Содан басқа күнәсі бар ма? Өмірінің осындай кезеңін ыңғай аңдып тұратын — «ар» аттас әжесі бар, миының қатпарында бір көзін жұмып, бір көзін ашып, қалғып-мұлғіп отырса да, бәрін көреді. Және сол аяғы тайса, басын шайқап: «Әй-әй, ұят-ай!» деп табалай бастайды. Сол әжесі Дәмешті бүгін тағы да алдына әкеп жүгіндіріп қойды. «Сен жиырма алтыға келгенше, не шарап ішпедің, не бір жігітке сүйдірмелің, бүгін сені не қара басты?.. Жасым келіп қалды деп қорықтың ба? Немесе, жапа шегіп жүріп, жүгеніңді босатып алдың ба?» — деп Дәмештің жаңын шыбықтай шабақтайды.

Ішсе несі бар? Дәмеш күйеуге тимей, кәрі қыз атанип қалғысы жоқ, әжесі басын қатырмасын!.. Ерекіссе ертең-ак Қайырға тиіп алады! Рас-ая, Қайыр кімнен кем? Сымбатты десең сымбатты. Ұзын бойлы, тіл-тік, қырат мұрын, ашық маңдай... бойында Дәмешке ұнамайтын бір сипаты — шадыр көздеу. Онда да томпақ емес, сәл сыртқа тебіңкіреп тұрады. Кейбір әйелдер, ондай көзді «ашуланшақ адамда көздеседі» деп те атайды, кім білсін, әзірге Қайырдың мінезі — Ораз құйған құрыштай!..

Қайырдың көзіне қарап үйлеспей жүрген жоқ-ая... Бір кезде Дәмеш студент шағында, түн өрінде: «Менің ғұмырлық досым сенсің!» деп түсінде жастықты құшақтаған күні де болған... Артынан ол қиялдағы махаббат қана болып шықты.

Өткен түнгі Қайырдың мінезі де, сөзі де көз алдынан кетпейді: оның қылғысы, сөзі, күлкісі жарыққа үймелеген шыбындаи, ойламайын десе де, ызыңдап мазасын алады... Жас баладай көтеріп, әлдилеп... жан тербейтін ыстық сөз айтқан Қайыр ма? Енді кім? Дәмеш ауру шығар, осы сандырақта отырган жоқ па?

Дәмеш іштей өзін-өзі мазақтай күледі: баяғыдан бері ұнамай келген Қайыр, бір-ақ түнде жүрегін билеп алған иссе? Көз қарайғандық па?

Жоқ, олай деуге болмайды. Дәмештің мінезі аумалытөкпелі, көңіл тұрақтамай сан рет құбылып, кімнің ұнайтының өзі де білмейді, ізденіп аласұрады... Дәмеш үйінің алдына келгенде, іштей бір мықты түйін жасады: Қайыр Дәмешке адал, әйтпесе, кеше бір сыр білдірер еді... Дәмешті бір адам жақсы көріп сүйсе, ол — Қайыр!..

VI

Дәмеш келіп қала ма деп ертесімен біраз күтіп, базардан ет сатып әкеп, дайындаса да Асқар қарсы ала алмады. Қалалық партия комитетінің хатшысы Базаров машинасын жіберіп шақыртып алдырыды.

Ұзақ жылдар сарғая күткен мерзім жеткен екен. Асқар апыл-құпыл киініп, шашын тарады да, Ван Ванычқа: «Мені Базаров шақыртқан көрінеді, анада приемына жазылған едім. Дәмеш келсе қарсы аларсың!» деп жылдамырақ басып, машинаға отырды. Қолы дірілдеп, көңілі толқып, жадына ештеңе кірмей, әнеугіден бері: «Мені айт — мені айт!..» деп тынышын алып жүрген топ-топ ой, үркіткен құстай жан-жаққа бытырай ұшты. Он жеті жыл дамылсыз, үзбей телеграф лентасы тәрізді қиял-ойын, шер-сырын, арман-тілегін жазып келген миы кенет тоқтады. Асқар баспалдақтан қинала көтерілді. Хатшының алдында отыратын көмекшісі: «Кіріңіз, тосып отыр!» деді.

Асқар басы зеңгіп, шеке тамырлары білеуленіп, солқослық етеді, өңі бір қызырып, бір бозарып, ұзын кабинеттен жүріп келеді, екі көзі стол басынан тұрып, қарсы аяңдаған Базаровта: акқұба, сопақ бет, жылы жүзді мосқал ерек, жымының қолын созды.

— Жолдас Сагатов?.. Саләматсыз бе?.. Отырыңыз! — Базаров орындық ұсынды. Тағы да қайта-қайта Сагатовтың жүзіне үціле қарайды: «Самай шашыңызға шық түс-кен-ау тегі, ештеңе етпейді...» дегендей. Асқар да көңіл

божысын тежей ұстап, жан-жаққа бытырап кеткен ойларын қайта құрастырды, баяғы шерлі сырды лақ еткізіп төкпек. Бірақ, хатшы оған жібермеді:

— Қалай, жақсы тынысып отырсыз ба? — деп бұрын билетін, көрген адамдай өзі сөз қозгады.

— Рахмет, енді қызметке кірсем бе деген ойым бар, зеріге бастадым! — Асқар әңгіме аяғының басқа арнаға ауысқанына онша риза емес, сондықтан болды ма, әйтеуір. дәуүсі дүңкілдеп, басқа біреулердікі тәрізді естіледі. Хатшы да Асқардың толқып отырғанын сезгендей, жымып:

— Қызметке асықпаңыз!.. Әлде курортқа барып келесіз бе? — деді.

Асқар да жымып, бойын кең салып, жайлана отырды.

— Құзге қарсы барам ба деп журмін. Дәмеш: күні erteң барсаң, путевка тауып берейін дейді. Оған елді сағынып қалсам керек, әзір ешқайда барғым келмейді! — Асқардың көзі Базаровтың алдында жатқан «Казбек» папиросына қадалды. Қөптен тартпай, қойып кеткен-ді, дәл қазір соған құмартып тартқысы да келеді. Оны Базаров байқап қалды, қақпағын ашып: «Тартасыз ба?» деді. Шылымның осындаға бір пайдасы — бойың ширап, ақылың кіреді! Шылымды қабына бір-екі сорып, Базаровқа көз тоқтатып «Енді маған рұқсат беріңіз?» дегендей қарады.

— Гафу етіңіз, Василий Федорович, мен бүгін туған партияның есігін ашқаныма қуанып, көңілім босап отыр!.. Мен осы бір кезеңді адал күткен едім, көрмей өліп кетем бе деп, қауіптенген күнім де болды. Шын тілеген екем, арманыма жеттім! — Асқардың көзіне мөлт-мөлт етіп жас іркілді. Қымсынып, үялған Асқар жоқ, орамалымен көзінің жасын сүртіп, сөзін қайта жалғады.— Мен бүгін Теміртау қалалық партия комитетінің хатшысы Базаровқа келдім деп отырғам жоқ. Мен туған партияма: тарихи әділетті орнатқаны үшін, шындыққа көзін жеткізгені үшін, адал адамды ақтаған үшін рахмет айтуда келдім!..— Базаров орнынан тұрып, Асқардың қолын қысты.

— Жігер-қайрат мұқалмай, ар-намысқа кір жуытпай келу — ерлік! — деді Базаров тағы да қолын сілкілеп.

— Мениң айтпақ сөзім бір қапшық болатын. Аузын буып, лықылдатып дайындал жүргем. Бірақ бір ауыз сөзіңізден кейін керексіз екенін жақсы үқтываем.. Тек жүрегімнің қабына орап, қасқырдың аузынан, сұмырайдың тырнағынан аман-есен, сақтап әкелгенім бар. Ол — мынау! — Асқар қызыл шүберекке ораган партия билетінің бос ты-

сын алып, ішін ашты да, уқаланған, сарғайған, бір жапырақ қағазды ұсынды, зерде сала қараган адам: «Партиялық билет номері...» деген жазуды оқиды, нольден эрі цифрлар көмескі, жарыққа апармаса, адам танымайтын. Базаров аңырайып Асқардың бетіне қарайды: «Бұл не?» деген сұрақты айтпай-ақ үқтый.

— Бұл соғыстан бұрынғы менің партия билетімнің номері. Соны пленге түскенде тіліп ап, аман алып шықтый!

Ертесімен жауган жаңбыр күн еңкейе басылып, бұлт астынан жарқырап күн де шықтый. Алтын арай сәулесі маңдайшасы дөңгелене келген биік терезеден еденге шашылды.

Асқар мен Базаров екі сағаттай әңгімелесіп, сағат үшке таяу келген Асқар, сағат беске таянғанда шықтый. Базаров қолын қысып, есікке дейін шығарып сап:

— Сіздің партиялық стажыңыз жайында, обкоммен сөйлесейін!.. Оған қапа болмаңыз! — деді.

Бүгін Асқар өзін туған ұсына қайта қондым деп есептейді. Партиясыз өмір Асқарға — өгей, тұлсыз өмір, әуелі пионер, одан комсомол, одан коммунист болған Асқар құнды да бағалы өмір тек қана ұлы Ленин партиясының қатарында деп үгады... Осы қуанышын Айшаға тарту қылса қайтеді?

Ораздың мертіккені Асқарға сылтау болды да, емханаға жиі қатынады. Әуелгі бетте Ораздың еміне қоян-қолтық араласпай, сырттай бақылап қана жүрді. Дәрігерлер бірінің ісіне бірі араласқанын жек көреді. Соңдықтан да Асқар ақылын Айшаға айттып, сол арқылы Ораздың еміне араласты. Асқар Айшаға барғысы кеп, аңсайды да тұрады. Айшаны көрмесе көnlі жабырқап, бірдемесі жетіспегендей, беймаза болады. Он бес жыл күні-түні ойының қызығы да, жүргегінің кілті де болған Айша әлі күнге дейін ең жақын досы, ғашық жары секілді. Өзімсініп, кейде іштей таласып өкпе айтса, енді бірде, ақыл қосып сырттай иемденіп жүреді. Асқардың өмірі — аяғы «Пері қызына» кездесетін Ақан серіге үқсайды — қиялында өмір сүреді. Асқар қазір өткен шағына көз жіберіп қараса, үйлену түгіл қызы сүйіп серілік құруға да мұршасы келменті. Асқар мектепте оқып жүргенде: ойын-сауық, футбол, білім — кітапиен шүғылданып, бос кештерін соган жұмсады. Маркс айтқандай ғылымның биік шыңына апаратын сүрлеу — соқпақпен талмай өрлеген адамға көтеріlmей ме? Енді бітіріп жаңа кемеліме келдім бе дегенде, ағасы мен жеңгесі

апатқа ұшырап, кішкентай Дәмеш жетім қалды, соны асырады, ана орнына ана болды, енді ол: есін жаңа жия бергенде, соғыс киіп кетіп, қайғы-қасірет жан азығына айналды. Майдан... Тұтқын... Гестапо... Маутхаузен... Теміртау... Сибирь... Тайшет... Емхана! Міне өмір жолы осы!..

Шынында осы Асқар сүйе де білмейтін шығар-ау? Өмір бақи өзі өз болып, сүйген қызы Айша-ды! Сондықтан махабbat жайлы жақсы қиялды да, өкініш-арманы да тілек-зары да сол Айшамен байланысты.

Айша емханадан табылмады, шығып кетсе керек. Сол жерде тұрып, оның үйіне телефон соқты.— Кешке қызметке оралар ма екен?

Телефонда әуелі қыз баланың дауысы: «Кім керек?» деді де, Айшаны шақырды.

— Ия, мен! — деді ол.

— Айша? Мен Асқар ғой. Емханада тұрмын. Кешкі обходқа келесін бе? — Асқар іштей өзіне-өзі ренжіді: біреудің тишиң алып... Күйеуі үйінде отырса, жанжал шығарады-ау?..

Айша: «Қолың бос болса өзің келіп кет!» деді-ау?.. Бармаса қайтеді? Жоқ, Асқар Айшаның мінезін жақсы біледі: тағайынды да ұқыпты, әрдайым ұят келмейтін жағын көздейтін адам. Сенді де барды.

Пәтері кең де жарық екен. Еденін лактап сырлаған. Іші толған жасау, әсіресе, қонақ үйі бір жиһаз: рояль, телевизор, радиоқабылдағыш, тақта, қабырғада ілулі масаты кілем, үй ортасында шашақты жібек дастарқан жапқан стол.

Үстінде жеңі шолақ, алқымы ашық атлас халаты бар, алдынан қарсы шықты.

— Жақсы келдіңіз, үйден дәм татудың ретін табалмай жүр едім! — деді Айша құліп.

— Айшажан, мен анада «сіз» деме, баяғыдай «сен» де деп тілек еткенім қайда?

— Оған әзірге ауыз бармай тұр ғой!.. Мына келе жатқанды қайтесіз? — деді көз қынымен кіріп келе жатқан он жасар қызды нұскап. Талдырмаш, бойшаң, Айшаның өзінен аумаған ақ сары қыз бала иіліп сәлем берді. Әдептісін — Айшаның тәрбиесі ғой!

— Қандай тамаша бала едің, бері келші, маңдайыңнан иіскейін! — деді Асқар қолын созып. Айша:

— Бар, Софьяжан!.. Энеугі мен айтқан ағаң! — деді баласына. Бала сүйкімді де ашық мінезді екен, жатырқамай, Асқардың мойнынан құшақтап:

— Сіз менің мамамды он бес жыл бойы іздепсіз гой? — деді ол. Айшаның балаға не айтқаны енді белгілі. Ас үйге кіріп, қайта оралған Айша баласының сөзін естіп қалса керек-ті:

— Салғаннан сондай сұрақ қоя ма екен? Оңашада, кісі жоқта сұрамайсың ба? — деп күлді. Софья да наздана құліп:

— Мама, мен сіз жоқ деп ойладым. Гапу ет! — деді үлкен кісідей.

— Ия, жаным, мен сениң мамаңды сонау мұхит теңізінде, Байқалда, Сибирьдің тайгасында жүріп іздедім.

— О, онда негіп жүрдің елге қайтпай? — Балаға енді жалтарып жауап беруін қынғын. Шынын айтса түсінбейді. Не деу керек? Асқардың қысылып отырғанын Айша да сезді де балаға:

— Жарайды, Софажан, сен өз бөлмене барып, кітабыңды оқы! Кейін өзім айтып берем! — деп қызды шығарып жіберді. Бірақ, секіре басып, әндепті кеткен бала Асқар жүргегіне шоқ түсірді. Бұл Асқардың баласы болу керек емес пе еді?.. Асқардың жүргегін біреу қолымен қысқандай, тынысы тарылып, өнді қашып отыра берді.

— Асеке, сіздің бір жеріңіз ауырғаннан сау ма? — деп Айша үрейленіп, Асқардың көңіл түйткілін аңғара алмады.

— Кешеден бері бір шаншудың қадалып жүргені! — Асқар сыр бермеді. Жұқа жерінді сездірме!

— О, онда бір рюмка спирт ішіп жіберіңіз. Шаншуга мың да бір шипа,— деп Айша буфеттен бір графин спиртті әкеліп столға қойды. Өзіне де, Асқарға да аздап құйып:

— Айтқандай, сізге ішүге болмайды екен гой! — деді.

— Жазылдым гой, Айшажан! Қазір басым ауыратының қойды. Елге қайтқасын ауру дегенді ұмыттым! — Асқар құліп, Айшага жалынды көз тастады:— Мениң емім сен гой!

— Мен емге жарасам әлі де құнды екем! — деді әзіл-деп Айша.

— О не дегенің? Он бес жыл қиялымда мәпелеген, өміріме жұлдыздай жарқыраған Айшамен, көріп отырып айрылғым келмейді!.. Сен маган баяғыдан да ыстықсың!

— Асеке, соңызыдан қалмай жүрген қиялдан туған елес шығар, ертең менен де әдемі, жас қыз өміріңізге құннің көзіндей жарқыраса, мен сияқты көлеңке жоқ бола-

ды,— деп Айша әзілдеп күлді де, қабағын шытып:— Ара-
мызда қазылған ор бар, содан секіру қының ғой, қайтесіз
өткенде жаңғыртып.

— Жоқ, мен секірем, өзінді ойла! — Асқардың Айша-
га айтпақ бол келген сөзі бұл емес еді; Базаровпен еке-
уінің кеңесі, қызмет жайы, медицинадағы өзінің жаңа ойла-
ры да. Ал қазір сөзден сөз туып, әңгіме басқа бір арнаға
түсіп кетті.

— Сізді,— деп Айша аз бөгеліп, ақсия күлді,— Мұсі-
ліммен татуастырам деп жүрсем. Директор Москвадан
қайтса керек, сонда кеткен еді... Егер ол қазір кіріп келсе,
қайтер едіңіз?

Асқар орнынан салмақты тұрды.

— Мен кетем, Айшажан!

Айша да тұрды.

— Сіз сондай су жүрек пе едіңіз? — Айша әзілдесе де,
сөз оқыс айттылды. Өзі артынан сөзді білем, жалпақ-
тап,— қалжың ғой, Асеке! Сіздің жүректі мен түсінем!—
деп жайып-шуды.

Асқардың енді бұл үйде қалғысы жоқ, Айшага: «Шы-
ғарып сал!» деп өзімен бірге көшеге алып жүрді. Қас қа-
райып, ымырт жабылған кез. Асқар бұрынғыдай жатыр-
қаған жоқ, бүгінгі әңгіме екеуінің арасындағы мұзды ері-
тіп, жақындастыра түскендей, ер сөйлескенше! Айшаны
қолтықтап ап, жарық көшемен келе жатыр. Жас әйелдің
тығыршықтай денесі оттай күйдіріп, жанын балқытып,
сөнген сезімдерін қайта қоздырып, Асқарды мас қыла
бастады.

— Сен Мұсілімді шын сүйесің бе? — Асқардың аузы
кеберіп, қайта-қайта түкірігін жұта берді.— Жасырма!
Адалын айт!

— Сүйсем ше?

— Жоқ. Сен сүймейсің!.. Егер сен соны сүйсеще... — Ас-
қар аз мұдіріп, сөз тыңдады:— Сүйсеще де, мен сенен ай-
рылмайым, өмір бойы соның көлеңкесінде жүргуге саған
ант берем! — Айша алақанымен Асқардың аузын жапты,
«тек» дегендей. Асқар Айшаның алақанынан сүйді.

— Асеке, сен... сіз мені қинаң келесіз. Бұдан былай
ондай сұрақ қойманыз!..

— Энеугі менің берген дәптерімді оқыдың ба?

— Оқыдым!

— Менің көрген азап-бейнетіме көзінді жеткіздің, бе?

— Жеткіздім.

— Менің ақ екеніме енді сендің бе?

— Сендім!

— Айша!— Асқар жаны қиналып, қаттырақ атады.—

Ендеши не деп тұрың?.. Мені жазықсыз айдатқан пасық адаммен қалай тұрасың? Жоқ, сен сүймейсің, бұл жалған!— Ай жарық еді, көзінің жасы мөлт-мөлт етеді «аясайшы мені!» дегендей жалына қарайды Айша. Ерні күбірлеп:

— Ол менің күйеуім емес, баланың әкесі!— деді.

Асқар шап беріп, Айшаны айқара құшақтап, бетіне бетін тақап, дірілдеп-қалышылдап:

— Ол бала менің балам болуы керек еді!.. Ол — зұлымдықпен — сені алдап торға түсірді. О балаға енді әке иен болам!— Тісінің арасынан қысылып шыққан сөз сыйырға үқсайды. Айша жұлқынып, құшағынан босанып ап, «жоқ-жоқ!» деп жүгіре жөнелді. Асқар екі иығынан демін ап ентігіп, орнында тұрып қалды...

Көп ұзамай Асқар қызметке орналасты. Көлдің шығыс жиегінде салынып жатқан «Қазақстан Магниткасы» деген құрылыштың бір емханасына бас дәрігер қып жіберді.

Теміртау қаласы төрт жік: Теміртаудың қазіргі металлургия заводы бар ескі қаласы оған жалғас — «Соц. қала»— біркелкі төрт қабат ақ тас үйлер, өз алдына бір төбе; одан әрі Қарағанды баратын жолдың жиегінде, тау етегінде жастар қаласы; дәл көлдің шығыс жақ жиегінде — Магнитка; ол — алдына бір төбе, күн сайын жайылып өсіп барады. Магниткадан үш шақырымдай жерде салынып жатқан домна. Алыстан: Москва өзенінің жиегіне орнаған отыз үш қабат үйдей, анадайдан адырайып, шойын мойны аспан тірейді.

Жергілікті халық бұл жаңа қаланы — «Шығыс» деп атайды. Оқтай түзу, о шеті мен бұ шетіне көз жетпейтін заңдар көшениң орта шенінде — алаң. Дәл алаңға қарсы үш қабат тас үй — Асқардың емханасы.

Асқар келіп бас дәрігердің кабинетіне кіргенде, бірсыныра дәрігерлер жиналып, тосып отыр екен. Тегі хабарлаған ба, бәрі орындықтарынан тұрып, «хош келдіңіз!» деп қарсы алды. Асқар салмақпен қол беріп, амандастып, әрқайсысына көз тоқтатып, сынай қарады. Топты бастаған сом денелі, қартаң, хирург әйел, оған таяу — шоқша сақалды көзілдірікті, халатын салақтау киген — терапевт, «бос минутымда шылым тартып қалайын» дегендей, саусағының арасынан шылымы көрінеді; тапалдау келген

рентгенолог әйел күлімсіреп, сыр тастай қарайды... Асқар кезек-кезек қолдарын қысып, «көз.. құлақ.. мұрын.. жүрек... нерв...» әр мүшениң мамандарымен танысып шықты.

Басына орамалын шаршылап тартқан жасамыс әйел жап-жаңа ақ халатты әкеп кигізді де Асқарға «Рұқсат етіңіз, бастауға!» дегендей, ибалы қылықпен иілді де, топты бастап, емхананы аралады...

ТӨРТИНШІ БӨЛІМ

I

— Қанша үйкітадым, апа?

— Бір сағаттың шамасы, тұр енді! Ванный жағып қойдым, шомылып ал. Біреу-міреу келіп те қалар...

Қайыр атып тұрып, қолына орамал алды да, ваннаға барып, рахаттанып, балаша шолпылдатып, ұзақ шомылды. Қайран менің өз үйім, кең сарайдай боз үйім! Арқасы кеңіп, көнілі жайбарақат тапты. Жол соқты, одан тұні бойы жөнді үйқы көрмей, қалжыраған Қайыр, іс-міс жоқ, келе төсекке құлаған-ды. Түсі қандай әдемі? Жатқан романтика! Ертең кездескенде Дәмешке айтуы керек. Не дер екен? Қайыр тұске сенбейді, әйтпесе, шалдар құсап алдағы өмірін болжап, осыдан бір түйін жасар еді. Шешесіне айтса ше? Кемпір әлі баяғы пікірінен қайтпады ма екен? Тегі Қайырдың сөз райын аңғарғаны тәуір-ау. Ертең Асқарға Дәмешті үйіне шақырып жақындаспаса, аралары суып барады.

— Қайыржан, үйрек боп кеттің бе? Заводтан телефонга шақырып жатыр, не деуші ең? — деді Ақмарал ванный есігінің сыртынан айғайлап.

— Он бес минуттан кейін қайта соқсын де! — Қайыр түкті ақ жаймамен үстін құртіп, пижамасын киіп, ванныйдан шықты да, шар айнаның алдына барды. Шашын тарады. Толқыған майда қара шашы да лезде құргап, ұлпілдеп шыға келді. Баласын сағынған анасы шашын қалай тарағанына дейін сүйсіне қарал, желке тұсында бақылап тұр екен, айнадан бейнесін көріп қап, Қайыр сөз бастады:

— Апа, Ораз мертікті дей ме?

— Қойшы, сол есерсоқ немені!.. Басын жұтады, үстіп жынданып жүріп!..

— Қалай, қазір?..

— Жатыр дейді емханада!

— Бармадыңдар ма?

— Ажар тамақ апарып беріп жүр...

Телефон тағы сылдырады. Қайыр телефон құлағын көтерді.

— Аллоу... Иә, мен!.. Э, жақсымысыз. Рақмет!.. Мақұл. Бір сағаттан кейін... Дәмеш келген жоқ па?.. Жарайды!— Іліп қойып, сақалын қыра бастады.

— Бұл кім?.. Әлгі Мұсілім бе?— деді құлағын тігіп тұрған Ақмарал.

— Жоқ, Серегин ғой... «Кел!» дедім, шай бар ма, апа?

— Дәметжан Алматыға әне көшеді, міне көшеді десіп, жүрт алып қашып жүр еді...— деп Ақмарал аржағын айтпай, бөгеліңкіреп, баласына сөз тастады.

— Дәмеш ешқайды кетпейді... Жақын арада ағасы екеуін үйге шақырып дәм татқызу керек. Осыған қам жа-саңыз!— Қайыр әдейі түсін сұтып, қарсы дау-сөз айтқызбай бақты. Үні де қаталдау шықты.

Қайырдың әнеугі Москваға жүрер алдындағы даусы, бетін қайтарып тастаған ба, шешесі баяғыдай дөң-айбат шегіп, ызғар көрсете алмады. Ернін «сылп» еткізіп, бір тартып жүре беріп, қайта бұрылды.

— Қайыржан, әлгі Мұсілім де аға бол, жаны ашып жүргүші еді, бірге қоса шақырасың ба?— деді Ақмарал көзін қадап.

Қайыр қабағын шытады.

— Жоқ, болмайды.— Ақмарал қайтып сөз айтпады, ас үйге кіріп кетті. Мұсекеңнің кім екенін, шешесі әлі естімей жүр ғой. Кім айтса — сол келеді, «Ассалаумәлейкүм!» деп Мұсілім кіріп келді. Әдемі киінген, жүріс-тұрысы пысық, сөзі «ой баурынан» басталады. Қолтығынан түспейтін жаңа портфелін босаға жақтағы бұрышта тұратын үш аяқты киім ілгішке іле салды да, әдетінше мүйіз көзілдірігін түзеп, Қайырдың қолын қысты.

— Баурым, есен-саумысың! Мұнда, жеңгей екеуміз сыртыңдан тілек тілеп...— Қайыр Мұсілімнің шұбыртпа сөзінің кәдірін біледі, аржағына құлақ қойған жоқ, бөліп:

— Жоғары шығыңыз!.. Айша жеңгей, Софа бәрі де жақсы ма?

— Жеңген тың ғой, жөпшеңді ауру ала қоймас!— деп

Мұсілім қарқылдай күлді. Қайыр ол боғауыз айтқандай жирене тыржиып: «сөзің, қандай дөрекі!» дегендей радиолды жүргізді, ұзақ ойнайтын пластинкаға жазылған Төлебаевтың «Коммунизм оттары» деген симфониялық поэмасын ойнattы. Мұсілімнің: «Ау, інім, Москвада талай қызықты қөрдің-ау!» деп аузының сұы құрып, тамсанған сөздерін елең де қылмады. Жақсы қөретін композиторының музыкасына жаңын белеп, қиялын ұштайды. Төлебаевтың осы бір поэмасын тыңдағанда, Дәмеш екеуінің көлдің аржақ жиегінде тұрып, Теміртаудың келешек бейнесін елестеткені есінө түседі... Музыка ыргағынан сол қиялы қайта туып, көз алдына тағы да оралады.

Ертең!.. Коммунизм оттары сәулетті де салтанатты. Қырымда Аю тауының желкесіне шығып Қара теңіз жиегіндегі Ялта қаласының тамаша бейнесіне Қайырдың таңырқай көз суарғаны бар. Сонда.. Сонда теңіз қабағы доғадай иіліп Қара теңіздің қаракөк теңбіл сұын құшагына алады...

Құшагы жетпейді. Сыймайды. Мрамор қабаққа жағалай қадаған электр шамы жылт-жылт етіп, көз нұрын тартады... Төлебаевтың поэмасынан туған Ялтаның осы бір сәулетті көрінісі, ертеңгі Теміртаудың бейнесімен ұштасып жатты...

Ойға шомып тұрып қалған Қайыр есін жиды. Ас үйдегі Ақмарал мен Мұсілімнің күбір-күбір сөздері бірде естіліп қап, бірде сыйырға айналады. Мұсілімнің шешесіне жақындығы Қайырға ұнамайды. Шешесіне ой тастап, сыр жеткізіп, жүретін де осы «ағасы» ма деп қалады.

— ...Үйленетін түрі бар дейсіз бе?.. Сонда кім?.. Баяны Дәмеш пе?.. Ой-бай, атама!.. Қалыңдықты оған өзім таптыйм. Эйел бол Дәмеш жарытпас, еркек шора ма, бірдеме!— деп талай сүмдүқтың басын бір қылтитып, дәл таңының күшігін қойнына тығып ап бір көрсетіп, бір жасырып: «Қандай тамаша? Жоқ, бермейім!» деп қызықтырған аңшыдай, шешесін азғырып тұрганын қөрдің бе?.. Сөйткенше болмады, Қайырдың қасына жетіп кеп:

— Қайыржан!— деді қиқарсыған жылдың үнмен:— аға мен інінің арасына базналық жарасқан. Атамыз қазақтың бір дәстүрі. Сені өзімсініп, бір істі мойныма алып тұрмын. Айт десең айтам?

— Айтыңыз!

— Айтсам, женеше бері келіңіз!.. Ия, мен Қайыржанға қалыңдық таптым... Медицина институтын бітіріп жақында осында келді, дәрігер қыз...

Қайыр: «Әзілдеп тұрған жоқ па?» дегендей әуелі таңдана қарады да, артынан көлгірсіп тұрған сиқын сезіп, зілді сөзбен басып тастады.

— Мұсілім Сапарович, пожалуйста, менің қамымды жеменіз, мен өзім бірдеме қып тауып алам! Көзім соқыр, мұрным пұшық емес!

Мұсілім жалт беріп бұрыла қойды.

— Қайтер деп сынау үшін айтсам, ашу шақырғаның не, Қайыржан? Түсінбедім!.. Женешемнің көзі тірі кезінде бір немере иіскетуің ата-бабамыздан қалған мирас...

— Апам, өзі біледі, менің неге үйленбей жүргенімді.— Қайыр сөзінің бір ұшын шешесіне тіреді. Ашы сөздің өрі өрістеп бара жақанын сезген Ақмарал ызғарлана:

— Жарайды енді, жетеді!.. Екеуің де менің қамымды жемендер!— деді де ас үйге кіріп кетті.

Үй ішінің ауасы бұзылып, демалыс тарыла бастағандай, Қайыр балкondы ашып, сонда шықты. Соңынан Мұсілім бірге шықты.

— Қайыржан сапарың сәтті болды ма, не бітірдің, орталықтан әкелген жаңа тәлім, жаңа бағыт бар ма?— Қайырдың ішінен шалып ала алмаған соң «ағасы» басқа әдіс қолданды — сырт жағынан қапсыра ұстады.

— Әуелі сіз айтыңыз заводта құрыш көп пе, қоқыс басым ба?— Әдейі ишарап тигізе сөйледі. «Бірдеме сезіп тұр-ау шешесі жеткізбеді дейсің бе?» дегендей Қайырдың көзінен о да үңіле қарады, не үққанын өзі біледі.

— Қоқыс көп!— деді,— баяғы Сағатованың сменасы үлкен аварияға ұшырап, завод шығында қалды!.. Қала-лық партия комитеті бір жағынан, «овнархоз» екінші жағынан, өзімнің есімді шығарды. «Ай, күннің аманында бұл не авария?», «Бұл не масқара?» деп күнде шақырады, күнде үрсады...

— Ия, тексердіңіз бе?

— Тексергенде қандай? Салақтық. Барып тұрған жаупкерсіздік! Қайыржан-ау, өзің айтшы сол қыз келді цехқа, пәле орнады. Құрышпаевтың бригадасы ол құрып кетті. Цехқа барсақ — ахаха-уахаха жұмыс қалады, бәрі соны қоршап ап, қылмыңдайды да тұрады. Қазақ қызы инженер бол, мартенде құрыш қуюши ма еді, тәйір! Элек

тө! Сонымен саған ұят келмесін деп бар ауырлықты өз мойныма аударып әйтеуір лажын тапқам.

— Я, қалай?

— Сағатованы техкабинетке бастық қып жібердім. Бұрын министерства істеген, оған қолайлы сол орын болар дедім. Базаров та соны мақұлладады!.. Бірақ ол Алматы кетем деп жатса керек... Екеуің бірде тату, бірде араз едің, саған жек көрінішті боп қалам ба деп тағы да қыпымдағы... — Ар жағын созбай тына қалды. Қайырдың не суйеме сөзін, не жақтырмаган сын сөзін күткендей. Қайыр әдей үндемеді. Бас инженер бұл сөзіне жауабын ертең заводта алады. Қазір — ол мейман, көңілін бұзып қайтеді. Қайыр үндемегесін, Мұсілім сөзін әрі жалғады.

— Өзің келерден екі күн бұрын мені обкомға шақырып, соған барсам: жаңада келген хатшы баяғыда министерства бірге істеген ең жақын досым боп шықты... — Мұсілім «досым» деген сөзді наштеп мән бере айтады. «Ағасының» емеурінің Қайыр сезеді. Мұсекең аз кідіріп, дауысын кенеп ап, сөзін аяқтады.— Екеуміз біраз әңгімені шертістік... Сөз арасында сені де сұрап қойды... Эй, жақсы адам-ау. Майда жібек адам: «Ерулік бермеуші ме ең?» деп күледі.

Осының бәрін неге айтып тұр? Қайырга: «Менің берген бұйрығыммен санаң, әйтпесе, ертең обком мені жақтайды, өзің ақымақ боласың!.. Менің қолымда да күш бар!» деп ескерткені. Осы күнге дейін «ағасының» кім екенін Қайыр танымайды-ау? Ішіне шынтақ айналмайтынын, көзі тар екенін неғып білмейді? Тоқта-тоқта, Қайыр! Кейде періп кетпе, құлап кетпе міnezің болушы еді, қайтып көрместей сөзге барма! Мүмкін, авария Дәмештің айтқанындағы емес, заводқа зиян келтірген шығар? Мұсілімнің жаны ашып, әділ шешсе қайтесің? Сонда Қайыр Дәмешке сенбей, Мұсілімге сенгені ме?..

Тіліне ашы сөздер оралды — «ағасын» алқымынан алғып, сілкілеп алса... Серегиннің оған жалғас Құміспектің келуі, Қайырды біраз пәледен құтқарды. Есендік жасасып, мәз-майрам боп жатқанда бұларды күтіп тұрғандай Ақмарал шайға шақырды. Қонақ үйдегі дөңгелек столға жағалай отырған соң, Қайыр көрген-білгенін, орталық қаладан алған әсерін сөз қылды:

ЦК-ның плenumында естіген сөздері, басшы адамдардың ойлары, құлаш сермесі, Қайырды таң қалдырды. Бұрын ондай мәжілісте болып көрмеген жас инженер, тама-

шалап, шешендердің әрбір қымылын аңдып, сөзін бақты. Дүние жүзінің қақ жартысында социализм орнап, совет халқы коммунизмге бара жатыр. Қайырдың жас кезіндегі: «Коммунада остановка!» деп айтатын эні, енді қиял емес, ертеңгі өмір сияқты. Президиумда отырғандар коммунизмге алып бара жатқан «Совет өкіметі» атты алып тепловоздың біреуі машинисі, енді бірі инженері, тағы біреуі көмекшісі сияқты көрінді Қайырға. Эне, «Коммунизм қырқа астында!» деп пленум ауыр өндіріс командирлеріне жол сілтегендей.

Қазақ metallurgия заводы сол тепловоздың бір бұранасын құйса, берік құйса, үлес қосқаны емес пе? Халық алдында өз міндетімді атқардым деп Қайыр ашық айта алар да еді...

— Я, адам шын бақыттымын деп сонда ғана айтуына болады! — деді Серегин қуанған жайдары жүзben Қайыр сөзін бітіргесін.

Мұсілім үнде меді. Тұқырайып, шанышқысымен тарелкесін түрткілей берді. Қасындағы Құміспек әзілдеп:

— Мұсекең екеуміз қала қоймаспыз, билетсіз болса да, сол тепловозға жармасып байқармыз! — деп Мұсілімге қарады.

— Жиырма жыл қызмет атқарғанда бір билетке ие болмай есектің миын жеді дейсің бе?.. Жоқ, уш жыл істеп бөрікпен соғып алуға бармаймыз — деді Мұсілім Қайырды да, Серегинді дё қатар түйреп.

— Бірақ жиырма жылдық стаж коммунизмге баруға мандат бөла алмайды, жолдас Мусин! — деді Серегин. — Біздің заманда уш жыл істеп бұрын өтуі де ғажап емес.

Қайыр мен Құміспек күліп Мұсілімге қарады: «Енді не дейсің?» дегендей емеурін білдірді. Мұсілім намысташып, ашуланудың орнына бірге құлді, бірақ, құлқісінде зіл бар:

— Эрине, жасымыз жетпей, «базардан қайтарып» қойса, онда әрине бізге жол жоқ!

— «Базардан қайтқан» біз емес қой, сіз базардың ішінде жүрсіз... Егер күшіңіздің азайғанын сезіп, «қайтам» десеніз, әрине, ұстап тұрмаспыз. — Қайыр қабабын шытып «сөзім әзіл емес, шыным» деген ниет білдірді. Өткен күннің дәмі аузынан кетпей қымс етсе «біз едік» деп артына қарай сөйлейтін Мұсілімнің әдеті. Бұл кісінің осы сайтанын тізгіндейтін кезек жетті... Серегин алдындағы

конъякка толы бокалды әрірек сырғытып, қасындағыларға: «ішерміз, асықпаңдар!» дегендей ым жасады.

— Ұлы партияны басқарып отырган қайраткерлерден үлгі алыш үйренетін уақыт жетті! Қөрмейсің бе, әне, олар тыным таппай, бүкіл дүние жүзін шарлап, бейбітшілік, дарқан өмір үшін жаның қиып, өмірін сарп етіп жұр! Сол дарқан өмір кімге керек білесің бе, Мусин?

— Сенсіз де білеміз, жолдас Серегин! Бұл үй саған Мәдениет сарайы, немесе жиналыс емес, онанда Қайырдың сөзін тыңдайық. Мүмкін ол кісілерді сенен артық мен жақсы көрермін? — деді Мұсілім өңі қашып. «Қой, тап осы сез шының емес шығар!» дегендей мысқылдай сылқылқыл күліп:

— Э солай ма еді өзі? — деді Серегин. Осындай сез өршігенде баса қоятын Ақмаралдың әдеті, құлағын тігіп аңдып жүрме, бұл жолы да дер кезінде бір табақ етті әкеп столға қойды...

Қонақтар тарай бергенде Ажар кірді. Оразға тамак апарса керек, қолындағы сумкасын тастай беріп, Қайырдың мойнынан құшақтап, бетінен сүйді.

Қайыр Ажардың мінезіне ренжісе де тетелес өскен қарындасты, жақсы көреді. Қайыр директор болмай тұрғанда, екеуі сырлас та сыйлас еді, араларының алшақтай бастағаны сонғы кезде: дәреже Қайырдың көз етін өсіріп, мойнын жуандатып жібергені ме? Қой, Қайырда ондай мінез жоқ, қолы тимейді, завод өмірімен шұғылданып жүрген адамға кінә қоюға бола ма? Әйтседе, адам өзін-өзі бақыламаса, тез «семіретіл» көрінеді. Ажармен амандасып жатқанда Қайырдың басына осы бір ой келді.

— Ораз қалай?

— Жақсы!.. Өзінді күтіп жатыр. «Сырым» бар еді дейді. Не сыр екенін? — Ажар бірдеме сезген кісіше күлімсіреп қарайды Қайырга.

Қайыр заводқа ерте келді. Сағынып қалған тәрізді, кез келген жұмысшылармен қол алысып амандасып, денсаулығын сұрап, бір-екі ауыз әзіл де айтып, көңілдерін көтереді. Завод қақпасынан бірі кіріп, бірі шығып жатқан машиналарға да «не тасып жұр?» дегендей көз тастайды. Осы заводтың иесі есебінде жаны ашиды. Қайырды бұрын мұндай сезім билеп көрген емес. Москвадан тауып әкелген қасиеті ме, Қайыр жоқта завод ойсырап, қалды дей ме? Қайыр ондай «кеуде қафатын» тәйтік сезге аузы бармайды: әлі жас, шаруашылықты зерек түсінетін тәжі-

рибелі директормын деп өзін санамайды... Запорожец-стальдің меңгерушісі: «Заводты өз үйім деп қара да, завод үшін кімнің жаңы ашыса, соның бетін қақпа!» дегенді, мүмкін, сол бір сөз әсер етті ме, жас директор заводқа бұғін кейіген, жақтырмаған пішінде кірген жоқ, жайдары ақ жарқын мінезбен кірді.

— О, директор келіп қапты ғой!

— Жас болсада ақылды ма дейім?

— Қайдам, ісі де өзі сияқты зор келсе...

Вахтердің алдында «Рұқсат қағаздарын» көрсетуге иірліп тұрған бір топ жұмысшылардың әзіл аралас күлкісінің шет жағасын, сатымен завод басқармасына көтеріліп бара жатқан Қайыр естіп қалды. Бұл сөзден Қайырдың үққаны: жұмысшылар директорды әлі жақсы білмейді, сырттай түр-әлpetіне, мүсініне баға беріп, жас кадр болған соң құрмет тұтып сыйлайтын сияқты. Бірақ: «жақсы директор» деп олардан баға алу үшін жақсы еңбек істеп үйиту керек. Жұмысшы халқы мақтауға сараң. Алдағы жетіжүлдіқта Қайыр заводпен бірге өспей, жақсы директор атағын ала алмайды. Қазір Қайыр кім?

Кабинетіне кірді де Ліда Ивановнаны шақырып ап, Қайыр бұйрық жаздырды:

«...Бас инженердің бұрынғы бұйрығы бұзылып, Сагатова өзінің орнына смена начальнигі бол қайта бекілсін».

— Жаздың ба? Машинкаға бас та бір данасын Сагатобаға жібер!— деді те телефонмен Серегінді шақырып алды.

— Оқы!— деді таяғына сүйеніп отырған Николай Ивановичке бұйрықты ұсынып. Ол көзімен сыйдыртып етіп:

— Дұрыс!— деді.— Бірақ ол совнархозбен келіскен болу керек. Ертең сенің бұйрығыңды қайта бұздырып жүрмесін?

— Обкомға барам!

— Обком оны қолдаса?

— Алматыға, ЦК-ға дейін айттысам.

— Өзіне айттың ба?

— Жоқ.

— Ертең ол себебін де сұрамады деп дәлел қылмай ма?

— Кеше үйде айтқам.

— Ол — үй де, бұл — кеңсе!

Қайыр Лиданы шақырып ап, бас инженерге жіберді.

Көп кешікпей о да келді. Аса ықласты ылтипатпен амандасты.

— Мұсілім Сапарович, сіз инженер Сағатованы қызметтен дұрыс ауыстырдым дейсіз бе? — Қайыр балтап, салқын түспен сөйледі.

— Элбетте өндірісті білмейді, тәжірибесі жоқ. Бұрын ыңғай кеңседе істеп үйренген.

— Бұл дәлел болмайды. Білмесе үйренбей ме?

— Авария дәлел бола алмай ма? Авария қызметке салқын қарағандықтың салдары емес пе?

— Мұндай авария заводтарда болуы мүмкін ғой?

— Есінде болсын, жолдас директор, бұл бүйрықты келіскем! Бұзуга болмайды,— деді Мұсілім дауысы өзгеріп қатал үнмен, «енді салғыласуға да, дауласып айтысуға да кезек келді!» дегендей.

— Қызметке алу, қызметтен шығару директордың жұмысы!

— Ау, инженерді қызметтен алып, қызметтен шығаруды совнархоз бекітіп отыратын көрінеді ғой! Оны да ұмытпау керек!

— Ол жағын менің өзіме жіберіңіз... Келісе жатармын.

— Өзің біл! — Мұсілімнің сағы сынғандай мұңдайып айтса да, аржағында зілі бар екенін, кетіп бара жатып білдірді: — Іс насырға шабады, Қайыржан!.. Завод жалғыз жайлайтын мекенің емес! — деді де есікті бір қойып Мұсілім шықты да кетті. Қайыр мен Серегин біріне-бірі аңырып қарап қалды. Қатар күлді.

— Чорт возьми! — деді Серегин, — қалай күш көрсетеді?

— Кеше біздің үйде-ақ күшін көрсетіп отырған. Шеғірткеден қорыққан егін екпес!

— Бұл кісі: «директор жас, жиырма жыл инженер бол істедім. Еңбегім сінді. Енді маган ешкім қарсы келе алмайды. Аузымнан шыққан сөзім заң!» деп сынсыз кеткен бастық! — деді Серегин мұнды шыраймен. — Анада екеуміз осы Дәмеш үшін қатты керістік. Қазір маган атарға оғы жоқ. Базаровқа барып мені күнде жамандайды!..

— Не деп сонда?

— Айтуға сөз табылмай ма? Талай арыз жазып, жанжалдасып үйреніп қалған қу — жағам десе кір табады. Энеугі Ораздың дұрыс пигылын теріске айналдырған да

осы. Базаровқа: «Серегин әкімшілік іске қол сұғады, дөрекі, қымс етсе тіл тигізеді, қызмет істеудің орнына өсек тастап, жұртты бірімен-бірін шағыстырады да жүреді!» депті. Базаров екеуміздің айтысымыз да осыдан басталды. Жаңа менің үндемей отырғаным сол. Дәуде болса бүйрықты мен бергізді деп кетті.

— Бас инженер қалай жүріп, қалай тұратынын ұмытып кетсе, үйретіп бағайық! Бұл мәселені әуелі партия жиналысына сап шешіп алайық. Коммунистер айтсын: кімдікі дұрыс, кімдікі бұрыс... ЦК-ның пленумына байланысты техника мен автоматика мәсесесін завод қолемінде қалай шешеміз, соның баяндамасын қояйық. Базаровты да шақырайық.

Серегиннің көзі жайнап, қозғалып, орнында зорға отырды.

— Тапқан ақыл! Өзім де осылай ұғып, сенің баянда маңды қоям ба деп ем!

— Жарайды, пленумда болған мен ғой. Өзім-ақ жасағын. Бірақ коммунистер құн бұрын біліп, белсене қатнасатын қыл...

Серегин кеткен соң Қайыр тосып отырған жұмысшыларды қабылдады. Бірі пәтер сұрайды, бірі басқа бір жұмысқа ауысқысы келеді: цех бастықтарының кейбір мәселені үстірт шешіп, кейбіреулерді ренжітіп алғандарын да айтты.

Қайыр әрқайсының жүргегіне кілт тапқысы кеп: біріне уәде беріп, бірінің тілегін табанда орындалап, енді біріне ақыл берді.

Ұзақ күнге директор кабинетінің есігі жабылмады. Телефонда шырылдап біресе цех бастығын, біресе завкомды іздең аласұрды да жатты.

Сағат алты жарымда ең ақырғы жұмысшыны қабылдап орнынан тұрғанда, Қайыр ұзақ күнге тамақ ішпегені есіне бір-ақ түсті.

* * *

Ертеңінде Ліда Дәмешті шақыртып ап, қолына бүйрықты табыс қылды. Дәмеш келгенде техника бөлімінде істейтін бірнеше инженерлер Қайырдың кабинетінде отыр екен. Қайыр орнынан тұрып Дәмештің қолын алғып, амандақ жасады. Техника бөлімінің бастығынан басқасы директордың ізімен орындарынан тұрып әдеп білдірді. Пла-

тон Сидоровичтің белі шойырлып, төсектен жаңа түрган беті еді, күлімсіреп басын изеді.

Дәмеш Қайырға тұра қарай алмады, арғы күнгі мейманханадағы екеуінің оңаша отырғаны есіне түсіп, ұйты бетіне шоқтай басылды. Қайыр да Дәмештің қысығылып отырғанын сезгендей назарын Платон Сидоровичке аударды.

— Айтқандай, Платон Сидорович, сіз Сагатованың проектісін не істедіңіз?.. Москваға кетерде сізге табыс етіп ем ғой — өз пікіріңізді дайындаң деп? — деді Қайыр негізгі мәселесін тастай беріп.

— Пікірімді жазып, бас инженерге бергем!

— Менің өзімे табыс етіңіз! — деді де Дәмешке қарап: — Маған бірдеме айтайын деп келдің бе? Бүйрықты оқыдың ба?

— Алдың, міне қолымда. Сонда бүгіннен бастап па?

— Бүйрықта айтылған жоқ па екен?

— Бүгіннен депті... Совнархозбен келісіп алдың ба?.. Ертең тағы қайта бұзылып... Мен үшін өзің сөзге ұшырап...

Қайыр сүйсінген пішінде:

— Дәмешжан, сен үшін мені орнымнан алса, арманым жоқ, екеуміз қол ұстасып баратын жер табармыз. Оған уайым жеме! Бүгінгі сменаға шығуға дайын болғайсың... — деп жүрек тербейтін жұмсақ дауысына ықласниетін сыйдыра сөйледі.

— Жоқ-жоқ. Қайта цехті сағынып жүрмін.

— Онда бүгін шық!.. Соңыра өзім кіріп кетермін! — Дәмеш ауызғы бөлмеде отырған Лиданың қолын қуана қысып, үйіне қарай жүгірді... Дәмеш құрыштың ауыз қуыратын дәмін, ыс ісін сағынды. Бұрын цехта жүргенде осы бір өзгешелікті жөнді сезбейтін, арасына уақыт салған соң аңсай бастады. Дәмеш әуелде қате жасаған: институтты бітірісімен өндірісте істесе, көп тәжірибе алыш, ендігі диссертация да қорғап алуға мүмкіндігі болушы еді... Жоқ Дәмеш енді цехтан басқа жерде іstemейді... Қайырға риза! Дәмеш бұрын Қайырды мұндай батыл, досқа жанын салады деп ойламап еді. Мақтаншақ, мемменшіл жігіт пе деп үфатын. Ол ұғым неден туды екен? Орыстың адамды тану үшін бір пүт тұз жеу керек деген сезі осындау? Бір пүт тұзды бітіргенше қанша жыл өтеді екен, ә?

Дәмеш жалғыз Қайыр жайында ғана қателескен жоқ. Энеу күні Серегин не деді? Оңашада ойланып соған жа-

уап тапты ма? Бұрын құрыш құйып көрмеген инженер келе сала, ат үстінен меңгеріп алып кетпекші де болды. «Институт бітірді, қалтада — диплом, және уш жыл ми-нистерства істеді, несі бар?» деп кеуде қақты. Не деген ұшқары ой десейші? Институтты осы пештің аузында тұ-рып бітірген сияқты. Дәмеш өзіне сын көзімен қараса, заводта бірінші рет істеп отыр. Қарт инженерлермен ақылдасса, мастерлермен, құрыш қорытушылардан үйрен-се, тез жетіліп кетер еді, бірақ оларға жолаған Дәмеш жоқ. Коллективтің сый-кәдірін бағалай алмай қалды.

Дәмештің колектив пен қоян-қолтық келе алмай қа-луына дос-жарандары, керек десе ақыл айтқан сол Сере-гиннің өзі де кінәлі. Ол өзі де мойнына алды ғой сол жо-лы. Келісімен: «О, министерства істеген, көп біледі. Дәмеш Сахиевна, Дәмеш Сахиевна деп қолға түсірмей кө-термелеп, дандайсытқан біздің өзіміз деген жоқ па». Ал, Дәмеш те өзінің кім екенін ұмытып, дақбыртпен шаба бе-ріпті. Мүмкін әлде Серегин айтпаса Дәмеш осы қүнге дей-йін өз қатесін сезбес пе еді?.. Жоқ, енді Дәмеш білекті сыбанып тастап, пештің аузында құрыш құюы қажет. Эйтпесе?..

Тамағын ішіп, киімін ауыстырыды да, Дәмеш заводқа барды. Алдымен Құрышпайға жолықты. Шалдың басында құрыш қорытушылардың брезент қалпағы, қолында көсеу, қолқанаттарына әмір беріп, пештен кокс ағызып жа-тыр екен. Цехтың іші алтын нұрға бөленген ертегідегі алтын сарай сияқты. Цех түбінде жүрген адамдардың тұс-әлнеті де ерекше: шашына дейін алаулап жанып жатқан секілді.

Дәмеш Құрышпайдың қасына барды.

— Ата, немене, жұмысқа шықпай жатып, кокспен алысып? — Дәмеш әзілдей сөйледі.

— Е, балам-ай, өмірде не көп қоқыс көп. Негұрлым қоқыстан тезірек айрылсақ, солғұрлым коммунизмге тे-зірек жетеміз,— деп Құрышпай да құлана жауап қайырыды: — Сен Дәмешжан кеше маған: «қартайғанда цехқа неге бардың?» деп ренжідің ғой. Міне көрші, сен өзің ин-женер емессің бе: кокс көпіріп жатыр ғой. О неден? — Көзін Дәмештен алмай жауап күткендей.

Дәмеш енді шын қысылды.

— Қеміртегі көбейіп кеткен болар...

— О да дұрыс, балам. Мәселе қеміртегі неге көбейеді? Соны айтсайшы?.. Осы пешті бізден бұрынғы қорытқан

бригада шихтә салып жатқанда, пешті сұтып алған. Қызынды күшайте түсудің орнына бәсекесіткен. Дәуде болса, біздің Ораз да осындай шалағайлық қып, ұтылып отырғаны сол! «Жақсы кокстың астынан жақсы құрыш шығады» деп қарт құрыш қорытушылар неге айтты дейсің.

— Ата, осы кокс сүйық емес пе? — Дәмеш көк көздірігін киіп көз жібереді.

— Жоқ, қайта қою ма деймін... Байқап қадағалап түрмасаң, жастар гой, жіберіп алады. Сенің де көзің әлі үйреніп дағыланған жоқ. Авария жасап ап жүргенің де сол!.. Уақасы жоқ, өзімнің қасымда біраз болсаң, баулиым,— деді шал анадай түрған Гена мен Қуанға қарай аяңдап. Дәмеш шалдың соңынан сүйсіне қарады.

Жетпіске таяп қалған әкесінің баласы орнына туруы — асқан ерлік. Баласының намысын жыртып долы жалынмен алысусы қарт қайратының молдығы. Сүйегі қандай асыл. Жасынан әбден шыныққан гой.

Кеше Құрышпай мен Иван Иванович екеуі Дәмешті ортаға ап біраз әуреледі. Қартайғанда адам алға үмтыхмай, ыңғай өткенге көз жібереме дейім, екеуінің сөзі сол өткен шақ болды да қойды. «Жастар жақсы-ақ істейді ау, бірақ алаңғасар, байыбына жетпей қолды бір-ақ сілтейді!» — деп бірсыптыра Оразды сөз ғып мүйіздел алды. Ораздың орнына «өзің бар!» деп Құрышпайды итермелеген екінші шал. Намысқор-ақ: «Жалғыз Ораздың бригадасының абыройы емес, тұқым қуалаған құрыш қорытушылардың абыройы, бригаданың қалайда сағын сындырмау керек?» — деп бірін-бірі итермелеген сыйылды. Ораз албырттығымен жарапанды, ондай қылық жас кезде жиі кездеседі. Ертең әлгі Ығламбек секілдінің біреуі: «Герой дандайсып, бригаданы басқара алмай, тартып алды!» деп жүрсе өлім емес пе?» деп бірін-бірі қостады. Ораз емханадан қашан шығар екен? Дәмеш Қарағандыдан келгелі Оразға барған жоқ, қолы да тимейді, Құрышпайдан сұрайтын екен: Ажар қатнаса ма екен? Ақылсыз Ажар орынсыз қызғанам деп, Ораз бен Дәмеш арасын қайта жақындастырып алды. Қазір Қайыр екеуі Дәмеш қиялында тайталасып бірін-бірі ала алмай жүр, аспанда таласқан екі қыран сияқты. Откен жазда сурет көрмесінде бір әдемі пейзаж көрген бар-ды. Қыран үйректі қуып барады Үйрек сасқаннан өзін-өзі көлге тастап жібереді. Сол бір сәт — оқтай атқан лашын үйректі қуып бара жатқан ақ түйгінинің жолын кеседі. «Менің көлім, сен неге билеп

төстейсің?» дегендей, түйіліп топшысымен соқпақ. Әне, үрды-ау дегенде, түйғын шалқалай жата қап тырнағын сермейді... Дәмеш жүргегінде осы екі қыран сияқты Қайыр мен Ораз күнде соғысады.

Дәмештің қасына Гена мен Қуан келді.

— Дәмеш Сахиевна, әуелі, цехқа қайта оралуыңыз-бен құттықтап қояйық! — деп Геннадий желдіре сөйлеп, күліп Дәмештің қолын қысты.

Шүйіркелесіп, әңгімелесуге уақыт болмай жатыр — Дәмеш екеуінің қолын кезек қысты.— Кеша қайда?

— Ол пешке шихта төгетін машинаға мұльдені іліп жүрген болар!.. Біздің ішімізде үнсіз жұмыс істейтін солғой! — деді Қуан жымып.

Цехтің гуілінен бе, бұлар Құрышпайдың қай жағынан келіп қалғанын да сезбей қалды.

— Сөзді догарындар! — деді шал ызбарланып.— инженер, бұларды бөгеме!.. кейін-кейін!

Геннадий мен Қуан тым-тырақай қаша жөнелді. Дәмеш күлді:

— Ата- ау, енді амандастырмайсың ба?

— Какой саған амандық, құрыш қорытып жатқанда?

— Денеге қан құйып жатқанда дәрігерлер сөйлей ме? — деді шал, көзін шүйіріп.— Бот, сол ендеше! Ел деңесіне қан жіберіп жатқанда сендер де сезінулерің керек!.. Анада бригада неғып нашар істеді десем, сені басынып алған екен. Енді білдім! — Шал шағып алды. Дәмеш атасының сөзіне өкпелемейді. Үйреншікті. «Әкей ұрыспасын, ұрысқаннан таяқтап ұрғаны артық!» деген Ораздың сөзі Дәмештің есіне түсті.

II

Ораз марлімен қаптаған терезенің алдында, балдаққа сүйеніп мұңдайып отыр, өнді — жүдеу, қиялы — жазғы сағымдай бір жақындал, көз алдында діріл қағады. Кейде қиялы өңімен ұштасып, біреулердің дауысын да ести ме, қайтеді?

Емхана ауласына еккен жас бақша біртінде алыстай берді, аумақты экранға айналды: Алматының Горький атындағы паркі: сай-сайдан сарқырап аққан көктемгі тасқын судай аллея-аллеямен сыйдырай күліп, ағылып жатқан қыз бен жігіт; көк кептердей күбірлесіп, жан сырғынан ләззат алғандай. Енді бір сәт дүркірей үшқан топ

үйректің қанат сөрпісіндегі ән де кенет шарықтайды. Парк іші әсем де көңілді!.. Ораз жүріп келеді... Зәулім тоғайдың қолдың саласындағы сыңсыған шыршысы мен қарагашы, бәйтерегі мен емені, қарағайы мен қайыңы Ораздың алдынан, бірі сарғыш алтындағы, бірі жасыл гаунардай, енді бірі қызыл лағыл асыл тастай жапырақтарды шашудай шашады. Сентябрьдің орта шені. Ораз әрқайсысын бір көтеріп, ііскей, тастап келеді... Жүрек кептеген қуаныш: жаңағана бүкіл Қазақстан жастарының алдында «Ораз Құрышпаев атақты құрыш қорытушы, герой!» деп мадақтап аспанға көтерді. Комсомол съезіне жиналған делегаттар ду қол шапалақтап, таныстары Оразға бұрылып, күлімдеп: «Сен! Сені атады!» дегендей.

Ораз күрсініп, көзін үқалады. Парктің орнында емханың кішкене бақшасы. Мұлгіп тұр. Шыршаның бұтағында сарғыш безектеп, шықылық атады. Оразды келе меж қып: «Сен де атаққа ие болдың-ау!» деген сияқты. Жоқ-жоқ, о кезде Ораз жан-тәнін аямай бар ықыласын сала еңбек еткені айқын! Оған күмән келтірме! Ал жарайды, сендік, сонда коммунистік еңбек бригадасының атағын алмайым деп неге сөзге ілікті?

Ораз көзімен емхана бақшасын шарлап шығып, сонау көкжиекте шөккен өркеш-өркеш көгала бұлтқа барып қонақтады. Бұл етегі өртеніп, қып-қызыл шоққа айналған. Жоқ, ол теңеу дәл келмейді: көкжиекке, қызыл барқытпен көмкерілген, түс киізді керіп қойған сияқты. Аржағынан кереге көз бұлт саңлауынан күн сәулесі сыйалайды. Ораз суретші болса, осы бір бояудың түсін қағазға түсірер еді. Құрыш қорытушы, аңшы, шофер Ораз, енді суретші болғың келді ме? Дәмек зор-ау, әр немеден? Ораз жұрт көзінде: «дандаисыған», «көзінің еті өскен», «жүгендің кеткен» де болар, ал өзінше — олай емес, Ораз нашар істеген жоқ, сабасына қарай піспегі. Эй, енді аман-есен осыдан шықса ма?.. Үйдейтіні, соңғы толғап жүрген ойлар осы емханада піскен тәрізді. Бір ай бойы түн өрінде сол бір ойды талай шым-шырғасын шығармай, бұрап-бұрап шыныршық атқызды. Ол — құрыш қорытудың жаңа әдісі. Бұрын Ораз көп нәрсенің байыбына жетпей, салдыр-салак, асығыс істейді екен. Жете ойласа, операциялардың арасын созбай, жақыннатып, уақыт ұтуға болады екен! Бұл жайында Дәмешпен, Қайырмен ақылдасқаны да жөн-ақ. Емханадан шықса-ақ қолға алар еді. Дәрігерлерден қунде сұрайды: «үйге қайтар!» деп, рұқсат бермейді. Өзінше

тәуір сияқты. Эй, бірақ, бейнетті көрді-ау, енді аңға шықпас!

Ораз жараланғалы бірсыныра уақыт өтті. Сол аяғының үршығы шығып, оң аяғының жіліншігі шатнап, бел тамыры жаншылып қалса керек-ті. Үршықты орнына туғарып, оң аяғын гипске салды. Бірақ бел тамыры шойырылып, қозғалтпады.. Бір келгенде Асқарға «беретін кеңесініз бар ма, бұл күйде ұзақ жатып қалатын түрім бар?» деген-ді Ораз. Тегі Асқар Айша апайға айтқан ба, ертеңінде беліне укол арқылы новокайн жіберді.. Содан бері тәуір!..

Ораз емхананың дәлізіне шықты. Бүгін туыстарымен кездестіретін күн. Ораз іштей асыға күтеді. Әсіресе, ұлын сағынады. «Папалап» жанында жүгіріп жүргенің өзі қуаныш екен. Болатсыз Ажардың өзі келді.

— Денің сау ма? — Ораз селсоқ амандасты.— Болат қайда? Неге әкелмедің?

Ажар қызыраңдап, кінәлі адамша қинала сөйлемді:

— Кешеден бері сырқаттанып жатқаны.

— Дәрігерге апардың ба? Қай жері ауырады?

— Аяғына шеге кіріп кетіп, жүре алмай жатыр, атасы жұмыста қарайтын кісі жоқ.

— Сен өзің ше? — Ораздың тілінің ұшына: «шешенмен қосылып ап, өсек соққанда сондайсың, жалғыз баланы қарауға мұршаң келмеді ме?» деген сөз оралып еді, аяды. Айтпады. Екеуінің арасы әлі алшақ. Ажардың жазықсыз Дәмешкө тиіскенін, үйден кетіргенін Ораз ұмытпайды да кешірмейді. Тек ауырғаннан бері Ажарға аздап іші жіби бастады: күндіз-түні келіп, тамақ әкеп, жаны қалмай жүр. Өзі жүдеп те қалды. Қызғаншақ мінезі болмаса, Ажардың үқыптылығы, кісі күтуі, тазалығы көп әйелдерге дес бермейді...

— Экей үйде ме? — Ораз не дерін білмей аузына түсін сөзді сұрай салды.

«Не айтып түр?» дегендей Ажар Оразға таңдана қарады.

— Қайда болушы еді, жұмыста!..

Оразда тагы да үн жоқ. Вестибюльдегі деңгелек столда қазотын еккен шар аяқ тұратын, Ораз соны тамашалап, иіскелеп, не айтарын білмейді.

Ажар да тамақ салып әкелген сумқасының құлағымен

ойнап, ауық-ауық Оразға мұңды көзінің қыығын тастап: «Не болды саған, осынша қатайып, бір ауыз жылы сөзің жоқ па?» дегендей.

Ажар деп соқпайтын жүректі Ораз қалай зорлайды? Жоқ, бес жылдан аса жолдас болған серігіне Ораз жүретінің соқпауы мүмкін емес. Өкпе шығар. Ажар сияқты сүйкімді де нәзік, Ораз десе жанын қиындағаннан зайдіпты тастап, баласын тірі жетім қыла ма? Көрдің бе эне, Ораз ау! Екі көзі жаутаңдап, саған қарай береді!. Барып, қолынан алғып, бетінен сүйсейші! Жоқ, Ораз ондай сайтаның азғыруына көнбейді. Ажар жап-жақсы семья боп отырған үйдің қиындығын кетірді. Қайта жамасын. Одан берінде, атама!..

Сау етіп, дабырығып бір топ адам кірді. Топ алдында Дәмеш, оның соңында Ораз бригадасының мүшелері — Геннадий, Куан, Кеша. Ораз да орнынан тұрып үлгерді. Дәмеш бас сап құшақтап бетінен сүйді. Қалғандары да қолын қысып, мәз-майрам болды. Дабдырлап, жарыса амандық сұрасқаннан кейін, қайтерін білмей, кетіп қалудың есебін және таба алмай, андай жерде бүрісіп отырған Ажарды байқады. Кеша оған басын изеді, Гена мен Куан қол берді, Дәмеш те салқын амандасты. Ажарды әдейі аңғармағандай. келгендер қысылып қалды. «Бар болғыр, өзі де құшықтай, жуырмаңда, көзге түсе қоймайды!» деп Геннадийдің жолдастарына айтқаны бар-ды, сол есіне түсті ме, Куан жымыып теріс айналады. Ораз Ажарға көз тастады: қып-қызыл, беті шиедей, бұлығып, төмен қарайды, тегі көзіне жас та іркілгендей.

— Көрдің бе, Ажар сені сағынып жүдеп қапты! — деді Геннадий әзілдеп Оразға. Куан мен Кеша қолпаشتай күлді. Ажар жақтырмай тыржың ете түсті. Ораз езу тартастып жымыып, Дәмешке қарады: Ол: «Ажарды білмейім де танымайым!» дегендей өз бетінен түр, қолындағы Оразға әкелген кітабын ашып әр жерінен бір оқиды.

— Ісің не болды? — Ораздың Дәмеш Қарағандыдан қайтқалы толық мәліметі жоқ та, Дәмеш Қайырдың ақылымен қайтып кеп іске кіріскенін тегіс баяндады.

— Директор осы жігіт деймін! — деді бір бүйірден сүйсінген Геннадий. — «Аудың» мүйізін бір қақсан екен!

— Сен «аудың» бүтінгі кокстай көпіргенін естісек, көзің жамандық көрмесін... — деп Куан мұрнын шүйірді.

— Қой, өй?.. Не болды тағы?

— О кісі де солай қатты ашуланушы ма еді? — деп Ораз бен Кеша қатар жарыса сұрады. Дәмеш Геннадийден көзін алмайды.

— Мен түсте заводқа келсем: шофері бір жерге кетіп қалған ба, әйтеуір кешігіп кепті, жерден алып, жерге салмасын ба! Өзінің түсі сұық, өнді қашқан. Әлде неге аптығып жүр!

Дәмеш езу тартып, мысқылдал:

— Қайыр тамағынан өтпеген сүйектей кесе көлденең қадалып тұрып қалған да!.. Қайыр мен емес! — деді.

Дәмештің Қайырды қотере сөйлегені Оразға ұнамайды, іштей қызғанады. Дәмеш бұрын ыңғай қекете атап, Қайырды жақтырмашы еді. Өзгеріп қапты ғой...

Ағасы мен інісі араларынан қыл өтпейтін тату еді ғой? Ораз Дәмештен көзін алмайды: егерде қыз жүргегінде көлдің суындағы махаббат тұнса, Ораздың осы сөзі лақтырған тастай оның бетіне әжім түсірмей ме?

— Все течет, все меняется! — Дәмеш күлімдеп, Ал бұдан Ораз не түсінеді?

— Бұл тегі мен үшін туған іріткі де! — деді Дәмеш Оразға.

— Сен шалдың қимылын естідің бе? — деді Ораздың ойын бөліп Геннадий.— Саган алдын ала бірнеше ұпай беріп жіберді! Күшті-ау өзі!

— Қалай? Жұмбақтамай айтсайшы! — Ораз Геннадийдің асыра сөйлейтінін біледі.

— Жұмбақсыз дейсің бе, құб-ақ! Ол сенің шихта салуыңда да, қорытуыңда да қарсы. Өзінше істейді. Мысалы менің миыма қонады! Аржағын қайтесін...

Сөзге Дәмеш араласты:

— Біз: «шалдар — ах, миы қатайған қазымыр!» деп қолды бір-ақ сілтейміз. Ол — қате!.. Өмірде көргені көп, солардан үйренейік!

— Рас, ол шалдар өмірдің азабын шегіп рахатын та- машалаған кісі. Бірақ, олар сол баяғы белгілі меженің төңірегінен аспайды. Ізденбейді. Ал біз іздеп, алға үмтыйламыз! — Ораз ақыл айттым ба дегендег қызыарып Дәмешке қарады.— Мен нақыл сөз, немесе газеттен жаттап алғанымды айттайын деп түргам жоқ. Мен осы емханада тегің жатыр дейсіңдер ме? Ұзақ түнде ойлап-ойлап бір түйінге келдім: соны ақылдаспақ едім, жақсы жиналдыңдар.— Аз мұдіріп, ешкім үндемегесін, Ораз жағалай шо- лып өтті:— Айтайын ба? — деді.

— Біқыласымыз сізде,— деді Геннадий күлімсіреп.

— Біз осы қүнге дейін уақытты дұрыс пайдаланбай келіппіз. Баяғы салып алған даңғыл жол бар, сонымен тарта берсек керек. Пешке шихтаны толтыруда самарқау құмылдаپ, уақытты өткізіп алатын сияқтымыз. О кезде пеш сұып қап, құрыш қорыту кейде сегіз сағаттан да асып кететін жәйі бар. Солай ғой?

— Бригадир жолдас, көбірек сөйлеп кеттіңіз! — деді әзіл араластыра Геннадий.

— Тетелес жақын операцияларды жарыстыра қатар жүргізсек дейім. Мысалы, құрышты ағызып жатқан кезде пеш ішінің босаған жерлеріне: төбесіне, артқы жағына заправка жасасақ, яғни: тесілген жерлерін бітесек, сөйтіп, заправка аяқтай бастағанда пешке шихтаны екі машинамен қатар салсақ... Бұл бір. Бұдан біз қанша ұтамыз? Оны пеш аузында байқайық... Тұра тұр, Гена, мен айтып бітірейін! Өздерің білесіндер: «Жақсы қоқыс алсақ, жақсы құрыш та аласың!» демей ме біздің мәтел. Сол жақсы қоқыс үшін күрессек!

— Бұл да ойға қонады,— деді Қуан.

— Қонуы қонады-ау, бірақ қанша уақыт ұтамыз? Соны айтсайшы! — деді Геннадий.

— Сабыр етіңіз. Сөзіңді бітір, Ораз! — деді Дәмеш таласты басып.

— Бітірсем: біз әдетте темір мен ізбес тасын алмастыра саламыз ғой, ол дұрыс, осының үстіне, ізбес тасын пештің ішіне жұқалап үйдім-үйдім ғып әр жерге бір төксек... Тез қорытылатын сияқты. Осы Дәмеш сен инженерің ғой, ойланып көрші. — Ораз достарына қарайды: мақұлдарап жақтай ма деп үміт күткендей. Жоқ, құшағын жайып, «ойбай сенікі керемет!» деп тұрған бірі көрінбейді. Геннадийдің бір езуінде мазақ, көзін шүйіреді. Қуан бәтеңкесінің тұмсығын жаңа көргендей басы тәмен салбырап, содан көзін алмайды. Кеша өз бетімен тұр. Жалғыз Дәмеш қана мақұлдаған сияқты, күлімдеп еліге ойланады.

Мыналарға не болған, осынша тұнеріп?

— Ләқаула, сендерге не болды, ей? — Ораз жақын отырған Қуанды бүйірден түртіп қалды. Ол селт етті.

— Э, не? — деп ойдан сергіді.

— Жаңа мен не дедім?

Ораз бас боп бәрі ду күлді.

— Бәрімізге белгілі. Ізбес тас жуырманда қыза қоймайды... Сонсоң оның астында жатқан темірге де қызу жетпейді... Сондыктан... Не істеу керек дедің? Аржағын үқпай қалдым,— деді ол шыны ма, құлығы ма, кім білсін.

— Бәтеңке сатып алсан деп беймаза болып тұрғаныңды біз де сеземіз!

— Қой, ей! Оны қайдан білдің, Ораз!— деді ол жабыса түсіп. Тағы да ду құлді. Қатардагы есікten сестра шығып: «тәртіп бұзбақдар!» деп зекіп алды. Дәмеш орнынан тұрды.

— Ойыңды түсіндім, Ораз: пешті суытпай, қызуды қөбейтіп, құрыш қорытуды тездетең, уақыт ұтам, уақыт ұтсам құрыш та тез ағызам дейсің ғой... Солай ма?

— Солай!

— Құп! Менің де іздеп жүргенім сол уақыт емес пе? Жарайды мен ойланайын: қаншалықты ұтысың бар екен.

Ораз басын изеді. Бригада қопарыла көтеріліп, қоштасып, шығып кеткенде барып Ораз Ажардың әлі отырғанын сонда аңғарды. Қасына барды.

— Әлі отырсың ба? Болат ауру ғой?

— Саған ештеме керегі жоқ па?— Ораз Ажардың қолын қысып, жүргегінің жібігенін сездірді...

Бір күн өткен соң кешке жақын экесі кеп, терезеден Оразды тысқа шақырып алды. Құрышпай бұрынғыдай емес, ысылып, етінен аздап айырылған ба, қалай? Сақалмұрты аппақ. Ораздың апатқа ұшырағаны, үй-ішінің жанжалы батқан-ау? Өткен жылы жүрт таңданып: «Апырмай, Қүрекең жап-жас, жетпіске таяу деуге ауыз бармайды» дейтін. Ораз ұттын мойнына алғандай: «Оразым ұл бол туды!» деп мақтанудың орнына, жарықтық бүкшеңдеп үехқа барып, әлі қолына көсөу ұстайды. Әй, Ораз-ай, сениң де адам сүйер қылғың жоқ! «Бетін шиедей қыл! Бас ұттын!»— деді іштей бір дауыс. Ораз осы сөзді экесі айтқан жоқ па дегендей жалт қараса үн-түн жоқ күміс жалатқан сүйек шақшадан насыбайын атып, шырт-шырт туқіріп баласы ойын бітірсін дегендей, баптана тосып отыр. Ораз қымсынып, не дерін білмей, шақшаны сөз қылды.

— Осы шақша тозбайды екен. Тегі, менімен жасты болар!— Ораз шашақты тығынын қолына ап, жіті қарады. Ііскең, мұрнын тыжырды.— Фу! Осыны да атады-ау!

— Бұл шақша сенен де үлкен. Баяғыда біздің елде

Қаскелен түбінде Мергенші дейтін сұғанақ, өсекші сұмпайы болатын-ды. Сол Ордабайдың кісесінен ұрлап ап, маған бір қойға сатып, артынан оған барып: «ойбай, Құрышпай ұрлап алыпты, сонда көрдім!» деп, атыстырып бір жаз «шақша дауы» атанған дау бүкіл елді дүрліктірген. Ол — 1912 жылдар-ды. Сен қай жылы туып едің осы?

— Өзіңіз жаңылмасаңыз, 1933 жылғы деп жазылам.

— Сол дұрыс. Дәл сол бір жылы мен де, құдай атып, бұзылып, колхозға есепші боп келген татар қызын алам деп үйден безгем. Содан сенің шешең Ҳалима марқұм бір күні: «Маған керегің жоқ, бүгін кетсең де еркі... Бірақ, балаларың өскенде жетімдікті саған кешірмейді» деді. «Балаларың кешпейді» деген сөз жүргегіме құсадай байланды да ақыры қойдым!

Әңгіменің бір шеті өзіне тигенін Ораз да сезді. Шал көптен бері дөңгелетіп қалай сөз бастаудың лажын таба алмай жүретін-ди, бүгін нысанасына іліндірді.

— Шешей соңыңызға түсіп аңдып, шатақ шығарды ма сонда?

— Жоқ! Жалған айта алмаймын. Обалы не керек, кең адам еді.

— Жақсы. Сізді о кісі ақылмен ұстады. Ал егер, ол күнде тіл тигізіп, жұрт алдында абыройыңызды төксे қайтер едіңіз?

Шал бір мұртынан құлімсірегендей.

— Онда ма?.. Онда, әрине, ат қүйрығын кесуім ықтинал еді.

— Э, олай десеңіз, маған сол ақылды неге бермейсіз? Көрмей отырсыз ба?

— О кездегі мен, бүгінгі сен емессін. Коммунист, герой, депутатпен 30-жылдардағы шала белсенді бір болып па? Сенің артқан жүгің көп. О кезде менің ұшарымды жел, қонарымды сай біліп, серілік қызуым кетпеген: «Ә десе, мә дейтін күнім...» Ал қазір мен сол баяғы Құрышпаймын ба? Сері, энші, партизан атанған Құрышпай, қазір шал, пенсионер, қарт жұмыскер.. Заманың басқа, қарағым, соны үқ! — деді әкесі сөзін тұжырып. Оразды сөзбен матағандай, іштей әкесін қоштайды, бірақ... Ажардың ұнамсыз мінез-қылышына өкпелі. Неге? Ерлі-зайыб — бірі еркек, бірі әйел, қол ұстасып өмірдің ұзақ сапарына шығады, тар жол, тайғақ кешеуден өтеді, бірде қабақ шытысып, бірде реніште туатын кезек те келеді. Сонда ақыл, төзімдік женбей ме?.. Ажарда қандай төзімдік бар? Жа-

райды, Ораз бен Дәмеш скеуінің арасында жас шақтан келе жатқан достықтан да артық құрмет, сыр-сипат бар. соны сезбей, жанжал шығаруы... Жүрек қазнасының, байлығы емес. Экесі осыны келініне неге түсіндірмейді.

Ораз ой түйінің әкесіне жеткізді. Ол астыңғы иегін дүрдитіп, насыбайын тілімен жайластырды да қысық көзін жыпылықтата бастады.

— Айттым, шырағым! Менен қалған сөз жоқ. Табанында үққан сияқты болады, артынан тағы да өзінің ескі әніне басады. Тегі жалмауыз енең бұзатын сияқты. Шырағым, осы менің әке болып сұраганым: сен қой!.. Таста! Келіс! — деді Құрышпай.

— Мен қоймайым деп жүрмін бе! Дәмештен кешірім сұрасын! — Экесі тұнжырап қақпаға қарай аяңдады.

III

Мәдениет сарайының эйдік залында завод коллективінің жалпы жиналысы ашылды. Жиналыс ашылудан бір сағат бұрын, Ліда Дәмешке Серегиннен хат әкеліп берді. «Дайындал, бүгін сөйлейсің» депті. Дәмеш әуелі сасып қалды. Не деп? Қалай сөйлейді?..

Ліда директордың хатшысы рой, көп сырға ортақ. Қайыр баяндамасының тезистеріне дейін ол машинкаға басады, бірақ Ліда тіс жарып ештеңе айтпады. Жалғызақ ол: «Бүгінгі жиналыста болған да, болмаған да арманда», деді. Бұл сөзді естіген Ван Ванычтің де делебесі қозып, үйде отыра алмады. Киініп, Дәмешке еріп жиналысқа барды.

Мәдениет сарайы араның ұясындағы гүілдейді. Жиналыс алдында екі-екіден ерсілі-қарсылы жүрген коммунистер, күбір-күбір сөз, мырс-мырс күлкі, әрқайсысының көңіл-күйі, ой-тілегі күмбез сарайда құстай шарқ үрады. Дәмеш Иван Ивановичтің қолтығынан ұстал ап, жогары көтерілді. Жан-жағынан өтіп жатқан коммунистер, бұларға бірі басын изеп, бірі көтеріңкі дауыспен амандық білдіреді. Прокат цехының обермастері палуан денелі Нұрбек қасында вальцовщик Мырзахан бар, бұларды қуып жетіп, өтіп кетті, мартен цехының обермастері Иващенко мен мастер Күміспек қарсы жолығып қап, баспалдақтың бір жақ қанатына қарай үйіріліп жол берді; Иван Иванович сатының айналасында бір дем алып, жогары шыққанда, алдынан Құрышпай да кез келді. Екеуі шүйіркелесіп, зал-

ға кірді. Дәмеш антресолиге сүйеніп тұрып, жан-жағына көз жіберді. Жұмысшылар гүлдеп кіріп жатыр, кіріп жатыр. Ішінде бурыл сақал мосқалы да, мұрты жаңа табендеп шығып келе жатқан жасы да бар. Сабырлы қимыл, сараң сөз үлкендеріне тән болса, ширақ қимыл, көтеріңкі дауыс, құлқіл әзіл кішілерінің бойына біткен қасиет тәрізді. Әнеу дауырығып тұрган бір топ жас металлургия заводында істейді. Дәмеш бәрін де таниды: Көк көйлекті бұйра шаш жігіт прокат цехінде істейді. Оған тетелес — ақшыл құлғін қызыл ала көйлекті селеу шаш жігіт мартен цехінде құрыш қорытушы, жұмыстан бос уақытында мәдениет сарайында ән салады, ол екеуіне қарсы қолын шошайтып, сөзге дес бермей кең сарайды басына көтеріп тұрган, еңгезердей қара жігіт механика цехінде істейді. Үста. Кітап құмар. Үйі толған кітап, нендей кітап керек болса, содан табасың!.. Бұларға әне Гена бастаған бір топ жігіт қосылды... Бәрі де жас та көрікті, жайдары да көңілді. Жайбарақат — ыңғай өмірдің күншуақ жағында өскен тәрізді... Жаңағы Иван Ивановичтың, Құрышпайдың орнын басатын заводтың ертеңгі келешегі осылар емес пе? Кеше Дәмеш жалғызсырап жүдеп жүргенде осылар емес пе еді, қанат астына ап болысқан?.. Кім екен партбюро хатшысына барып, шу шығарған?

Өмірдің мақтанышы да, Теміртаудың иелері де осылар емес пе? Бұлардың бәрі де Дәмештің құрдастары, соғыстан кейін өскен, қыршын жас, таза жандар!..

Дәмеш сияқты осылар кеше ғана Самарқанд көлінде қысты күні коньки тепкен жоқ па еді? Аз-ақ жылда құлпырып шыға келді... Уақыт деген осы!

Уақыт — тарихтың сыншы-тәрешісі, өмірдің арқауы. Уақыт деген мәңгі өшпейтін жасампаз күш... Кім еді айтқан: уақыт өмірге сын деп?

Ия, уақытпен санақсан жөн, достым?

Ойдан сергіген Дәмеш жан-жағына тағы да көз жіберді. Сарайдың күмбез төбесі шаңырақ сықылды, көк, қызыл, жасыл тастармен қилюастырып, қисынын тауып қалаған. Қақ төбеде 18 шырақданды алтыннан нақышталған канделябр дөңгелек фойені күліңгір жарыққа белейді. Тұрлі тастардан қашалған қабырғаларды көркем суретпен bezеген: басында үқілі тақия, үстінде жасыл барқыт, жеңіз камзол, аяғында қызыл сафьян етік, шыр айналып билеп жүрген қазақ қызы; шекесіне кепкесін қоқайта киіп, шоқақтай жорғалап, оның алдын кескен

орыс офицері. Дәмеш сол жағына бұрылды: Қырман басында қап-қап астық тиеген машиналар, бидай елеп жатқан комбайн... Қыруар жүрт... Жоғары күмбезде: басында қалпақ, маңдайында көзілдірік мартен пешінің аузында құрыш құйған құрыш қорытушылар... Шіркін, жетпей тұрған: Айға үшқан ракета екен!..

Дәмеш ойы әрі аяқталмай үзіліп қалды. Қоңырау сылдырап, коммунистер лек-легімен залға кіре бастады. Дәмеш сығылыса ұмтылып орынға таласатын бала-шаға емес, «маған деген бір орын бар шығар» деді де, кейінірек жүрттың артын ала кірді. Есік аузында орын көрсетіп, жол сілтеп тұрған завод басқармасының бір қызметкері. Дәмешті алдыңғы қатарға алып барды да, Тұхфатуллин мен Құміспектің арасында бір бос орын бар екен, Дәмешті соған отыргызы.

Күміспек:

— Мен сөйлегенде жаңылып қалсам, айтып демеп жіберерсіз! — деп биязы күлді!

— Үәде!.. Сіз тұрсаңыз, мен тұрдым! — Дәмеш мойнын созып, кім-кім бар екен дегендегі жан-жағына көз тастады. Күміспек те Дәмеш ойын сезгендей:

— Қөрдіңіз бе! — деді ол ақырын сыйырлап, — залдың сол жақ қапталында кімдер топталғаны! — Дәмеш Құміспектің иегімен нұсқаған жағынан бас инженерді, техника бөлімінің бірнеше қызметкерлері мен Ұғламбек бастаған жұмысшылар тобын, одан әрі прокат үчехының бірнеше вальцовщик, мастерлерін көрді.

— Иә? — Дәмеш көңіліне секем алды.

— Түсінбедің бе? Бұлар Мұсекеңе арқа сүйеп жүргендер... — Күміспек ар жағын тәптештеп айтпады. Бірақ осының өзі біраз сырды аңғартатын сияқты. Дәмеш Құміспектің құлағына ерінін тақады:

— Жарайды, техника бөлімі бас инженердің қол қанаты-ақ болсын, сонда прокатқа не жоқ?

— Бұл өзі — прокат инженері гой. Ұңғай соларды іштарып бейімдеп жүреді. — Дәмеш енді түсінгендей:

— Ұғламбекке не жоқ? Не ғылмайсын деп олардың ортасына кіріп кетіп жүр?

Күміспек мырс етіп күлді.

— Эй, Дәмеш-ай, өмірдің астарлы сырына шорқақ түсінесің-ау! Саған ақты — ақ, қараны — қара деу керек, ақтың астарының бояуы қандай, зер салмайсың ба? — Ол өзі дегендегі Күміспек орашолақ, қимылмен денесін бұрып,

Дәмештің бетіне шанышла қадалды: Ығламбек Оразға қарсы ұстаған оның қолындағы қаршығасы емес пе?..

Николай Иванович Серегин жиналысты ашты. Президиум сайлады — тұс-тұстан әркімнің фамилиясы аталды. Дәмештің құлағына жылы естілген екі шалдың фамилиясы — Құрышпай мен Иван Иванович. Құміспек Дәмештің атын атамақ бол қопақтап еді, Дәмеш сұстана қарап, басып тастады.

Залдың екі жақ қанатынан шұбырып, президиумға жұрт көтеріліп жатқанда соңынан ерткен бір топ адамы бар Базаров кіріп келді. Президиумға оны да қоса шақырды.

Зал араның ұясындай гуілдеп, көпке дейін басылмай, Серегин қоңырау соғып, зорға басты.

Серегин Қайырға сөз беріп, ол мінбеге шықты.

Қайырдың ұстінде: қара шевиот костюм, манжетті ақ кейлек, қара галстук, шалбарының балағы қусырылып соңғы фасонмен тігілсе керек, денесіне құйып қойғандай ұнамды-ақ. Мінбеге орнатқан шам жарығынан жүзі сәл қуқыл тартып, өнді жүдеу сияқты. Неге екені белгісіз, Қайырдың кере қарыс маңдайы, томпақтау қоңыр көзі, қырат мұрны бүгін Дәмешке жылы да сүйкімді. Бұрын оның мұрнын көргенде тыжырынып: «аумаған Мефистофельдің мұрны» деп асыра қорлап, іштей жақтырмайтын-ды. Сонысы есіне түсіп ұялғандай, Дәмеш көзін тайдырып әкетті де төмен қарады. Қайыр бұрын талай сөйлеп ысылған адамдай, асып-саспай, сөзін салмақты бастады. Ол әуелі: Москвада ЦК-ның Пленумына қатынасқанын, ондағы арқау болған мәселені атап өтті де, өзіне ой салған жайға тоқтады.

Қайыр, жігіт! Көргенін керегіне жаратып, естігенін миына тоқып, өз заводында үлгі болуы — талапкерлік. Дәмеш риза!

Дәмеш ойы Қайыр сөзімен қатар жарысып, залдың не үшін қол шапалақтағанын да сөзбей қалды. Қайыр қолын жігерлене сілтеп, сөзді түйдек-түйдек тастайды, қызыған сайын шешіле сөйлейді. Маңдайына түскен толқынды майда қара шашының бір тұлымын саусағымен кейін тарап қойып, залға көз тастады. Самсал отырған халықтың ішінен сөзін Дәмешке қана ариғандай көзін алмайды.

— Біздің заводтардың техникасы, міне соңғы жиырма жылда бір жаңармаған, баяғы таз қалпы... Жаңартуға мойын да жар бермеген бе, қалай? Ия, мазасын кетіріп

қайтсын... Біздің завод бертін салынса да, сол алғашқы соғыс жылдарындағы техникаға өз бетімізben бір бұранда қостық па екен? Қашан тозып қалғанша сол бұранданы бұрай беріппіз, бұрай беріппіз?! Әбден тозығы жетіп, енді жарамайды дегенде бір-ақ лақтырып тастап, Москва мен Ленинградтан жаңасын алдырып, сол үйреншікті ырғақпен қайта бұраймыз. Дұрыс қой, жолдастар? Осы сөзімнің артығы жоқ па?

— Жоқ, жоқ! — деді артқы қатардағы бірер дауыс.

— Сол бұрандағы тағы бір ирек қосып, жүрісін же делдетуді, біз өз бетімізben ойладық па? — Тағы да Дәмештен сұраған секілді. — Жоқ!.. Ал жете ойласаң техниканы шеберлендіріп, жаңарту деген осы екен... Оған заводтың ескі басшылығы батыл жетіп бара алмады. Тек жоғарғы жаққа иек артып, соған қараган да отырған. Онда да «істе!» дегеннің өзінде тыжырынып, самарқау, «осы неге керек?» деп қоятын-ды...

Серегиннің қасында отырған бас инженер қызыараңдал, қозғалып, Серегинге бұрылып бірдеңе деді. Тегі: «ескі басшылық тұсында Қайырдың өзі де істеп еді гой, онда қайда қалған деді ме?» Серегин жақтырмаған пішінде мінбені қолымен нұсқап: «Сен де шық!» дегендей қылды.

— Несін айтып тұрсын, сенің қолыңдан қаққан ешкім жоқ қой! — деді сол жақ қанаттан Ығламбек, чечендердің әдетінше «сіздің» орнына «сен» деп.

— Қолды неге қақпасын! Ондайлар да табылады.

— Директорсың, бұйрықты беріп, қуып жібермейсің бе, ондайларды! — деді оң қанаттан, арт жақтан біреу.

Серегин қоңырау қақты — сабыр, жолдастар, сабыр!

Сөзін бөлгеніне Қайыр реніш білдірген жоқ, қайта өршелене, айтыса сөзін ұштады.

— Е, директор дегенді кім деп ойлайсыз? Айтты бітті, солай гой, тегі? — Қайыр мойнын созып, қолын жайды. — Жоқ, директор алдымен осы отырған сендердің пікірлеріңмен санасады! Сендерсіз бір қадам баса алмайды!.. Осыдан бірнеше ай бұрын инженер Сагатова құрышты тезірек қорыту жайында өзінің ойын ұсынды, оған біз қалай қарадық!

— Біреуге аударма, өз кінәнді айт! — деді сол жақ қанаттан біреу, Дәмеш кім екенін айыра алмай қалды.

— Айтам! Неге айтпайым! Мен де селсоқ қарадым. Сенбедім! Содан іс шықпай ма деп тайғақ соқтым.

— Енді сендің бе? — деді бас инженер президиумнан.

— Элі де толық сенімім жоқ! Но... Бір ойланатын жай: істейім деп құлшынған адамды іштен шалмайық! Ал Сагатовага жәрдем берудің орнына «қолды бір-ақ сермендік!»

— Ол қол сілтеушиңің бірі өзің емес пе? — деді Серегин сөзді қыздыра. Қайыр «сен едің?» дегендей бұрылып Серегинге қарады да жымышп басын шұлғыды.

— Ол мен және бас инженер қадірлі Мүсекен!.. Алдымен сол кісі! — деді Қайыр Мусинге бұрылып. Зал ду күлді.

— Суга кеткен тал қармайды деп, менде не ақың бар, өзіңді айта берсейші, — деді Мұсілім қопақтап, Базаровқа «дұрыс па» дегендей қарап қойып.

— Сопы бола қалған екен! — Сол жақ қанаттан бірекі дауыс Мұсілімді қостап, директорды табалады. Дәмеш іштей қиналды, бююда айтса да жетпей ме? Қайырга не болды, жұрт аузына жем қылып?..

— Айыпты жұрт алдында бөліп алған, саған да, маған да жеңіл тиер, оңашада маған аз қалдырың деп өкпелеп жүрерсіз! — Қайыр тағы да мысқылдап, Мүсекенді рәсүә қылды. Зал қол шапалақтап мәз болды.

Күміспек пен Дәмеш өзара күбірлесеміз деп Қайыр сөзінің аяғын босатып алды. Президиумның арт жағында оқшаулау отырған партия комитетінің хатшысы стол қасына келіп:

— Жолдас Алжанов, сөзің аузыңда... Бүгінгі «Советтік Қарағанды» газетін оқыдың ба? — деді ол қалтасынан газетті шығара жайып.

— Жоқ! Кешікті ме, біздің заводта оқыдым деген кісі көре алмадым. Солай ма, жолдастар? — деді Қайыр залға.

— Қорсек көзіміз шықсын, — деп бірнеше дауыс шу ете түсті.

— Әрине, сендерді түйрекен газет болса көресіңдер ме? Мұлайымсіп мысықша көз жұматындарыңа мен күә! — деп хатшы сұық лебіз сездірді. Дәмештің жүрөгі соғып беті дуылдай бастады. Әнәугі редактордың мейманханаға келгені есіне түсті: қап, бұлдірмесе игі еді?!

— Мә, оқы! — деп Базаров газетті Қайырга ұсынды. Ол азулі газетті іштей оқыды.

— Оқы — оқы!

— Дауыстап оқы! — деп президиумнан да, залдан да итермеші сөздер тастады.

«Қазақ металлургия заводының инженері Сағатова-ның жақсы ұсынысын столға тығып қойып, құзғын көздер жол бермеді деп «Советтік Қарағанды» газетінде жазған едік. Ақыры сол ушін жас инженерді құғында, мұратына жетсе керек-ті. Жоғарғы орын араласпаса, әділдік табу қындау сияқты!»— деп Қайыр тынған кезде, зал ду етіп, шулап қоя берді. Серегин қоңырауды шылдыратып соғып жатыр, оны елең қылған коммунистер жоқ. Әркім өзінше ұғып, өзара таласып кетті. Серегин шуды зорға басты. Қайыр сөзін жалғады. Газет мақаласы жайында пікір айтуды коммунистердің өздеріне жүктеді: «Мен бұған қорытынды сөзімде тоқтармын» деп өте шықты да, завод техникасын жаңартуды әрі әңгіме қылды.

— Мен,— деді ол, жуан даусымен зәулім залды күңірентіп.— Запорожецсталь, Ново-Туль заводтарының басшыларымен әңгімелестім. Олар үздіксіз құрыш ағызатын машина орнатқан. Біз неге ол машинаны орнатпаймыз? Егерде ол машина істесе энеуқунгідей аварияға ұшырап ма едік? Әрине жоқ. Машина құрышты үздіксіз ағыза — ең қыын, ең ауыр еңбек жеңілденбей ме? Ертеңгі коммунизмнің принципі де сол — адам еңбегін жеңілдету! Егер құрышты машина қорытып, машина ағызыса, прокат та сұмаңдай іірілген қызыл темірді қысқашпен жылан ұстағандай тітіркеніп ұстарма еді вальцовщиктер? Машина темір жіптей есіп, машина ғана дайындаса, анау отырған Нұрбек пен Күміспек тек бақылап, машинаға әмір етіп тұрса қайтер еді? Шаршамай төрт-бес сағатта жұмысын бітіріп, не кітап оқып, не театр барса, не құс атуға көлге кетсе, көңіл қаласа екінші мамандық тауып алса — өмір көрікті де, қызықты болмай ма!.. Коммунизмнің ертеңгі шағын бүгін біз неге бастамаймыз?!

Зал ду қол шапалақтады. Дәмеш көзін Қайырдан айырмайды. Бұрын Қайырды білмей ме, жол көріп, үйреніп келген бе, әйтеүір бүгін шешен де білімпаз сияқты. Қайыр сөзін бітіріп, президиумнан орын алды.

Жарыссөз басталды. Кейбіреулер бәйгеге қосқан жүйріктей аласұрып, әрең отыр екен, баяндама бітісімен-ақ мінбеге көтерілді.

Дәмеш өзі ауылдағы бәйгені көрген жоқ. Құрышпайдың айтуынан жадында қалғаны екі үйдің арасында байлаулы тұрған бәйге көк қалың дүрсілге делебесі қозып, құлағын қайышылап, тықырышып, ауыздығымен алсады екен. Ісламбек те, дәл сол: манадан Қайырдың баянда-

масына килігіп, кекесін сөзін тастан, аузымен алысып отыр еді, бірінші шықты. Ол салғаннан Қайырға жармасты. Шоқпар сияқты зілді ауыр сөзбен бас-көз демей, былш-былш үра берді. Дәмеш әжептеуір, тәлім тәрбиесі бар, завод қауымынан үлгі алып, таудағы тағы, жабайы мінезінен құтылды ма десе, ұрыншақ, қызба жігіт бол шықты. Қөңілі қалып, тыжырына тыңдады. Ол әуелі: «Директор завод өмірін білмейді. Сырт жүреді. Өз туыстарын жақтап, соларды өсіреді. Әйтпесе, Ораз деген кім? Мақтаншақ, жалқау, бригаданы тоздырып, ақыры емханаға түсті» деп, Ораздың тамтығын қалдырмай өзеурей сөйлемеді. Зал тым-тырыс, ұшқан шыбынның ызыңы естіледі, жарты жүрт таңдана қымсынып, енді жартысы іштей ыздаланып, сыртқа шығара алмай көзбен атып бақты. Құптал: «бас қамшыны!» деген адам, эй, аз-ау...

— Неге десендер Ораз — Қайырдың күйеуі! — дегенде Ұғламбек, зал дүрсө қоя берді.

— Не деп шатып тұрсың, ұят қайды?

— Говори, но не заговаривайся!

— Өсек сөздің не керегі бар!

— Бұл өзара сын емес! — деген дауыстар көбейіп, Ұғламбекті бөгеп, ауыздан қақты. Зал бұлай қарсы алады деп Ұғламбек құтпеген сияқты, алақтап сасып қалды. Оның болжауынша зал: «міне, нағыз коммунист, директордың өзіне ұпай берді!» деуі керек. Әй, Дон-Кихот!.. Қайыр кім, Ұғламбек кім? Қайыр жақындаған директор болған, техника тілін білетін талапты инженер, шауып бара жатқан аттай, жаңа заманның үзеңгісіне аяғын сап, шоқтығынан ұстаған заман азаматы. Енді аз мезгілде ол — техникаға аттай мініп, завод тізгінін өз қолына алады. Оны түсінбей, алдынан кесе көлденең тұрып, шоқпар сілтеу — Ұғламбекке лайық па? Ол жаңадаған партияға өтіп отыр. Енді өз атына кір келтіргені несі? Коммунистер енді оған сене ме? Мінбеде тұрған Платон Сидоровичті көзі шалды. Ақ бас, сидаң, атан жілікті қарт инженер әдette мылжындал көп сөйлемейтін. Сүйекке сіңген мінез қала ма? Бұл жолы да — «техника, технология процесі» деген сөздерді қайталап айттып, негізгі ойын үқтыра алмай әлек. Мұның сөзі басқаларға қалай әсер етті екен?

Дәмеш қарсы алдындағы президиумда отырғандарға көз таставды: Қайырдың көңілі көтеріңкі, Ұғламбектің сөзін шыбын шаққан құрлы көрер емес. Платон Сидор-

вичтің сөзіне Серегин қоңылтақсып отырған сияқты, тышырынып, қабағын шытып қояды. Анда-санда: «қашан бітіресін?» дегендей бұрылып сұктана қарайды. Ол сөзінің аяғында:

— Сагатованың... — деді.

Дәмеш жалт қарады. Тіс жоқ, құдай осының қызыл шақа иегіне қаратып қойған соң Қайырдан не сұрайсың!

— Сагатованың ұсынысын біз қарап шықтық.— Тағы да тоқтап не айтартымды өзім де білмеймін дегендей, президиумға бұрылды.

— Уақытыңыз бар әлі, айта беріңіз!— деді Серегин анау уақытын білгісі келді ме деп үғып.

— Айтсам: директор жолдас өз пікірін білдірді ғой. Солай болсын!— деді Платон Сидорович.

— Өз пікірінді айт!— Шыдай алмай Құміспек айғай салды.

— Өз пікірімді айтсам... Өз басым іс шықпай, уақытты өткізіп аламыз ба деп қорқам!

— Платон Сидорович, сіз бір кезде жақтап жүрген сияқты едіңіз?— деді прокат цехының жас инженері Қасымов.

— Жақтап...— Шал таңдана кідірді.— Эрине, бұдан мен түбірімен қарсы деген сөз тумасын, мен әлі де екі ойлымын. Байқап көруге де бола ма? Кім білсін...

Зал ду күлді. Біреулері қол шапалақтап та жіберді, Серегин:

— Платон Сидорович, біреу айтса, соған ере бересіз бе, өз пікіріңіз қайсы?— деді. Залда құлкі бір дуылдаپ, бір бәсекедеп шалдың сөзін тәлекек қылғандай.

Ығламбектің зілді ауыр сөзінен кейін, Платон Сидоровичтің солқылдақ сөзі жұртты бір желпіндіріп, осыдан кейін іле басталған айтыс-тартыс, сілкілес сахнаның ашылар алдындағы ойнайтын увертюра сияқты болды.

Сол жақ қанаттан бірінің артынан бірі, бірнеше коммунистер шығып сөйледі. Завод өмірін директор жетік білмейді, сырттай қамқорлық жасайды. Керек десе осы заводта директор танымайтын да жұмыскер бар. Оған не дейміз! Оң бес жылдан бері заводта бір бұранда өзгертпеді деп бұрынғы басшылықты сынайды. Өзі қайда қалды? Үш жыл шошқа тағалаған ба?.. Кінәлі бәлен де түген. Эрине, басқаға жабу оңайға түседі... Сейтіп, өзі мопомақан болып судан таза шықпақ!.. Соңғы авария кездесінде оқиға ма? Жоқ. Алдымен жауапты завод басшы-

лары — директор, қала берсе смена инженерінің салақтығы. Айыптыны алыстан іздеудің не қажеті бар? — деп бірінен соң бірі шығып, Қайырга да, Дәмешке де азуды басты.

Дәмеш бір сұрланып, бір қызарды — көзінің астымен Қайырга да қарайды. Манағы батыл да байыпты Қайыр жоқ. Әрқайсының сезін тұртіп қойып, темен түқырая түседі. Бұл — қысылаған адамның қылығы. Апирмау, завод коллективінің алдында Қайырдың беделі жоқ па еді? Ең болмаса, бір кісі қарсы сейлемеп тойтармай ма? Бас инженердің күн бұрын дайындал қойған адамдары сыңар езуlep, өктемдік құра беруші ме еді? Әрине, пәлен жыл осы заводта істегендегі Мұсекең өзіне ұя салмады дейсің бе?.. Дәмеш ойына үндес мінбеге бас инженердің өзі шықты. Жиналыстың ақырына дейін Дәмештің төзімі жетіп, тыңдай ала ма, жоқ па? Жаңағы сөзуарлар Қайырды жұдырықтап, тәлтіректетіп кетсе, Мұсекең тегі есінен тандыра құлататын болар! Кейде осы Николай Ивановичті Дәмеш түсінбейді — бірыңғай қарсы жаққа сез бере-бере ме екен? Алмастыра, ақиқатын айтатын коммунистерді неге шығармайды?

Мұсілім көзілдірігін түзеп, істік мұрнын әдетінше құсыра бір тартып, қалтасынан блокнотын шығарып алдына жайды. Залды паңдана көзімен бір шолып өтіп, даусын кенеді. Ол сезін әуелі: Совет үкіметі үлкен табысқа жеттіден баставы. Революцияға дейін Россияның өндірісі қандай сатыда еді, қазір қандай? Неше процент есті, соған тоқтап, салыстырып барып, Қазақстанға көшті. Қазақ жері бұрын ит-құс жайлапан қу дала еді, бүгін құлпырып, гүлстанға айналды деп бір дем алды осы маңда ол бір цифрларды келтіріп, зорға дегендегі Қарағандыға, оның маңызына оралғанда уақыты да таусылып қалды. Серегин қоңырауын шылдыратып:

— Мусин жолдас, уақытыңыз бітті! — деді.

— Ойбай-ау, түк айтқам жоқ, қалай біте қалды? — деді өзі де таңданып. Кейбіреулер күліп жіберді.

— Неге? Табандатқан он бес минут сөйлемдіңіз! Менің жазығым жоқ! — деп Серегин залдан рұқсат сұрады: — Кәне, қайтеміз? Жолдас Мусин сезін қомақтап сөйлемей уақытын үткізып алды. Тағы да уақыт қосамыз ба?

— Жарайды, айтсың! — деді сол қанаттан бірнеше дауыс.

— Жаңағыдай, халықаралық жағдайға түсіп кетіп, бізді сорлатып жүрмесін! — деді біреуі.

— Қорықпаңдар жолдастар! Ендігәрі аяғымды көрпеме қарай көсілермін! — деп Мусин қуланып, кекесін сөздің уытын қайтарып тастады. Тіс қаққан әккі ғой, біледі залды қалай алдауын! Расында да ол енді пікірін ықшамдап, тікелей завод мәселесіне қошті:

— Мен сезімді соңғы авариядан бастамақпын! — деп Дәмешке қараған сияқты. Белгілі, қазір ол Дәмешті бүкіл завод кемшилігіне құрбан қып шалмақ. Шыдамың жетсе, Дәмеш шыдап бақ! Дәмеш оның сезін өз елегінен өткізіп, кей жерлерінде іштей күйініп, кей сезін мазақтап, іштей мырс-мырс құліп алады. Мүсекеңше авария — салақ істің нәтижесі емес, олай болса бірсәрі ғой. Өндіріс тілін білмендіктен туған оқиға. Баяғыдан бері талай-талай инженерлер істеп те келді, ардақты «қара қазан» құрышты құйып та бақты. Ешқайсысына жаман міnez көрсеткенін өзім-өз бол естігем жоқ. Так инженер Сагатованың тұсындаған тозып, оны аварияға үшірата керек-ті. Элгі қазақ айтқандай: «Жаман етікші біз таңдайды» болып жүрмесін?.. Директор жолдас, істің байыбына жетпей, қалалық партия комитетімен, совнархозбен келісілген бүйрекшілікты бұзып, Сагатованы мартен пешіне қайта жіберді. Ол ертең тағы авария жасамасына көзі жете ме екен? Неге жақтап отырғанын да білеміз!

Бас инженер кір-кір қолымен жүргегін ұстай алғандай Дәмеш дір-дір етіп, шіміркеніп, алақанымен бетін басты — үят-ай!

— Нені білесіз? — Қайыр кекеп, ызалы сөз тастады.

— Бұл арада қозғап қайтеміз, айтатын жерде айтылар... Тап бүгін коммунистер арасында басын ашып ала-тын бір-ақ нәрсе бар. Ол — техниканы техника үшін жаңартпай, адам өміріне қабысатын, адам еңбегіне пайдада келтіретін техникаға біздің заводқа енүі керек. Біреудің беделін өсіретін, біреуге атақ әперетін тырнақшаның ішіндегі «техниканың» керегі жоқ. Ертеңгі күні белшемізден зиянға батып, байбалам салып жүрмейік!..

Дәмеш әрі тыңдаған жоқ, шынтағын орындығының артына тіреп, алақанымен мінбе жақ құлағын мықтап басып, өз жүргегіне үңілді. Сөйлесе ме, жоқ... Жалма-жан қалтасынан блокнотын алып бір ауыз сөз жазды: «Қайыр! Мен сөйлесем бе? Қалай қарайсың?» — деді де иегімен президиумды нұсқап Күміспекке берді. Ол президиумға

жақын барып, шет жағында отырған Қайырдың дәл өзіне табыс қылды.

Қайыр оқыды да, күлімсіреп Дәмешке қарап, басын шайқады «Сенсіз де сөйлесушілер жетеді» дегендей. Дәмеш «түсіндім» деп ишарат білдірді. Бірақ, жүргегі оған толас таба қойған жоқ. Қайырдың есі шығып кеткен бе: баянда масын бітіргелі Дәмешке көз тастағаны осы. Ойламай ма, қайда, не ғып отыр деп? Түү, Дәмеш те бала сијакты. Еркеліктің кезегі де, реті де бөлек емес пе?

— «Заводқа директормен бірге мен де жауап берем! Сондықтан менің белімнен аттап өтем деушілерге аузын алты қарыс, байқа дейім!..» — Дәмештің құлағына төсеген алақаны Мұсекеңің қатқыл салқын үніне қалқан бола алмады.

Бас инженер ұзақ сөйлемді. Серегин де Мұсекеңді қайтып бөлмей, армансыз бәйгеге қосты. Оның артын ала Иван Иваныч көтерілді. Шал қызба екен, буыны қатайып мінбеке ширақ көтерілді. Орыстар айтқандай, ол — салғаннан Мұсекең тәрізді сұзеген бұқаның мүйізіне жармасты.

— Бас инженердің сөзі маган ұнамады. Баяғы осыдан бес жыл бұрынғы айғай қауқөкіректік! Өмір өзгерді ғой, жолдас Мусин! Қыр көрсетіп, ықтап алу деген қалған? Қазір — ақыл мен білім жеңеді де, сол екеуді шешеді! — дегенде бүкіл зал қол шапалақтады, қарт коммунист содан бір демеу алғандай екілене сейлеп, бүкпесіз сырын жасылмастан жарқыратып ортаға салды.— Қайыр да, Дәмеш те соңғы жылдары өзіміз өсірген жас инженерлер. Олардың адад, ақ екеніне де көзіміз жетеді. Кір жуытпаймыз! Бас инженер, ашық айтайын, сенің сөзіндің «но»-сы көп, астарлы. Ана бір жылғы сөздерге үқсайды. Тастанайқ та адад істейік! — деп қайта орнына отырды. Манадан бері түрлі саққа жүгіртіп, құбылып отырған Мусинді шал бір ауыз сөзбен тойтарды. Кезек күтіп отырған коммунистерге жол ашты. Шал артынан іле Күміспек шықты. Бидай өнді, шегір көз, шымыр жігіт нық басып мінбеке көтерілді де:

— Ығламбек! — деді. — Сен осы бір емес, екі емес, жиналасыс болса аузыңа Оразды аласың, сенің одан не алмағың бар?

— Е, сынауга болмай ма? — деді ол айғай сап.

— Болады, бірақ сынның да жүйесі де, жөні де бар! Сен ыңғай пәле сала сөйлейсің. Жыланның басын бес кес-

се де кесірткедей әлі бар, қаншама жамандасаң да, ол сені белбеуіне қыстырып кетеді!.. Ораз бригадасының еңбекті өндірмей жүрген күні болған жоқ!.. Рас, сенің бригадаң коммунистік еңбек бригадасының атағын бұрын алды. Онда да ана отырған Тұхфатуллинің арқасы. Сенің қалай істейтінің бізге де мәлім. Ал, мінезің сенің коммунист адамға үқсамайды. Күншілдік бар сенде!

— Жала!— деп отыра алмай тағы да айғай салды Ығламбек. Серегин қоңырау қагып, тәртіпке шақырыды.

— Баласы ауырса, жетпістегі экесі орнын басты. Мына президиумда отырған шалды неге көрмейсің, әділ болсаң? Семьяның намысы коммунизм заманындағы адамға тән қасиет емес деп айта аласың ба?

Зал ду қол шапалақтады. Осы кездे Лида келіп, Дәмештің құлағына сыйырлады: сені совнархоздан телефонға шақырады, деді. Дәмеш аяғын еппен басып, қымсына залдан шықты. Кім екен бұл «тығыз» шақырып жүрген? Ондай таныс адам жоқ еді? Лиданың соңынан қуып жетті. Екеуі Мәдениет сарайының директоры кабинетіне енді. Лида телеграфтан совнархозды сұрап, телефон құлағын Дәмешке берді. Шәңкілдеген әйел дауысты біреу «Ертеңнен бастап қызметке Магниткаға «Казметаллстройға» ауысасын, совнархоз бүйірғы ертең сіздің қолыңызға табыс болады!»— деді. Дәмештің қолынан телефон түсіп кете жаздады. «Неге?» деп жай-жапсарын сұрап көріп еді, аяғына отырғызатын емес: «Өзің білесің ғой, қайтесің әурелеп!... деп сырдаққа салды. Дәмештің зығыры қайнап, бар аузына түскені «Мен ешқайда бармаймын!» болды... Екеуі ұзақ керісті: әуелі бірін-бірі аңдысып бақты, артынан ашу шақырып, телефонда айғайлай керісіп, ақырында тіл табысқандай болды. Кадр бөлімінің қызметкері: «Егер директор олай шещетін болса, бастыққа кіріп келіссін де, әйтпеген күнде бүйіркыштың аты бүйіркүш, іс аяғы насырға шабуы ықтимал!»— деді де Лидаға: «Мусин бүгін неге келmedі? Ертең сағат онға дейін телефон соғып хабарлассын!»— деп хабар айтты.

Дәмеш Мұсекенің соңынан қалмай жүргенін тағы бір рет сезінді. Лида мен екеуі осы бір жайды әңгіме ғып күліп те алды... Лиданың қалтасынан конфет те табылды. Аздап дем алып, қайтадан залға оралып, есікті ашса, мінбеде Серегин сөйлеп түр екен. Дәмеш оның сөзінің орта шенінен килікті.

— Осында кейбіреулер, Ораздың адал, таза ниетін

теріске шығарып, соған саяси мән беруге тырысып жүр...

— Ол «кейбіреулер» кім? — деді Базаров сұстанып.

— Ол ма? — Серегин атайын ба, атамайын ба дегендей, сәл мұдірді де жігерлі үнмен: — Ол бас инженер! — деді. — Жалғыз ол емес, қолдаушылар тағы табылады!

— Мысалы? — деді тағы да зілдене Базаров.

— Мысалы: қалалық партия комитетінің хатшысы жолдас Базаров та байыбына жетпей, бас инженердің айтқанына еріп, Ораздың қылышын партбюорода қарауды тапсырды... Мен коммунистер алдында ашық айтам: қарамаймын!

— Құрышпаев коммунист емес пе, егерде партбюро үсынса? — деді тағы да сөз таластырып Базаров.

— Оны үсынған мен. Қате менікі, ол үшін мені жазала, жолдас Базаров! — деп Серегин призидиум жаққа мойнын бұрды. — Ал газеттің екінші рет мәселе қозғауы орынды да әділ сын... Ол үсынысты іске асырмақ тұрсын, инженердің өзіне қызмет бермей қойды!

— Жала! Өсек! — деді орында отыра алмай Мусин.

— Аварияны қайда жасырып қаласың? — деді заңдан Үғламбек.

— Авария үшін сөгіс беруге болады, сол күнгі орындалмаған жоспарды бригаданың есебіне жатқызып, біртіндең өтеттіруге де болады, бірақ, қызметтен алуға біз көнбейміз!

— «Бізің кім? — деді сөзге жармасып Мусин.

— «Біз» — партбюро! — деді нығыздап Серегин. — Дәмештің үсынысы пайдалы, оған жәрдем беріп, іске асыруды бұдан былай партбюро өз міндепті деп санайды! — деп сөзін бітірді.

Іле мінбеке Базаров көтерілді. Зал тағы да құлаққа үрган танадай тына қалды. «Бұл не дер екен? Жаңа ғана Серегин сиңап өтті...» деп ынта сала күткендей. Дәмеш іштей: Серегиннің Базаровты жүқталап болса да сынағанын үнатпайды. Қанша дегенмен хатшы, беделін сақтауы керек емес пе? «Өз ара сын дегенді білмеуші ме ең, Дәмеш? Егер бірін-бірі сынамаса, өсу бар ма?» — деді іштей бір дауыс. Раcl.. Бұл кезде Базаров та Серегинге азуын сала бастаған-ды.

— Заводтағы кемшілікке алдымен партбюро, оның хатшысы Серегин жауапты. Тәлім-тәрбие жүргізудің орынна Серегин әкімшілік іске араласты. Соның салдарынан заводта түрлі «сырқаттар» да пайда бөла бастады!.. Серегин

біреуді сынауға шебер-ақ, ал өзіне келгенде маңына дарытпайды!.. — Базаров баяу қоңыр дауыспен Серегінді біраз сілкіледі. Коммунистер бұл жолы не күле қоштап, не таласып сөз жарыстырган жоқ, айбынды сұспен жым-жырттыңдады. Сөзінің әкырында ол Қайырды да түйреп өтті! — «Жаспын» деп, өзіне келген допты ұстамай, бас инженерге кезегін беруі, өренің жетпегендігі! Кеше революция тұсында жиырма үш жаста комиссар болып, мемлекет басқарған жастар да болған! — деген сөзіне қайтарған Қайырдың жауабы, Дәмешке ұнап қалды! — «Федор Васильевич іске жауапкершілікті баскетбол ойынына теңеді. Сол ізben мен де сізге жауап қайырғым келеді: директор болған соң сеткенің аузында әлбетте мен тұрам. Солай ғой?.. Бас инженерден гөрі жаспын, және де тез қимылдаймын. Сондықтан Базаров жолдас маған доп жіберсе, оны мен бұрын да ұстаймын, сектеге өзім салам!.. Бас инженер тырбанып қол созғанымен өресі жетпейді, ол тапал, ал менің бойым одан биік! — дегенде жұрт ду құлді. Базаров ұтылғанын өзі де сезінгендей.

Жиналас кеш бітті. Бірақ екі жақ бір шешімге кеп, келіс түйін таба алмады, қайта айтышты қыздыра түскендей...

IV

Дәмеш сменаға тұнгі сағат 12-де баратын болған соң күндіз лекцияға дайындалды. Ертең Мәдениет сарайында кешкі университетте «Адам мен болат» деген тақырыпқа лекция оқиды. Бұл «техника тарихы» атты курстың бір тармағы. Мұны Дәмешке жүктеп жүрген Николай Иванович. Партия қатарына жаңа түскен коммунистей жегеді. Әбіна алтын жалатқан қаламын қолына алса да, Дәмеш бір ауыз сөз жаза алмады. Николай Иванович есінен шықпай ойын бөле берді. Ия, Дәмештің бір ауыз сөз айтуға батылы жетпегені ме? «Кешіріңіз, мен сізді бір кезде дұрыс үқпапан екем!» десе, Дәмештің ар-намысына дақ түсे ме? Дәмеш айтар еді, оған сөз де табады... Бір оңаша кездеспей-ақ жүр. Кісі көзінше айтса ше?.. Жә, жетер енді Дәмеш! Уақыт тапшы, дайындал! Осы бір ойын терезенің пердесіндей кейін сырғып тастап Дәмеш лекциясын жаза бастады. «...Темір болмаса, адам баласы цивилизацияның бүгінгі сатысына жете алмас еді! Бұл айдан да анық!.. цивилизация дегеніміз: мәдениет, техника, ғылымының ең жоғарғы сатысы... Тарихта байырғы тарғы халде өмір сүрген адам жер-

Іден қола-мыс тауып, «мәдениетті адам» атанған. Мен адам баласының өзінің тарихында қола мен мыс дәуірін бүгінгі адамның өскен бесігі дер едім. Себеп табиғат пен құресте мыс пен қола адам қолындағы қару болған! Бүгінгі бульдозер, трактор, комбайн, әр түрлі машиналар, темір жол, пароход, үй салатын крандар, жер қазатын экскаваторлар, жер серігі, ракета — бәрі де осы темірден жасалған жок па? Темірсіз бүгін біздің ел бір қадам баса алмас еді? Егерде біздің заводтар күні-түні осындай көп құрыш құймаса социализмді орнатып, коммунизм құра алмас еді? Біздің қазақ халқының революциядан бұрын кешеуілдеп артта қалуы да қала сап, құрыш құймагандықтың салдарынан... Казақтың ұлы данышпаны Абай: қара жер — адамзаттың койны, қуысы кен, бай қазынасы, соның жүз мың түрлі асылының асылы — темір деп біліп айтқан! Эдетте халық: болатты да темір дейді. Темір кенінен барып мартен пешінде құрыш қорытады. Құрыш мықты да жеңіл: құрыштай түрлі машина жасауға болады. Ерітіп түрлі сортпен құйылған нақ сапалы құрыштың аты — болат!..

Есік қағый завод басқармасының хат таситын айсалі кіріп кен, партбюроға шақырып жатқанын жеткізді. Міне, осы! Күніне бір рет көрмесе Серегиннің көңілі көншімейді. Ойын бөліп жібергеніне ренжіген Дәмеш, қағаздарын шала-шарпы жинады да тысқа шықты. Үйдің құлпын салып, кілтін жақтаудың тесігіне тықты...

Неге шақырады екен? Кеше Ван Ваныч партбюрода болып, сенің проектің жайында дау шығардым деп отыр еді... Қызық шал! Тыныш отыра алмайды: балық аулауга бармаған күні екі қолын артына ұстап ап, заводты аралайды, әр іске бір көз тастап көздінә жақса мақтап, жұмысшыларды арқасынан қағып, жүріп-жүріп үйіне қайтады. Кейде тамағы құргап, слесі қатқанша айтysады. Директорға барып айғай-шу көтереді. Цехтың бастықтары шал келе жатса бұрылып қаша жөнеледі. «Мазасыз» деп жақтырмайды...

Ия, шалдың да мінез-құлқын, жүргегін түсіну керек, алданыш ермегі де, ой санасының шеңбері де сол — завод. Өмірді де сол заводпен өлшейді. Соңғы партия жиналышынан кейін қайта-қайта заводқа барғыштап Қайырға жаны ашып, жыртысын жыртатын секілді.

Дәмеш Серегиннің кабинетіне бұрынғыдай батыл кіріп бармады. Қаймыққандай, сәл аялдал есікті баяу ашты. Николай Иванович пен Қайыр көк шұға жапқан үзын столдың үстіне жайған завод картасына төніп, әрқайсы өз ойын

үнсіз ширатып тұр екен. Николай Иванович сол қолымен иегін қапсыра ұстап, шынтағын оң қолының алақанына сап картадан көзін алмайды да. Қайыр астыңғы ернін қымқыра тістеген, картаны қайрат шеге сыйады: арасында ыңылданп әнін де қосып қояды. Ақсүр люкстен тіккен костюмі үстіне құйып қойғандай.

Босағада «кірейім бе, кірмейім бе» дегендей сәл бөгелің-кіреген Дәмешті, ол бұрын байқады. Қуана күлімдеп, басын көтеріп алды.

— Дәмеш!.. — деп аса сүйсінген дауыспен атады. — Кел, кел! Сені тосып отырмызы!

Серегин де жалт бұрылды: көзінен бұрын қабағы күлімдеп:

— Ба, осы қүнге дейін қайда жүрсің? — деп мойнын созып, басын шайқағанда бүккен саусақтай жұтқыншағы қылт-қылт етті.

Дәмеш биязы ерке қылышпен күлімсіреп, аяғын бір басып, екі басып қарсы жүрді.

— Ба, Дәмеш Сахиевна, сіз осы инженерге лайық жан емессіз. Тым нәзіксіз. Басқа бір профессия таңдау керек еді! — деді ойын жасырмайтын Николай Иванович.

— Бұл сөзді сізден бұрын Мұсекең айтқан! — Дәмеш түсін өзгертті.

— Солай еді-ау? — деді аңқау Серегин. — Ол басқадай мән беріп айтқан болар.

— Сеніңше инженер дөрекі келу керек пе? Нәзік адам да қаһарман адамның жаны болады дегенді естімеп пе ең? — Қайыр күлді. Дәмеш те күлді:

— Мені бақайшырыма дейін шағып, талдауга шақырдыңыздар ма?

— О, не дегениң! Николай Иванович: әйел қауымын мақтаса қолға тез қонағы дейді. Оны естімеп пе ең Дәмеш-жан? — деді Қайыр қасына барып, қолын қысып.

— Қолға қонағын құс па, әлде Құрышпай атам айтпақшы мені біреууге қайрап сап...

— Үстінен түстің!. Мына карта неге жаюлы дейсің? — Серегиннің сөзін Қайыр қостады.

Николай Иванович майын тамыза сөз бастады.

— Ба, кеше осында маған екі шал келді. Өңдері сүйк, қабақтары қатқан! Сөзді, әрине, Ван Ваныч бастады: «Тұх-фатуллин коммунистік еңбек бригадасының атағына ие болып отыр ма? Отыр! Ол атақта жоспар орындаған адамғана ие болмауы керек. Жоспармен қатар санасы да биік

тұрсын. Олай болса оның бригадасының мүшесі Үғламбектің санасы тым төмен, әнеу күні партия жинаалысында Оразға жаппаған пәлесі, айтпаған етірігі аз ба еді? Ол бригаданы қайта қараңдар! — деп екеуі екі жақтан иықтап отырып алғаны бар ма?..

— Шалдардың сөзі — әділ. Үғламбек абыройын түсірді. Оған дау жоқ, тәрбиесі нашар! — Дәмеш: «Осы сөзім ағат кеткен жоқ па» дегендей Қайыра қарады. Ол осында «бойым биік, ойым да биік, ондай жер құрты көзіме ілінбейді» дейтін қалжыңдал. Сол сөзін бүгін де қайтада.

— Менің бойым ұзын, алыстан көрем гой, ол кеште көзіме ол емес ілінген, Мұсекең! Оны итеріп салған да сол!

— Кеше мен бүгін көрдің бе Мұсекеңді? Нендей қам жасап жүр екен?

— Дәмеш өзі көрмеген соң жұрттың бәрі солай деп ойлай ма?.. Көрмек тұрсын, күніне бірнеше рет кездесерміз! — деді Қайыр күліп. — Жым-жырт, жинаалыс жайында жұмған аузын ашпайды. Басқан ізін де білдірмейді. Менімен бұрынғыдай: ол аға, мен іні...

— Бұл — дауыл алдындағы қапастық. Іштен тынып, қай жағынан соғарын жобалап тұр, мен білетін Мұсекең болса, көп ұзамай-ақ бастайды. Дағын бол! — деді Николай Иванович.

— Оны өзім де сезінем. Кеше қалалық комитетте көріп қалдым.

— «Қасқырдан қорыққан орман бармас» дейді орыс, негізгі іске көше бер! — деді Николай Иванович Қайырдың сөзін бөліп.

— Бір қызық: Базаров Мұсекеңнен бойын аулаққа сала бастапты. Кеше бір сөзінде: «Соның өзінің іскерлік жағы қалай?» — деп күдік сөз тастап, жақтырмадан пішін білдірді, — деді Қайыр.

— Сенің пікірінді тартпақ шығар? — Серегин шүйірле қарады оған.

— Жоқ, дауыс ырғағын түсіне білеміз гой... Осығаң жағас ол сені де жақтырмай отырды. Тегі саған да бір тықыр таяу сияқты.

— Ба!.. Ол айдан анық нәрсе гой. Көптен бері тісің қайрап жүр!

— Мен саған айтайын деп ұмытып кетілпін. Жақында сенің баяндамаңды бюроға қоймақ, дайындала бер!..

— Дәмеш, әңгіме былай: партия жиналысынан, газет дабылынан, шалдардың шатағынан кейін, сенің проектінді іске асырмақ болып шақырдық,— деді Қайыр шыны мен әзілін араластырып.— Ия менің саған берген уәдем және бар!

— Ештен кеш жақсы, благословляю,— деді Николай Иванович.

— Жақсы! Сонымен қарсылығың жоқ қой? — Қайыр Дәмешке әзілдеп көз тастайды. Дәмеш «өзің біл!» дегендегі немқұрайды иығын көтереді.

— Автор қарсы болушы ма еді? — Николай Иванович жымиды.

— Қайдан, қазір күн сайын айға қарай ракета ұшып жатқанда, ескіріп қалды деп жүрмесе?

— Мысқылың өзіңе, Қайыр! — Дәмеш қызыраңдал Қайыр сезін көтере алмай қалды.— Білем, қолыңдан келсе баяғы әніңде қайта басып: «Сенбейім!.. Мен инженер!» демекшісің,— Дәмеш Қайыр дауысын сап кекете аяқтады сезін.

— Но-но... Ойбай, Дәмеш, әзіл ғой!.. Ал сенем бе, сенбейім бе, ол менің ішкі ұжданым!

— Олай болса, баста Қайрош, Дәмеш іспен дәлелдейділ — Серегин жолдастарының қиуы қашып бара жатқан сезідерін жымдастыра, екеуін де сылап-сипап, так-такпен ұстады.

— Мақұл. Неде болса, Дәмеш, сен үшін мен көндім...

— Сен мен үшін істеме! — Дәмеш атып тұрды.— Сен елің үшін, халқың үшін істе, жолдас директор!

Серегин шошып, тағы да айтыс қүшейіп кетеме деп, қолын жайып, екеуін кезек құшақтап, күліп зорға басты.

— Кіріспе сез бітті ғой осымен, Қайыр? — деді Қайырга көзін қысып: «Қайтесің, саған еркелеп тұран жоқ па?» дегендегі. Оны Дәмеш сезіп қалды. Солай да үқты. Қап, үят-ай... Осы жұрт жүрек сырын қалай түсінеді екен— көзден оқи ма, жоқ ми түбінде радио тәрізді ұстайтын аппараты бар ма?

— Мен бастасам, Дәмеш бері қара!.. Мынау біздің қазіргі пешке мазутпен әуе жіберетін форсунка. Буды да осыдан жібереміз! Солай ғой? Так, сонда буды қайдан ала-мыз? Карграстен бе?

— Каргрэсі не? — Дәмеш оның бетіне таңдана қарады, шынымен білмей тұр ма? — Заводтың өзінің котельни мок па? Бар мөрегі жұз метр трубал Жөрді қавып, трубаны

орнату — қымбатқа түспейді.— Қанша күн керек, қанша қаражат кетеді, Дәмеш бәрін есептеп қойған-ды.

— Қанша қаражат керек дейсің? — Серегин ұзын мойнын сөзды.

— Менің қазір жадымда жоқ. Әнеу күні сенің атыңа жазған хатым да бар еді ғой. Оны қайда тастандың? — Дәмеш Қайырға тап берді.

— Ол — техника бөлімінде. Мына қағаздың арасында жоқ, тегі алып қалған ба?! — Қайыр қағаздарды ақтарып таба алмады.

— ...Не бары ұмытпасам, бір жұма уақыт кетеді, егерде қауырт қолға алса...

Қайыр кек қарындашпен картасын шимайлай, сыйып, әр жеріне белгі қойды. Есіктен Ліда кіріп совнархоз бастығы Қайырды телефонға шақырып жатқанын айтты.

— Жарайды, осымен бітсін. Ертеңен бастап бригада жіберем! Дәмеш, маған кіре кетесің ғой? — деді Қайыр шығып бара жатып. Дәмеш басын изеді.

Серегинмен екеуі оңаша қалды. Дәмештің кезегі енді келді.

— Николай Иванович, менің сізге айтпақ сөзім бар еді... Бір реті келмей-ақ қойды.

— Айт!.. Есікті кілтке жауып қояйын ба?

Дәмеш күлді:

— Жоқ... Неге... Онша жасырын емес. Сіз анада маған қатал сөз айттыңыз...

— Есімде!

— Мен сонда сізге өкпелеп ем. Оным қате екен. Соңғы кезде түсіндім!

— Түсінгенің жақсы. Мен түсінбей кете ме деп қорықып ем...

Николай Иваныч Дәмеш көзінің қараышына үңіліп:

— Қалтқысыз түсіндің ғой? — деді.

— Түсіндім!

— Өз күшінді артық бағаламай, дұрыс өлшедің ғой?

— Өлшедім де ұқтым!

— Жас кезде адам албырт та алғыр! Бірақ сол жақсы қасиетті орынды да ақылды пайдаланған жөн! Дос қатты айтса да, шынын айтады. Дос қатты айтса, жақсы көріп айтады... Бұрынғыдай келіп-кетіп, ақылласып жүр! Мен сені әдейі сөз қозғамай өзің бастасын деп жүр едім. Жарайсың! — Серегин күлімдеп қолын ұсынды...

...Алақай-ай, жақсы болды-ау! Біреуге бермегі бардай көңілдегі түйткіл еді, ашық аспандай мөлдір таза, зілсіз ар адамға қандай жеңіл тиеді! Дүниенің бәрі кәдірлі де көрікті, адамның бәрі жақсы да сүйкімді-ау? Осы адам бірін-бірі неге жек көреді! Дүние үшін неге таласады? Сен де, анау да өмірдің жақсылық жағынан өзіне қажеттісін алсын, ата-бабамыздың көксегені де сол емес пе еді? Сол үшін қанын төгіп, жастығын құрбан қылған жоқ па?

Кала да көңілді, көше де сәнді. Скверь — мұндаид жасыл да ғұлді скверьді Дәмеш Алматыда көрген жоқ. Үкімет үйінің алдындағы «Гүл паркі» да астар емес. Газон — киіз үйдің орнындағы дәп-дәңгелек, хош иісті алуан түсті гүлдер: «мені иіскеші, мені жұлып алшы!» деп көздерін мөлдіретіп, бүршігін тосады.

Гу-гу!.. Бұл не дыбыс? «Эй, мадам! Өлгің келді ме?»— деген дәрекі сөз, үстінен мұздай суды құйып жібергендей денесін мұздатып, есін жидыры. Түу — Дәмеш байқамай машинаның астына түсіп қала жаздаған екен ғой! Шофердің жаны мұрнының ұшында болған шығар. Бейшара!.. Басса Дәмеш өлеңді де қалады. Жоқ, жоғалсын өлім! Жасасын өмір!.. Осындағы тамаша өмірді қызықтайды алмай өліп қалу — трагедия емес пе?.. Дәмеш үйіне келді де халатын киіп ап, тамақ дайындағы.

Дәмеш тамақ істеуді мейлінше ұнатады. Бұрын да қарражаяу емес-ті. Өйтсе-дағы жеке шыққалы әбден үйреніп алды. Кейде қавақтың да дәмді тамағын пісіріп, Асқар мен Иван Иванычтан алғыс та естиді. Демалыс күндері бар қаймақ, құймақ, лағман, манта пісіреді.

Дәмеш «мұздатқышта» жатқан қойдың сүбе етінен алақандай кесіп ап, семсер пышақтың сыртымен мылжа-лап-мылжалап түз бен бұрыш сеуіп, тағаға салды да әлектр-плиткасының үстіне қойды. Қабыршақтана бастағанда екінші жағын алмастырып, үстіне сары май құйды. Лангет жасады. Тез де тойымды тамақ! Дәмеш сорпаны аз іshedі, анадағы Асқардың: «Қарын керіп тамақ ішпе, толып кетесін» дегені есінде... Тамағын жасай бергенде Ораз кіріп келді. Екі беті қып-қызыл. Жасарған. Бұрынғыдай күбжіңдемей, Дәмештің бетіне тұра қарап, ойын жеткізе сөйлейді. Байыпты. Өзгеріп қапты.

— Қашан шықтың? — Дәмеш Оразға да тамақ жасай бастады.

— Мен жаңа үйден тойып шықтым, әуре болма, Дәмеш!

— Жарайды онда, отыр, мен саған емханаадан аманесен шыққаныңды құттықтап, керемет шарап берейін. Ішесің бе?

— О, о не дегенің, Дәмеш! С удовольствием! — деді Ораз әдемі барқыт дауыспен.

Дәмеш Асқардың бөлмесінен әкеп «Совет ромы» деген 45 градустық шарапты Ораздың алдына қойды. Ішіне алтын жалатқан сыртын қара кавказбен нақыстаған оймақтай рюмканы қолына ұстадты.

— Дәмеш, мен оймақтап ішіп, мас болсын дегенің, бе?

— Әуелі дәмін тат!

— Ойлаған мұратымызға жету үшін! — деді ол рюмканы көтеріп. Әлде... Дәмеш, өзің де... ә?

— Жоқ, айналдым! Мен ол жағына ни-ни... Өзің білесің, ғой!.. Соғыстырығың келсе... — Дәмеш нарзан сусыннан бір стакан құйып ап Оразбен соғыстырды. Ораз қағып сап, тамсанып, көзін жұмды.

— Ах, керемет екен! — Екеуі күліп алды.

— Ал енді айта бер!.. Көңілің соқса аздап өзің құйып іш те, мынамен аузыңың дәмін ал! — Көк ала қағазға оралған «Тиын» атты бал қаймақтан жасалған конфет берді.

— Айтсам, бұғін шықтым. Кешке жұмысқа барам!

— Жетеді енді шалтай-балтай, достым! Атам осы бір айдың ішінде орасан қартайды. Жетпістегі адамға мартен пешінің аузында тұру — оңай дейсің бе? Бір-екі күннің дересінде завком да: «Сочига путевка тауып береміз» деді. Бұғін, ертең Карагандыдан алып келсе самолетпен жіберейік!.. Сенің әлегің... — Дәмеш жіңішке қасын догадай иіп, үзын кірпігін құс қанатындағы рюмкаға үңіліп, айналдыра берді. — Естідің бе, партия жиналысында бақайшағыңа дейін шаққанын?

— Ұғламбек күншіл! Герой деген атақты бергеннен бері көре алмай жүр... Бұғінгі менің келген бүйімтайым: сен үйге қайтсаң...

Дәмеш мұңдылы жүзбен басын шайқады.

— Балапан өскесін бір ұяға сия ма?.. Біз де үядан үштық, өстік. Сыймаймыз!

— Көңіл сыйса...

— Эркімнің өмірі бар, Ораз. Қайтесің...

— Үмытайын деген екенсің. Жек көргеніңдің бұз да бір белгісі:

— Олай деме, Ораз! Мен әлі де сендерді жақсы көрем.

— Жоқ, сүймейсің сен!

— Эрине, сүймейім, Ораз! Сүю мен жақсы көрү екеуі екі басқа. Сен менің туысым, сондықтан жүргегіме жылы, көніліме жақын көрінесің!. Ал сүю үшін құмартып; еслердім құрып, ынтық-зар болуым керек. Менде ондай сеziм жоқ. Анада бір шет жағасын айттым той: сені бір кездे сүйгем. Сен үйленіп қойғанда біршай есалаш тәрізді де болғам.

— Сонда кінә менен бе еді?

— Енді кімнен?

— Мені Қайырға айырбастап кеткен сен емес пе?

— Ол айырбас емес, өткінші жауын сияқты көңілдің, құбылысы да. Сенің шыдамың жетпей бара үйлендің... Ия, мен өзімді ақтамаймын. Менде де кінә бар... Откен қайтып оралмайды. Мен осыдан бес жыл бұрынғы Оразды сүйгем. Ол — Ораз сен емессің. Ол — менің арманым. Ал қазіргі алдында отырған Ораз, менің туысым, досым, замандасым. Мен оны жақсы көрем!. Соңғы күндері сен емханада жатқанда өз жүргегіме үціліп солай деп таптым. Менің жүргегіме өзірге әмір етпесе де тамырлас соғып жүрген біреу бар...

— Жарайды, айтпай-ақ қой, оны да білем.

— Мүмкін... Сен өзің Ажармен татуластың ба?

— Жоқ.

— Жоқ?! Оның не?

— Сен үйге қайтпай менде де келісім жоқ.

Екеуі түнгі он екіде сменада қайта кездесті. Бұрын мұндаидегес-қиястан кейін Ораз томсырайып, өкпесін білдіріп алатын-ды. Бұл жолы ондай емес, пешті жағарда Дәмештің қасына келіп:

— Энеугі ойымды бүгін байқап көрсем бе дейім! — деді ол.

Дәмеш Ораздың ол «ойын» да өз елегінен өткізген. Кітаптарға да үціліп, іштей кеңесіп, шалдардан да ақыл сұраған. Ван Ваныч пен Құрышпай да жерден тауып алған күмістей әрлі-берлі алақанында аудара төңкеріп, өз пікірлерін қосқан.

— Сенің алдыңа ұстаған мақсатың — құрышты тез қорыту. Солай емес пе?

Ораз көзін шүйіріп:

— Солай, бірақ,— дей беріп еді, Дәмеш оның ойын әрі қарай өзі аяқтады.

— Менің ізден жүргенім де сол. Екеуіміздің де мақсатымыз бір де, іздейтін әдісіміз басқа. Сондықтан екеуіміз бірлесейік. Мен саған болысайын, сен — маған. Мақұл ма?

— Мақұл.

— Кәне, сен бастасаң, баста! Қөрейін! — Дәмеш екеуі ортадағы пештің аузына қарай жақын барды.

— Осы пешті аздан соң ағызамыз. Осыдан бастайық! — деді де Ораз Генаны шақырды.

Гена мен Қуан қатар таласа жүрді. Генаны шақырса да, Қуан бұрын келді. — Қазір құрыш ағызамыз ба?

— Ағыз, мерзімі жетті! — деді бригадир. Дәмеш сағатына қарап тұр. Құндеғідей емес, Қуан мен Гена да пысық қимылдаپ, жедел істейді. Бірінші пештің құрышын ағыза бастағанда, Гена пештің түбімен, төбесінің құрыш тескен, ойылған жеріне магнезит парошогін сеуіп бүтіндегі бастағанда, Қуан екі машинамен қоса қабаттап, шихта салуга кірісті.

— Қуан, әуелі жеңіл тартатын темір сынықтарды, қаңылтырды пештің түкпір жағына сал... Сонсоң, тез ери қоймайтын ауыр, қатты темір сынықтарын сал! — деді Ораз.

Ораздың бүгін қимылы да, сөзі де ширақ. Адамның сұбханы түссе, осы тауды да орынан қозғайды. Самайына дейін тер саулаған.

Пеш көзінен: «Әй, сені ме, бәлем, келші бері, жалаң күйдіріп жіберейін» дегендег асау жалын да қызыл тілін шығарып, келемеждеп кейін тартынады. Оны елең қылған Ораз жоқ, пештің қақпағын жалма-жан ашып жіберді. Пеш ішіне сыймай туласа жатқан жалын, лап берді, Геннадий машинаның піл тұмсығына ілген бір астау шихтаны пеш ішіне төңкере салды. Қап қара қою тұтін бұрқырап, жоғары ұшты.

Дәмеш сағатына қарады, екі жарым минутта салып бітірді.

— Жарты минут артық кетті! Екі минуттан аспауы керек! Енді бес минуттай қыздыр да, екінші мульдені сал!. Эр жерге шашып сал, бір жерге үйме.

Дәмеш бақылау-өлшеу аспаптары тұратын шынылы будканың ішінен бригаданың күрес әрекетіне сүйсіне қарайды.

Ораз қап-қара, тұтіккен, шөлмектен түщү суды жұта береді. Құміспек... қабағын түйген, жиі-жіі пеш әйнегінен сығалап, құрыштың қорытылуын асыға күткендей.

Гена, Қуан, Кеша үшеуі бүгін жинақы да ширақ, әр пештің аузында бір, отпен алпарысады. Әдetteгі айғай, күлкілі сез естілмейді. Дамыл көрмей бригада жеті сағат күресті. Бірақ тұнгі күрес ауыз толтырып айтарлықтай нәтиже бере алмады...

V

Асқар кеш жатса да белгілі мерзімде тұрды. Өткен түнде жалғыз Дәмеш емес, Иван Иваныч пен Ліда да партия жиналышынан кеш қайтып, көпке дейін жатпай, әрқайсысы өздерінің жиналыштан алған әсерін әңгімеледі. Ол түні Мұсілімнің құлағы шулаған болар. Жалғыз Иванычтың, үйіндеған сез болса бірсәрі-ау. Оның: «Мен өндірісте жиырма жылдай істедім, маган ешкімнің тісі батпайды» деген емеуріні, кеуде қағып, жұдырық туюі, талай адамға ұнай қойған жоқ. Арқасынан сипап жаман үйреткен. Асқар болса, шіркін, бетін шиедей қылар еді. Эй, соған ауызды ауыртып... Мұсілімнің кім екенін Асқар білмей ме?

Завод коммунистері өздері-ақ мойнына құрық салып, үйретіп алар.. Асқар гимнастика жасап, сүйк сумен жұынды да, бір стакан какао мен май жағып бір тілім нан жеді де, тезірек киініп, көшеге шықты. Емхананың «Жедел көмек» машинасы келіп тұр екен, мінді де Магниткаға тартты.

Бүгін де күн кешегідей салқын да ашық. Қала оянған, Теміртау өндірісті қала. Таң ата завод мұржаларынан будақ-будақ тұтін атқыладап, қала үстін сұрғылт тұман басады.

Ерте оянатын қала халқы да лек-легімен ағыла көшеге шығады: бірі — завод, мекемеге, енді бірі — базар-магазинге шұбырып, ін тіресіп көшеге сыймай кетеді. Сол халықтың ара-арасымен «Жедел көмек» машинасы сумаңдап, балықтай жүзіп, зырлап келеді. Машинаның алдында қаздаңдай басып кетіп бара жатқан сымбатты әйелді Асқардың көзі шалды. Сырт пішіні, қылған белі, әсіресе, толықтау балтыры Айшаның мүсінін есіне түсіреді. Қайда

бара жатыр екен ерте? Емхана бұл жақта емес еді?.. Жок, ол түгіл Айшаны күнде бір көрмесе Асқардың көңілі көншімейді. Баяғы жүрек жарасы жазылып, қайтадан «Айша» деп күні-түні талмай соғатын болды. Кеше келе жатып, Айшага соғып, бірер сағат жанында отырып қайтты.

Айшаның өңі жүдеу, бетінде бір шырмау бар. Бұрын қолына алған нәрсесін жаңылмай, тиянақты істейтін Айша, сонғы кезде «Асқардың ертең пәлен сағатта кездесейік» деген уәдесін орындамай, жаңылсақ соғады. Оңаша кездесуге Асқардан қорқа ма, өзіне сенбей ме? Әлде біржола Асқардан қол үзіп жанына тыныштық іздей ме, кім білсін, бір сыр бар!..

Машина емхананың алдына кеп тоқтады.

Келген күннің ертеңінде, ақ бас дәрігердің кабинетін Асқар астына көшірген. Науқас адамдар бас дәрігерді іздеп, үстіне көтеріліп жүре ме? Бұл өзгерістің бастамасы болды. Екінші жаңалығы: рентген, тіс, физио сияқты халық көп те жиі баратын түрлі кабинеттерді де астына көшірді. Үстінде палаталар мен хирургия кабинетін ғана қалдырды. Емхана төңірегіне жататын: құрылыш, асхана, жатақханаларды үш аймақта бөліп, әрқайсысына медсестралар тағайыннады. Екі смена бойы ертелі-кеш аралап шығып, ауру-сырқау болса анықтап, сырқатын емханага жіберді де, сәл қөди-сөди ауруларға табанында ем жасайды. Емханага келіп, шіретке тұрып уақытын өткізбейді. Асқардың бұл өзгерістерін қалалық партия комитеті қолдап, «Теміртау жұмысшысы» газетінде арнайы мақала да басылды.

Асқар халатын киіп түймелеп тұр еді, қасында «Казметаллстрой» тресінің бастығы бар Баэзаров кіріп келді.

— О, доктор жолдас, іске сәт дейміз бе? — қолын қысып, өзінің неге келгенін түсіндірді. Құрылыштың емхана, асханаларын аралап таныспақ екен.

— Біз де халат киейік те аралайық,— деді ол сөзін түйіндел.

— Сенің емдеу әдістерің көңілге қонады. Құрылыштылардың уақытын бағалап, емді сол құрылыштан, жатақханадан бастау — қадірлі іс. Біздің совет адамына ең табылмайтын қымбатты зат — уақыт. Жұмыстан шығысымен қолының жарасын таңдыруға бір сағат емхананың алдында тұрса, ол қай кезде тынығады, қай кезде киноға барып демалады?

Базаров эдетінше күлімсірәй жылы жүзбен дәрігердің ісіне баға бере отырып, өз пікірлерін де ортага салды. Асханада астың дәмін көріп, қуатты да витаминды болу жағын дәрігерлер басқармаса шағым көп. Соны қолға алушы Асқарға арнай тапсырды.

Үшеуді емхананы аралап шығып, сол аймақтағы домна салушылардың асханасына барды. «Фин үйі» дейтін бір қабат сырлы ағаш үй екен, олар ішкі есіктен кірді. Асхананың іші таза, таңтертеңгі тамақты беріп, енді түстікті әзірлеп жатқан көрінеді. Ақ куртка, ақ қалпақ киген аспазшылар бірі қазан сыйырып, бірі картоп аршып, жанталасуда. Асқар бас аспазшыны шақырып алышп, менюді алдырды.

— Порция аз деп шағым жасай ма? — деді Базаров оған. Аспазшы иығын көтеріп:

— Бізге әлі айтқан жоқ!

— Қалалық партия комитетіне осындай шағымдар түсті. Нашар дайындауды, тамақтың дәмі жоқ дейді. Ол қалай? — Базаров тұксие қарады. Асқар Базаровтың көзінің ықпалына еріп «не дер екен?» дегендег бұз да оған үңілді. Ей, мынау таныс адам гой?.. Тоқтал.. Маңдайы екі елі, шүңгір көз, кертік мұрын... Мұрнының ұшын пышақпен кертіп қойғандай. Қара шаш, қалың, қою қара қас! Қай жерде көрді осыны?.. Есіне түсіре алмады. Асхана да жазық жоқ, кейде шикі тамақтарды кезінде тасып жеткізбейді дегендег аспазшы түрлі дәлел айтып құтылғысы келді. Оған Базаров сене қоймады.

— Дәрігер жолдас, осы асхананы өз нысанаңызға алыңыз, — деді ол кетіп бара жатып Асқарға.

Асқар енді бұлардан бөлініп кете алмады, оларға еріп домнаның құрылышына барды.

— Домнаны көріп пе едің бұрын, дәрігер? Жүр, әлгі асхана кімге тамақ дайындауды екен, біл! — деді Базаров.

Домнаның кауперіне жоғары қараса бас киім түседі. Биік, алышп, үлкендігі — Бурабай көлінің ортасындағы «Оқ жетпес» тауындаі, аспанмен тілдескен домна қиялмен жарысады. Ирек-ирек, жұп-жуан, жұп-жұмыр трубалар домнаның бүкіл денесін орап-орап алған. Асқар таңдана қарап, домнаны орап алған трубаларды адамның бүйен ішегі сияқты ішкі дүниесіне ұқсатады. Қандай қынын, адам миы жетпейтін нәзік механизм! Ия, домна

құрып жатқан инженер — сол домнаның дәрігерлері. Дәрігер адам дүниесінің құрылышына, жүйе тамырларының жүргісіне түсініп барып, ем жасайды. Ал инженер домна жүрегін — шойын ағызатын пешті өз қолынан жасайды... Инженер домнаның құдайы!..

Берік түсетін бікте тоқылдақтай жабысқан электросварщиктер темірге темірді жабыстырып, отпен пісіріп жатыр, алтын ұшқын себелеп жауып тұр. Басы айналып, не ғып құлап кетпейді екен? Әлде қанаты бар ма? Қандай қиялға симайтын зор, түстен де бай, асқар еңбек! Үл домна — дүние жүзіндегі заңғар домнаның бірі. Осы домнаның құрылышына қатынасып, аз да болса, қарлығаштай аузымен су тасып пайда келтірсе, Асқар өзінің еңбегін ақталды деп санар еді...

Базаров пен трест бастығы құрылышты аралап кеткенде, Асқар қызметіне оралды.

Асқар қызметке ерте барып, кеш қайтады, тұскі тамақты ИТР-дің асханасынан ішіп, кейде сол Магниткада жатақалады. Емхананың қасында жаңадан біткен төрт қабат үйден Асқарға да үш бөлмелі ас үйі, ванныйы, туалеті бар пәтер берген-ді. Бірақ Асқар Дәмештен бөлініп кете алмады, бірде онда, бірде мұнда қонақтап, әрі-сәріде жүріп жатты. Алыстан сарнап: «Жалғыз бауырым, Дәмешім!» деп келсе де, тұрмыс құрғыр икемге көнбей, екеуін екі жаққа ағызып әкетіп барады. Асқар осыған қатты налиды: тату-тәтті, біраз күн бірі аға, бірі қарындас бой сағынған жүректің мауқын басу керек еді. Қайдам, бой жеткен қыз — өзінің өмірі, дағдыры бар, бүгін бе, ертең бе тұрмысқа да шығады. Асқар болса: о да өмір бойы салт етті, сабау қамшы атанып өтпес... Ия, кейде осында өмірдің көзге ілінбейтінін, ауызben түсіндіре алмайтын ескерусіз жағы киіп кетіп, бөліп әкететіні бар-ау...

Бүгін Лидага телефон соғып: «Шаруам бар, бара алмаймын, тоспаңдар!» деді. Шаруасы — Айша келмек тел Бірнеше күннен бері қайта-қайта шақырып, зорға көндірді. Соңғы кеңде Айшаның мінезі түсініксіз, асаудай маңынан жүргізбейді. Бір күн Асқар телефон соғып, хабар бермесе өкпелейді, наз айтады, барса жақтырмайды. Бұрынғыдай салмақты мінезбен, жайлана отырып сыр шертуден қалды. Әр әңгіменің басын бір шалып, сабау қамшылап өте шығады.

Бұғін Асқар Айша жүргегінің пернесін басып, қалай да сөйлетуі керек!

Сағат дәл жетіде Асқар Магниткада жаңа пәтерінің алдында тосты. Уәде бойынша, такси де жетіден бес минут өткенде, үйдің қасына келіп тоқтай қалды. «Келе ме, жоқ па?..» деп тыптырып, ерсілі-қарсылы дамыл алмай жүрген Асқар, Айшаны көріп, балаша қуанды. Жас жігіттей ширақ қымылмен машинаның есігін ашып, Айшаны түсіріп алды да, иіліп қолынан сүйді. Таксидің ақшасын төлемек болып, қалтасына қол сұға бергенде Айша ұстай алды. «Төленді»— дегендей ым қағып, қатарласып:

— Бастаңыз,— деді. Эйел күтуді тосырқап қалған ба, шіркін, қалбалақтап, аузына сөз түспеді. Эй, Асқарай, ғашық болғаннан саусың ба?

— Пәтердің басы бар, дүниe-заты жоқ... Жетіспейтіндер аз емес...— Асқар ишаралай сөйледі. Айша түсінгендей жымынп, жаңа ғана сыры кепкен еденін. оюлап кесте жүргізген қабыргаларын, саңғырап бос тұрған кең бөлмелерді тамашалай қарады.

— «Жетіспейтіндері» көңіл қосса жетіледі» ғой, Асеке...— деп әдемі назды дауысымен қытықтай құлді.

— Менің көңілім «қосып-ақ» тұр-ау, бірақ оның көңілі қоса ма, соны айтсаңыз ше?— Асқар Айшаның жеңіл көк ала плащын шешіп, кеше ғана сатып әкеп қаққан киім ілгішке ілді.

— Е, Асеке, қабырганы бұлдірменіз, қазір біздің заманда киімлігішті қабыргаға қақпайды, орнатып қоятын киімлігіштер болады.— Айша осы сөзін айтса да Асқар ренжіп қалды ма дегендей, кінәлі пішінмен қарады Асқарға.

— Бұл дүниe ғой, Айшажан! «Дүниe — қолдың кірі, жуса кетіп қалады» деп философ қазақ айтқан. Жаңағы менің сөзімді елеусіз қалдырың ба, қалай?— Айша сәл есіне түсіргендей көзін шүйіріп, құлімдеп:

— Ах, әлгі «көңіл қосса ма?»— деді сөзін нашына келтіре, ерекше мәнмен айтып. Асқар енді батыл кірісті:

— Ия, сол! Менің өмірім де, жүргегім де сенің алақаныңда. Бұғін сені әдейі ақылдасуға шақырдым: не ғыл дейсің маған? Мені осылай өмірлік жетім қып қоясың ба? — Тығыршықтай денесі көйлегіне сыймай, тырсылдан үй ортасында тұрған Айшага Асқар жақын барды. «Тұра тұр, Асеке, сен де осында ма ең?» дегендей Айша ба-

сын шалқайтып, кейін шегінді, бар қымыл тұрысымен «шыңдашы» деп қарсылық білдіргендей. Айша шегінген сайын Асқар құмартада түседі. Айша қабыргага барып тірелді, сол кезде Асқар да шап беріп белінен қапсыра құшып, ерніне төнді. Екеуі ұзақ сүйісті. Ұзак жылдар жанын өртеген сағыныш, тілек арманына жетіп, осы бір ләззатты кезеңде құмарынан тарқады...

Екеуі диванда құшақтарын жая алмай, елтіп, үнсіз отыра берді. Сағат та жылжып өтіп жатты. Әлден уақытта, Айшаның мастығы тарқағандай:

— Асекем, неге келдің осы қалаға?.. Менің тыныштығымды бұзып, өмірімді өртеуге келдің бе? — деп мұңды да аңы сөз тастады. Көзінен парлап аққан жас құшағын жаймаған Асқардың қолына ағып түсті. Асқар кепет бойын жиып, бетіне үзілді.

— Айышым, жаным, жылап отырсың гой!.. Көзіңдің жасынан айналайын! — деп көзінен сүйді.— Негіл дейсін, айтшы, өзің айтшы? Сенсіз маган өмір жоқ!

— Не істерімді білмей басым айналды!.. Кетем... Алматыға кетем... Әкеме барам! — деп Айша ойын түсіндірмей тек түйіліп қана айтады.

— Мені тастама, ала кет!.. Мен сенсіз тұра алмаймын! — Асқар құшақтап, айналып-толғанып сүйеді, жауап күтеді. Айшада үн жоқ. Саусағындағы қек тасты алтын жүзікке үзіледі. Асқар да Айша көзінің ізімен сол жүзікке төнді. Кім білсін, қосыларда бұл жүзікті Мұсілім сатып әперді ме? Қолының басынан Айшаның кеудесіне қарай қек қоңыздай жорғалап бара жатқанын қарашы!?

Айшаның өміріне үйелеген сасық қоңыздың тап өзі... Фу, Айша неге лақтырып тастамайды! Асқардың арқасын құмырсқа жыбырлатқандай тітіркеніп, тістеніп, шап беріп Айшаның саусағынан жүзікті жұлып алғып, лақтырып жіберді. Жүзік зең етіп, дөңгелене домалап босағаға барып түсті...

Сағат кешкі он кезінде Айшаны таксиге мінгізіп қоя берді де, Асқар тұнгі самалмен салқындалап, Магнитканың түзу де кең көшесімен келе жатыр еді, домна асханасынан от көрінді, кешкі тамақтан кейін ыдыс-аяқтарын жуып, өртеңгі тамақты өлшеп, әзірлеп жатыр ма... Асхананың тұсынан өтіп бара жатып, Асқар қайта бұрылды, жүрек түбінен «кірши!» деп итермелегендей; аула жа-

ғынан айналып, ішкі есікке барды. Анада Базаровтың тапсырып кеткені бар, «өз бақылауыңа ал!» деп... Несі кетеді?

Бірнеше аспазшы жиналған, алдарында тамақ, арақ, қызыара берітіп, ауқаттанып отыр екен. Асқарды көріп, абыржып орындарынан тұрды: столда қалтиып тұрган шөлмек те көз ілеспей жоқ болды. Асқар тесірейіп бас аспазшыға қарай берді, қарамаймын десе де іштегі бір сайтан түртпектеп тұргандай. Есіне түсті. «Маңдайы екі елі, көртік танау...» Сол! Асқардың денесі мұздай, қалышыладап өзін-өзі әрең басты. Заматта мұқыл тұмсық кирза етік көз алдына елестеп, біреу теуіп жіберген секілді боп басын ұстай алды. Есін жиды, жымиып: «рахмет» деп столға отырды.

— Бұғін бір жұмыскер қалалық комитетке барып шағым беріпті, соны тексер деп маған тапсырған еді... Құндіз қолым тимейді, кешкі тамақты ішкен соң келгенім ғой, ғапу етерсіздер! — Асқар қолма-қол сылтау тауып, сөз бастады.— Сіздер іше беріңіздер! Қысылмаңыздар!

— Жоқ, жоқ, жаңа ғана тамам қып отыр едік! — деді ыдысты жинап алып жатқан жуан қара. Асқар көз қызығымен бас аспазшының әрбір қымылын, бет әлпетінің өзгерісін қадала аңдиды. О да тұс бермейді, жайбарақат адамның кескіні. Іші қандай дымқыл күнгі пештей үйтқиды екен?

— Сонда не деп кінә қояды? — деді екінші біреуі.

— Еттің порциясы аэ, котлет болса іші толған нан... деген тәрізді айыбы.

— Фамилиясын білуге бола ма? — деді жуан сары.

— Біреу де... Қайтесің... — деп зекіп таstadtы жуан қара.

— Алдын ала әдейі айтуға келдім. Сақ болыңдар деп...

Асқар бас аспазшыға бұл жолы тікелей қарады. Ол болар-болмас жымиып, «рахмет!» дегендей басын изеді. Оның әдейі сейлемей отырғанын Асқар да үқты: құлсе, сейлесе, адамның бет ажары өзгеріп, өткен күннің бедері еске түсуі мүмкін-ау?

— Ғапу етіңіз, сіздің ат-жөніңіз қалай? — Асқар енді тура сұрады.

— Тихон Силыч... — «фамилиясын» айтпады. Асқар әдейі сұрамады. Оның аты «Остап Нехай» емес пе еді?

— Тихон Силыч, складтан тамақты өзіңіз аласыз ба?

Өлшегенде де, безбенге салғанда да қасында тұратын боларсыз?

— Ия, мен өзім алам! Aha! — деді ол.

Асқар ұшып тұрып, теуіп жібере жаздады. Өзін-өзі зорға тәжеп, тағы да басын үстай алды. «Aha» соның тілі. Орыстың «г» сын қазақтың «h» сіне жақындалады, екі аралықта айтатын.

Асқар дауыстал:

— Гапу етіңіз, басымның ауыратыны бар еді! — деп орынан тұрды. Қоштасып тысқа шықты. Жаңа Асқар басын үстай алғанда аспазшының өні бұзылып, бірдеме іздегендей маңайын шолып өтті-ау. Сол — сөзсіз сол!

Асқар тездете басып, көшеде ағылып жатқан халықтың ішіне сұңғіді де кетті. Кім біледі, артынан ере шығып, такси тұратын жерге қарай беттегенін біліп қалса... Әуелі сырттай бақылап, ақ-қарасын тексерсе... Ол болмай біреудің обалына қалып... Әділетсіздікті басынан кешкен Асқарға ол — кешірілмейтін кінә, өшпейтін дақ емес пе? Адамға адам үқсай береді. Асқар, сен өзің ондай үшқалақ азамат емес едің, көргенің көп, ол бұл жаққа қайдан келсін?.. Австрия союзниктердің қолына тұсті, Остап Нехай қашса, әрі Батыс Германияға, одан әрі Америкаға өтпей ме? Жақсы, ол қашпады, союзниктер ұстап ап бізге берді, сонда ол батыс Украинаға қайтып кеп: «пленде болым, батрақ болым» деп бұрынғыша тұра бермей ме?

Жақсы, тағы да басқаша ойлайық: ол — өзінің туған, ескен жеріне бармады, баруға беті жоқ дейік, айталық: немістерге жағынып, совет азаматтарын көрсеткен қара бетбақ болсын, соңсоң ол — фамилиясын да, аты-жөнін де өзгертіп, Қазақстанға неге өтіп кетпейді? Халық көп, әр жерден келіп жатыр, кімді кім біледі? Германияда бірге болған Асқармен кездесем деп ойлады дейсің бе? «Маутхаузенде — жанын жаһаннамға берген шығар алда қашан дейтін болар?

‘Құп, бұл да өз алдына бір жоба. Мысалы, неге ол шпион болмайды? Так-так! Ой, білмеймін, сол аласапран кезінде оны кім тарта қойды дейсің, немістердің күлі аспанға ұшып, тым-тырақай қашып жатқанда, шпиондар әзірлеуге шамасы келді дейсің бе? Егер ағылшын, американдықтар өзіне жалдап алса?

— Сізге такси керек пе? — деген дауыстан барып Асқар ойдан сергіді. Таксидің жанына аяғы өзі бастап алып келсе керек-ті...

Теміртауға тұра тартты... Кіммен ақылдасса екен? Дәмешпен бе? Жоқ, бұл тым құпия іс, Дәмешті араластыру ретсіз, әлде қалалық партия комитетінің хатшысына барса ма?.. Жоқ, ертең ол болмай шықса, айтпай ма: «қорыққанға қос көрінеді», бейшара әбден зерезеп болған екен, көзіне Бульбаши елестегісін қайтсін демей ме? Ең қолайлысы — Қайыр. Завод директоры ғой, бір ақыл табар. Қайырдың үйі қай көшеде екенін біледі. Жаңында Дәмеш екеуін шакырып, қонақ қылған-ды. Қайырдың Дәмеште көңілі бар екенін сонда ғана сезген. Бірақ аю-кемпір бірде бүге, бірде шіге құбылып сәл нәрседен қабағын шытып қап отырды. Тегі баласының таңдағанына риза емес пе? Үйге қайтып келе жатып Дәмешке: «Қайыр саған ұнай ма?» деген-ді. Жартылай орыс мінезді бала ғой, ағасының ондай сезіне қымсынбайды. Екеуі ашық сырласады.

— Танысқалы біраз жыл болса да, өз сезімімді өзім ұға алмай-ақ қойдым. Кейде ұнайды, кейде жек көріп қалам. Оның мені тосқанына табандатқан міне бес жыл! — деді Дәмеш мұндың жүзбен. Өзі де қалай сөз бастаудың ретін таба алмай келеді екен, екеуі үйіне келген соң тыста отырып, ұзақ кеңесті. Бұлармен қонақта бірге болған Иван Иванович пен Лида озыңқырап кетіп еді, жатып та қалса керек, терезеден жарық көрінбейді.

— Бес жыл тосуы, тосу-ақ екен! — Асқар шын мақтады.

— Мен тос деппін бе?

— Сүйген де!

— Мен сүймесем ше?

— Сую деген, айналым, адамның мінезіне байланысты. Адам баласы бәрі бір келкі, бір қалыппен сүймейтін тәрізді. Біреудің мінезі ауыр, енді біреудің мінезі жеңілtek, тұрақты, тұрақсыз. Сол осы айтқан мінезіне қарай біреуі сүйетінін тез білдіріп қояды, енді біреуі іште сақтап, жұмыртқадай шайқап, балаңдай өсіреді. Мүмкін сениң махаббатың әлі шайқалмаған болар... — Дәмеш күліп жіберді.

— Ақырын күл, Дәмешжан, Лида қызметке ерте барды, үйқасын! — деп Асқар әзілдеп Дәмештің аузына алақанын тосты. Дәмеш ағасының қолын ұстап ап, кеудесіне басты.

— Ағатай, сениң теңеуің ғажап екен, нағыз дәрігерлік теңеу. Жұмыртқа-махаббат...

Қазір Қайыр үйінің есік алдына түсіп жатып Асқардың

осы бір оқиға есіне түсті. Есікті Қайырдың өзі ашты. Ақ кейлегінің жағасын ағытқан, жеңін сыйбанған, қызара бертіп таңдана қарады.

— Тұндепеткен қонаққа жол болсын? — деді ол.

— Элей болсын!.. Аздаған ісім түсіп, келіп қап ем, айыпқа бұйырмассың?

— О не дегенің?.. Біздің үйде Қүрекең семьясымен отыр. Сізді іздел таба алмадық. «Бүгін келмейді» деді Лидада. Дәмеш шаруам бар деп Қарағанды кеткен, ертең қайтпақ! Жүрің!

Қайыр Асқарды қонақтар бар үйге алып барды. Құрышпайдың өзі бастап түрегеп орын берді.

— Асекеңдің тілегі жақсы екен,— деді Ақмарал. Асқардың оқыс келгеніне пейіл білдіріп.

— Ас үстіне келуін көрдің бе?

— Мақтап жүрем гой, жеңгемді! — Асқар Ақмаралды мақтаса ұнататынын аңғарғандай.

— Табақ та столға қойылды. Сен де қоңырау қақтың. Отыр! — деп Құрышпай да Асқардың алдына тәрелкеде тұрған басты ұсынды.

— Мен сізден үлкен емеспін қой, Құрыш аға!

— Жолың үлкен. Әкең Жұніспен дәмдес, ағаң Сақамен табақтас болғам. Солардан қалған жалғыз көсің. Алыстан келдің... Осы отырғандардың бәрі де өрісім сияқты. Сондықтан жол сенікі! — Құрышпай баяғы шешендігіне басып, сөз тізгінің қолына ала бастады.

— Кім біледі, алла жазса, біз де Асакеңмен жақын болармыз,— деп, Ақмарал да сөзін жібермей, ишараға көшті.

— Апа, әуелі қонақ сейлесін,— деді Қайыр күліп, шешесінің шайпау тіліне тиек салып.

— Алама ырық берсең, біреуіне сөз бермес! — деп Ажар да сықылықтап, қасында отырған Оразға қарады. Асқар бастың бір құлагын кесіп ал Болатқа қойдырды да, екінші құлагын Оразға сыйлады. Ұртынан бір-екі кесіп асады да, сол қалпымен қайтадан Құрышпайға тартты. Қайыр шалға да, Оразға да конъяк құйып, Асқардан не ішетінін сұрамай, шампан ашты. Тарс етіп тығын жогары атылды. Ақ көбік быжылдан, бокалдан асып төгіліп жатты.

— Кәне, Асеке, сөз сіздікі,— деді Қайыр.

— Жоқ. Енді жол Құрышпайдікі! — Құрышпайдың әлі де болса шарап ішкеніне таңданды Асқар.

— Мен өзім аздап осындағы бас қосқанда татып қоятыным болушы еді. Әйтпесе, жас келді, жолды мына Ораздар тартып алған жоқ па? Жарайды, Отанның амандығы үшін, Отан аман болса бақ та, дәulet те табылады!

— О, шешенім-ай, сөз табады-ау,— деді Асқар көтермелеп, бәрі бокал көтерді.

— Асқар шырағым, менің балаларым көп сөйлейсің деп маган күледі,— деп Ақмарал сөз бастады.— Сөйтсе де сөздің жөнінен жығылуға бола ма, осы үйде бүгін өзің бар, Дәмеш бар, түгелдей бас қоспақ едік, ыңғайы келмейді. Дәмеш қалаға кеткен деді ме... ол енді мына Қайырдың нашарлығы, неге күні бұрын хабарламаған... Ол өз алдына бір тайпы әңгіме!.. Менің айтпағым: бүгін бас қосуга екі себеп болды: біріншісі, мына тентек күйеу өлімнің аузынан қайтты, бұл заманың баласы еркелей де білмейді. Екіншісі, құдай жазып, құда түссем деген ниетім тағы бар...

— Апа! — деді Қайыр жақтырмаған дауыспен.— Дұрыс тاماқ ішейік.

— Е, мен теріс сөз айттым ба, жазғаным, пейілімді білдіргенім...— Ақмарал қанша өктемедеп бақса да баятыдай емес ашуға баса алмайды.

— Ондай сөзің болса, мен жоқ жерде айт, апа! Менің рүқсатымсыз кіріспеңіз! — деп еді, Ақмарал қипақтап, сөзін әрі соза алмай «жарайды, шырағым, ертең таң да атар» деп қоя қойды. Қайыр әңгіме желісін басқа жаққа бұрып әкетті. Асқардың байқауынша, Ақмарал әнеу күнгідей емес, сағы сынып, жұмсап қапты, тегі бұлар кеткен соң, сол күні екеуі мықтап сілкілескен-ау. Дәмештің бүгін келмей қалуы да осыдан, шет жағасын сөзді ме?

Шай артынан Асқар Қайыр мен Құрышпайды, Оразды оңаша алып, өзінің келген себебін түсіндірді. Ақылдасты. Әрқайсысы әр түрлі жорамал жасап, түйінге келе алмады. Теміртау қаласындағы хауіпсіздік комитетінің өкілі Қайырға таныс екен, ол соған телефон соқты...

Сол күні ертеңінде-ақ, бас аспазшы Қарағанды вокзалинда билет алып, поезга мінейін деп жатқанда ұсталған.

VI

Жиналыстан кейін Мұсілім өзінің ішкі сарайына үніліп, өткен өмірін архив мәліметіндей аудара ақтарып, содан бүгінгіге мөлшер ізdedі. Осы жолы айқасса жеңіле

ме, жеңе ме? Өмір — карта ойны, қол шықса үтады, шықпаса — үтылады. Баяғыдан бері Мұсілімнің қолы шығып үтып келді. Енді кім білсін? Соңғы кезде өмір қырындағы бастаған сияқты... Жоқ, Мұсекең жеңді сыйбанып жіберіп шешіне кіріседі. Аянып қала алмайды. Құрес әдісін жақсы біледі, нeden қорғанады?

Өзім асыраған күшігім, өз басыма секірді. Кеше ғана оқу бітіріп, Мұсілімнің алдына кеп, «Сізге қызметке жіберді!» деп сүмірейіп тұрған Қайыр еді. Енді мынау директор, бастық! Бәрін өзі билеп, өзі төстейді. Мұсілімнің өзі ақымақ! Сонда ғой «інім» деп бауырына тартпай бойын аулаққа салса, кім біледі, директор болмас па еді? «Інім» өзімнің руым, қолыма ұстаған қаршығам болады!» деп үміт қылды-ау? Мә, саған іні!.. Мұсілім ашуланғаннан өзіне өзі қолын шығарды.

Сағат жылжып, түнгі он екіге барды. Столдың басында Мұсілім әлі отыр. Алдында қағаз бен қalam. Жазу керек. Ауызша айтқан сөзді делога тікпейді, із қалдырса, сөздері де жауап беруге мәжбүр болады. Жаз, Мұсілім! Іштей әзәзіл дауыс тұртқілеп, қalamға қолын итермелесе, ми түбінен ақ бас шал басын көтеріп тіксіне зілмен қарайды: «Неге елігесің, заманды түсінбейсің бе, Мұсілім?» деп сөгетін де сияқты. Заман-заман? Өзгерген заман жоқ, баяғы қалпы, несі бар, қаймығып бүйіга беретін

«Қайыр Әлжанов заводты өзінің меншікті үйі, қоралынса айналдырып алды. Бүкіл завотда өзінің туған туысқаны істейді: күйеуі, оның әкесі, қалыңдығы....»— деп бір айыпты жазды да өшіріп тастады. Үш жарым мың жұмыскері бар заводқа үш адам көп болып па? Обком бұған маңыз бермейді. Онда? «Қайыр Әлжанов сын көтермейді, өзара сынға жол бермей маңайындағы атарман-шабарманына дейін жабылып сынаған адамды қуғынға ұшыратады...» деп жазды да тағы да ойланып қалды. Факті? Қандай фактісі бар? Ұғламбек!.. Анада Ұғламбек Оразды сынаған жоқ па еді? Сол үшін оны қудалап, ала көз деп жүргені беп-белгілі. Обком да: «қудалағанда не істеді? Қызметтен шығарды ма, жазықсыз сөгіс берді ме? Не істеді?»— десе, Мұсілім не деп жауап бермек?.. Жоқ, дәлел болмайды. Енді қайтеді?

Мұсілім қаламды лақтырып тастап, тұрып кетті. Осы баяғыда қаламы зыр қағып ой мен факті қабысып, дәлелді сөзі тіл ұшына орала кетпеуші ме еді. Қартайған бадейім Мұсекең? Үкімет бастығы кейбіреулерге «базардан

қайтып келе жатқандар» деп ат қойыпты. Соның қатарына ілініп жүрмесе? Жоқ, Мұсілім әлі жас, олар өз алдына бір тап. Ең артық Қайыр да «Мұсеке, сіз сол базардың қызған ортасындасыз!» деген жоқ па? Рас-ау, өзін-өзі неге қартайта береді?

Мұсекең күрес әдісін ұмытса керек-ті. Мұндай тұрмыс көлеміндегі кәкір-шүкір әңгімен Қайырды жеңе ала ма? Саяси мәселенің шоқтығынан ұстаган ұтымды да салмақты ғой, ойбай-ау! Бірінші, Қайырдың: «техниканы меңгеретін қазақ интеллегенциясын дайындау керек, завод кілтін қазақтың құрыш қорытушысына, горновойына беру керек» деген ойы қауіпті ой!.. Соның аржағында бірдеме... жатқан жоқ па екен? Міне, Мұсілім жазса осыны жазуы керек!

Екінші: Ораз бен Дәмеш... Бұлар кім? Дириектор олармен неге байланысады? Ертең қандай адам болып шығарына көзі жете ме? Авария жасап, заводқа зиян келтірткен инженерсімақ қалыңдығын совнархоздың рұқсатынсыз, қызметке кайта алыш отыр. Бұл қызмет бабын өз қажетіне пайдалану емей немене?

Мұсілім таңың атуына зорға шыдады. Көзін іліндіріп алды да, ертесімен машинасын шақыртып, Қарағанды жүрді. Кеше директор «совнархоз шақырып жатыр, барып қайтасыз ба?» деген-ді. «Менің тығыз шаруам бар, шақырт!» деп досына телефон соққан Мұсілімнің өзі екенін білсе, жіберер ме еді? Қарағандыға жеткенше, машинаның артында отырып айтатын сезін, дәлелдерін саралап, ойын тұжырды. Қазір Мұсілімнің шағым жасаудың кедергі жоқ — маңдайы ашық, босағасы тең. Қалалық партия комитетіне барды, алдарынан өтті. Енді «Сен тәртіп бұзың!» деп ешкім бетіне баса ала ма? Мұсілім осы Базаровты түсінбейді: «Әлжанов бұлдіріп жатыр, қолынан іс келмейтін инженерді қайта алды!» десе, «дириектор ғой, бірдеңе білетін болар...» дейді. Іш қыз-қыз қайнайды, эт-тең, айтуға дәрмен жоқ! Хатшы баяғыдай емес, Мұсілімге салқын...

Бір сағатқа жетпей-ақ Мұсілім машинасы Қарағанды көшесіне кірді. Құн әлі ерте. Құмырсқадай өрген қала халқы көші-көшемен кеңсе, мекемелерге ағылып жатыр; бірін-бірі басып озып, машинаның алдын кеседі. Сескенбейді. «Енді түсті-ау!» дегенше болмайды, жылт етіп өте шығады. Эне бір жуан тірсек бөкселі әйел, сырт жағынан таныс секілді, қатарласа бергенде Мұсілім машина тере-

зесінің шынысын төмен сырғытып, басын сүкты. Сол — обком хатшысының көмекшісі.

— Тоқтат! — деп, машинадан қарғып түсіп, Мұсілім әйелдің алдына тұра қалды. Әйел селк етіп, кейін шегініп бадырая қарады.

— Саламатсыз ба? Ал мініңіз! — деп «Победаның» есігін шалқая ашты Мұсілім.

— О не дегенің, жаяу-ақ барам! — деп әйел бұлданып еді, Мұсілім жолдан жығылып көрген бе? — Үлкен адам, әдейі түсіп, иіліп, амандық жасағанда, бәлсіну — тәкал-парлық мінез!.. — деп жанына тигізе сөз айтЫП, ықтиярсыз мінгізіп алды.

Машина үстінде обком хатшысына кірмек ниетін білдірді. Қазақстандағы қара металургияның әйдік заводының бас инженері көңіл толмайтын ұсақ мәселе мен хатшы жолдасқа кірер ме, тегі? Әрине, Мұсілім ол кісінің қолы тимейтінін, жұмысы қауырт екенін сезеді. Бір кездे өзі де министрдің орынбасары болып көрді гой, аздаған хабары бар.

Мұсілім өзінің бұрын жоғары дәрежеде болғанын әдеби қыстырырды. Нысанага дәл тиді-ау, әйел де: «Ә, сіз сондай ма едіңіз?» дегендегі жалт қарады. Әрине, шіркін үлкен адам болудың орны басқа-ау, сол барған бетте-ақ хатшының кабинетіне ере кіріп, бірінші боп жазылды.

Обком хатшысы бүйра шашты қара торы, жас, өнді еркек, бұрын Мұсіліммен Алматыда біраз бірге істескені де рас. Анада Қайырға «арқа тұтатын адамым» деп ишарап отырғаны да осы кісі.

— Қалай, жұмыс жақсы ма?

— Әлбетте, жолдас Сарқисов. Е, өзіңіз қалай үйрене бастадыңыз ба?

— Таныстық қой!.. Қала ішіндегі өндірісті тұгендей аралап, өз көзіммен көріп, баға бердім. Енді сол Теміртау барал ба деген ойым бар. Сен жақсы келдің... — Хатшының бұл сөзі енсесі түсіп, енжар боп келген Мұсілімді құр атқа мінгізгендей бір көтеріп таставады. Елеуреп, ба-тыл кірісті.

— Сізден бұрын хатшы боп осында біреу отырды, алтай жазда Теміртауға басын бір сүққан емес. Үлкен құрылыш, қалай басқарды десейше?.. Теміртауға келіп, нақты басшылық беруді асыға күтеміз!.. Сіздің іскерлігіңізді ана бір жылдары сезгем. Оны достарыма жайып та жүрмін. Ол — өз алдына бір мәселе. Бірақ, Теміртау бару

үшін кейбір жағдайға алдын ала түсініп алған да жөн. Менің бүгін келген ниетім де сол еді... — Тым алыс орағытқанын Мұсілім кеш сезді. Хатшының қою қара қастары бір түйіліп, бір жайылды — жақтырмады ма?

— Ол қандай жағдай?

Мұсілімнің құдайдан күткен сұрағы осы да. Оңтайланып отырып ап, бастан-ақ сыйырта берді. Хатшы мұның сөзін бөлмей бар ықыласымен тыңдады. Екеуі бір сағаттан артық әңгімелесті. Ақыры хатшы: ертеңгі сағат үшке қазақ metallurgия заводының директоры Элжановты, партбюро хатшысы Серегинді, қалалық партия комитетінің хатшысы Базаровты қоса шақыртты да, Мұсілімге сол кезде орал деп, қоя берді...

Мұсілім ол екі ортада Совнархозға барып «досымен» кеңесіп, Совнархоз орынбасары — бидай өнді еңгезердей қазақ жігіті еді, соған да кіріп, өз жайын тегіс түсіндірді. Ертеңінде түсте жұрт қатарлы асханадан тамақ ішті де аспай-саспай айтатын ойын тағы да үшкірлеп, обкомға оралды. Обкомге кіретін есіктің қақ маңдайындағы дөңгелек сағат үшке бес минут қалған-ды, Мұсілім хатшының кабинетіне кірді.

— Сізді тосып отыр! — деді көмекші әйел, Мұсілім табалдырықтан аттай бергенде. Мұсілім күйгелектеп жалма-жан сағатына қарады. Сағат үштен үш минут өткен. Қап, есік алдындағы сағатқа сеніп, кешігіп қалғанын қарашы.

Есік ашып кіріп барса, бес адам отыр: обкомның өндіріс бөлімінің бастығы, Базаров, Серегин және Қайыр мен Сарқисовтың өзі. Бәрі де әлденеге мәз. Жүргі су ете түсті. Тіл табыса қалғаны ма? Сыр бермей, еркіндей басып төр жақтан орын алды.

— Қарағандыда түскі тамақ ішу — қиямет қой, та-бандатқан екі сағат отырдым.

— О жағынан кенде емеспіз... Сіз Қайыр...

— Рахимович,— деді есіне салып Қайыр.

— Қайыр Рахимович, сіздер де тамақ ішкен боларсыз? — деді хатшы. Базаров пен Серегиннен сұрамай Қайырға қарал.

— Ия, ішіп шықтық, рахмет!

— Онда тұра іске көшелік. «Аш адам ұрысқақ» деген қазақта мәтел де бар екен. Тоқ адамның — сөзі де майда, көңілі де көтеріңкі.— Сарқисов жымиды. Мұсілім жұдырығын жұмып, іштей әзірлене бастады.

— Металлургия заводының бас инженері үлкен наразылық білдіріп келіп отыр. Бұғін сол жайында пікір алысып, шындықтың бетін ашуға шақырдым — Хатшы Мұсілімге қарады.— Сіз қысқаша айтып өтсөңіз деймін.

Осы кезде әдемі киінген екі жасамыс әйел кіріп кеп, бос столға отыра қалды да, дәптерлерін ашып жаза бастады. Стенографистка екенін Мұсілім енді сезді. Хатшының бұл беттестіруін Мұсілім іштей ұнатпай, кірпідей жиырылса да сыр бермеуге тырысты. Аз мұдіріп, көз тоқтатып әр қайсысына бір-бір қарап алды.

Завод басшылығы: нақты атап айтсақ, мына отырған директор, партбюро хатшысы, қалай да мені қуып шығудың мақсатын көздең, артыма жарық алып түсіп отыр... Мен бас инженер болып бұғін бүйрек берсем, ертең директор бұзып, өз тұсынан басқа бүйрек жазады. Сонда менде қандай абырой қалды, ойлайсыз ба?

— Факті? — деп Қайыр.

— Сен, жолдас директор, өзіңнің кабинетінде отырған жоқсың, оны біліп қой!.. Менің аузымды баса алмайсың енді.

— Жарайды, қағытыспай, байынты сөйлесейік! — деді хатшы екеуіне де ескертіп, тежеп.

— Менің өзімнің сейлесу әдісім: жеке мәселеден барап жалпылай қорытынды жасаушы едім. Сондықтан да әуел өзімнен бастадым. Кешіресіз. Сагатова деген бар біздес, өзі сұлу, өзі инженер.— Мұсілім көз қыығын Қайырга тастап еді, ернін тістелеп, өң жоқ, сөл жоқ зорға отырған көрінеді. Э, бәлем солай ма? — Ия, сол инженер қалтасында диплом болғанымен, бұрын өндірісте істеп көрмеген, және өзім білем деп кеуде қафушы жастардың бірі, заводты аварияға ұшыратып, зиянда қалдырды.... Сонвархозбен келісіп, өзінің әлі келетін қызметіне ауыстырып едім, директор жолдас Москвадан қайтысымен орнына қайта қойды. Бұл факті емес пе?.. Бақсам — қызы бұл кісінің қалыңдығы екен...— Мұсілім: «тұқырта бір бастым-ау!» дегендей қомдана көзін бір тастап, сөзін жалғады. Отырғандардың бірінде үн жоқ.

Мұсілім жиналыста болған жанжалды, Ұғламбектің, Ораздың мінез-құлқын суреттеп өтіп, Асқарға көшті: оның өмір тарихын қопарып, сол кісі пайда болғаннан бері, заводтың элек-тәлегі шықты деп бір тынды. Сонсоң сөзін түйді:

— Қырағылық керек, кім өзі ол, нысанадан шиғармау керек сыйылды.— Мұсілім көзін Қайырға қадап: «енди қайтер екенсің бәлем!» дегендей жымып, жағалай көзімен бір шолып өтті. Сарқисов та беріле тыңдап отырған адам сияқты. Қайта Базаровтың езуі күлім қағады. Серегин мен Қайырдың бастары тұқырайып, төмен түсіп кеткен.

— Осыдан туатын бір қортынды: директордың тәжірибесі аз, жас адам. Өзі білмейді, білгенің тілін алмайды. Заводта техниканы жаңартпақ болып, атой беріп шапсада, іс шығара алмады. «Увлечение»— жас кезде адам еліктегіш, көрсе қызар болады гой, ол — инженер Сагатованың авантюралық проектісін, тұк шықпайтынына көзі жетсе де, қыз көңілін қимай ақыры соны іске асырмақ! Қаражат жұмсал, үкімет ақшасын далага шашуга бола ма? Осыған байланысты Әлжанов жолдас, Қазақстанда техника кілтін қазақ инженерлеріне беру керек деген теріс пікірді ұстап ап, қолынан іс келмейтін сенімсіз адамдарды маңайына жинап отыр...— Шешінген судан тайына ма, заводта істеп жүрген бірнеше инженерлерді: Эмиров, Қасымовтарды мұрнынан тізіп атап өтті де, сөзін тұжырды — «Қазақ» деген сөздің аржағында «бірдемешылдық» жоқ па деп қаласың. Бұл тайғақ жол!.. Сонымен заводта өмір жоқ: не мен, не бұл тұрсын! Екінің бірі. Мен жиырма жыл істедім, осы заводты қолыммен құрдым десем артық айтпаған болар ем. Енді мынау сияқты бесімүрын балаға, артық айтсам ғапу етіңдер, пенде бола алмаймын! — деп сөзін бітірді. Шылымын тұтатып терезе алдына барып, жеке отырды. Хатшы қағаздан басын көтеріп, жан-жағына қарап, көзін тоқтатты.

— Жолдас Әлжанов, бұл тағылған айып туралы сіз не айтасыз? — деді.

Айдарынан қан ағып, үнжыргасы түскен әтештей Қайыр салбырая түрегелді. Саған осы керек, кіммен айтыштыныңды біліп қой! Осы, дәл қазір Мұсілімге хауіпті Серегин болып жүрмесін?

Қайыр сөзін неден бастарын білмейтін адамдай, Серегинге қарады. Ол басын шұлғыды. Қөрдің бе: онысы баста, қаймықпа дегені... Қап, Серегинді баса айту керек еді. Бірақ тағы да сөз берер!

— Бас инженердің айтқанының бәрі дұрыс, бір өтірігі жоқ! — деп отырғандарды көзімен Қайыр бір шолып өтті.— Дұрыс деген сөзді «кеқетіп» айтып түрғам жоқ, шын

магнасында айтам! — деді ол, бұл сөз жарылған бомбадай Мұсілімнің есін шығарды. Мынау не дейді, ей! Мұсілім ойының алды-артын жинақтап үлгере алмады. Қайыр сөзін әрі қарай созды.— Жалғыз-ақ, сол фактілердің өңін өзгертіп, саяси астар беріп тұр. Біздің бас инженер, ескі жүкті әлі де болса арқалап жүр! Қайран мешеулік!.. Осында отырған облыстық партия комитетінің хатшысы алдында ашықтан-ашық айтам: біреудің айтпаган сөзін айтты деу, істемеген ісін істеді деу, әкты қарага айналдыру — кешегі Берия сияқты зұлымдардың сарқыты. Сіз әлі сол «сарқыттан» айықпаган көрінесіз! — Мұсілімнің қолы дірілдей бойын билей алмады. Қап! Столды қойып қап, атып тұрды.

— Тарт тіліңді!.. Жолдас Сарқисов! Бұл балағаттау, тіл тигізу, жала жабу!

— Тсс!.. Сабыр, жолдас Мусин. Сен сөйлегендегі кім сөзінді бөлді?.. Айтсын ойындағысын! — деді Сарқисов салмақты пішінде екі жақтың тізгінін бірдей ұстап. Мұсілім тेңісіне сыймай булығып бара жатқанын сөзді — жағасының түймесін ағытып, терезенің алдына барды. «Әлі де болса, кеш емес, ойланыңыз, жолдас Мусин!..» деген Қайырдың сөзі алыстан әлсіреп жеткен оқтай құлағының жарғағын ғана жарып өтті. «Ойланыңыз!» Нени? Қу бала көрдің бе, қалай сырдақтауын? Тәубесі ішінде Сарқисов ескі досын талатпас күшіктерге...

Мұсілім енді Қайырдың сөзін тыңдаған жоқ, мәжілістің барысын, кімнің безбені қай жаққа ауып барады, кім не дейді, соны болжады. Серегин? Әй осыны баяғыда ұрып жіберетін кісі еді, орынсыз тартпақтап, енді мынау, аузына қарап, қипақтауын...

— Мен қысқа сөйлейім,— деді Серегин Қайырдан кейін сөз алып.— Инженер Сагатова жайында Мусинмен талай қызыл шеке боп айтысқам да ұрсысқам, төбелесудің алды болғам! Сонда оған «пікірің де, алған бетің де қисық» деп көзге шұқи айтқам. Айтпады десінші өзі? — Мұсілімге қарайды.

— Сен әділ хатшы бола алмадың! Директордың емеуірінімен мәселе шештің. Сенің өз алдыңа ұстаган бетің жоқ! — Мұсілім де бет тырнады.

Серегин күлді:

— Директордың ұстаган жолы түзу болса, неге жақтамаймын? Жақтаймын! Қазақтарды өндіріске, техникага тартып, техника тілін үйретем деудің несі қисық? Қазақ

баласынан инженер дайындал, техникаға аттай мінгізем деудің несі зиянды?.. Ой өрісін сатылай құсақ: ұлт кадрін есіру керек деген сөздің өзі қате ме? Мал бағып дала да өскен халық бүгін техниканы басқарам десе, «жоқ ол — қисық пікір, сен қойынды бағып жүре бер маңдайыңа жазылған сол. Не лезь, в Калашный ряд¹», — деп айта аламыз ба? Ол — біздің конституцияға қайшы екенін бас инженер түсіне ме? Мен өзім директор жолдастың қазақ баласынан мартен пешіне құрыш қорытушы, домнаға горновой дайындауды ірі мемлекеттік мәселе ғып қоюы — республиканың келешегін ойлағандық деп білем! Мал бағуға үйренген халық әлі де сол завод жаққа өз бетімен бара қоймайды. Заводта істеу олардың бойына сіңген қасиет емес! Сондықтан қазақтарды қызытып-тәрбиелеу, қалай саяси қате болады? — Серегин жымында, кейде сөзінің нәшіне қарай дауысын өзгертип, Мұсілімнің жанына тиіп, ызасын келтіріп-ақ тұр, қайтеді қолдан келер Мұсекеңнің дәрмені — айғайлап сөз қосу, сүріндіру, бірақ оныда орынды айтпаса, хатшы: женілtek мінезді адам деп ұғып қалуы ықтимал.

— Совет халқының бір-бірінен артық кемі жоқ, коммунизмге де бәрі тұтас қатар барады. Қеремет қын техниканың тілін білетін халық ертең еңбек істеп, қалған білмейтіні қолын қусырып қарап отыруы керек пе екен? Бүгін мал бағу, егін орудың өзі үлкен техникамен байланысты, техникадан аулақ жүрген қазақ: «Әй, Иван келіп ма-лымды бағып, егінімді орып берші, саған ақы төлеймін!» десе, бұдан қырық жылғы бұрын қазақстан оның не айырмасы бар? Республика зор, жері бай — істесін, үйренсін, қашанғы көрші халықтарды шақырып солардың келуін күтіп отыру керек? Қазақстан болғалы қырық жыл, бір адамның өмірі. Техниканы меңгеретін мезгілі жетті!.. Сіз, Мусин жолдас, «қазақ» деген сөзден үрейлене қашасыз, «Ұлтшыл» деп айта ма деп. Бұл — сіздің санаңыздың тәменгі сатыда тұрғанын көрсетеді. Мысалы, мына Қайыр сол «қазақ» деген сөзді сізше ұқпайды, сіз айтқан Сагатовтың әкесі қазақ та, шешесі орыс, екі халыққа бірдей адам, бұл екеуі де сол халықтардың бірін аға, бірін іні тұтады!..

Мұның бәрі Мұсілімге таныс «қисса», енді мұны тоқтату қын болар. Демагог! Қөпіріп, тіл мен жағына сү-

¹ Орынды біл деген мағынада.

йенуін қарашы! Мейлі не десе о десін... Енді ана Базаров не айтар екен? Ұбылжып, сөзі аузынан түскен неме еді, бұлдіріп жүрмесе? Дәл түзде отырған қазақ сықылды мелшиген сиқын қарашы...

— Қалалық партия комитеті осында айтылған мәселелердің біразына қанық. Сағатова жайында бас инженер келіп, өз пікірін жеткізген-ді. Бірақ көрінген тесікке тығын боп, бас сап әрбір іске кірісе беруді қолайсыз көріп, өздеріне ерік бергеміз, «ішкі істерінді өздерің шешіңдер деп»... Шеше алмаса, әрине, енді шешіп берейік... Серегин біраз мәселені түсіндірді, соған қосымша айтайын: Сағатов Асқар сіз ойлаған адам емес, нағыз коммунист, ол жайында ешбір күмән болмасын!

— Ерте айтып тұрган жоқсыз ба? — деді Мұсілім шыдай алмай.

— Ерте айтқан сіз көрінесіз, жолдас Мусин! Өмір соны анықтады! — деп зілдене қарады Базаров.

Мұсілімнің шеке тамыры солқылдан, көзі қарауытып шалқая берді. Қолы қеудесін аймалады — жүргегі шашығандай ма? Ауруы тағы ұстап қалмаса иғі еді. Шынымен бүгін ұтылып көнді біржола бергені ме? Жоқ. Әлі де үміт бар... Сарқисов болмаса? Тегін кісіні обкомге хаттығып жібере ме?..

Сарқисов қою қара қасын түйістіріп:

— Жолдастар! — деп айттар сөзін ойлаған адамдай аз кідірді.

Тым-тырыс, ашық терезеден ағылып өтіп жатқан машинаның гүрілі, азан шақырған этештің дауысы, кейде балалардың күлкісі еміс-еміс естіліп қап, жел желліп экеткендей қайта тынысталады. Қайырдың еңсесі көтеріліп қапты. Манағыдай емес, қомданып, екі көзі күлімдей масайрайды. Тегі ұттым деген сияқты-ау? Анау ақсақ Серегин де «бітті шаруасы!» дей ме, Қайырға көзін қысады...

— Жолдастар, сіздер бүгін ашық, емін-еркін сейлеп, әрқайсың өз пікірлеріңді жеткізіп бақтыңдар. Оның бәрі қағазға түсті. Енді біз әбден тексеріп, ойланып, облыстық комитеттің бюросына салып, қортынды жасаймыз! Мениң ескертетінім: жолдас директор, завод техникасын жақарту, шеберлендіруді коммунизм техникасын құру деп біліп, батыл бастауың, соған лайықты кадр дайындау — ізгі қадам! Осыдан тайма! Кімде кім жолында тұрса шынтағыңмен қақ. Ал сіздің... — Сарқисов Базаровқа қарады. — Нашар басқарғаныңыз көрініп-ақ тұр, жолдас

хатшы!.. Ойланыңыз! — деп Сарқисов орнынан тұрды.
Сөз тәмам. Отыргандар тегіс көтерілді.

Мұсілімнің салы суға кетіп, қипақтап жүрт артынан қала берді.

— Адам Григорьевич, сіз де мені теріс үқтыңыз ба? — Еңгезердей Сарқисовқа жаутаңдап мөлие қарады. Ол түс бермей ызбарлы қалпында:

— Эх, жолдас Мусин, мен сізді мұндай деп үқпаған ем! — деді де плащын киіп, кабинетінен адымдай шықты.

Күн көкжиекке қырынан қойған алтын табақтай жарқырап, кештің келіп қалғанын еріксіз еске түсірді. Арқаның дөңесінде қаңбақ қуып, асыр салған қызыл жел басылып, саябыр тапқандай. Көз ушіндеңі будақ-будақ көтерілген шаң — директор машинасының ізі. Зырла шофер! Мұсілім оны қуып жетіп, басып озса... Өмірде де солай артта қалдыrsa қайтер еді. Эй, жету қын-ау! Ол тегі Мұсілімнің қуып келе жатқанын сезген сияқты, тіпті жеткізетін емес! «Победа» 70—80 километрден алып келеді.

Мұсілім тірі тұрса өмір божысын Қайырға бермес!. Жаңағы хатшы жолдастың сөзі қызық: «Сені бұлай деп үқпап едім...» Енді қалай үқты екен сонда? Истің тұтқасы оның қолында тұрған жоқ шығар. Дұрыс шешпесе, Мұсекең Алматы барады, ол шешпесе Москваға дейін қуады ерекескенде!

Қиял арқанын ширата-ширата Теміртаудың көшесіне қалай кіргенін Мұсілім сезбей де қалды. Үйіне жақындағы бергенде бойын жазып, көңілін орнына түсірмек ниетпен машинаны гаражға қайырып жіберіп, аяңдап келе жатыр еді, Мұсілімнің үйінен біреу шықты. Қарсы келе жатыр. Мұсілімді іздел жүрген біреу ме? «Жаңалық» естігісі кеп асыра кеткен Ығламбек пе? Диңкөрдің мен партиюро хатшысын тығыз обком шақырып кетті деген хабар бүкіл завод-қа тараған болар, сұық хабар жата ма? «Немен біtedі?» деп асыра күткен коллектив елеңдеп біріне-бірі құлағын тосып жүр ме?.. Анада ниеттестерінің бірі «жас инженердің бәрі Сагатованы заводқа қайта алғанына риза көрінеді» деген-ді... Инженерлер Қайырды қолдаса, Ығламбек тәрізді алдыңғы қатардағы жұмыскерлер Мұсекеңді қолдайды, несі бар?!

Ау, мынау елбелектеген әлгі... Жоқ, жоқ, атын атауға аузы бармайды. Ия, тап соның өзі! Ойпырмау, бұл қайдан жүр? Айша мен екеуінің арасы насырға шапқан-

ау, тегі. Не қылса... Тәбелессе ме? «Ертең директор пайдалана қойып, бюроға сап, партиядан қуып масқара қылсын десең тәбелес!»— деді өзіне-өзі құбірлеп. Бетпебет қарсы келді. Мұсілім бұрылып кетудің лажын таба алмады.

— Э, Сағатов жолdas, қайырлы кеш! — Мұсілім көтеріңкі дауыспен сәлемді бұрын берді. Қолын ұсынып, жүзіне қадала қарады. Ол сасып қалған сияқты, қалбалаштап қолын алды.— Ұзақ сапардан қайтқалы көрісе алмадық, уақыт болмай жатыр, шет-жағасын Айшадан естіп те жатқан шығарсың! — Айшаның атын әдейі атап, сынай үңіледі: әккі соққан-ау, тұс бермейді.

— Мениң қайтқаныма қуанып, ниет білдіріп жатқаныңды естідім,— деді Асқар кекетіп. Астыңғы ерні салнип, көзі тесіреп кетіпті, тегі салғыласуға да дайындау. Мұсілім арзан құлкіге сап, көңілін аулауға тырысты.

— Откен — өткінші жауындай өтті де кетті, қайтесің еске алып, ол бір заман...

— Откінші жауының болайын, он бес жыл жауған!

— Ойпырмай, Асеке-ай, кейде адам өзінің әрекетіне өзі ие бола алмай қалады екен?

— О не дегенің? Сонда жауапты мен емеспін демекшісің бе?

— Заман ғой, достым.

— «Заман» деп басқа біреу айтсын, сен айтпа, Мұсілім! Тап сені ешкім күштемегеніне менің көзім жеткен.

— Күштеді ғой...

— Түү, саппас! Сөйдеп басқаны алдасаң да мені алдама! Білем, сенің неге істегеніңді. Айшадан айыру үшін маған жала жаптың!

— Ой, Асеке-ай, бір кездे жақсы дос едік, қайтесің өткенді жаңғыртып. Егер керек болса — Айшаң әне, барып жүрсің ғой, қой дедім бе?

Асқар бетіне бетін тақап, тістеніп:

— Саған қор болған қайран Айшал — деп, жерге бір түкірді де жүре берді...

Мұсілім өзінің не айтқанына кейін түсінді. Қап, оны қақпанға түсірем деп Мұсілім өзі түсіп қалды-ау! Аузына сөз салды. Енді ол Айшага да жеткізеді...

Үйге кіріп барып: «әлгі неге келді?» деп жанжал шығарса... Дәліз қап-қараңғы. Ей, бұл ешкім жоқ па? Әуелі өзінің кабинетінің есігін ашты... Онда да жарық жоқ... шляпасын, портфелин тастап, қонақ үйге кірсе, Айша

мен қызы чемодандарды ашып, киім-кешектерін салып жатыр. Апасы мұсәпірсіп босағада жағын таянып тұр. Мұсілімді көріп, Айша басын көтерді: өң жоқ, сұп-сұр, қа бағын шытқан. Кішкентай қызы да көңілсіз, маңдай астынан түқырая қарайды.

— Ия, жол болсын, бұл не? — Мұсілім көлгірсіп жылы жүзбен әзілдей сөйледі.

— Жол болса, баламыз екеуміз Алматы жүрейік деп жатырмыз.

— Ия, неге?

— Негесі болып па, шатынаған көңіл, енді қайтып жамалмайды. Мұнда не сен, не мен тұруым керек. Казір мен демалыс алдым, соған дейін ойлан!

Мұсілім дірілдеп баласына қарап еді ол:

— Да, папа, мы уезжаем без тебя. Ты оказывается злой!¹ — деді. Бұл сөздің үстіне егіле еңіреп тұрған апасын көріп, Мұсілім сылқ етіп босағада тұрған орындық-қа отыра кетті.

VII

Кешегі «менменшіл, өркөкірек», кейде әзілден кекесіні басым, тоқпақ көздеу, жалпақ бет, ақ құбаша Қайыр, бұ күнде Дәмешке кіші пейіл, батыл да тілді, сымбатты да көрікті жігітке айналды. Бұрын ұрыншақ па деп жақтырмайтын Дәмеш, енді кездесе кетсе жылы жүзбен күлімсірек қарайды. Москвадан Дәмеш жүргегінің кілтін тауып әкелгендей, оңашада тебірентіп ән салдырады, Соңғы күндер жауыннан кейінгі ормандай, Қайырдың мінезі де, көркі де Дәмешке бір-ақ сэтте құлпырып, жаңарып шыға келді.

Шынымен Дәмеш ғашық бол қалғаннан сау ма? Кеш оралған махабbat — ересек те ақылды махабbat деп кім айтып еді осы? Әлде Қайырдың өжеттігі, іс-әрекеті Дәмеш жүргегіне жылы леп тудырды ма? Бір жұмада Дәмеш проектін іске асырды — пешті бу аралас ауамен үрлететін қылды. Қайыр Дәмешті шақырып алып: «Ал бізде енді жазық жоқ...» деп күлім-күлім етеді. Со кезде бетен кіслер отырмаса Дәмеш оның мойнынан құшақтап, сүйіп те алатын еді... Бүгін Дәмеш бірінші рет пешті ауа

¹ Ия, эке, біз жүріп барамыз, сен тегі ашуқор екенсің.

аралас бумен үрлейді. Енді не жұрт алдында қара бет, масқара болады, не жеңіп, арманына жетеді.. Егер бу құрыштың сапасын төмендеп жүрсе қайтеді? Пар-су, сутегі құрыштың жауы деп айтпап па еді профессор? Жоқ, Дәмеш өзінің есеб-қисабына сенеді! Математика атам заманнан бері адам баласына адал қызымет істеп келе жатқанғылым! Өйтсе-дағы кім біледі, жазатайым сүрініп кетсе... Мұсекең бас салмай ма?

Дәмеш арқандалған аттай бүгін осы бір ойға қайта-қайта айналышқтап, орала берді. Кім біледі... Сондықтан да бүгін шала үйқтап, ерте оянды. Және де Құрышпай атасы Алматыдағы «Тұрксіб» санаториясына жүрмек. Соны шығарып салу керек. Айтқандай, кім апарып салады: Ораз да, Дәмеш те күндізгі төрттегі сменаға барады. Ажар ма?

Есікті біреу қақты да, іле Ажардың өзі кіріп келді. Ой ғажап, кімді ойласаң сол келеді. Екі беті дуылдаған, қымсынып, босағадан бері аттамайды. Әдемі үлкен қой көзі жапақтап, Дәмешке үяла қарайды.

— Кір, кір, Ажашка,— деді Дәмеш бұрынғы өзінің қойған атымен атап. Сол сөз Ажарға үлкен демеу болғандай, жүгіріп кеп Дәмешті құшақтап, жылап қоя берді. Дәмеш иегінен ұстап, басын жоғары көтеріп, үрейлене көзіне үңілді.

— Не болды?

— Дәмеш, кешір... Менің саған тілім тиді! — Ажар Дәмешке қарай алмай төмен тұқырайып, бетін жасыра береді. Жүргі орнына түскен Дәмеш күліп, шашынан сипады.

— Эх, Ажашка, глупая ты!.. Осы сөзінді осыдан ушай бұрын айтатын кісі емессің бе, осынша шу қөтеріп.... Ажар қуанғаннан тек Дәмешті құшақтап аймалай берді. Қуыршағын жоғалтып тапқан баладай мәз.

— Менің адал екеніме көзің жетті ме, сірә?

— Жетті!

— Сол екі ұшты ойыңды менің алдымға неге тартпадың о баста?

— Сенбедім... Саған да... Оған да...

— Енді қалай сендің?

— Қайыр ағаммен екеуің...

— Айт, айт! Жасырма!

— Сен екеуің сөз байласқан екенсің гой!

— Жоқ, Ажар, оған сенбе!.. Мен ешкімге әлі сөзімді бергем жоқ. Ол қате. Қайыр екеуміздің арамыз баяыша!

Ажардың бет пернесі өзгеріп, іле қайта өңіне кірді.

— Қайыр ағамды ренжітпеші, Дәмкетай!..

— Оған уәде ете алмаймын!

— Неге? Ол саған ғашық. Сенсіз оның өмірі қаран!

— Ажашка. Қайырдың сөзін сен сөйлеме!

— Менің жалғыз баурым гой...

— Ораз менің баурым емес пе? Оны сен неге ескермейдің? — Дәмеш енді тісін батыра сөйледі.

— Мен білмедім гой, Дәмкетай... Өздерің ана бір жылдары уәдеміз бар деп... соған да сеніп қалдым.

— Жас кезінде бала не демейді, Ажашка?..

— Кешір, Дәмкетай...

Екеуі құшақтасып, сүйіспін, аз күндегі өкпені қалдыргандай болды. Енді Ажар жайдары жүзбен:

— Дәмкетай, бүгін атам курортқа жүреді. Атам да, Ораз да сені шақырып жатыр! Әдейі алып кетуге келдім! Асқар ағам жоқ па? О кісіні де шақыр деп еді?

— Асекең Магниткада қызметінде. Қолы тимес.

Құрышпай шалдың үйі кісіге лық толды. Шалды курортқа шығарып салуға басы завод директоры, инженерлер, құрыш қорытушылары мен мастерлері тегіс жиналған көрінеді. Дәмештің көзіне жұрттан бұрын ілінген — Қайыр мен Ораз. Біреуі — еткендегі балалық шағы сияқты сүйкімді де қадірлі, енді бірі — бүгінгі өмірінің бейнесі тәрізді қызық та ыстық, алдағы үміті ме, қалай? Даурығып тұрған топ ішінде Құрышпаймен қатар төр алдында креслода Ван Ваныч отыр. Қай кезде келе қалғанын? Ай, қу шал! Тегі Дәмешті шақыртқан адамың ішінде осы да бар-ау?.. Құміспек, Гена, Қуан, Кеша олар да өз алдына бір топ. Әмиров пен Қасымов, цех бастығы Илья Савельевич, Қайыр мен Серегин кеукеуlep, бірімен-бірі айттысып жатыр. Мұсілім де бар ма деп ойлап қап еді, ол көрінбеді. Ажар тіптен арсыз болса да, дәл бүгін келе қоймас. Айша апайдың қашып кеткені бүкіл заводқа жәйіліпті.

Дәмеш босағада аз тұрып қалды. Бүйірдегі есіктен кірген Ақмарал жақын кеп:

— Қарағым, денің сау ма? Неге кірмей тұрсың?.. Эй, не болып кеттіңдер, түге, осынша шулап! Қайыр, қайдасың, Дәмеш келді! — деп айғай салды. Дырду-шу

Ақмаралдың даусынан су сепкендей басыла қалды. Қайыр Дәмешке үмтыйлды.

— О, жоғары шық, Дәмеш! — Қайыр иіліп төрге шақырды. Дәмеш жиналған топтың көзіне түсіп, барлығын маңына үйіріп алған-ды, сөзге дес бермей жалғыз өзі сөйлегенді ұнатады, соған құмар да, ал Дәмеш жүрт назарын аударса құты қашып, қысылып, денесі құрыстай бастайды. Дәл қазір де жүрт жабыла қараганда, беті алмадай қызырып, күле берді.

— Дәмешке жүктейік, лекцияны тамаша оқиды! — деді Қасымов.

— Дәмеш, бүгін маган қуанышты күн екенін естімеп пе ең? Қазақстан Орталық Комсомол Комитеті менің анада «Лениншіл жас» газетінде басылған мақаламды қолдап, жаңа домна мен мартенге құрыш қорытушылар, шойын құюшылар дайындау үшін бес жұз қазақ жастарын аттанандырса керек-ті, соның алды келіп те жатыр.

— О, сағаты түссін! — Дәмеш оның қолын қысты.

— Соган лекция оқитын, үйретіп басқаратын кісі көрек! — деді Серегин директор сөзіне мән бере.

— Е, оларды Сверловск, Челябинск, Череповецк сияқты қара металлургияның үлкен орталығына неге жібермейміз?

— Барады. Жібереміз. Орысша шамалы білетіндерін езіміз дайындасақ дейім.

— Тілі мен жағына сүйеніп тұрган мына инженер Қасымовқа тапсырайық. Оқытсын! — Дәмеш әзілмен жауап қайырды.

— Жоқ, Дәмеш, оқытатын кісі табылар.. Мен де, сен де оқытамыз. Қазіргі міндет — соларға жайлыш жай беріп, жақсы ықлас білдіріп, қарсы алып, қызықтырып, техниканы көкейіне қондыра білу, таратып алмау!.. — деді Қайыр жігерлі сөйлеп.

— Олай болса, біз барып олармен әңгіме жасайық! — Дәмеш Қайырдың сөзіне елігіп, қазір де кетіп қалуға дайын адам сияқты.

Қайыр сөзін аяқтамай Ажар келіп тамаққа шақырды. Жиналғандар дүрлігे шулап қонақ үйге барды. Екі шал Дәмешті орталарына алды. Сөзді Қайыр бастады:

— Бүгін біздің қарт ағамыз, ардақты құрыш қорытуши Құрекең курортқа бара жатыр. Сол кісінің Теміртауға жасарып оралуы үшін, қағида бойынша тост көтерейік... Бұл кісі кім, білесіздер ме? — Қайыр аз тыныстап қүш

жинағандай қаттырақ дауыстап сезін аяқтады: — Бұл кісі — халқымыздың ар-намысы! Халқымыздың ең жақсы қасиетін осы кісінің басынан табамыз! Сонау патша заманынан бері кедейдің мүддесін қорғап, жер ауған, он алтыншы жыл патшага қарсы құресіп, абақтыға түскен, Октябрь революциясына қатнасып, Жетісуда да совет екіметін орнатысқан, одан байларды конфискалап, колхоз құрысқан, Отан соғысы уақытында жұмыскер бол құрыш құйған кісі. Халқымыздың тірі тарихын осы кісінің өмірінен аңғарамыз. Біздер осы кіслердің табысына не бол, азап шекпей, бейнет көрмей өстік. Осындай адам үшін!..

Құрыш қорытылғалы бес сағат. Инженер Сагатованаң сменасы жанталасып мартен пешімен алысада, тенізіндің асау толқынын матап-буып, пештің ішіне әкеп коя бергендей, қып-қызыл жалын төңкөріле тулап, пешке сыймай әлек. Оттың тілін біліп, оған әмірін жүргізіп қалған Ораз көзілдірігін киіп ап, көсеуін ала ұмтылады. Арыстанды үйреткен дрессировщик сияқты, көсеуді Ораз пешке сұғып жібергенде, шамдана тулаған жалын қаймығып, сол сәтінде басыла қалғандай.

От шарпыған маңдай шашына қалпағын бастыра киіп ап, Геннадий да құрыш ағатын шұмекті күн бұрын дайындал жүр. Куан қолына проба алатын ожау мен стаканды ұстап, қалбаландап пештің алдынан шықпайды. Оркестрді басқарған дирижердай, солардың ісін қадағалап, көз айырмай мастер Күміспек тұр.

Дәмеш темір сатымен пеш алаңына көтерілді де, сағатына қарады: кешкі тоғыз!.. Дәмештің есебі бойынша проба алатын мезгіл жетті! Дәмеш кеуде қалтасынан кек көзілдірігін алып, пештің көзінен сығалады. Құрыш толған қазанның беті көбік атып, қайнаған құрттай бұрқ-сарқ етіп көпіршіп жатыр екен. Ия, уақыт жеткен! Алты сағатта құрыш қорыту — мартен пешінің тарихында бірінші рет, дүние жүзіндегі ең жоғарғы еңбек өнімі деген осы! Құрышты ағызуы бар, жеті сағатқа айналады. Бір сағаттай уақыт ұтады. Бұл жағына Дәмештің енді қаупі жоқ. Сапасы қалай шығар екен?

— Күміспек! — Дәмеш дауысын цехтың гуілі, жоғарыда темір сымды жорғалап жүрген кранның шақыршұқыр дауысы естіртпеді. Дәмеш Күміспекке қолын бұлғады. Күміспек — тыраш, цехтың ішінде де өзін өзі таза

ұстайды, қолына күйе жүқтүрмайды, күлімдеп паңдана басып қасына келді.

— Проба алсын, бүйрық бер! — Айтуы мүң екен ол Оразға қолымен пешті нұсқады, бірін-бірі сөзсіз ыммен түсінеді.

Оразда үн жоқ, ернін жымырып, қабагын түйіп алған, пештің ортадағы әйнегінен ұзын сапты ожауды сұғып жіберіп, қайнап жатқан құрышқа тереңірек батырды да, бір ожау құрышты алып шықты. Стаканға құйды. Аппақ қаймақтай құрыш созылып, үздіксіз агады. Іле стаканнан пробаны түсіріп ап, Қуан лабораторияға әкетті.

Дәмеш енді қиналды: кім біледі, немен бітерін... Егер бұдан шыққан сутегі құрышқа қосылса, ертең «болаттай асыл» бола ала ма, жоқ шытынап, шыныдай омырыла бере ме?.. Жоқ, Дәмештің құйған болаты асыл, мықты: ертеңгі Ленин атындағы кемені, дүние жүзін шарлайтын «ТУ-104-ті» немесе, Ай мен Құнғе, Шолпан мен Темірқазықта ұшатын әуе кемесін, мүмкін осы Дәмеш құйған болаттан жасар? «Дәмеш — Ораз болаты» деген марка бүкіл дүние жүзінде бірінші орын алар?!

Дәмеш ойы шорт үзілді. Цех маңында аңдып жүр ме, біреу хабарлады ма, топырлап Серегин мен Қайыр, Әмиров пен Қасымов пеш алаңына көтерілді. «Бөгет болмайық» дегендей ептеп басып, үн-түн жоқ пешке жақындаамай, анадай үйіріліп тұрып қалды. Дәмеш байқамаған кісі бол қалтасынан орамалын алып бетін сұртті. Қасында тұрган Құміспектің құлағына сыйырлап:

— Бетім күйе емес пе? — деді.

— Дәл мұрның ұшында!

Дәмеш қайта-қайта сұртіп, қайта-қайта сұрайды. Негылған күйе кетпейтін, бояу ма? Құміспек шыдай алмай күліп жіберді. Бірінің артына бірі тығызып, моншақтай тізіліп, Қайыр бастаған топ та желіп жетті.

— Сіздерді кім шақырды?.. Атамды шығарып салғаннан бері осында жүргеннен саумысындар?

— Ау, біз сені тосып жүрміз!

Бәрі ду күлді. Қайырдың «ау!» дегені Мұсілімді еске түсірді.

— «Ау!» қайда екен осы? — деді Әмиров.

— Ойбай-ау, сен естідің бе, Дәмеш, біздің Мұсілім Сапарович емханаға түсіп қапты. Жаңа үйіне телефон соқсам апасы бишара емханаға аурып кетті дегені бар ма!

Емханаға телефон соғып едім: дәрігер «жақсы» дейді, жүргегі аздал қысылса керек-ті.

Дәмеш сынаптай толқиды, жиылған топтың әзіліне құлақ та қоймайды: Қуан не қып кешігіп жатыр, әлде?.. Темір сатымен жүгіріп келе жатқан Қуан, оның соңынан асыға басып Епифанов көтерілді. Бір тарақ қағазды Қуан Дәмешке ұстата берді. Дәмеш сұп-сұр боп, өнді қашып, қолы дірілдеп қағазды зорға ұстады, ол қағазға Қайыр да төнді. Лабораторияның не деп бергенін біletін Епифанов күлімсіrep, көзін Дәмештен алмайды. Дәмеш «үh» деп жүргегін ұстап, басын көтергенде, көзі қарсы тұрған Епифановқа түсті. Шап беріп, оның мойнынан құшып, бетінен сүйді.

— Міне, Қайыр жолдас, көріңіз, қандай құрыш құйдық алты сағатта? — Дәмеш бір жақ шеті кетік, дөңгелектеу келген алақандай құрышты Қайырга ұсынды. Ол жалпақ алақанына салып, жұрттың алдына тосты. Сал-салмақты қара кек құрыштың бір бетінде әжім секілді әшекейлі сызық, астыңғы жағы теп-тегіс күмістей жылтырайды.

— Нарыз құрыш осы! — деді инженерлер бір ауыздан.

— Бұл құрышты мен жалғыз құйғам жоқ, ағайындар!

— Ия, тағы кім ортақ? — деді Серегин күлімсіrep.

— Ораз!.. Ораздың бригадасы.

— Жоқ, жоқ, мені қайтесің Дәмеш кірістіріп, — деді Ораз ұялып.

— Әділдік керек! — деді Гена.

— Генаның сөзі, жүректің әмірі. Оны айтпай болмайды... Соңғы кезде Ораз екеуміз бірлесіп кеттік!

— Ия, мына қызықты қара! — деді таңданған Қайыр. — Директор білмейді, ә?

— Директор түгіл, цех бастығы да білген жоқ... Ораз өз бетімен құрыш құюдың әдісін іздел, біз бір-екі рет онысын пеш аузында байқап көргеміз де! — Дәмеш күлімсіrep Оразға қарады — «енді айтуга боладығой?» дегендей.

— Өздерің бұлдіріп жүрміз десеңші! — деді Илья Савельич.

— Бұлдірғеміз жоқ, Илья Савельич!.. Мұның тапқан әдісі құрыш қорытудың операцияларының арасын жеделдетіп, уақыт ұту...

— Сонымен... бу аралас ауа пешті тез қыздырды да. Ораздың әдісі — құрыштың тезірек балқуына себебін тигізді. Осы!

— Ораздың бұл — бірталайдан бергі арманы еді, жолдастар! — деді Гена.

Бәрі шулап, кезекпен Ораздың, бригада мүшелерінің қолын қысты.

Елегізген Дәмеш Қайырдан көзін алмай, күлімсіреп тұрды да, шешіле сөйлеп кетті:

— Қайыр Рахимович, осы тартыстың үстінде мен бір түйін жасадым!.. Өмірге уақыт сыншы. Адамды бір жағынан өлімге жақындарса, екінші жағынан өмірін таразыға салатын да уақыт па деп қалдым. Біздің арамыздагы таласты шешкен де уақыт бол отыр, оған көздерінің жетті!..

— Сондықтан? — деді Қайыр Дәмеш тыныс алған шақта.

— Сондықтан... уақытты босқа жібермей, пайдалана білейік. Уақыт үтайық! — Дәмеш күлімсіреп: «дұрыс па?» дегендей Серегинге қарады.

Қайыр тағы да киіп:

— Сеніңше: өмір сұруға асыру керек пе? — деді.

— Жайбарақат жүрген де өледі, асыққан да өледі. Сондықтан өмір сұру үшін асығайық. Бірақ, жемісті өмір сұру үшін асығайық! «Уақыт — алтын» деп бұрынғылар тегін айтпаған...

Қайыр Дәмештің мөлдіреген қара көзіне сүйсіне қарап тұрып қалды.

* * *

...Тұн. Ай сүттей жарық. Ашық аспанға сепкен күміс жұлдыздардың бірі сөніп, бірі гауһар тастай тұтанады. Темірлі таудан ескен самал көйлектің жаға-женінен кіріп, денені аралап, сұық жыландай мойныңа оралады. Самарқанд көлі түп-тұнық, беті жыбырладап, кешке қарай тыныс тапқандай.

Дәмеш пен Қайыр Темірлі таудың арғы жақ етегінде, көл жиегінде тұр.

— Дәмешжан, радио әкелген бүгінгі хабарды естідің бе?.. Екінші космос ракетасы бүгін, бір жарым сөткеде айдың дәл үстіне барып түсіпті! — Қайыр көзін бұл астынан жылжып шығып келе жатқан айдан алмайды.

Кеше ғана ғашықтардың сырласы, мұңdasы, сиқырлы ай, бүгін Қайырға ескі танысы секілді. Жап-жақын, қолын соңса жететіндей.

Қайыр ойын жалғағандай, Дәмеш:

— Әне бір ай бетіндегі қарайған, ракета апарып тастаған біздің вымпел емес пе екен? — деді әзілдеп.

— Көзің жіті-ау, Дәмеш, көріп-ақ қалғаның!

— Көрмей, мүмкін, менің құйған құрышымнан жасалған шығар, ол вымпел?

Қайыр жымиды.

— Темірдің көкесі айда болса керек-ті. Шіркін, керемет құрыш құюға болар еді-ау! — Қайыр балаша өз сөзіне өзі мәз, құледі.

— Америкада сол айдың жерін осы күннен-ақ бөлісіп, сатып жатқан көрінеді... Темір барын сенен бұрын білгені ме, Қайыр?

— Но-но.. Біздің вымпел жатқасын, ай да біздікі! Оларға бір қарыс жер тимейді!..

— Я, тарих деген осы!.. Қайрош, айға завод салса, директор боп бараз ма едің? — Дәмештің дауысы сиқырлы да назды.

— Сен барсаң, ай түгіл күнге де барам.

— Жаңып кестерсің...

— Сен үшін жансам, арманым жоқ!

Екеуі тауды басына көтеріп, сақылдап шаттана құледі... Құлкі басылды. Жел де тынды. Айнала тым-тырыс. Тек екеуінің соққан жүректерінің дүрсілі ғана естілгендей. Жаңа ғана өздері келген қалаға таңдана қарайды. Өн бойына моншақтап, электр шамын таққан қала, шулап ән сап жатыр.

— Дәмешжан! — деді Қайыр Дәмештің мөлдіреген қара көзіне төніп. Дәмеште үн жоқ, ол көзін қаладан алмайды. — Дәмешжан, міне бес жыл болды, сені күткелі...

Сол бір сәт әлгінде батқан күн бұлардың жүзін көрмекке қайта шыққандай қаланы алтын арайға бөледі. Су бетіне қызыл бояу төккендей, көл қызарып Дәмештің жүзімен шағылысты.

Мартен құрыш ағызды!

Әне, аспан тіреген завод мұржасынан алтын үшқын жаңбырдай себелеп құяды!.. Қандай ғажайып, керемет сурет!

Қайырмен екеуінің махаббаты бес жыл бойы құрыштай қорытылды. Ендігі күн қуаныш жүрекке сыймай дәл осы құрыш сәулесіндей төгілуі керек.

— Дәмешжан, неге үнделмейсің?

Дәмеш кенет Қайырға бұрылды. Ұзын, нәзік саусағымен кере қарыс маңдайына түскен бір түп шашын кейін қайырып, оның қоңыр көзіне үцілді. Іштен әндептіп, Қайыр сөзіне жауап қайырды:

Сенен артық жар табылмас,
Табылса да артылмас!..

Осы бір сөзін дауыстап айтуға тілі икемделмеді, Қайырдың көзінен оның аузымен айтылмаған жалыныш сөзін, құмартқан сырын ұқты да, бас сап мойнын құшып, шын сүйгісі де келді. Бірақ, дәті шыдамады, тау шыңына жоғары өрмелеп кете барды.

1958—1960 ж.

МАЗМУНЫ

Бірінші бөлім	5
Екінші бөлім	74
Үшінші бөлім	188
Төртінші бөлім	255

Шашкин Зейін.
Таңдамалы шығармалар. 6 томдық Т. 3 — Алматы, «Жазушы»,
1974.
Т. З. Теміртау. Роман.
332 бет.

Зейн Шашкин

Избранное в шести томах

Том III

Теміртау

(Роман)

(На казахском языке)

Редактор К. Узакбаева Художник В. Григорьев. Худ. редактор
Б. Табылдин. Тех. редактор К. Зауренбайулы. Корректор Н. И з-
майлова.

Сдано в набор 15/X-73 г. Изд. № 368. Подписано к печати 14/VI-74 г. Бумага
тип. № 1. 84×108_{1/32}=10,375 п. л.=17,43 усл. п. л. (Уч.-изд. 18,41 л.). Тираж
12 000 экз. Цена 79 коп.

Издательство «Жазушы», г. Алма-Ата, 480091. пр. Коммунистический, 105.

Заказ № 130. Полиграфкомбинат Главполиграфпрома Госкомитета Совета Министров КазССР по делам издательств, полиграфии и книжной торговли,
г. Алма-Ата, ул. Пастера, 39.

